



Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.2.47





Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.2.47









Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.2.47






Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.2.47





Early European Books, Copyright © 2010 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.2.2.47

Ms. 2/2.




*Ex Libris Joannis Nencini*  
1874




LA BIBLIOTECA NAZIONALE CENTRALE DI FIRENZE  
DINI  
II  
2  
47  
A NEN
























# EPISTOLARVM

PAVLI MANVTII

LIBRI IIII.

Eiusdem quæ præfationes  
appellantur.



• VENETIIS, M. D. LX.




EPISTOLARVM

PAVL MANVTII

LIBRI III

Epistolae quae praefationes  
appellatur



DVS

VI

VENETIIS M.D.LX.

AD

MAS

Ex iis

les appe

mis, lit

litaris p

minium

nero ex

expeter

est a ma

adhuc p

ratio . r

quibus l

compar

ter satis

illa, qua

tuntur,

animi p

ta magn

occurra

tas absi



MVM  
AD ILL. ALBERICVM  
CIBO, MALASPINAM,  
MASSAE ET CARRARIAE  
PRINCIPEM.

EX IIS artibus, quæ merito liberales appellantur, excellere duas in primis, litterarum scientiam, & rei militaris præstantiam, in omni ætate omnium consensu iudicatum est: utra uero ex his ipsis illustrior, utra magis expetenda sit, & quæsitum aliquando est à magnis uiris, & minime tamen adhuc plane uidetur explicata deliberatio. nam, ut ocium, & pax, sine quibus litteræ non consistunt, armis comparentur: tamen nec ipsa feliciter satis arma tractantur, nisi adsint illa, quæ magna ex parte à litteris petuntur, consilium, ordo, prudentia, animi præterea ita ratione temperata magnitudo, ut, sicubi periculum occurrat, metus pariter ac temeritas absint. itaque constat, quæ na-

A 2 tiones



tiones bellica gloria claruerunt , in  
iisdem uiguisse studia doctrinæ , ut in  
Græcia , quæ Persarum innumerabi-  
les exercitus non modo sustinuit , ue-  
rum etiam fregit , atque profligauit ;  
ipsa uero nunquam uinci , nisi à se ip-  
sa , potuit . domesticis enim & diuisa  
discordiis , & infirmata bellis , non  
tam Philippi , Macedonum Regis , uir-  
tute , quàm propriis perculsa uiri-  
bus , afflictaq; corruit . Romana ue-  
ro gente quæ fuit ulla unquam gens  
aut belli gerendi scientia , ac fortitu-  
dine præstantior , aut iis præcipue lit-  
teris , quæ rudes animos humanita-  
te informant , exulta diligentius ?  
hinc illa manus ducum excellentium ,  
quæ Romani terminos imperii quam  
longissime protulit , Catones , Aemi-  
liani , Syllæ , Luculli , Cæsares , quos  
historiæ mirabiliter laudant , nec ta-  
men ita , ut eorum merita laudes ul-  
læ satis adæquare uideantur . Age , Ma-  
cedonum tot uictoriæ , tot militaria  
decora unde fluxerint , si quis inter-  
roget ; quid respondebimus ? hoc pri-  
mum ,



erunt, in  
ina, ut in  
numerabi-  
stinuit, ue-  
ro fligauit;  
nisi à se ip-  
im & diuisa  
bellis, non  
m Regis, uir  
erculsa uiri-  
Romana ue-  
anquam gens  
a, ac fortitu-  
præcipue lit-  
os humanita-  
diligentius?  
xcellentium,  
mperii quam  
rones, Aemi-  
efares, quos  
ant, nec ta-  
a laudes ul-  
ur. Age, Ma-  
ot militaria  
quis inter-  
us? hoc pri-  
mum,

num, ut opinor, ab Alexandro du-  
ce: is enim Asiam perdomuit uniuer-  
sam, & ad intimos etiam Oceani re-  
cessus penetrasse fertur: deinde illud,  
à phalange, quæ fuit acies in exerci-  
tu firmissima. quod utrunque si spe-  
ctetur, ac perpendatur accurate; nō  
exiguam fortasse bellicæ laudis par-  
tem litteræ sibi uindicant. nam Ale-  
xandrum à primis annis disciplina e-  
rudiit Aristotelis, & ad eam tum ani-  
mi, tum ingenii præstantiam, qua po-  
stea res illas, omnium opinione ma-  
iores, & aggressus est, & confecit,  
præceptis philosophiæ pulcherrimis  
extulit. Phalangem uero, eiusq; ar-  
tem struendæ ab uno primum Home-  
ri poetæ uersu manasse, doctissimi ho-  
mines memoriæ prodiderunt. Ergo  
uicissim & à litteris adiuuantur ar-  
ma, & ab armis litteræ sustinentur.  
quod si, ubi quæsitum armis impe-  
rium est, ibi artes illæ uigerent, quæ  
litterarum usu cognoscuntur: con-  
seruarentur facile studia ciuium, ac  
populorum: & in communi omnium



concordia, nullus unquam externis  
uiribus ad labefactandam publicam  
rem locus esse posset. quod contra &  
in Græcia, & apud Romanos, & ubi-  
uis gentium accidisse, atque accide-  
re quotidie, uidemus. Neque solum  
in una ciuitate, aut in una etiam gen-  
te multos, sed uix in singulis familiis  
singulos, qui utranque laudem ada-  
mauerint, & in utraque pariter ex-  
celluerint, reperire difficillimum est.  
unum quidem non modo nostra tem-  
pestate, sed multorum sæculorum me-  
moriam, historiæ celebrant, quem ue-  
re phœnicem inter omnes Europæ u-  
niuersæ Principes licet appellare, Lau-  
rentium Medicen, atauum tuum: cu-  
ius, nescio, plus ne uirtus in bellis, an  
in pace sapientia, ac moderatio eni-  
tuerit. nam rem Florentinam, sæpe  
aduersa fortuna nutantem, confirma-  
uit, interdum malis prope extinctam  
unus ipse non modo restituit, uerum  
etiam uehementer auxit. tranquil-  
lis uero rebus, ornauit patriam, ac  
muniuit legibus optimis, atque in-  
stitutis:

fitu  
temp  
luit:  
lectat  
region  
gentes  
ciliani  
tute,  
bem E  
lia uel  
uulgari  
feram  
manor  
atque e  
nignita  
dio fou  
laudem  
Græcas  
narum  
citauit  
luit, er  
norum  
impulsi  
re prop  
me uide  
domest



stitutis: iustitiam præter ceteros, ac  
temperantiam publice, priuatimq; co-  
luit: liberalitate, si quis unquam, de-  
lectatus est: cuius fama longinquas  
regiones peruagata, barbaras etiam  
gentes, ac religione diuersas, illi con-  
ciliauit, multosq; , aliqua modo uir-  
tute, nobili ue arte insignes, in ur-  
bem Florentiam perduxit. et, ut a-  
lia uel in patriam, uel in singulos non  
uulgaria merita omittantur, quis mi-  
seram Græciam, suis sedibus Otho-  
manorum iniuria pulsam, supplicem,  
atque egentem hospitio excepit, be-  
nignitate subleuauit, perpetuo stu-  
dio fouit, ac tutatus est? unus eam  
laudem sibi uindicat, unus in Italia  
Græcas litteras, & præclara doctri-  
narum studia Laurentius Medices ex-  
citauit: cum & ipse pro ea, qua excel-  
luit, eruditione acerrimus esset inge-  
niorum æstimator, & naturæ quodam  
impulsu ad beneficentiam magnope-  
re propenderet: ut mirandum mini-  
me uideatur, si tanto patre genitus,  
domestico tam illustri exemplo com-

A 4 motus,



motus, Leo X, Pontifex maximus,  
omnes liberales disciplinas præmiis  
extulit atque ornauit amplissimis, ef-  
fecitq; ut aliquando Romam in urbe  
Roma liceret agnoscere. In tua ue-  
ro paterna gente Cibo, & in mater-  
na Malaspina, mirabilis omnium uir-  
tutum in omni ætate fuit exercita-  
tio. et, ne illa nimis uetera ex annali-  
bus fide dignis repetamus, iam inde  
ab eo tempore, cum, Græcorum Im-  
peratorum ætate, oppidum Pera,  
quod proxime Byzantium situm est,  
Genuenses obtinebant; quo tempo-  
re summis honoribus, & copiis ma-  
iores tuos floruisse constat: aut, cum  
Mucius ille Cibo, plane alter Mucius  
in tuenda patriæ salute, triremibus  
priuato sumptu comparatis, atque  
instructis Pisanos, Genuensium re-  
bus acriter infensos, in Sardinia pro-  
fligauit: sexcenta præterea in Genu-  
ensium remp. merita, in qua etiam  
Gulielmus Cibo cruce rubea, publi-  
co insigni, uirtutis ergo decoratus  
est: hæc ut omittam; & illa, quæ auo-  
rum

rum  
attin  
riis no  
natus,  
gnis, a  
nobilit  
laudib  
inuita  
non in  
aut cog  
pestate  
so Neap  
tulit, in  
mo duc  
tisime  
tus, Ne  
ge, iure  
fima', c  
ita se ge  
est com  
rursus  
Renati  
honori  
quemq;  
dem ap  
serat, c  
intra



rum nostrorum memoria gesta sunt,  
attingam ; Aranus, Aaron in histo-  
riis nominatus, equestri dignitate or-  
natus, Romani Senatoris titulo insi-  
gnis, antiqua ille quidem suæ gentis  
nobilitate clarus, multo tamen suis  
laudibus illustrior, qui nihil unquam  
in uita non egregium, non amplum,  
non ingenuo nobiliq; uiro dignum  
aut cogitauit, aut fecit, is, qua tem-  
pestate Renatus Andegauensis Alfón-  
so Neapolitanorum Regi bellum in-  
tulit, in eo bello, quæcunque à sum-  
mo duce munera postulantur, ea for-  
tissime præstitit, usque eò, ut Ren-  
atus, Neapolipotitus, eum pro Re-  
ge, iure summo, ac potestate amplif-  
sima, constituerit. quo in imperio  
ita se gessit abstinenter, ita iustitiam  
est complexus, ut, cum ad Alfonsum  
rursus uictoria inclinasset, afflictis  
Renati partibus, exceptus ab illo sit  
honorifice in primis, ac splendide:  
quemq; apud Renatum antea, eun-  
dem apud eum, quem sæpe armis læ-  
serat, sæpe in discrimen uitæ adduxe-  
rat,



rat, & dignitatis, & gratiæ locum ob-  
tinuerit . Ex hac tantarum uirtutum  
præstantia filius eius , ad optimam na-  
turam optima uoluntate adiuncta,  
documenta sumpsit ad uitam laudabi-  
liter instituendam, & iis artibus ex-  
colendam, quibus postea maximam  
adeptus & uirtutis, & probitatis opi-  
nionem, Pontifex, approbante Deo,  
fauentibus, atque incumbentibus ho-  
minibus, creatus est . nec se postea,  
ut multi, sui dis similem præbuit ; sed,  
quantum antea contenderat , ut in  
studio uirtutis omnes anteiret, tan-  
tum, ut se ipse in omni laude uince-  
ret, & studuit, & consecutus est . ita-  
que, quemadmodum ei non modo  
ad obtinendam Cardinalis dignita-  
tem, uerum etiam ad Pontificatum  
antiqua maiorum existimatio, & cla-  
rissima patris memoria quasi uiam ex  
aliqua parte muniit, aditumq; patefe-  
cit : sic patris deinde tui fratrem, mul-  
tis illum quidem animi bonis orna-  
tum, multo tamen facilius ad Cardi-  
nalatum egregia Pontificatus Inno-  
centii

centii  
gente  
ac diu  
digni  
gloriæ  
rum fer  
ad te ip  
tas. Ne  
genus p  
tem dis  
que lice  
rieris.  
simul &  
etissimi  
stimonie  
eo, quod  
die Lune  
cupatur  
paruisse  
quod, c  
tis quine  
tamen N  
proximi  
lis natur  
des, a qu  
Alberico



centii fama perduxit . Hæc est in tua  
gente , magne Princeps , non opum ,  
ac diuitiarum , quibus etiam minime  
digni sæpe affluunt , sed uirtutis , &  
gloriæ , perpetua multorum sæculo-  
rum serie quasi per manus tradita , &  
ad te ipsum usque conseruata heredi-  
tas . Nec uero paternum tibi quidem  
genus prædicandum , maternum au-  
tem dissimulandum uidetur . utro-  
que licet , si uetera spectes , æque glo-  
rieris . nam Malaspinarum nobilitas  
simul & antiquitas Etrusci poetæ do-  
ctissimi , ac sapientissimi Dantis te-  
stimonio cognoscitur : nobilitas in  
eo , quòd illam Italiæ partem , quæ ho-  
die Luneiana cõmuni uocabulo nun-  
cupatur , Malaspinis olim uniuersam  
paruisse tradit : antiquitas autem ,  
quòd , cum ipse annis ante nos ducen-  
tis quinquaginta floruerit , Corradū  
tamen Malaspinam , non ut ætati suæ  
proximum , sed ut multis ante sæcu-  
lis natum , honorifice appellat . Vi-  
des , à quibus uiris originem ducas ,  
Alberice illustrissime . neque uero ui-  
des



des tu quidem , sed non imitaris , aut  
imitaris quidem , sed non assequeris .  
uersantur enim in animo tuo cogita-  
tiones egregiæ . inde emergunt præ-  
clara facta , tuis maioribus , teq; ipso  
digna . et quanquam tibi maxime pro-  
positum est militare decus , unde pri-  
mum tuæ gentis nobilitas fluxit : ma-  
gni tamen facis earum doctrinarum  
studia , quæ si absint ab hominum ui-  
ta , simul absit omnis humanitas , ne-  
que satis diu , quæ merces uirtutis est ,  
recte factorum memoria conserue-  
tur . faues ingeniis , ut audio : nihil  
deesse litteratis hominibus , nullum  
commodum , nullum ornamentum ,  
pateris : cupis uirorum illustrium res  
gestas æternis mandari monimentis  
litterarum . et uidi iam de Laurentii  
Medices uita libros tres , à Michaele  
Bruto luculenter conscriptos : qui  
cum superioribus diebus Venetias  
uenisset , mira quædam de animi , in-  
genii , consilii tui præstantia , de stu-  
dio erga nobiles disciplinas , præte-  
rea de humanitate , ac morum ele-  
gantia

gantia pr  
so bona fi  
tium iudi  
tur extrin  
genti , atq  
dere , imp  
re munitis  
bus , omni  
summos et  
attingere ;  
nec tibi co  
modi tamen  
rareferant  
disimillim  
tem sic inst  
omnes acti  
tutem in se  
gere , ac or  
eminere be  
potestate :  
partim ade  
re diuitem  
pares , uer  
tem a re ip  
Atque etia  
na pender



gantia prædicabat, quæ cum in te ipso bona sint, longe pluris intelligentium iudicio, quam ea, quæ petuntur extrinsecus, æstimantur. nam argenti, atque auri magnam uim possidere, imperare populis, oppida tenere munitissima, clarum esse à maioribus, omnes pene Italiæ Principes, summos etiam Reges necessitudine attingere; magna quidem hæc sunt, nec tibi communia cum multis, eiusmodi tamen, ut inter fortunæ munera referantur; quæ scis etiam ad tui dissimillimos peruenire: uitam autem sic instituere, ut omnia consilia, omnes actiones ratio moderetur; uirtutem in se ipso expetere, in aliis diligere, ac ornare; uelle inter homines eminere beneficentia potius, quam potestate: hæc quia partim sequeris, partim adeptus iam es, iccirco te uere diuitem, qui æterna bona tibi cōpares, uere nobilem, qui nobilitatem à te ipso haurias, existimamus. Atque etiam illa ipsa, quæ dixi à fortuna pendere, quia cum uirtute coniungis,



iungis , firmiora fiunt : quandoquidem neque tuas urbes , tuamq; ditio-  
nem mœnia potius , & aggeres , & flu-  
mina , quàm populorum beneuolen-  
tia tuebitur ; neque facilius ulla re ,  
quàm recte factis , beneuolentia com-  
paratur . quæ sit autem eorum , qui  
prope adsunt , qui te quotidie intuen-  
tur , ad te diligendū propensio ; nos ,  
qui longinqui sumus , ex nostro in te  
singulari studio facile iudicamus . nā  
me quidem , iam aliquot abhinc an-  
nis , ea , quæ de te adolescentulo , re-  
rum laudabilium infinita cupiditas ,  
& magnarum indoles uirtutum , fe-  
rebatur , in tui amorem atque obser-  
uantiam cœpit allicere : postea , tuis  
laudibus cum ætate auctis , incensus  
ita sum , ut statuerim , tibi quidem  
primum , deinde etiam aliis , aut me-  
um in te celebrando ingenium , aut  
certe uoluntatem aliquando osten-  
dere . Quare cum hæc iam increbue-  
rit consuetudo , ut , de quibus opti-  
me sentimus , iis dicata esse , & eo-  
rum nomine insigniri nostra scripta  
cu-

cupiamu  
dum aliq  
tius ador  
rum , & p  
ego nequ  
daxilem ,  
suadentis  
uisset auct  
nia debere  
societatem  
ti factus ho  
ab excellen  
summis ing  
stria potest  
à me negari  
obsequar a  
dam sapien  
micissimis  
inscriptus  
periora : qu  
doquidem  
tuam ficta l  
ut omnibu  
sam uerissi  
morata ) c  
stia tua , &



cupiamus : mittendum putavi ad te ,  
dum aliquid interim fortasse præstan-  
tius adornatur , uolumen epistola-  
rum , & præfationum mearum . quas  
ego nequaquam edere animum in-  
duxissem , nisi me Academia Venetæ  
suadentis , atque etiam petentis , mo-  
uisset auctoritas . quibus enim om-  
nia debere mihi uideor , uocatus in  
societatem exercendæ uirtutis , tan-  
ti factus honoris particeps , quantus  
ab excellenti multorum doctrina , à  
summis ingeniis , à quotidiana indu-  
stria potest emanare ; iis cur aliquid  
à me negari æquum putem ? cur non  
obsequar amplissimis uiris , non cre-  
dam sapientissimis , non gratificer a-  
micissimis ? Tuo uero nomini liber  
inscriptus ut exiret , fecerunt illa su-  
periora : quæ ne te offendant , ( quan-  
doquidem sunt à me , non ut gratiam  
tuam ficta laudatione colligerem , sed  
ut omnibus mei erga te studii caus-  
sam uerissimam exponerem , comme-  
morata ) cupio impetrare à mode-  
stia tua , & debeo scilicet , cum etiam  
in



in iis non tam ad laudandum, quàm  
ad cohortandum non nulla pertine-  
ant: & currentibus ad metam, at-  
que etiam appropinquantibus, mi-  
nime molestas esse cohortantium  
uoces, minime plausum displicere  
constat.

E P

P

RAI

CA

QVIA nūc  
nobilitati  
uite iam  
incensum;  
Pauli I I  
quidem uir  
ses: & m  
meum exitu  
gratulor,  
illustra fu  
lo I I I.  
tua futura  
ingenio tu  
dinalis es,  
isto honore  
quam num  
atque ita e  
est, honor  
formitas  
sunt prae



<sup>I</sup>  
EPISTOLARVM  
PAVLI MANVTII  
LIBER PRIMVS.

RAINVTIO FARNESIO,  
CARDINALI CREATO,  
Romam.

QVIA uirtus est ipsa per se amabilis; & quia  
nobilitati honor et obseruantia debetur; ama-  
ui te iam inde à tua pueritia, studio uirtutis  
incensum; & colui clarissimo genere ortum,  
Pauli III. Pontificis nepotem. iam tum e-  
quidem uidi, prædixiq; multis, qui futurus es  
ses: & nunc, opinionem auguriumq; de te  
meum exitu comprobante, utrique nostrum  
gratulor, tibi, cui tribuuntur ea, quæ semper  
illustria fuerunt, nunc eo magis, quòd à Pau-  
lo III. Pontifice tribuuntur; mihi, qui de  
tua futura dignitate, fretus indole, moribus,  
ingenio tuo, adolescens uere coniecerim. Car-  
dinalis es. optabile, & honorificum: sed est in  
isto honore pondus, & labor. cadunt in eam,  
quam nunc sustines, personam uirtutes omnes,  
atque ita cadunt, ut, si absint, is, qui honor  
est, honor esse desinat, uel sit etiam summa de-  
formitas. Curæ autem, & cogitationes illæ  
sunt præclaræ, illæ, Rainuti, te dignæ, æter-  
naq;

B



PAULI MANVTII

naq; cum gloria coniuncta: pietatem præci-  
pue colere; excubare animo pro salute, ac di-  
gnitate Ecclesiæ; beneficentiam sine spe præ-  
miorum exercere; nihil omnino facere, nihil co-  
gitare, in quo statim decus non eluceat: nam,  
ubi paulo uidetur obscurius, ibi satis constat  
turpitudinem inesse. quæ profecto tibi in men-  
tem uenire, atque ob oculos assidue uersari,  
cum in aui tui summam gloriam intueris, ne-  
cesse est. et omnino datum hoc uestro generi di-  
uinitus uidetur, uobis nascentibus heroum nu-  
merus ut augeatur, & quasi maius lumen de  
sublimi quadam specula errantibus honestis di-  
sciplinis uiam, & hospitium ostendat. ergo al-  
ter alteri exemplo estis ad bene agendum: uo-  
biscum simul & oriuntur uirtutes, & cum æ-  
tate crescunt; donec uitæ munere perfunctos  
educant ex hac rerum humanarum teterrima  
caligine, & in illa sempiterna luce collocatos  
cum illo bonis omnibus circumfluente cælesti-  
um animorum cætu coniungant. Aut igitur  
mihi nullus tui cohortandi relictus est locus,  
aut hic tantum, ut uelis esse tui quamsimilli-  
mus; quodq; tuo generi, tuo nomini, tibi met  
ipsi, tuisq; debes institutis, id cumulate per-  
soluendum existimes. Vnum exoptandum, ut  
qui tibi istam mentem cum ista auctoritate de-  
dit, (dedit autem omnium auctor laudanda-  
rum

rum reru  
triusque  
& aquar  
in te sum  
tores, tan  
na religio  
illa exorir  
biles proce  
nis Petri m  
stere patiu  
ri de te id  
optimis an  
sis, & orn  
uel temper  
Vale. V

ALFO  
ca

SOLENT  
tiora. nifi  
accepimus  
apud eos, q  
claros impe  
letitia mai  
tat, quin e  
se nunc orn



rum rerum, & creator Deus) idem uelit utriusque rei fructum esse maxime diuturnum, & æquare tuæ uitæ spatium cum ijs bonis, quæ in te summa contulit. profecto, tales gubernatores, tam peritos, tam uigilantes, Christiana religio si nunquam non haberet; nunquam illæ exorirentur dissidentium opinionum horribiles procellæ; quæ iactare multis abhinc annis Petri nauem cœperunt, neque dum consistere patiuntur. quo quidem mihi libet ominari de te idem plane, quod cupio; futurum, ut optimis artibus, quàm diu uixeris, præsidio sis, & ornamento; uiuas autem, quàm diu uel temperantia duce, uel naturæ lege licet. Vale. Venetijs.

ALFONSO CARAFÆ,  
CARDINALI CREATO,  
Romam.

SOLENT esse, quæ minus expectantur, letiora. nihil tamen isto, quo te auctum nuper accepimus, honore neque magis expectatum apud eos, qui tua studia, tuos ad uirtutem præclaros impetus nouerant, neque incundius, aut lætitiæ maioris unquam fuit. nemo enim dubitat, quin eam ornaturus aliquando sis, qua ipse nunc ornatus es, dignitatem, eximia tua glo-

B 2 ria



## PAULI MANVTII

ria bono publico coniuncta. quò te hortari res ipsa non patitur. nam si attendes diligenter, & considerare cum animo tuo, adhibita in consilium ratione, uolueris, primum illud, quis te Cardinalem creauit; deinde, quæ Cardinalis partes, quàm graues, & laboriosæ, quàm eadem honorificæ, ac splendidæ sint; postremo, quibus temporibus hæc tibi sit imposita persona, quàm alienis à uirtute, quàm turpi omnibus in locis omnium pene scelerum labe fædatis: profecto ipse te, nullo cuiusquam hortatu, à te ipso de tua laude monitus, excita- bis ad excellentem omnium artium honestarum cupiditatem: quæq; his artibus aduersantur, abijcies, atque contemnes, neque solum eo uiro, quem in posterum præstare debes, qualemq; te fore omnes auguramur, uerum indigna prorsus homine iudicabis. Vixisti semper antea laudabiliter: fuit in puero pudor: est in adolescente probitas, est perfecta pene ratio, & expetendarum uitandarumq; rerum scientia. desiderari uidebatur, in qua te ostenderes, occasio. delata diuinitus est omnium maxima, singulari consilio summi Pótificis Pauli IIII. qui cum sit patruus parentis tui; cum te ab ineunte ætate non mediocriter dilexerit; cum omnes suos incredibili quadam complecti caritate consueuerit: tamen in te honestando alia quædam

dam se-  
tati, aut  
men sua  
se dant, si  
bes Alfon-  
ta uigilijs  
ta, excurr-  
bas, quò t  
tuis optimi  
ma pronun-  
uoluntatis  
tia; & p  
qua, ut an-  
sticam præ-  
tia collegisti  
bene sentiat  
est in nobis  
trinsecus a  
minus uolun-  
ipsa uirtus  
studiosos om-  
nec dubito,  
difficultate  
gratulor eq-  
te extulit P-  
noris altissi-  
to magis p-  
simul cum



dam secutus est : dedit honorem non propinqui-  
tati , aut familiae , sed tibi ipsi , qui familiae no-  
men studes illustrare , & , quo modo principia  
se dant , studium comprobabit euentus . En ha-  
bes *Alfonse* campum , in quo tua uirtus , par-  
ta uigilijs , bene agendi consuetudine confirma-  
ta , excurrat . hæc est illa , ad quam te exerce-  
bas , quò tuæ spectabant curæ , tuo ingenio ,  
tuis optimis cogitationibus , ac studijs dignissi-  
ma prouincia . ostende , quæ tuæ sit non modo  
uoluntatis , uerum etiam industriae præstan-  
tia ; & prome ex animo tuo illa præclara ,  
quæ , ut antiquum gentis tuæ decus , ac dome-  
sticam præsentem uirtutem referres , à pueri-  
tia collegisti . non est , mihi crede , labor ei , qui  
bene sentiat , bene facere . quod enim positum  
est in nobis ipsis , non aliunde pendet , non ex-  
trinsecus assumitur ; in eo , quid obstat , quo  
minus uoluntatem res ipsa consequatur ? Iam ,  
ipsa uirtus inuitat , ipsa allicit , atque afficit sui  
studiosos omni uoluptate , omnibusq; præmijs .  
nec dubito , quin excellens animi tui uis omnes  
difficultates , omnia superet humana . Quare  
gratulor equidem tibi tua caussa , de isto , quò  
te extulit *Pauli Pontificis* diuina sapientia , ho-  
noris altissimo gradu : sed me mouet aliquan-  
to magis publica res : quam tu , traditam tibi  
simul cum ista dignitate , atque commendatâ ,  
B 3      sæpe ,



PAULI MANVTII

*sæpe , ac nunc quidem maxime , talium uiro-  
rum ope indigentem , tueberis in omni tua ui-  
ta ; præsidiumq; erit in te situm aduersus iniu-  
stitiam impietatemq; firmissimum . quæ si tibi  
magna uidentur , atque gloriosa ; debes ani-  
mum sic instituere , ac moderari , nihil ut ad te  
ipsum referas , nihil ipse tibi arroges , aut à te  
ipso expectes . manasse à Deo cuncta puta ;  
qui perennis æternusq; bonorum omnium est  
fons . nos enim , ut nos , nihil sumus ; aliquid  
autem , atque adeo plurimum , ut à Deo , &  
per Deum , esse possimus . Vale .*

STEPHANO SAVLIO,  
Decentianum .

*MAGNUM est hoc , Sauli clarissime , huma-  
nitatis , & amoris in me tui argumentum ,  
quòd , cum in istis locis nunc sis , ubi multam  
diei partem cum singulari uiro , Cardinali Po-  
lo , grauissimis , sanctissimisq; sermonibus tra-  
ducas ; non modo tamen de me cogites , quo ego  
uno contentus esse poteram , uerum etiam id ip-  
sum mihi declarandum litteris existimes . at  
quibus litteris ? scriptis mehercule , quod ad  
uerba attinet , elegantissime ; quod ad senten-  
tias , prudentissime : ut ijs legendis non magis  
amarem amorem tuum , qui te ad scribendum  
impule-*

*impuler  
qua effe  
ornation  
tur . Qu  
mortales  
uero etia  
bitio qua  
petuo faci  
dem inten  
phano Sau  
fris : qui  
quem pra  
conuictu n  
namicus ,  
ego , Sauli  
rem ; semp  
ui ; ut uere  
tui , speran  
debul . at t  
raliter egi  
facultate ;  
id , quod e  
se , cui non  
res est , ap  
me in litte  
spectarem  
admiraren  
te flagran*



impulerat, quàm eloquentiam suspicerem; qua effeceras, ut illa ipsa, quæ scriberes, cum ornatiora essent, amabiliora quoque uiderentur. Quare cum tibi ago gratias, ut debeo, immortales, quòd ita animatus in me sis: tum uero etiam atque etiam te rogo, in quo me ambitio quædam mouet, ut id, quod facis, perpetuo facias. quanti enim putas ad meam laudem interesse, cum hoc percrebescit, me à Stephano Saulio diligì: cuius est familia perillustis: qui suæ ipsæ familiæ clarum lumen est: quem præclari illi uiri, eius consuetudine, & conuictu magnopere delectati, coluerunt, Bonamicus, Iulius Camillus, Longolius. Hæc ego, Sauli, cum aliquot abhinc annis cogitarem; semper quidem, ut à te diligerer, optaui; ut uero etiam laudarer, optare fortasse potui, sperare, cum ipse me nosses, certe non debui. at tu in hac parte mecum sane perliberaliter egisti. scripsisti, in hac Romanæ linguæ facultate, non, mihi neminem præstare, sed id, quod ego cum legerem erubui, neminem esse, cui non ipse antecellam. equidem, ut, quod res est, aperiàm, fateor à prima pueritia ita me in litteris esse uersatum, ut unam maxime spectarem eloquentiam, unam colerem, unam admirarer. atque hoc me studio satis mea sponte flagrantem, acrius inflammabant ij, qui



PAULI MANVTII

tum homines uiuebant, Bembus, Sadoletus, Bonamicus; quorum nomina per orbem terrarum celebrari sermonibus, & scriptis, intelligebam. Polus hic noster, qui nunc in omni laude, omniq; uirtute tantus est, suis me scriptis capiebat, atque afficiebat maxime. ego tum, ut erat etas mea, præter uerborum, & non nullarum sententiarum ornamenta nihil agnoscebam. pure, & eleganter scribere, putabam esse id, quod unum si assequerer, excellerem. sed Rhambertus meus, qui ex Gasparis Contareni, præstantissimi uiri, consuetudine prudentiam hauserat, præclara quædam notabat in Polo; meq;, paulo etate inferiorem, ex uulgata uenaliū magistrorum disciplina rudem, atque impolitum, erudiebat, & conformabat exemplo. tum quidem, quantum proficerem, non me pœnitebat: & ex ijs, quæ ieceram, fundamentis aliquid eiusmodi, quale ego uellem, excitari aliquando posse uidebatur. sed in rebus humanis quis est, cui nihil unquam secus accidat? cum in eloquentiæ studio multus essem, nec satis ualetudini parcerem, incidi in morbum: qui cum esset per se grauis, tum eo factus est periculosior, quod, usu mihi librorum à medicis interdicto, magna sane est animi mei affectio atque ægritudo consecuta. post biennium denique ualetudine recuperata,

CUM

cum præ  
gentia u  
exceperu  
que sedare  
sine graui  
his quoque  
omnia deb  
diu per tem  
& quanqu  
tu, erat sa  
hi hand sat  
spe recreati  
ex animo m  
incomodo  
uigebat ite  
erat quida  
quàm ut ab  
gitationes  
uerbis, uer  
mentis & c  
nec exigui  
pus non, q  
petebat; c  
imprimend  
tuende ant  
autem, uel  
ualetudinis  
men cum u



cum præteriti temporis iacturam sarcire diligentia uellem, ad pristina studia redeuntem exceperunt domesticæ controuersiæ; quas neque sedare minimo negotio, neque negligere sine graui mearum fortunarum exitio liceret. his quoque me difficultatibus aliquando is, cui omnia debeo, eripuit Deus. lucem iam, quasi diu per tenebras errassem, uidebar aspicere: & quanquam, multorum annorum amisso fructu, erat sane cur ingemiscerem, uitamq; mihi haud satis iucundam putarem; tamen ocij spe recreatus, facile impetrabam à me ipso, ut ex animo meo superiorum molestiarum atque incommodorum memoriam obliuione delearem. uigebat item, ut antea, pristina illa cura: nec erat quidquam in meis consilijs antiquius, quàm ut abditas atque implicatas in mente cogitationes non modo aperire, atque explicare uerbis, uerum etiam exornare, quasiq; pigmentis & coloribus illustrare possem. res erat nec exigui temporis, & maximi laboris. tempus non, quantum rei magnitudo ferret, suppetebat; cum ex uetere patris instituto in hoc imprimendorum librorum munere, & restituendæ antiquitatis cura distinerer. laborem autem, uel si abundarem tempore, perspecta uoletudinis meæ ratio recusabat. utrunque tamen cum uoluntas uinceret; quotidieq; aliquot horas,



PAULI MANVTII

horas, occupationibus ereptas, stylo darem:  
 ecce me nescio quis, homo certe satis à fortuna  
 felix, præmijs commotum, & blanditis ca-  
 ptum, atque irretitum, Romam abduxit. ubi  
 cum aliquot menses non in ijs, quæ semper a-  
 maueram, litterarum studijs, sed inani offi-  
 ciorum genere consumpsissem; & is, quem se-  
 cutus eram, montes aureos pollicitus uix mini-  
 ma præstaret: collegi ipse me; neque solum stu-  
 diorum meorum, quæ intermiseram potius,  
 quàm dimiseram, uerum etiam rei familiaris;  
 cui nisi consularem, ipsa quoque iacere studia  
 necesse erat; habendam mihi esse rationem du-  
 xi. quo consilio in patriam reuersus, rettuli me  
 omnino ad ueteres meas tum legendi, tum scri-  
 bendi exercitationes: sed tum in domestica re  
 constituenda, tum in emendandis antiquorum  
 libris districtus, postea uero etiam erudienda  
 duodecim nobilium adolescentium Academia  
 per triennium occupatus, quantulam habue-  
 rim excolendæ facultatem eloquentiæ, quan-  
 tumq; in tantis temporum angustijs per eam,  
 quam ingressus eram, latine scribendi uiam  
 procedere potuerim, facile, ut opinor, est exi-  
 stimare. nosti tu, Sauli, cuius acies ingenij  
 etiam ea, quæ occultissima sunt, assequitur,  
 primum, cuius prudentiæ sit, quale illud est,  
 quod in imitatione sit optimum, dijudicare;  
 deinde,

deinde cu  
 nimis, id  
 sit diffi  
 stra optim  
 cum tamen  
 rimis sint:  
 cur tu me  
 loquentia  
 mei sane di  
 sim. nam  
 huiusce lau  
 que utman  
 dem, ut pa  
 bni, quàm  
 hoc singula  
 dem. abun  
 digerem m  
 acceffit soli  
 dinalis Ma  
 tam utman  
 quidem hoc  
 nebat unus  
 set: quis en  
 me, ubi op  
 lio moneba  
 mihi erant  
 runt. qua  
 opus uniu



deinde cuius industria, quod optimum indica-  
 uimus, id re ipsa consequi. quod utrunque cum  
 sit difficillimum; id quod, ut uides, etate no-  
 stra optimorum scriptorum penuria declarat;  
 cum tamen, qui hoc in genere elaborant, plu-  
 rimi sint: satis equidem mirari non possum,  
 cur tu me in epistola tua summum feceris in e-  
 loquentia, dederisq; id, quod ego si accipiam,  
 mei sane dissimillimus, hoc est impudens plane  
 sim. nam, ut cetera, quæ dixi esse ad studium  
 huiusce laudis necessaria, mihi non defuerint;  
 quæ utinam mediocria fuissent: temporis qui-  
 dem, ut paulo ante exposui, multo minus ha-  
 bui, quàm rei magnitudo postulabat. fatum in  
 hoc singulare meum est, ut ocio nunquam abun-  
 dem. abundem autem? utinam non semper in-  
 digerem maxime. nunc ad occupationē etiam  
 accessit sollicitudo: quā mihi ex immaturo Car-  
 dinalis Maffei, diuini hominis, interitu exor-  
 tam utinam aliquando dies extinguat: ratio  
 quidem hoc nondum potuit. ille mea studia fo-  
 uebat unus: ille mihi ocij spem dederat: et fecis-  
 set: quis enim ad benignitatē propensior? ille  
 me, ubi opus esset, auctoritate ornabat, consi-  
 lio monebat, re sustentabat. quid plura? in illo  
 mihi erant omnia, & cū illo mihi omnia perie-  
 runt. quare non tam mihi cogitandum est, ut  
 opus uniuersum de Romanis antiquitatibus,  
 quod



PAULI MANVTII

quod tu dilaudas, illo auctore institutum, pos-  
sim absoluere, quàm ut partem aliquam, iam  
confectam, liceat perpolire. quod ipsum, si mi-  
hi nunc per meas occupationes liceret, hic ta-  
men, qui me uexat, dolor certe non concede-  
ret. ac mehercule hæc ipsa, quæ tu nunc legis,  
irrigauit lacrymis, cum scriberem: nec putau-  
fore, cum tot curis distinerer, ut possem scribe-  
re: sed magna uis amoris est, magna obser-  
uantia erga te mea. ea fecit, ut hoc officium  
rebus omnibus antefерrem. Aduentus tui  
iam aliquam nobis expectationem amico-  
rum sermo commouerat. eam tu quod litteris  
confirmes, ualde lætor. cupio enim tuam tum  
humanitatem, tum prudentiam, quarum al-  
tera tibi ab hominibus amorem, altera etiam  
honorem conciliat, in consuetudine & sermo-  
nibus regustare. me autem quod huius consilij  
præcipuâ tibi ais esse causam, facile patior mi-  
hi hoc à te, uiro gratissimo, persuaderi; amoq;  
mirabiliter animum, atque amorem istum tu-  
um: cui respondere officiis, etsi difficile est;  
perpetuo tamen studio & singulari quodam  
obseruantia genere, ut spero, tibi satisfa-  
ciam. Vale.

Eidem,



E I D E M,  
Decentiano Genuam redeunti.

**E** T S I multarum rerum curis atque oneribus  
ita premor, optime Sauli; ut respirare uix pos-  
sim: tamen, ut litteris tuis, amantissime scri-  
ptis, aliquid responderem, abieci omnia, & of-  
ficium, quod tibi à me debetur, habui anti-  
quissimum. Video te miro quodam ueteris elo-  
quentiæ amore, ac studio teneri. significant  
hoc studia tua: declarant scripta: sermones u-  
bique non obscure testantur. nã tu rem pul-  
cherrimam diligis: cuius me quoque forma ce-  
pit adolescentẽ: & de uoluntate illa, uel cupi-  
ditate potius, tantum abest, ut dies aliquid de-  
traxerit, ut cum ætate simul amor creuerit.  
quare, cum tibi ego tam multis in rebus con-  
cedam; patere, obsecro te, in hac me una ri-  
ualem esse tuum, nec tibi uel tantillũ omnino  
uelle concedere. sentimus enim idem, quod tu,  
nihil esse speciosius eloquentia, nihil præstan-  
tius: quam, ut ipse nosti, amarunt ætate no-  
stra, atque appetiere quamplurimi; potiri au-  
tem, ut mihi quidem uidetur, hætenus nemo  
potuit. quis enim latinæ orationis laudem non  
magnopere diligendam dixit? quis porro ra-  
tionem, & quasi uiam, qua peruenire ad eam  
liceat,

Eidem,



PAULI MANVTII

liceat, nobis indicauit? nam, qui se ita exercent, ut ex ueterum scriptis et membra, & integrum quandoque comprehensionis corpus sua in scripta transferant; non equidem eos reprehendo; siquidem perfecti similitudinem quandam sequuntur; sed, quia perfectum ipsum non attingunt, in magna laude non posuerim. Obsecro te, Sauli, qui iudicio excellis, quid tibi de Christophoro Lógolio uidetur? equidem, si quando, quid de scriptis illius existimē, interrogor, ita soleo respondere, exilem esse in sententijs, non luculentum in uerbis; ut tamē de eo, si uitæ contigisset usura diuturnior, bene censeam sperandum fuisse. sed, ut nunc est, mea quidem sententia, nullus est. quid enim affert exquisitum, quid singulare, non uulgatum, non ex quotidiana consuetudine, usuq; sumptum? At scribit interdum & de rebus familiaribus, & ad familiares. Quid tum? quasi non uel in obscuro argumento possit ingenij lumen elucere. Nam quòd in eo uerborum circuitus sæpe à Cicerone totus est: si consulto fecit, quòd inde laudem speraret, iudicium requiro. etenim, aliena quæ sunt, ad nos translata stulte iactamus: ut neminem laudare solemus, quia pulcher, quod accipitur à natura; at quia temperatus, quia iustus; quæ posita sunt in nobis ipsis. sin, quod potius existimo,

stimo, in  
sensa aliter  
nectamen  
facturum  
no nihil age  
tie copijs, q  
rum arrium  
let eloquent  
facultatis co  
bus abundan  
meret. cuius  
reliquit, scri  
specie, quæ  
me. quæ de  
uentu amicon  
sentire à me  
qui Ciceronis  
tus, tamen L  
cum assidue  
que, paucis  
tis, cum ep  
scripsit, nihil  
quod à me  
goliana scrip  
rescripsi, q  
tam opinion  
& sunt omni  
iudicio ipsi



stimo, inops à latina lingua explicare animi  
 sensa aliter non potuit: necessitatem excuso:  
 nec tamen, quod faciebat, diutius eum puto  
 facturum fuisse. qui enim in illo ocio Pataui-  
 no nihil ageret aliud, quàm ut se tum eloquen-  
 tiæ copiis, quæ philosophiam ornant, tum ea-  
 rum arii instrumento, sine quibus muta si-  
 let eloquentia, locupletaret; utriusque studio  
 facultatis consecutus esset, ut, suis quasi opi-  
 bus abundans, de alieno quotidie parcius assu-  
 meret. cuius autem generis ea, quæ moriens  
 reliquit, scripta sunt; abesse eum iudico ab ea  
 specie, quæ est in scribendo optima, longissi-  
 me. qua de re cum aliquot abhinc annis in con-  
 uentu amicorum sermo esset ortus, memini dis-  
 sentire à me amicum hominem, & eruditum:  
 qui Ciceronis in libris diu, multumq; uoluta-  
 tus, tamen Longolium suspicit. aurea uidelicet  
 cum assidue tractet, area non internoscit. ita-  
 que, paucis post illum sermonem diebus interie-  
 ctis, cum epistolam ad me misisset, in qua ita  
 scripsit, nihil sibi tam accidisse mirandū, quàm  
 quod à me audisset, cum dicerem, mihi Lon-  
 goliana scripta non admodum probari: nihil  
 rescripsi, quòd homini quinquagenario insi-  
 tam opinionem non speravi me posse euellere.  
 & sunt omnino quedam res, quas ubi sensu et  
 iudicio ipsi non percipimus, atque assequimur,  
 nulla



nulla satis oratio probabit; ut cum *Anaxago-  
 ra*, niuem atram iudicante, frustra de albedi-  
 ne disputares. Improbas igitur, inquires, si ab  
 antiquitate scribentes mutuemur? Ego uero,  
 si apte fiat, etiam summe probo. sed hoc ip-  
 sum, apte, quàm difficile sit, ex eo licet cogi-  
 tare, quòd latinam linguam continet uniuersam:  
 uniuersa enim sub imitationem cadit. imi-  
 tandi autem ratio quia & multiplex est, &  
 admodum recondita: primum, de ea præcipere  
 singillatim, infinitæ doctrinæ est; deinde, quæ  
 præcipiantur, cognoscere, & perfectè exequi,  
 non mediocris ingenij. cumq; id, quod enitet  
 in oratione, aut in re uideatur esse, aut in uer-  
 bis: ego olim rem significatam simul cum uer-  
 bis significantibus sumebam; eaq; meis scri-  
 ptis cum inseruisssem, tum optimum illud,  
 quod quæritur imitando, plane arbitrabar me  
 esse consecutum. postea cæpit mihi meum  
 consilium displicere: cogitaui, quoniam id esset  
 memoriæ magis, quàm ingenij; quod ego effi-  
 cerem, præstare multos posse; quod autem  
 multi possent, egregium non esse. Tum inui-  
 rationem haud paulo difficiliorem, quam cum  
 paucissimis mihi esse communem intelligebam.  
 exquisitas sententias, de Cicerone exceptas,  
 aut de Terentio, tacitus in animo uersabam.  
 eas ornabam uerbis quàm poteram lectissimis;  
 ut,

ut, quasi  
 essent, ali  
 milis in uer  
 notaueram  
 traducebam  
 in res prope  
 si ex una ce  
 iusdem gene  
 quantum el  
 sem, aut ser  
 occupatione  
 me neget in  
 gnabo: sed  
 tendam. Til  
 sentis esse pr  
 quo minus p  
 habes, quan  
 abundas, ut  
 ipsis (Zeno  
 uirtutem ut  
 maxime con  
 ij, qui ipsi in  
 lere putaba  
 ris mandasti  
 emittas; ut  
 res ipsa con  
 spero. recip  
 hoc est in sa



ut, quasi uestitu orationis mutato, cum eadem  
essent, aliae tamen uiderentur. Erat non dissi-  
milis in uerborum figuris cōmentatio. si quas  
notaueram illustriores, ad alias sententias ita  
traducebam, ut interdum eandem locutionem  
in res prope innumerabiles accommodans, qua  
si ex una cera plures imagines, nec tamen e-  
iusdem generis effingerem. in hac exercitatione  
quantum esset, utinam aut mature cognouis-  
sem, aut sero cognitum, auideq; arreptum uis  
occupationum non extorsisset. equidem, si quis  
me neget in scribendo quidquam esse, non pu-  
gnabo: sed, si quid sum, ab hac una esse con-  
tendam. Tibi gratulor Sauli, qui & uis, quod  
sentis esse praclarū; et quod uis, nihil impedit  
quo minus praestare possis. ocij enim tantum  
habes, quantum styli exercitatio postulat.  
abundas, ut animi, sic fortunae bonis: in quibus  
ipsis (Zenonis pace dixerim) non minima ad  
uirtutem uis est. ingenio uero ita flores, ut tuā  
maxime consuetudinem propterea expetierint  
ij, qui ipsi ingenij gloria praeter ceteros excel-  
lere putabantur. atque utinam ea, quae litte-  
ris mandasti de homine Christiano, aliquando  
emittas; ut opinionem ac sermones de te meos  
res ipsa confirmet. quod breui futurum facile  
spero. recipis enim te nunc in uillulas tuas,  
hoc est in summum ocium: ubi cum nullam ti-

C

bi



*bi horam à studijs uacnam abire patiaris; ( sic enim & à multis antea cognoueram , & postea Coccius noster confirmauit ) expolitionem intra paucos menses expectamus operum tuorum . qua de re ut interdum me Bruti nostri litteris certiore fieri uelis , etiam atque etiam te rogo . Pontificis Legatus , Ludouicus Beccatellius , homo antiquæ probitatis , humanitate , ac doctrina præstans , post obitum Cardinalis Maffei ita me complexus est , ut omnem in meis commodis atque ornamentis curam & cogitationem , fixisse uideatur . cui non tam à me gratiæ sunt habendæ , quòd agit ipse quantum potest , ac plus etiam , quàm potest ; quàm , quòd alios etiam , magnos & principes uiros , ad me augendum , atque honestandum suo exemplo , atque auctoritate uehementer excitat . qui cum multi sint , tua tamen inter omnes elucet liberalitas ; qui , re uix audita , amore in me tuo , studio erga litteras incitatus tantum tua sponte ad hanc prouinciam conferre uelle pollicitus es , quantum ex animo meo nulla unquam delebit obliuio . Vale , tuamq; ualitudinem cum tua , tum nostra etiam , qui à te pendemus , causa diligenter cura .*

*Eidem,*

MAGNUM  
iucunditatem  
pora eripiunt  
tradiderim.  
meum Bonon  
tino morbo op  
alterum iure  
obierit , si ue  
nitate præsta  
industria , fa  
uidebatur . it  
emergam , ni  
ro , aut , si na  
dies ; que uale  
ro morbis plu  
medetur . Ac  
mestica , mea  
pue studio res  
nititur , qua  
rerum & cur  
ualetudinem  
ipsa nunc iace  
diuturno mor  
me annuer  
nare , cum i



E I D E M, Genuam.

**MAGNUM** mihi solatium attulit epistola tua: iucunditatem, dicere non possum; quam tempora eripiunt, sic, ut me tristitiæ pene totum tradiderim. Ac primum, obijisse audio fratrem meum Bononiæ, cum ualeret optime, repentino morbo oppressum. fratrem cum dico, me alterum iure naturæ dico. uerum addo illud. obierit, si uera narrantur, frater is, qui bonitate præstabat, ualebat ingenio, excellebat industria, factus ad omnia maxime omnium uidebatur. itaque obruor dolore: nec, puto, emergam, nisi aut, illi melius esse, cognouerо, aut, si naturæ satisfecit, opem tulerit ipsa dies; quæ ualet ad omnia plurimum, animi uero morbis plus etiam interdum, quàm ratio, medetur. Ad hanc ægritudinem accedunt domestica, mea quæ; propria. uxor, cuius præcipue studio res mea familiaris, ac domus tota nititur, quæ me multis molestijs, multarum quæ; rerum & curarum onere leuabat, quæ meam ualeitudinem præsentis semper officio tuebatur, ipsa nunc iacet, periculi non expers, affectis diuturno morbo uiribus. ego uxor acerbissime anniuersarijs oculorum doloribus: quos sanare, cum iam pene tentata sint omnia, hu-

C 2 manæ



PAULI MANVTII

manæ artis esse non puto . remedia sunt ab uno illo , qui malis cunctis medetur , cælesti medico expetenda . is mihi optimam , ut spero , ualitudinem aliquando restituet : si hoc minus , muniet me saltem ea uirtute , qua res aduersæ facile perferuntur . ita salus ex morbo nascetur , non hac , qua corpus uiget , quam ego hactenus omni remediorum genere frustra quæsiui , quæ cum ipso corpore paucorum annorum spatio terminabitur , sed illa multo præstantior , qua nostræ mentes , cum sese ab hac terrestri labe seiunxerint , & cum purissimo illo cælestium animorum cœtu consociauerint , perpetuo fruuntur . interim , tot in me concurrentibus malis , ægre impetum sustineo , planeq; , quoniam homo sum , debilitor aduersis . Hic tu me uocas ad scribendum ; et hortaris , ut ea tradam litteris , quæ assiduo latinæ linguæ usu , & diuturna tibi uideor exercitatione consecutus . uis me scilicet , optime Sauli , eam uiam , quæ ad eloquentiam ducit , aperire . spissum opus , ac difficile , multi ocij , tranquillæ mentis , non nostræ fortunæ , cuius tibi imaginem ostendi , neque nostrorum neruorum , quos tu putas esse satis firmos ; ego , quàm sint imbecilli , experior sæpe , ac sentio . At erunt præclari conatus , etiam si non succedat . Si ita est , hac laude nemo excluditur . potest aggredi , qui uult .

uult . uelle  
gregia cup  
consequen  
me , te , in  
id suscipere  
sunt ad bo  
alia desunt  
genium , u  
quid ? opes  
nent ? illa u  
cursum eni  
bilitat , ac  
telem , & T  
Ciceronem  
ta potuisse li  
lis ocium re  
set ? domi al  
nales habeb  
ultimis terr  
tis ingenij ,  
cum his se  
bantur , di  
quatenus li  
unius pueri  
in scribenda  
gustis , in l  
aduersa for  
eloquentia



uult. uelle autem quis non debet? si quidem e-  
 gregia cupientem aliqua uel ex hoc ipso gloria  
 consequetur. te, si quenquam, Sauli doctissi-  
 me, te, inquam, ipsum decet maxime omniū  
 id suscipere, quod mihi imponis. quæ enim  
 sunt ad hoc munus necessaria, quorum alijs  
 alia desunt, ea in te uno abundant omnia, in-  
 genium, usus diuturnus, doctrina, iudicium.  
 quid? opes, & fortuna nunquid huc perti-  
 nent? illæ uero, mea sententia, uel maxime.  
 cursum enim ingeniorum retardat, uires de-  
 bilitat, ac frangit inopia. an tu putas Aristo-  
 telem, & Platonem, illa Græciæ lumina, an  
 Ciceronem nostrum, an Plinium tam mul-  
 ta potuisse litteris mandare, nisi summum il-  
 lis ocium rerum omnium affluentia peperis-  
 set? domi alebant seruos eruditos: contuber-  
 nales habebant, eximijs præmijs accersitos ex  
 ultimis terris, rhetores, historicos, præstan-  
 tis ingenij, singularis doctrinæ philosophos.  
 cum his se quotidie exercebant, commenta-  
 bantur, disputabant: horum omnium opera,  
 quatenus liberet, utebantur. at ego sumptum  
 unius pueri, minima mercede conducti, quo  
 in scribendo utor, ægre sustineo. Et in his an-  
 gustijs, in hac mea tam tenui ualetudine, tam  
 aduersa fortuna, quia rudes homines, ueteris  
 eloquentiæ cupidos, meis scriptis non erudio,



nec in rectam latine scribendi uiam induco, ap-  
 pellas me, quasi malum debitorem, atque eti-  
 am accusas, uerbis tu quidem humanissimis,  
 & alieno, ut uideris, nomine, re tamen ipsa  
 grauitur, & ut ego interpretor, tuo iudicio:  
 quod uereor in primis, facioq; , sicuti debeo,  
 plurimi. ueruntamen uidere te puto, quam  
 facultatem res desideret. quid autem præstari  
 à me possit, nemo omnium, qui uiuunt, me ip-  
 so melius intelligit. quare noli mihi languo-  
 rem, aut desidiā obijcere: quæ abesse procul  
 à me, qui antea acta meæ uitæ cursum inspiciet,  
 atque examinabit, facile cognoscet. satis ha-  
 beas, si nemo istam culpam in te conferat. qui  
 cum ingenio præstes; etatem omnem in latina  
 lingua contriueris: ex quo factum est, ut eam  
 perfecte calleas: id quod tuorum scriptorum  
 subtilitas, & elegantia declarat: cum ualetu-  
 dinem non desideres; ocio pene diffluas: addo  
 etiam illud: cum optime tibi cum fortuna con-  
 ueniat: quæ tibi de suis bonis tantum elargita  
 est, ut erogare quantamuis pecuniam in homi-  
 nes doctos, eorumq; studia nullo tuo incommo-  
 do possis: hæc cum ita sint omnia, eaq; , ut e-  
 go arbitror, summa, non minima quidem cer-  
 te; abstines tamen ab hoc munere, & horta-  
 ris alios, nulla tibi re, præterquam uolunta-  
 te, & studio, conferendos. quis non miretur  
 sitire

sitire font  
 me, tanq  
 berrimum  
 tius inopia  
 nis. Hoc  
 quoque cau  
 ti, quod tu  
 la superiora  
 dixi esse de  
 ria, de forti  
 opinor, de n  
 & doctrina  
 ijcies, forte  
 propensio, q  
 Nolim equi  
 dem laude,  
 de te ipso no  
 fatebuntur,  
 confirmati,  
 tamen, in h  
 in quibus iat  
 intelligo, qu  
 bet pōderis  
 ni re plurim  
 te, cui fides  
 uirtutem. C  
 tas illius ten  
 mine Christi



sitire fontes? sitiunt enim certe, cum tu petis a  
 me, tanquam ex arido solo, quod in te ipso u-  
 berrimum esse constat; & cum ad nostram po-  
 tius inopiam confugere, quam tuis copiis uti  
 uis. Hoc loco mihi uenit in mentem, tuam  
 quoque causam, non modo meam, meditan-  
 ti, quod tu fortasse respondeas. Distingues il-  
 la superiora: negabis in te uno esse omnia, quæ  
 dixi esse de latina lingua scribentibus necessa-  
 ria. de fortuna concedes: patet enim: etiam,  
 opinor, de ualetudine, de ocio: ingenij laudem,  
 & doctrinæ, quæ tua modestia est, abs te re-  
 iicies, fortasse etiam, quæ tui est in me animi  
 propensio, quæ humanitas, ad me transferes.  
 Nolim equidem tecum, Sauli, ne in tua qui-  
 dem laude, contendere: uerum, quod tu mihi  
 de te ipso non credes, credent alij, uerumq;  
 fatebuntur, adducti in hanc sententiã, ac plane  
 confirmati, non tam auctoritate mea, quam  
 tamen, in his presertim elegantioribus litteris,  
 in quibus iam tot annos uersor, non esse nullam  
 intelligo, quam tuo ipsius testimonio, quod ha-  
 bet pōderis apud bonos ac sapientes uiros in om-  
 ni re plurimum. te, inquam, ipso teste locuple-  
 te, cui fides habenda uideatur, probabo tuam  
 uirtutem. Oblitus ne es, aut oblitum me pu-  
 tas illius temporis, cum tu librum tuum de ho-  
 mine Christiano mihi ostendisti? bone Deus,



PAULI MANVTII

quàm in illo multa præclara, cuius industriæ,  
cuius prudentiæ, quàm à te grauiter, quàm  
copiose, quàm splendide tractata. neque uero  
ego unus illum librum, uidere alij, uidit, qui  
uir, & quantus, Reginaldus Polus Cardina-  
lis, qui potest esse instar omnium, quem tu  
profecto iudicem in re tua nunquam recusabis.  
hunc ego audiui, audiuerunt alij, de tuo inter-  
dum libro loquentem. ornabat laudibus. ( &  
est homo, ut scis, natura simplex, reclusus, cu-  
ius ab intimo sensu nunquam ne minimum  
quidem aut uultus, aut oratio discrepet ) quid  
plura? conferendum cum antiquitate iudica-  
bat. Quamobrem redeo illuc, & concludo pau-  
cis. Magni facis eloquentiam: cupis eam cogno-  
sci, cupis amari, et coli. egregia cupiditas, et  
nobili sane uiro digna: uerum, ut tibi satisfa-  
cias, et inuenias exitum studij tui, elige de duo-  
bus utrum uis. aut ipse, qui potes, ostende no-  
bis latinæ linguæ pulchritudinem, ac præstan-  
tiam: doce nos, doce posteros, quæ sit eius adi-  
piscendæ, & perfruendæ ratio incunda: aut, si  
quos existimas hoc præstare posse, excita eos  
liberalitate, fove tuis copijs: noli pati, ani-  
mum eorum hac & illa cura distrahi: sit in-  
tentus, & fixus hoc uno in studio; neque abdu-  
cat eum ab opere pulcherrimo, ac nobilissimo  
humillimæ interdum rei turpis, & sordida  
procuratio.

procurati  
optimisq;  
laude con  
quibus  
bus, detra  
nullo cum  
baris homi  
genere affi  
tiam, & q  
contemni  
gnis uideli  
larum, in  
dum est egr  
ca, cuius e  
tas, illustre  
nio Augu  
lio Taurell  
que scienti  
egregius te  
aternitate  
rum, & a  
uiros grau  
mos; uoca  
quidq; leu  
tiant, aut  
borandum  
meis præsi  
nius, obfi



procuratio. ita consequeris facile, quod uis;  
 optimisq; studijs et posteritati magna tua cum  
 laude conules. Illa, quæ scribis de leguleijs  
 quibusdam in meum librum de Romanis legi-  
 bus, detrahendi studio, incurrentibus, legi  
 nullo cum stomacho: nec sum miratus, à bar-  
 baris hominibus, sordido quodam litterarum  
 genere assuetis, elegantioris doctrinæ scien-  
 tiam, & quasi lautitiam quandam studiorum  
 contemni. Non placet istis meus liber: ma-  
 gnis uidelicet uiris, quorum fama ædium il-  
 larum, in quibus ipsi habitant, limina non-  
 dum est egressa. at placet Vincentio Portula-  
 cæ, cuius est in urbe Brixia insignis auctori-  
 tas, illustre per Italiam nomen; placet Anto-  
 nio Augustino, Marco Antonio Natta, Læ-  
 lio Taurello, Guidoni Pancirolo, iuris utrius-  
 que scientia claris; quorum nomina, scriptis  
 egregijs testata uirtus, atque expressa, cum  
 æternitate coniunget. hos ego meorum labo-  
 rum, & uigiliarum laudatores cum audio,  
 uiros graues, & certos, omniumq; nobilissi-  
 mos; uoculas rauca plebecula contemno;  
 quidq; leues, & obscuri homines de me sen-  
 tiant, aut loquantur, non esse mihi ualde la-  
 borandum existimo. te quoque sperabam in  
 meis præsijs esse, & si qui urgerent gra-  
 uius, obsistere, impetumq; inuidiæ, & male-  
 uolentiæ



PAULI MANVTII

uolentia tua auctoritate, ac testimonio frangi. quod si facis; fructum fero meae singularis in te obseruantiae, & habeo tibi, quam debeo, gratiam: sin minus; hoc tamen nomine tibi debeo, quod meos obrectatores flocci facis, usque eo, ut indignos, quibus respondeatur, existimes. Vale. Venetijs.

VIDO FABRO, Patauium.

NESCIO, utrum fortunae succenseam, cuius culpa factum sit, ut ego tuas litteras duobus fere mensibus post eum diem, quo tu scripseras, acceperim; an eidem gratias habeam, quod mihi, arculam quandam scriptorum meorum euoluenti, planeq; aliud agenti, deimproviso illas obtulerit. gratias habebam potius; quod eodem tempore simul cum iniuria beneficium accepi; & iniuria beneficium praeferrere, aequum est. sed quoniam uereor, ne tarditatem in scribendo meam durius acceperis; hunc tu mihi scrupulum, Vide, si ex animo euelleres, faceres humane, nec tamen inique: cum hoc ipsum, quod commissum a me est, primum ex aliena culpa pendeat, deinde nunc quidem etiam corrigatur. Venio ad tuas litteras: quibus mihi gratius nihil potuit accidere: dicerem iucundius, nisi clausula illa de Bunello meo plane



ne omnem iucunditatem eriperet . nam sic fac  
 existimes , ex illius uiri interitu tantum me ce  
 pisse dolorem , quantum dies exhaurire nulla  
 poterit . Vixerat mecum Venetys per quadri  
 ennium : cum ego in illo probitatem morum ,  
 uirtutemq; diligerem ; ille in me propensio  
 nem , credo , quandam ad litteras non impro  
 baret . intercessere etiam inter nos officia quæ  
 dam , sed à me leuia , nec satis digna , quæ me  
 moria tenerentur : quæ tamen ille , ut erat gra  
 tus , non meminisse solam , sed prædicare etiam  
 solebat . ego ab illo maximum habebam bene  
 ficium , quod me , cum Philelphis , & Campa  
 nus nescio quibus ( ut alijs parcam ) misere er  
 rantem , in hanc recte scribendi uiam primus  
 induxerat . Videbatur quibusdam natura se  
 uerior ; sed erat lenissimus erga sui similes , hoc  
 est erga bonos uiros ; ubi uitium nossent , censor  
 acerrimus . Distinguere homines , non fortu  
 na , sed moribus solebat . Loqui ad uolunta  
 tem neque ipse poterat , neque ferre qui ad  
 istam artem eruditus esset : totus erat apertus ,  
 & simplex . Satis scio fuisse , qui illum deprau  
 atæ religionis nomine in crimen uocauerint .  
 quorum uitam si cum Bunelli uita compara  
 res , Socratem diceres iniquorum conspiratio  
 ne circumuentum . coluit omnes uirtutes &  
 philosopho dignas , & homine Christiano , sed  
 continentiam



PAULI MANVTII

continentiam præter ceteras . hac uero ille triumphauit maxime , & triumphauit adolescens , cum ceteros uoluptas capit . quo mirandum est minus , si tantus postea uir ex tanto adolescente factus est . nam extremam uitæ partem , quam , ut in fabula actum , decet esse perfectissimam , heroicam audio fuisse , & plane diuinam . Quare incumbamus , o Vide , & hanc operam Bunello nostro nauemus , ut illius nomen , immortalitate dignissimum , extinguere mortali cum corpore non sinamus . quod equidem enitar ; & hominis mihi amicissimi , summi uiri , memoriam ( si modo is ego sum , qui tantum præstare possim ) profecto ab interitu uindicabo . uideo te in tuis litteris idem uelle : nec dubito , quin possis . nam & Bunellum amas mortuum : & uales plurimum ingenio : quod etiam pietas excitabit . cuius officij societas eo gratior utrique nostrum esse debet ; quod cum apud alios laudabilis maxime erit , illustri exemplo gratiæ referendæ ; tum ad animos nostros amore coniungendos , æternâq; necessitudine conglutinandos , plus ualere nihil potest . Reliqua erant in epistola tua magnifica quædam , & eleganter scripta de laudibus parentis mei ; quæ uerissima fateor ; quædam etiam de me ipso , quæ non agnosco . nam etsi tibi , nobilissimo adolescenti , multis non solum

fortuna ,

fortune,  
ornato, &  
placere m  
tenus a m  
rem, quæ  
de me ipso  
quod si, cu  
isto melice  
qua habent  
eadem ut h  
nelle, & pe  
tingit mult  
diligere pot  
optime Vid  
nelli præcep  
turum.

MAR

POSTEA  
uetus in te  
tua beneuol  
quam, epist  
propterea  
etiam mem  
mis eripue



*fortunæ, sed etiam naturæ, doctrinæq; bonis  
 ornato, & quod caput est, uirtutis amanti,  
 placere maxime uelim: tamen, quia nemo ha-  
 etenus à me hoc impetrauit, ut ea mihi ascisce-  
 rem, quæ mea non essent, patere, obsecro te,  
 de me ipso mihi potius me credere, quàm tibi.  
 quòd si, cupidum esse laudis, laudem esse uis:  
 isto me licet nomine non contemnas: quòd ea,  
 quæ habent ij, qui laudabiles ducuntur, ego,  
 eadem ut haberem, semper laboraui. sed scis,  
 uelle, & perficere, non idem esse. alterum con-  
 tingit multis, alterum duntaxat ijs, quos Diij  
 diligere putantur. quorum ego te in numero,  
 optime Vide, præstanti natura præditum, Bu-  
 nelli præceptis informatum, confido facile fu-  
 turum. Vale. Venetijs.*

MARCELLO CERVINO,  
 CARDINALI,  
 Romam.

POSTEA quàm Roma discessi, etsi tum mea  
 uetus in te obseruantia, tum tua in me perpe-  
 tua beneuolentia postulare uidebatur, ut ad te  
 quam sapissime scriberem: tamen id non feci:  
 propterea quòd omne ocium, atque omnem  
 etiam mentis tranquillitatem molestæ in pri-  
 mis eripuerunt occupationes: quarum me,

*cum*



PAULI MANVTII

cum primum huc reuerſi, tantus æſtus abſor-  
buit, ut longo interuallo uix emerſerim. nam  
primum domeſticas res ita male affectas offen-  
di, ut, eas ſanare, multi temporis, non exi-  
gui laboris, etiam alicuius artis eſſet. deinde,  
cum illa, quam ſcis in meis epistoſis nutu tan-  
tum appellari, inimica natio uirtutis, ac di-  
ligentia, quæ etiam patri meo, uiro optimo,  
( & adde, ſi quid uis ) negocium exhibuit, ad  
me uexandum, atque opprimendum conſpi-  
raſſet: durius habui negocium, ut meas for-  
tunas in tuto collocarem. ſed me, qui antea  
præſto mihi ſemper affuit laboranti, idem in  
hoc potiſſimum discrimine egentem opis &  
conſilij, nec mediocriter de toto rerum mea-  
rum ſtatu ſolicitum, reſpexit, ac liberauit  
Deus. itaque omni plane moleſtia perfunctus  
eſſe mihi uideor. quid quæris? aliqua etiam of-  
ficij ſpecie ab iſdem obſeruamur: ac ſe ſatis ap-  
te ſimulationis, ut opinor, artificio tuentur.  
accipere tamen quod datur, quocunque ani-  
mo detur, inſcitia non eſt: nec hodierni mores,  
& ratio temporum ſecus poſtulat. Cetera  
ſunt in meis rebus non plane cuiusmodi nos op-  
tabamus, ſed cuiusmodi tamen multi non ſpe-  
rarunt: quibus hæc, quæ nunc agimus, am-  
pliſſima uidentur eſſe, cum nos præ iſs, quæ,  
niſi quis caſus noſtris conſilijs occurrerit, age-  
re

re aliquan-  
tus. quan-  
quæ in te ſi-  
Alexandra  
omni uirtut-  
nem propen-  
ſic exiſtimo  
uari a te pre-  
etiam fortun-  
omino mihi  
ram: Farnu-  
tem, natum  
non miror eu-  
quia ſemper  
dam, qui eſt  
mus, dijs bo-  
ſane ille, cum  
etiã magis eg-  
litatis lauden-  
nas artes ſac-  
primis, cum  
nem rariffim-  
ritis ornauit  
unum poſuiſſe  
tamen gratia  
ri, patrocini-  
que bonis ar-  
ueniant in ſi-



re aliquando cogitamus, tenuissima iudicemus. quam quidem ad rem quòd tu omnia, quæ in te sunt, liberalissime polliceris; quodq; Alexandrum etiam Farnesium, præstantem omni uirtute Cardinalem, in eandem rationem propensum esse affirmas: equidem de te sic existimo; & multas esse res, in quibus iuari à te pro tua summa tum dignitate, tum etiam fortuna possim; et in ijs rebus nunquam omnino mihi tuam esse humanitatem defuturam: Farnesium autem, diuinum adolescentem, natum ad liberalitatem, & ad gloriam, non miror eo esse erga uirtutem animo, quo quia semper fuit auus eius, iccirco ad eum gradum, qui est in terris summus, & augustissimus, dijs hominibusq; uolentibus ascendit. ac sane ille, cum domestico exemplo, tum multo etiã magis egregia ipsius natura ad immortalitatis laudem excitatus, sæpe alias, quanti bonas artes faceret, ostendit, sed proxime uel imprimis, cum Hieronymum Ferrarium, iuuenem rarissimæ uirtutis, sanequam pro eius meritis ornavit, atque auxit. in quo, cum apud unum posuisse beneficium uideatur, à multis tamen gratiam iniuit. nam cum uos, tales uiri, patrocinium litterarum suscipitis: quicunque bonis artibus delectantur, animo recreato, ueniunt in spem aliquando fore, ut, post diutur

nos



nos labores, & molestiarū quasi tempestates,  
 in quietis & ocij portum, uobis aspirantibus,  
 deferantur. quos si in cursu studiorum instituto  
 uestre benignitatis aura deficiat; hærebunt,  
 neque iam poterunt, quò intendebant, sine o-  
 pe auxilioq; uestro peruenire. uerum huius-  
 modi dubitationem uestra iam consuetudo su-  
 stulit. magna enim optimæ uoluntatis docu-  
 menta sæpiissime dedistis; maiora etiam dare  
 cogitatis; cum quidem, ut Antonius Bladus  
 ad me detulit, pulcherrimam rem, & uobis  
 dignissimam aggressi, omnes libros græce scri-  
 ptos, qui nunc conditi asseruantur in bibliote-  
 ca Palatina, prælo subijcere cogitetis; ut,  
 multiplicatis exemplaribus, per orbem terra-  
 rum, in usum omnium gentium, omniumq;  
 sæculorum, diuulgentur. cui se muneri Bla-  
 dus à te esse præpositum aiebat: itaque ue-  
 nisse ad nos, ut & eos typos, quibus atramen-  
 to illitis charta imprimatur, conflandos cura-  
 ret, & si qua præterea sunt ad opus necessa-  
 ria, maturaret. sane sum letatus plurimum;  
 hominemq; sua sponte diligentissimum tamen  
 cohortari non desino, ut in ea re, quæ ad com-  
 modum studiosorum, maxime uero ad tuam,  
 ut ego sentio, gloriam spectat, operæ ne par-  
 cat: eiq; dixi, ut ad omnia me & fratribus u-  
 teretur. neque minus prolixè, quæ uerbis pol-  
 licitus,

licitus sum  
 & hominem  
 ximi est ap  
 tuo, quem  
 tum, deina  
 nihil præter  
 tandi, aut e  
 fed ille, cui  
 pudore, cre  
 cum mihi, a  
 non modo m  
 mum sit. qu  
 simulq; litte  
 Patavium e  
 tia consequa  
 eum, hacten  
 de quo etiam  
 & audimus  
 tis cum reco  
 sit consistere

BERN

VBI TE  
 tatus sum n  
 per bonorifi



licitus sum, ubi ille petierit, re præstabo. nam  
 & hominem diligo: & uero tua uoluntas ma-  
 ximi est apud me ponderis. In Romulo quidem  
 tuo, quem initio sum complexus ut fratrem  
 tuum, deinde amare cæpi ut te fratre dignum,  
 nihil prætermitto, quod aut in officio cohor-  
 tandi, aut etiam in studio iuuandi positum sit.  
 sed ille, cui notissimæ sunt occupationes meæ,  
 pudore, credo, facit, ut rarius ad me scribat:  
 cum mihi, uel in maximis negocijs ei uacare,  
 non modo non molestum, sed etiam gratissi-  
 mum sit. quod tu, si uidebitur, ad illum scribes:  
 simulq; litteris admonebis, ut, quo consilio  
 Patauium est profectus, id studio & diligen-  
 tia consequatur. neque tamen hoc dico, quod  
 eum, hætenus quidem, lapsum esse putem;  
 de quo etiam ea, quæ uolumus, & uidemus,  
 & audimus; sed quod, infirmitatem eius æta-  
 tis cum recordor, interdum, uereor, ut pos-  
 sit consistere. Vale. Venetijs.

BERNARDINO MAFFEO,

EPISCOPO CREATO,

Romam.

UBI TE audiui Episcopum esse creatum, læ-  
 tatus sum non tam ob ipsam rem, quæ sane est  
 perhonorifica; propterea quod Episcopatus &

D sacerdo-



PAULI MANVTII

sacerdotium est, & maximum sacerdotium;  
quàm quia, de te ipso cogitans, intelligebam  
te eum esse, cui ad istam honestandam dignita-  
tem facultas in optima uoluntate non deesset.  
Tibi erunt, quæ multis solent esse laboriosa,  
uirtus, & uigilantia, ex tua ueteri consuetu-  
dine facillima. non enim honorem quasi legem  
bonitatis, ad quam te fingeres, accepisti; sed  
ad honorem bonus accessisti, multis antea, ma-  
gnisq; rebus Paulo **III** probatus; cui Pon-  
tifici? omnium sapientissimo, & optimo; qui  
& ipse Deo probatus est, & non probat nisi sui  
similes. Gratulor igitur tibi, non ut gratulan-  
tur ij, qui fere, quibus fructibus auctus sis,  
unum cogitant, cetera magnopere non spe-  
ctant; sed ut ij, quibus dignitas, & religio pri-  
ma sunt: quæ tu coles maxime, & eris in Chri-  
sti militia antesignanus. Grauem sane perso-  
nam Episcopi sustinetis. uestrum est, errantes  
animos in uiam reducere. et reducit uos qui-  
dem præceptis diuinæ doctrinæ tradendis: sed  
magna uis est in exemplo, cum ea, quæ tradi-  
tis, ipsi uita, & moribus exprimitis. quod tu  
præstabis utrunque omnium maxime: qui &  
habes non doctrinam modo, uerum etiam elo-  
quentiam, quarum altera imperitos erudias,  
altera languentes excites; & uiuis, ut homo,  
satis extra culpam. quod memini me multis  
abbinc

abbinc ann  
tum; cum e  
tar non pot  
tua te singu  
inuitaret, &  
nunc, etate  
accesserit rat  
alaris confi  
ignorat: mult  
sira familiari  
licet. Quare,  
nomine tibi g  
summa dignit  
commune cum  
ista dignitate  
quia uides qua  
gistu, qui pot  
ptum Deo refe  
te collatum, il  
quoniam est p  
tum, muneris  
nus, pluris est

GABR

EPISTOLA  
scriptam eleg



abbinc annis in tua prima adolescentia miratum; cum ea in te laudarem, quæ tamen imitari non poteram. quod fecisti adolescens, cum tua te singularis, optimaq; natura ad decus inuitaret, & quasi manu prehensum duceret; nunc, ætate confirmata, cum ad uoluntatem accesserit ratio, dubitem quin idem multo sis alacrius constantiusq; facturus? dubitet qui te ignorat: mihi, cui tua studia, tui sensus ex nostra familiaritate notissimi sunt, dubitare non licet. Quare, ut ad prima redeam, non eo solum nomine tibi gratulor, quod Episcopus es, in summa dignitate constitutus; quod tibi scis esse commune cum multis; sed quod is es, qui cum ista dignitate uirtutem æquare possis. quod quia uides quàm non multi potuerint, eo magis tu, qui potes, hoc ipsum, quod potes, acceptum Deo referre debes, tantumq; munus in te collatum, illud quidem plurimi facere, sed, quoniam est proprii erga te amoris argumentum, muneris causam multo, quàm ipsum munus, pluris æstimare. Vale. Venetijs.

GABRIELI CATIANO,  
Brixiam.

EPISTOLAS à te habeo duas, utranque scriptam elegantissime, sed illam pleniorē,

D 2 quam



PAULI MANVTII

quam XI. kal. Sept. dederas: nam hæc recen-  
tior, cui nonarum Oct. dies erat adscripta, ar-  
gumentum habuit fere nullum. uenio igitur ad  
priorem: in qua cetera iucundissima, illud per-  
molestum, quod te minus commode significas  
ualere: scribis enim, ualde te ob aduersam ua-  
letudinem uereri, ne non illud, quod institui-  
sti, absoluere, ac perpolire tibi liceat. Mi Ca-  
tiane excita prudentiam tuam; & occurre  
morbi principijs; ne ille, grauior deinde fa-  
ctus, & te, & amicos tuos, qui, te egrotan-  
te, ualere non possunt, diutius uexet. Hoc lo-  
co mihi ueniunt in mentem, quæ tu me olim,  
minus recte cum haberem, prudentissime, &  
amantissime monuisti. illa, illa ipse tibi nunc  
in memoriam redige; &, quæ tuæ tunc par-  
tes erant, eas nunc fac esse meas. Tu mihi non  
ex Hippocrate, aut Galeno, sed ex ueterum  
philosophorum libris ea remedia, quibus ad sa-  
lutem meam præstantius esse nihil potuit, at-  
tulisti: ego nunc idem in te facio, tuamq; tibi  
medicinam restituo. uis, quæ meum morbum,  
te medente, sanarunt, ea tuo ipse in morbo  
prætermittere? non uis, opinor. non enim id  
te dignum est: qui ea sæpe legisti, unde homi-  
nes alijs cauere cum discant, sibi eos non caue-  
re turpe est. quare adhibe eam, quam ad om-  
nes res soles, ad te curandum diligentiam: &  
quod

quod oner-  
detur, qu-  
quàm oppo-  
et magni  
sed etiam oc-  
speras ea, q-  
scis esse nim-  
deinde coact-  
ribus totum  
tamen sic ex-  
re possit, an-  
nem: sed, q-  
admodum tu  
in forum tibi  
si modo & ti-  
temporis ex-  
quæ a te est in  
modi est, ut  
reor, ne, dua-  
tatione distr-  
tram assequa-  
tui consilii est  
prudentia, n-  
in re me existi-  
quod est bene-  
gnopere te no-  
gem, ualetu-  
feruias. quæ



quod oneris suscepisse te scribis, id si granius uideatur, quàm ut perferre possis, depone prius, quàm opprimare. magnum est, quod moliris, & magni non solum ingenij, quo tu non eges, sed etiam ocii: quo nisi abundas, quo modo te speras ea, quæ in iure civili dispersa sunt, quæ scis esse minime pauca, primum posse cogere, deinde coacta ita disponere, ut ex certis generibus totum ius civile cognoscatur? atque ego tamen sic existimo: si quis est, qui hoc prestare possit, aut eum te esse, aut omnino neminem: sed, quoniam res et fortuna tua, quemadmodum tu quidem affirmas, ita ferunt, ut in forum tibi necessario sit eundum; quæ ratio, si modo & tibi, & populo placere uelis, multi temporis exercitationem desiderat; hæc autem quæ à te est iuris civilis instituta digestio, eiusmodi est, ut nihil operosius existimetur: uereor, ne, duarum rerum difficillimarum tractatione distractus, utranque dum uis, neutram assequare. quamobrem, quid suscipias, tui consilii est: ego monendi partes, quæ sunt prudentiæ, non assumo: neque enim plus ulla in re me existimo uidere, quàm tu uides: id, quod est beneuolentiæ meæ, faciam, ut magnopere te non solum horter, uerum etiam rogem, ualetudini tuæ minus, quàm gloriæ, ne seruias. quæ quidem nobis, qui te summe dili-

D 3 gimus,



PAULI MANVTII

gimus, tantæ curæ est, ut plurimas nostræ salutis partes in tua salute positas existimemus. De Alciati libro, ualde te amo: sed, eum, hoc quidem tempore, cur mittas, non est. sunt quædam, quæ magis urgent. Quæ scis à nobis anno proximo superiore instituta, iam pene ab soluimus. Domestica fere sunt ut uolumus. fratres ualent optime, ego sicut soleo, hoc est, etsi non optime, sic tamen, ut studijs nostris frui liceat. quod si perpetuo detur; equidem hac mea tenuitate contentus ero; illam firmitatem, illa athletarum latera contemno: neque mihi unquam queri de natura ueniet in mentem, quæ me corpusculo finxerit imbecillo: gratias agam potius, quòd effecerit, ut omnibus pene horis, aduersæ uoletudinis metu, spectanda mihi ratio sit, & continentiam, quæ uirtus est, aut certe ad uirtutem ducit, cogar amplecti. Amamur à multis: si modo ex uultu, & uerbis amor agnoscitur: colimur etiam à non nullis; qui, falsa de nobis opinione adducti, nostram consuetudinem, quasi docti hominis, uidentur expetere. quibus ego si me patefecero, facile hunc errorem eripiam. et, puto, faciam; ne totos dies saluatoribus perpetuo demus. Vale. Venetijs.

Francisco

FRAN

SI NISI  
nostro tribu  
perioribus m  
ni ad tuas lit  
respondere; e  
le respondeo.  
lere. Quasi  
rim, ideo me  
legibus amici  
xentur. sum  
bus si ab amic  
in minimis; n  
quædam suau  
amicitia tollit  
mores ferre pu  
( quanquam  
runtamen, si  
bus in rebus  
fis: permitter  
esse negligent  
attinet, ita in  
ganter, in qu  
etiam sapient  
longius abessi



FRANCISCO LVISINO,  
Patauium.

**S**I NESCIS, Luisine, quantum ego amor  
nostro tribuam; cognosce ex hoc, quod & su-  
perioribus mensibus licere mihi per eum puta-  
ui ad tuas litteras, humanissime scriptas, nihil  
respondere; & nunc, eodem fretus, etiam ma-  
le respondeo. Non est hoc, inquis, officium co-  
lere. Quasi iam probaueris, quia non colue-  
rim, ideo me turpem esse. non placet ita duris  
legibus amicitiam astringi, ut nunquam rela-  
xentur. summam diligentiam maximis in re-  
bus si ab amico requiris, iure facis: sed si etiam  
in minimis, non æquus es. est enim profecto  
quædam suauitas in negligentia: quam qui ex  
amicitia tollit, horridior est, quam ut urbani  
mores ferre possint. quare, si amabilis esse uis,  
(quanquam quis te uno amabilior est?) ue-  
runtamen, si id tibi propositum est, ut omni-  
bus in rebus æque amabilis, æque iucundus  
sis: permitte mihi, ut liceat aliquando tecum  
esse negligenti. Nam, quod ad tuas litteras  
attinet, ita iudico, scriptas esse non solum ele-  
ganter, in quo tamen non minima laus est, sed  
etiam sapienter; quod quia solet ab ætate tua  
longius abesse, non solum laude, sed etiam ad-

D 4 miratione



miratione dignum est. uitium hoc in plerisque  
 adolescentibus, atque etiam in robustioribus  
 quibusdam fama celebratis animaduerto, ut  
 inania colligant, & eloquentiam non, ut ue-  
 teres illi, in sententijs, et uerbis à communi con-  
 suetudine alienis, sed in quibusdam uulgari-  
 bus, ac pene puerilibus ineptijs constituent.  
 Quocirca non ego te, Luifine, hortabor, ut ex  
 ista imperite scribentium turba te eximas: sed  
 gratulabor potius, quòd ita effecisti, ut horta-  
 tioni locum non reliqueris. hoc cum adolefcens  
 adhuc, & pene imberbis, nondum ea pruden-  
 tia, quæ extrinsecus assumitur, propter æta-  
 tem copiose instructus, naturali quadam inge-  
 nij facultate, & assidua Ciceronis lectione sis  
 consecutus: cum illa accesserint Aristotelica,  
 in quibus nunc totus es; usumq; rerum, qui in  
 adolescentem non cadit, percallueris; qualem  
 te uirum futurum putemus? non sum natura  
 blandus: neque soleo cuiusquam auribus inser-  
 uire: potius offendit quosdam libertas mea.  
 itaque, quod dicturus sum, gratiæ causa di-  
 ctum ne putato. si quando accidit, ut interro-  
 ger de ijs, qui antiquam illam perfectè scriben-  
 di laudem posse nobis uideantur iam pene amis-  
 sam restituere: soleo te duobus præstantissimis  
 adolescentibus, meis familiarissimis, Calino,  
 & Amaltheo, tertium inserere. Calinum,  
 puto,



puto, non nosti: qui clarissimum iuuenem, Aloysium Cornelium, singularis viri, Ioannis Cornelii, filium, in Cyprum insulam secutus, tertium iam annum abest. sed mihi hoc uelim credas affirmanti: ea bona, quæ magister tuus Aristoteles laudabilia esse diuit, omnia fere in illo adolescente aut esse iam, aut breui, ut ego auguror, futura. De Amaltheo autem quid sentiam, non expectas, opinor, ut significem, neque ut ego tibi eum quasi latentem indicem, quem in illustri quadam specula uirtus constituit. quare coniunge te cum his: & eloquentiam tres optimi adolescentes, ætate fere pares, concordi studio, sicuti pulcherriam uirginem, diligite. quod si me etiam socium recipitis, & riualem in hoc amore fertis: erit præclara consensio: & latine linguæ formam, quam, superioribus temporibus turpi barbarie uitiatam, nunc agnoscere uix possumus, posthac, ut opinio mea fert, intactam, illibatamq; tuebimur. Vale. Venetiis.

PAVLO CONTARENO,  
Venetias.

CUM Venetijs proxime discessi, ut in hanc solitudinem ex ista frequentia me conferrem; magna sane lætitia perfruebar; & quod ad  
ea



PAULI MANVTII

ea, quæ homini carissima sunt in uita, uxorem, ac liberos meos redibam; & quòd mihi, ocium ad studia, amœnitatem ad ualeitudinem quærenti, hunc esse præter ceteros locum expetendum atque adamandum intelligebam. sed, ut in rebus humanis nihil est simplex, in summa uoluptate molestiæ tamen hoc erat, quòd ita fortuna tulisset, ut, quo tempore tibi per anniuersarias Patauini gymnasii ferias Venetijs esse, et commorari liceret, tum ego à te disiungerer, magnamq; manendi cupiditatem maxima discedendi necessitas uinceret. nec uero mihi dubium est, quin cum meo sensu tuus quoque sensus congruat, & quæ me cura torquet, eadem te pungat. uinci enim in officio, atque amore, quàm sit turpe, si te non mea uox aliquando docuisset, ipsi te libri, unde hauris illa præclara, quibus ad laudem informamur, penitus erudirent. quòd si, ut una simus, quod & tu, ut opinor, sperabas, & ego certe cupiebam, per intervalla locorum non licet: at, quod proximū est, ut una esse uideamur, non uideo cur præstare litteris & consequi non liceat. nam si propterea, simul esse, iucundum est, quia mutuo sermone fruimur: in litteris non ego quidem tuam uocem audio, neque tu meam; sed, quæ uoci subest res, eam nihilo minus, quàm una cum sumus, percipimus,



mus, hoc etiam maiore cum fructu, quòd aliquanto scribimus accuratius, quàm loquimur. quare uelim ad scribendum te des: & cum me tuæ consuetudinis usura, ob ingenij tui suauitatem, & sermonis elegantiam, mirifice capiat; hæc, quæ in te amo, quæ nunc abesse doleo, fac, si me diligis, ne omnino desiderem. debes hoc mea caussa non nolle, tua uero maxime cupere. nam, cum te aliquot abhinc annis in rectam illam antiquæ eloquentiæ uiam dederis, patris tui, uiri optimi, ac sapientissimi uocibus, consilijsq; commotus, patrui uero, clarissimi ac præstantissimi ciuis, exemplo incitatus: turpe tibi est, in mediocri laude consistere; & ad summam peruenire, sine stilo assiduâq; exercitatione non licet. quid enim ille noster, cuius tu libros nunquam de manibus deponis, quid aiebat? timere se, nisi frequenter declamaret, ne, quod adeptus erat in arte oratoria facultatis, exaresceret. attende, mi Paule, & tuam caussam, à qua mea disiuncta non est, si placet, mecum considera. ille sibi, homo Romanus, latinæ orationis inopiam metuebat; cum tamen omnibus in hoc genere diuitijs abundaret: nos, quibus latina lingua peregrina est, qui in optima scribendi aut dicendi ratione rudes, & infantes pene sumus, de summa eloquentia sine summo studio cogi-



cogitabimus? & unam omnium difficillimam rem, eandemq; omnium gloriosissimam, ludibundi consequemur? uides me ipsum, qui quid sim, ego quidem non statuo; sed sunt, quibus non esse nihil uidear; nullum pene diem intermittere, quin aliquid latine scribam? cum tamen, ex quo lapidem hunc uoluo, annus iam uigessimus abierit. est adolescens in uestra nobilitate, tibi non ignotus, mihi admodum familiaris: quem excellenti praeditum ingenio, gloria cupiditate flagrantem, nisi à Romanae eloquentiae laude ad huius maternae linguae studium falsa quaedam opinio traduxisset; erat, cur de illo sperarem ea, quae summa sunt. tantam enim operam in scribendo ponit, quantam tu uidelicet in legendo. sed neque illi in summa industria iudici satis est, qui de latine linguae dignitate non optime sentire uideatur: neque tibi, rectissime iudicanti, ad id ipsum, quod probas, obtinendum suppetit industria. Quare uellem, ut & tu illum in diligentia, & ille te imitaretur in sententia. quod utrunque si contingeret; nae ego uestrae utriusque laudi preclare consultum putarem. sed ille de suo consilio uiderit. iccirco enim se non existimat errare, quia, quos sequatur, auctores habet eos uiros, qui, quod optimum esse ducunt, in eo facile omnibus hominibus antecellunt.

tecellunt.  
dibus per  
quid ex  
rumq; for  
quodam m  
le, quant  
teq; coati  
nunquam  
loquentia  
pulchritu  
exemplo,  
los acriter  
arbitror, l  
scriptis, q  
Graue, in  
bi laborem  
illud, non  
nam, cum  
de par pr  
quod omni  
consequi  
mares? op  
et uilitate  
tibi est de  
gloria. la  
amabilem  
plerosque  
emuland



tecellunt. te uero, qui mecum in iisdem e-  
 dibus per triennium fere uixisti; qui, quid-  
 quid es, de meorum consiliorum præcepto-  
 rumq; fonte fluxisti; cuius à laude mea laus  
 quodam modo pendet; te, inquam, mi Pau-  
 le, quantum in me erit, errare non patiar;  
 teq; coactus amore, & officijs tuis, hortari  
 nunquam desinam, ut in ueram ac sinceram e-  
 loquentiæ formam, cuius ego tibi excellentem  
 pulchritudinem, duorum ueterum oratorum  
 exemplo, sæpe demonstraui, tuæ mentis ocu-  
 los acriter intendas; eamq; tibi à me ueris, ut  
 arbitror, lineis designatam, tu aliquando tuis  
 scriptis, quasi coloribus, coneris exprimere.  
 Graue, inquires, onus imponis, et difficilem mi-  
 hi laborem mandas. Fateor ita esse: addo etiã  
 illud, non esse nobis optandum, ut aliter sit.  
 nam, cum omnium hominum in appetenda lau-  
 de par prope uoluntas, similisq; sensus sit:  
 quod omnes appetunt, id si esset eiusmodi, ut  
 consequi multi possent; quanti, obsecro, æsti-  
 mares? opinor, minimi. copiam enim uilitas,  
 et uilitatem sequitur contemptus. quare non  
 tibi est dolendum, quòd de sudoribus manat  
 gloria. letare potius, quòd, cum eam omnes  
 amabilem esse, ualdeq; expetendam sentiant,  
 plerosque tamen laboris magnitudo terret, &  
 æmulandi studium rei difficultas imminuit. Est

au-



autem tibi ad hanc laudem, quò te uoco, adi-  
tus eo faciliior, atque apertior, quòd, quæ duo  
sunt ad comparandam eloquentiam instrumen-  
ta maxime necessaria, ingenium, et memoria,  
utrunque sic tenes, ut in altero excellas, in al-  
tera ijs, qui excellere putantur, non admo-  
dum concedas. hæc tu bona si languere sinis;  
gratiam nature non optimam refers: quæ non  
in te benigna fuit, ut suum beneficium negli-  
geres, sed ut ad decus, ad dignitatem, ad im-  
mortalem, æternamq; laudem conferres. Ne-  
que uero is ego sum, qui te uelim eloquentiam  
à philosophia seiungere, totosq; dies in hoc u-  
no expoliendæ orationis studio consumere. er-  
ras, si me ita sentire putas. ego philosophiam  
diuinum quiddam esse dico, indicem ueritatis,  
magistram uitæ, omniū uirtutum, omniumq;  
laudandarū artium parentem. sed idem ita sta-  
tuo; si, qui optime sciat, non optime loquatur,  
plerunque fieri, ut id ipsum, quod sciat nescire,  
uideatur: et ut in conuiujs nō parum interest,  
qua epulæ ratione condiantur; sic in sermoni-  
bus, aut scriptis, magni refert, quibus animi  
cogitata uerbis enuncientur. quòd si cui ita stu-  
pidus, aut ita deprauatus est sensus, ut orna-  
tæ, & bene structæ orationis suauitatem, &  
tanquam harmoniam auribus non percipiat:  
hunc tu, si sapis, neque consules in re tua;  
quia

quia, re-  
cet, sper-  
quia, qu-  
tilem arte  
sarum uoc-  
ut inanem  
elinguem  
bis, qua in  
Platonem  
plus creden-  
omnibus,  
cum iurem  
des magni  
lophobia fu-  
homines im-  
tionis facul-  
pta cum leg-  
hil eleganti-  
laude pluri-  
dusriatq; n-  
cassent, neq;  
si ex ea dece-  
lophobiam  
uirginem a-  
tur ego te in  
huc uigent  
millibus ob-  
te infirmis



quia, recte qui non intelligit, is ut recte iudicet, sperare non licet: neque ipsum monebis; quia, quibus desunt principia naturæ, ijs inutilem artem esse constat. tu, si me audies, musarum uocem ab rusticano sono distingues: & ut inanem multorum loquacitatem oderis; sic elinguem quorundam sapientiam non amabis. qua in sententia uideo fuisse, quos uiros? Platonem, & Xenophontem: quibus ego plus crederem solis nutu significantibus, quam omnibus, qui nunc ubique sunt, philosophis cum iureiurando confirmantibus. Non ne uides magnum utrumque & excellentem in philosophia fuisse, utrumque tamen in hac, quam homines inepti reprehendunt, exornandæ orationis facultate ita præstitisse, ut, eorum scripta cum legimus, nihil fieri posse purius, nihil elegantius, nihil illustrius iudicemus? à qua laude plurimum abfuisent, nisi temporis industriæq; multum in eloquentiæ studio collocassent. neque uero eloquentiæ studuisent, nisi ex ea decoris ornamentiq; plurimum ad philosophiam accedere, tanquam ad formosam uirginem à corporis cultu, iudicassent. hos igitur ego te imitari malo, quorum nomina adhuc uigent, cum ipsi duobus abhinc annorum millibus obierint, quàm istos, si qui sunt, qui te infirmis rationibus à pulcherrimo consilio



PAULI MANVTII

filio conantur abducere. Perge, ut facis, in disciplina philosophiæ; in qua Patauij artificem habes eximium M. Antonium Genuam: eloquentiam uero, cuius, ut opinor, in uia me ducem non contemnis, ne dimitte. utrumque enim & debes, si tibi magna proposita sunt; & potes, si, quod me sæpe dixisse memini, di ei horas apte, et cum ratione distribues. Vale, & patrem tuum, & patruum, quos ego plurimi sane facio, & communes amicos meo nomine saluta. Ex Plebe Sacij.

CHRISTOPHORO MADRVTIO CARDINALI,  
Mediolanum.

AUDIO te de nobis & loqui, & sentire per honorifice. præclarum hoc est, laudari à principe uiro, & ab eo principe, qui cum fortuna uirtutem ita coniunxerit, ut in utraque pariter emineat. atque ego te semper antea, cum nunquam essem allocutus, nunquam uidissem, tamen uehementer colui. mouebar tuis præstantissimis actionibus, hominumq; constanti sermone, omnia de te summa prædicantium. neque uero, si quis in te laudaret opes, aut nobilitatem, aut dignitatem, admirabar. communia multorum hæc sunt, optabilia potius, quàm

quàm la-  
sunt, cum  
Madrutium  
singulari,  
omnesq; li-  
temporum  
lantes excip-  
denique soli  
multi sequi  
audirem, in  
erga te obse-  
re litteris in  
urbes, multi  
potestate mu-  
nis esse uel in-  
tiosi existim-  
sermone tu  
tur; occasio  
hi tua libera  
possum quid  
ximas, atque  
testimonio in  
plurimum in  
cio, ista tam  
mibi aperue-  
dem ego me  
certe, ac si  
tuarum uir-



quàm laudabilia . sed illa , quæ tua proprie  
sunt , cum audirem ; unum esse Christophorum  
Madrutium , qui uirtutem ipse coleret studio  
singulari , in alijs ornaret præmijs amplissimis ,  
omnesq; liberales disciplinas , fato quodam ,  
temporum dicam , an hominum iniurijs ? exu-  
lantes exciperet , amplecteretur , foueret ; qui  
denique solidam gloriam spectaret , inania , quæ  
multi sequuntur , contemneret : hæc ego cum  
audirem , incitabar studio meæ tibi singularis  
erga te obseruantiae declarandæ : sed obstrepe-  
re litteris inanibus tali uiro , præclaras Italiæ  
urbes , multorumq; populorum fortunas non  
potestate magis , quàm iustitia , tuenti , homi-  
nis esse uel inepti nimis , uel impudenter ambi-  
tiosi existimabam . nunc autem , cum ad me  
sermones tui , mea cum laude habiti , referan-  
tur ; occasionem cupide complector , quam mi-  
hi tua liberalitas offert ; tibiq; gratias , quas  
possum quidem , ago , habeo autem certe ma-  
ximas , atque immortales ; tum quòd ornes me  
testimonio iudicij tui , quod apud omnes ualere  
plurimum intelligo ; tum uero , quòd isto offi-  
cio , ista tam præstanti humanitate quasi fores  
mibi aperueris ad amicitiam tuam . qua qui-  
dem ego me , si minus alia re licebit , perpetuo  
certe , ac singulari erga te studio , assiduaq;  
tuarum uirtutum meis omnibus in sermonibus

E &amp;



PAULI MANVTII

& scriptis prædicatione dignum præstabo. quod cum antea fecerim, iudicio meo commotus; faciam tamen in posterum alacrius, ac diligentius, tua humanitate incitatus: quam semper eandem in me futuram, non magis constantiæ ratio, quàm naturæ tuæ benignitas, mihi persuadet. Vale. Venetijs.

ROMVLO CERVINO,  
Patauium.

QVOD tu persæpe queri solitus es, id mihi nunc accidit, ut epistolæ prorsus caream argumento: sed ego tamen non committam, quod tu soles, ut argumenti me inopia deterreat à scribendo. quin uide, quàm diuersa ratio sit. tu, cum sententiam non habes, ualde tibi ais laboriosum esse epistolam texere: ego nunquàm facilius soleo scribere, quàm cum nihil habeo, quod scribam. At, inanes huiusmodi litteræ sint, necesse est. Primum, hoc non semper. quandoque enim accidit, ut nihil dicentes, aliquid tamen dicamus. & ut in fidibus est quædam manus aberratio sine arte, in qua tamen ipsa ars sit: sic in epistolis argumentum quandoque est sine argumento. itaque, non semper inanes huiusmodi litteræ: siquidem in ijs solet aliquid non nunquam existere, quod pondus habeat.



habeat. sed fac inanes esse: quid refert? non hoc spectamus, id sequimur, ut, exercitatione duce, eò perueniamus aliquando, ubi sita laus uidetur eloquentiæ? Quòd si nobis tantum in hoc proficere non licet, ut ueteribus illis, quorum est purissima oratio, similes esse possimus: at tentemus tamen, si possumus nostris, qui inquinata loquuntur, dissimiles esse. quod, ut opinor, & multum, & sæpe scribendo consequemur. Ac noli putare, semper in eo nobis esse elaborandum, ut philosophemur in epistolis. graues sententiæ probantur. fateor: sed nunquid hoc uno latina lingua continetur? me quidem Cicero paulo minus delectat, de iocis cum agit, quàm de turpi, & honesto cum disputat. utrobique enim sunt ornamenta: & utrunque sæpe necessarium est. itaque ad utrumque me do: teq; , ut idem facias, etiam atque etiam hortor. cumq; res non erit, de qua scribas; tum tu, si me audis, uel leuissima quæque ex omni parte, ex omni genere arripies, & ijs pro argumento utere. hoc autem quatenus agas, aut cum quibus agas, tibi non præscribo: cuius tanta prudentia est, quantam ætas ista, qua nunc es, capere uix potest. Summa sit, ut & cum argumento, & sine argumento sæpissime scribas. Vale. Romæ.

E 2 Francisco



FRANCISCO GONZAGAE,  
Ferrariam.

ODI pene meos oculos: et si oculi sunt, id est o-  
 mnium rerum carissimi: sed odi certe peius,  
 quàm antea, hunc morbum, quo mihi nunc  
 tuus aspectus, tuus complexus eripitur. aduo-  
 larem enim ad te, si ualerem: nihil me mora-  
 retur: nihil esset tanti. an cum tu, magni prin-  
 cipis filius, familia natus Italicarum omnium  
 nobilissima, nec iam à maioribus tantum, sed  
 à te ipso clarus, Mantua me, humilis homi-  
 nem loci, nondum de facie notum, litteris hu-  
 manissimis tua sponte salutandum putaueris;  
 ego, cum Patauij, hoc est prope in conspectu  
 meo sis, non accurram ad te? facerem: sed so-  
 luta uoluntas non est: impeditur enim ualetu-  
 dine. solatio tamen hoc, in magno dolore, sus-  
 flentor, quòd futurum breui non despero, ut  
 conualescam. concurrunt simul, anni tempus,  
 assidua medicorum cura, mea summa conti-  
 nentia. hæc si proficient: adibo ad te, nulla  
 interposita mora. opto enim, quæ inter nos  
 mutuo litterarum officio conglutinata amici-  
 tia est, eam paulo arctius mutuis sermonibus,  
 mutua consuetudine astringi. sin hærebit mor-  
 bus: obsecro te, largire hoc uel meæ in te ob-  
 seruantiæ,



*seruantia, uel humanitati tuae, ut omnino tuis litteris ne caream: quas ego meis quam poterō creberrimis dabo operam ut eliciam. Mitto ad te librum meum de legibus, proxime editum. principes enim uiros aliquot exemplaribus cum donarem, te decuit adiungi. cupio, legas, cum hoc tamen, si uacat. nam, auocari te à studijs grauioribus mea caussa, nolo. cupio etiam, cum legeris, probari tuo iudicio nostram industriam. sed hoc me cupere, rogare ne puta. uolo tibi esse liberam in utranque partem iudicandi facultatem. nihil mihi tribue: rem ipsam pende suo merito, ac statue de tuo sensu. nec enim is ego sum, qui plus amicitiae dari postulem, quam ueritati: nec tu is es, qui, si postulem, facile concedas. Vale. Posseuino salutem, rarissimo inueni; cuius heri epistolae respondi. Venetijs.*

ANTONIO POSSEVINO,  
Ferrariam.

*GRATVS, & iucundus admodum amor is, qui te in eam mentem impulit, ut officij gratia ad me scriberes. quid enim aliud existimē? cum argumentum res quidem ipsa tibi nullum daret. ingenium uero mirifice tuum amari, amplexatusq; quantum licuit, animo sum,*

E 3 quod,



PAULI MANVTII

quoddam, raptim, & ut ad hominem familiariter, familiariter cum scriberes, epistolam tamen confeceris elegantissimam, distinctam luminibus eloquentiae, in qua non fucatus, sed uerus, ac tanquam naturalis Romanae linguae color eniteat. Maeste Posseuini, fratre iam maior, iuvene eximio: urge totus in studio litterarum. uides, quae te manent praemia. gloriam habes proximam, eamque pene manibus attingis. paululum si te incitaueris, apprehendes. non mehercule, quia nolis, dico: sed, ut intelligas quantum cupiam, propterea dicendum putauimus. faueo enim omnibus, qui recte sentiunt, recteque faciunt: in te uero mea praecipua & est uoluntas, & esse debet. scis, quantum ab hinc annum Romae cum te frater tuus adolescentulum adduxit ad me, quibus uerbis commendauerit, amicitia iunxerit, & ueluti in clientelam tradiderit. ex eo tempore, quoties adisti ad me, quos tecum habuerim sermones, quam studiosè, quam amanter ad illa praecleara, quae frater tuus amabat, sum cohortatus, potes recordari. dixi saepe, non esse tibi de fortunae bonis cogitandum; quae uel improbi malis artibus quaererent, uel bonis uiris recte quaesita facile casus eriperet. ostendi, uere & esse, & appellari diuitem posse, qui liberale doctrinarum scientiam possideret. non neglexisti:



glexisti: contulisti cogitationes omnes tuas ad  
studium uerae laudis: & in eo nunc apud Fran-  
ciscum Gonzagam, nobilissimum, ac uirtutis  
amore incensum adolescentem, ita uersaris,  
ut propemodum uidearis excellere. quare gra-  
tulator equidem fratris tui manibus; quos leta-  
ri arbitror summo opere, quia talis es, & quia  
fore tantus uideris, quanta potest esse uirtus,  
maximo ingenio, acerrima uoluntate, sum-  
mo studio comparata. Nec uero, quod episto-  
la tua significat, mea tibi sunt aut ad ullam for-  
tunae accessionem, aut ad dignitatem studia ex-  
pectanda. à te ipso, mihi crede, omnia profi-  
ciscentur. uirtutem si habes, nihil desidera. ea  
pro te prensabit: ea tibi omnes honores, om-  
nes, quas petieris, opes impetrabit. o praecla-  
ram uitae ducem. te felicem, Possenini, qui  
cum hac uiuis, & uiuendum statuis: me mise-  
rum, qui, cum idem sentiam, cogor tamen eam  
à me disungere, uictus grauitate morbi, &  
iis curis, quae inuitum aliò traducunt. quòd si  
me Deus aliquando resurrexerit; acquiescam in  
iis studiis, quae sola sunt ad naturam meam, so-  
la tranquillitatē animis afferunt, hominemq;  
paulatim ab homine separant, &, quantum  
licet, cum Deo coniungunt. Vale. Venetijs.



PAULI MANVTII

HIERONYMO LIPPOMANO,  
Venetias.

**B**REVIS epistola tua, sed habet multa sua-  
uia. primum significas amorem in me tuum:  
quo quid gratius? nam, amari à nobili adoles-  
cente, propinquitatibus, amicitijs, opibus  
florentissimo, optabile est: ab eo uero adolescen-  
te, cuius ad animi bona comparanda mens om-  
nis, & cogitatio dirigatur; qui scientiam lit-  
terarum ita expetat, ut inani tamen ambitio-  
ne prorsus uacet, nihil ad se ipsum, ad sum-  
mum Deum omnia referat; hoc uero eiusmodi  
est, quod qui assequitur, triumphat. itaque  
ego uehementer mihi gratulor de amicitia tua:  
quam cupio esse perpetuam: &, ut sit, omni  
equidem studio, omniq; erga te obseruantia la-  
borabo. Quod uero ais nescio quid de benefi-  
cio in te meo: mi Hieronyme, noli tantum lar-  
giri modestiæ tuæ, ut uocabulis parum pro-  
prijs, nec satis cum re congruentibus utare.  
quod enim tu beneficium appellas, ego uerius  
officium, & officium eiusmodi, quod præter-  
mitti à me sine graui culpa uix posset. roga-  
bas, ut consulerem studijs tuis: impetraſti fa-  
cile, & curauì libentissime. quod enim tribue-  
re uni tibi uidebar, id non tam tibi tribuebam,  
quàm



quàm litteris , quàm uirtuti , quàm consuetu-  
dini , & naturæ meæ . amplector tamen istam  
humanitatem : quæ tibi non modo beneuolen-  
tiam conciliat , uerum etiam laudem parit .  
nam , ut extenuare , ac dissimulare , quæ acce-  
peris , beneficia , ieiuni animi est , & perangu-  
sti , ac sordidi : sic , ea uerbis augere , palamq;  
profiteri , excelsi , atque ampla spectantis ho-  
minis est , & ad liberalitatem , id est ad decus ,  
& ad gloriam , nati . coniunge , quæso , istam  
mentem , atque istam sententiam cum do-  
ctrina , & cum ijs studijs , ad quæ te uocat  
illustre domesticum exemplum Veronensis  
Episcopi , patruus tui : quem uides auersum  
penitus à studijs rerum humanarum , eaq;  
contemnentem , quæ ceteri admirantur , to-  
tum esse in una uirtute defixum , & diuinam  
consuetudinem , quatenus homini liceat , imi-  
tari . itaque nunc eius sapientissimis consilijs ,  
ac sanctissimis institutis , eximiaq; doctrina ,  
magna ex parte Romana nititur ecclesia .  
hunc tu ducem si sequeris , & in eius uestigio  
pedem pones : non errabis in hoc dubio uitæ  
cursu , non laberis in lubrica inuentutis uia .  
quod te facere iam , lætor ; facturum etiam  
multo in posterum diligentius , confido . atque  
ego , quando mihi licere apud te tantum uis ,  
languere te præclaris in studijs non patiar . hor-  
tabor



tabor litteris, dum abero: præsens sermonibus  
 excitabo. nunc me cupidum urbis, tuiq; ma-  
 xime, ac paucorum tui similium, tenet ta-  
 men in his locis uxoris meæ morbus: de qua ia-  
 etor uarie, tanquam fluctibus, modo spe, modo  
 metu. in una tantum cogitatione uidetur ani-  
 mus consistere, & quietem aliquam capere,  
 cum quasi secum loquitur, & commemorat  
 ipse sibi necessitatem illam rebus omnibus im-  
 pendentem, ut animata intereant, creata dis-  
 soluantur. At est dolendum, si quem uiribus  
 ætateq; florentem immatura mors oppressit.  
 Ita, si mortem in malis, uitam felicitatis loco  
 statuas. quod qui existimat, refellitur exem-  
 plis. quàm multis enim, diu uiuere, miserr-  
 mum fuit? Hæc quàm diu cogito, uideor ac-  
 quiescere; satisq; leuiter incommodi mei gra-  
 uitatem sustineo. sed certe nimis acerbè fortu-  
 na mecum egit, quæ me, de me ipso, ut scis,  
 ac de mea ualetudine sollicitum, alienis etiam  
 malis implicuerit. Benacum petere statue-  
 ram, non licuit, neque forsitan licebit. Asu-  
 la quidem, oppido satis eleganti, ubi magnam  
 pueritiæ meæ partem traduxeram, omnes mi-  
 hi iucunditates, omnia gaudia tum in fratris  
 conuictu, tum in ueterum amicorum consue-  
 tudine finxeram, cecidit contra. frater enim  
 ægrotauit diu, neque dum firmus est: amicis  
 autem

autem qui  
 rum dierum  
 ta uita spe  
 beam? De  
 stare dum  
 esse miserum  
 lutam uolun  
 rere, id est a  
 deficiere. q  
 quod si nostr  
 fra consilia  
 mat, opinor  
 bito, quum m  
 tret, uel bo  
 moderate fer  
 te omnis nos  
 pientia, alio  
 berramus a  
 bris abducti  
 ma specie de  
 audieris sape  
 te pueritia in  
 pene cubicul  
 hi nunc, ma  
 cuniento, l  
 nus aptissim  
 tia nostra,  
 quam tu su



autem qui possum frui, cum uxorem, multo-  
 rum dierum morbo conflctatam, nunc incer-  
 ta uitæ spe animam trahentem, in oculis ha-  
 beam? De me ipso, ac de meo reditu noli expe-  
 ctare dum scribam. uides me alienis miserijs  
 esse miserum: meam non esse liberam, aut so-  
 lutam uoluntatem, intelligis: nisi si meos dese-  
 rere, id est ab omni prorsus humanitate uelim  
 desciscere. quod profecto nunquā committam.  
 quod si nostrorum animorum sensus, & no-  
 stra consilia Deo patent, ut certe patent: a-  
 mat, opinor, pietatem meam; eaq; non du-  
 bito, quin mihi uel opem ab eo celeriter impe-  
 tret, uel hoc saltem, ut, quidquid euenerit,  
 moderate feram. profecto enim ex uno illo fon-  
 te omnis nostra fortitudo manat, omnisq; sa-  
 pientia. alioqui facile frangimur, & facile a-  
 berramus à uero, insidiosis uoluptatum illece-  
 bris abducti, & rerum mutabilium fallacissi-  
 ma specie decepti. quæ tu, ac multo plura, cum  
 audieris sæpe de patruo tuo, qui cum ab ineun-  
 te pueritia in ijsdem ædibus, atque in eodem  
 pene cubiculo uixisti: si quid huius generis mi-  
 hi nunc, multis difficultatibus ac molestijs cir-  
 cumuento, litteris imperties; habebo à te mu-  
 nus aptissimum meo tempori, dignum amici-  
 tia nostra, dignum uero maxime ea persona,  
 quam tu sustines: qui te sacris addixisti, sem-  
 per



PAULI MANVTII

per ut bene ageres, aut bene cogitarēs. *Vale: &*, ad Episcopum Veronæ designatum, quem uidi nunquam, de fama tamen cognitum studiose colo, obsecro te, cum scribes, meo nomine salutem plurimam. *Asule.*

È I D E M, Venetias.

NUNQUAM putauì fore, ut iniuriam acciperem in beneficio, presertim à te, cuius in fronte, oculis, uultu habitare uidetur humanitas. benigne mecum, & liberaliter agere, quod est proprium familiæ tuæ, magnopere te decuit: idq; adeo postulabat amicitia nostra: calide uero agere, & ficta ueritatis imagine fucum facere, neque te dignum fuit, ad præclara laudandarum rerum studia ex nobilissima familia nato, neque uero me tui studiosissimo, de tua bonitate, tuisq; moribus egregie non modo sentiente, uerum etiam prædicante. astutiæ præstantibus uiris nunquam placuere. apertam, simplicem, rectam in omni uita consuetudinem sequuntur. quo ego te in numero quia credidi esse, et quia, ut esses, curare non medio criter debuiisti; ideo sum in fraudem facillime inductus, & illo tuo figmento, quo nihil unquam gustauì suauius, abstinui perinuitus. meæ tamen inscitie eo me pudet minus, quia sequitur



quitur amorem credulitas, & ita uitium laude corrigitur. noli igitur me, quasi rudem quendam, & prorsus earum epularum, quæ nouo quodam artificio condiuntur, imperitū, contemnere. pœnarum satis in ipsa re tuli: quam reieci quasi noxiam; cum esset eius generis, ut me docuit heri uestperi Sebastianus noster, unde simul possem & alimentum capere, ualetudini meæ uehementer aptum, & palatum oblectare, quantum antea fortasse nunquam. restitue nobis tuam fidem. liceat mihi meum errorem tuo beneficio corrigere. magna res non est: magnopere tamen sum commotus, uel inscitia mea, uel malitia tua: quæ uicit omnino, uel fesellit potius opinionem meam. id si moleste fers; non longe abest mei leniendi facultas: si modo animum tuum induxeris, ut id, quod potes, etiam uelis. quod si secus acciderit: prædico tibi, culpam exiguam grauitè lues: neque te mellitis placentulis, quibus me munerari solitus es, absoluam, sed ea pœna condemnabo, cuius etiam nomen cum audieris, extimesces. interim sustineo me, neque dum muto iudicium de te meum; quia te spero rationem utriusque nostrum habere uelle. cupio tecum coram iocari, & simul aspectu illo tuo iucundissimo frui. Vale.

E cubiculo meo, ante lucem.

Eidem,



## E I D E M, Romam.

CUM in magnis molestijs hæc una me res delectare non mediocriter soleat, quod amicitias à me diligenter coli, nec unquam officium contemni, ipse mihi sum conscius; legi perinuitus eam partem litterarum tuarum, in qua me, ut immemorem promissi, appellas, atque etiam, ut oblitum humanitatis, leuiter accusas. Ego tuæ familiæ nobilitatem, egregiaq; tuorum maiorum decora, pro eo ac debui, semper suspexi: te uero ipsum, præditum ijs bonis, quæ nobilitatem omnem uincunt, amaui prorsus, à quo die mihi cognitus es, amore singulari. hanc immutari in me uoluntatem, ita etiam si te mihi casus aliquis immutet, neque consuetudo mea, neque natura pateretur. quod equidem antea tibi certum esse, atque exploratum arbitrabar, nunc, quando subdubitare te uideo, significandum putauit; ne posthac unquam suspiciones istiusmodi, plane meo erga te studio, & mehercule etiam tua bonitate indignas, mearum epistolarum afferat infrequentia. quanquam, si tuum ocium cum meis occupationibus conferatur, non intelligo, cur ego tuam in scribendo ualde laudare diligentiam, tu meam reprehendere negligentiam debeas.

satis,



satis, nisi fallor, statum rerum tuarum habeo  
cognitum: tu me scilicet uideris ignorare: nā,  
si nosset, & exigeres tamen id, quod præstare  
uix possum; esses iniquior. At erat amoris no-  
stri, lenire litteris dolorem tuum in obitu pa-  
trui, summi uiri. sit ita: ueruntamen abs te  
postulabat idem amor, ne, officium à me illud  
sine caussa prætermitti, animum induceres.  
Primum ego te, per aliquot annos domestica  
sanctissimi hominis disciplina institutum, pu-  
tabam humana omnia contemnere, mortem  
uero, quæ sempiternæ uitæ initium est, etiam  
in bonis ducere. Quòd si frangimur huma-  
nis, aut commouemur saltem; certe enim à  
stipite, à saxo, à ferrea materia longe distat  
hominis natura: quis tamen ab afflictio sola-  
tium expectat? aut quis me minus tranquilla  
experitur omnia? quæ si tibi nota sint: profe-  
cto me liberares ab omni culpa, & cupias reuo-  
care querelam tuam. Neque uero, si uigeat  
animus, & perferat aduersa; ita ualemus in-  
genio, ut consolandi partes, quæ doctrinæ plu-  
rimum, & sapientiæ postulant, audeamus as-  
sumere. non hæc in nobis facultas est: quæras  
eam aliunde licet: si modo, ut significas, quod  
mibi tamen haud omnino persuades, in te ipso  
non est; qui & acueret mentem liberalibus stu-  
dijs, & augere prudentiam usu rerum, ac præ-  
stantium



PAULI MANVTII

stantium uirorum sermone potuisti. quæ si absint, ut abesse à me magna ex parte fateor: tamen ille ipse, qui tibi luctus causam attulit, idem à luctu te remouet exemplo uitæ suæ, cuius abesse nullam partem à constantia, & à uirtute reperiēs. Hunc igitur tibi unum ante oculos constitue: finge ad eius imaginem, quidquid cogitas, quidquid agis; noli oculos ad uulgi deprauatam consuetudinem flectere. ita cōsules egregie rationibus tuis: & illud recte instituendæ uitæ consilium, quod à me requiris, nusquam esse præstantius, quàm in te ipso, cognosces. Vale.

EPISTO-

EPI

PA

FRAN

CARO

PHIL

SPA

Offici

tuum reco

lens absent

opar misse

mentem gra

na statim ex

nohis in uita

primas, in

cepit, uxor

rem morbu

statu est. au

qu possum

mente consil

na spe, in qu

matas, quod

secutus, con

bita temp

tu nostroru

ta, que no



33  
EPISTOLARVM  
PAVLI MANVTII  
LIBER II.

FRANCISCO VARGAE,  
CAROLI V. IMPERATORIS, ET  
PHILIPPI, EIVS FILII, HI-  
SPANIARVM REGIS, ORATORI,  
Venetias.

OFFICII mei saepe me admonet officiorum  
tuorum recordatio. officium autem, quod ab-  
sens absenti præstare possum, litteræ sunt:  
quas misissem ad te iam antea, nisi huc adue-  
nientem graues admodum, & peracerbæ cu-  
ræ statim excepissent. quas enim res scis esse  
nobis in uita omnium carissimas. omniumq;  
primas, in ijs me grauius exercere fortuna  
cæpit, uxore, liberis, fratre uno pene tempo-  
re in morbum coniectis. ne mihi quidem belli  
satis est. animo enim affectus, ualere corpore  
qui possum? ueruntamen, quia mihi hærent in  
mente consilia tua, fero hæc ut humana, diui-  
na spe, in qua tu soles omnia ponere, confir-  
matus. quòd nisi hunc in portum, te ducem  
secutus, confugissem: facile me tot malorum  
subita tempestas obruisset. En, quàm sit incer-  
tus nostrorum consiliorum euentus, & quàm  
ea, quæ nobis ipsi ad uoluntatem fingimus,  
F \ contra



PAULI MANVTII

contra cadant . Petiui has regiones , non sine sumptu , non sine labore , spe ductus ualetudinis recuperande : reliqui urbem pulcherrimam , mea negocia , tuam consuetudinem , in qua mihi ornamenti statuo plurimum . hæc bona , tantum abest , ut alijs bonis compensata sint , ut etiam multa successerint , quæ si ad sensum referantur , mala uere possum appellare . sed , cum me sensus quandoque moueat , ratione tamen utor sæpius . hæc ostendit , nihil esse malum , nisi quod nostra culpa contingat : anticipem esse in rebus humanis rationem iudicandi : nihil enim semper idem esse : quin , quæ nobis aduersa , exitiosa , prorsus misera uideantur , ea sæpe ita conuerti , ut ex ijs ipsis multæ commoditates emanent : contra , quæ speciem habeant felicitatis , inde fluere quæ acerbissima sunt , exilium , paupertatem , ignominiam . quæ ego cum cogito , reficior paululum , & excito me , quatenus licet , ad eam uirtutem , quæ in aduersis rebus elucet : de qua cum multa sint à philosophis tradita , unus tamen eam suo exemplo præclare docuit nostræ salutis auctor Iesus Christus : quo magistro , quæ sit uera fortitudo , discimus , omniumq; laudandarum artium absolutam , ac uere salutarem doctrinam consequimur . Atque ego te , Franciscæ Varga , quod hoc studij genus omnibus & studijs ,



studijs, & scientijs anteponas, longe quidem  
 hoc nomine pluris facio, quàm quòd negocia  
 Caesaris Imperatoris ex omnium saeculorum  
 memoria praestantissimi, & Philippi regis,  
 omnium Regum maximi, apud Venetam  
 remp. orator administres. ista enim dignita-  
 te alij quoque nobiles uiri claruerunt: pietate  
 uero in Deum, & sanctitate uitae, parem for-  
 tasse aliquem, superiorem certe habes nemi-  
 nem. itaque, postquam à te discessi, uix cre-  
 das, quàm saepe meus ad te animus, tuorum  
 sermonum desiderio, recurrat. equidem, uel  
 si mihi cetera hic omnia secundissima fluerent,  
 quae exerior, ut dixi, satis aduersa; iniucun-  
 de tamen uiuerem, quia, procul à te absum:  
 cuius ex humanitate, sermonibus, consilijs mi-  
 rificos capiebam fructus, & documenta ad ui-  
 tam recte traducendam utilissima. Quare  
 iam me minus, quàm antea, delectat, ac pe-  
 ne displicere totum cœpit consilium illud me-  
 um de lacu Benaco incolendo. tua me singula-  
 ris doctrina, tua probitas, tua benignitas ad  
 urbem reuocat. Benacum, per anni tempus  
 cum licebit, aestate scilicet ineunte, (nam hie-  
 me regionem illam procellis, & uentorum ui-  
 totam audio agitari) si ualetudo ita postula-  
 bit, inuisam. interea meam imbecillitatem  
 ratione uictus, & abstinentia tuebor. ac for-  
 tasse



PAULI MANVTII

tasse fiet, quoniam à Deo cuncta pendent, ut  
Venetijs, intra meos parietes, in oculis, &  
aspectu meorum, commodissimo uitæ genere,  
ita conualeſcam, ne qua poſtea me celi mu-  
tandi neceſſitas extrudat. quod ſi aſſequar;  
habebis me, ſi me tantum ab humanitate tua  
ſperare uiſ, quod proſeçto uiſ, familiarem,  
ac pene contubernalem: & hac equidem ſpe-  
iam nunc mirifice ſuſtentor. Vale. Venetijs.

HIERONYMO FALETO,

HERCVLIS, FERRARIENSIVM

DVCIS, ORATORI,

Venetias.

QVOD heri inieciſti in ſermone, hæret in ani-  
mo, &, quo diligentius rem perpendo, eo  
magis omnia mea conſilia, omnes cogitatio-  
nes ad nouam ſocietatem, quæcunque ea ſit,  
conuerto. uexor enim, & deludor indigne ab  
homine teterrimo, omniumq; impuriſſimo:  
cui non ſatis eſt auertere communem rem; ſed  
me prorſus ita deſpicit, ut nec dignum ducat,  
ad quem adeat accerſitus. equidem nihil mihi  
aſciſco, nihil arrogo inſolenter: nihil enim ha-  
beo neque à fortuna, neque à me ipſo, quo ni-  
mium extollar: ueruntamen limina mearum  
ædium teruntur quotidie pedibus uirorum cla-  
riſſimorum



risissimorum ad me confluentium. tu ipse, tu,  
 inquam Falete, & maximi Ducis orator, &  
 maximus ipse uir, quem grauisima distinent  
 negocia, qui scribis historiam, legum scien-  
 tiam, ueterum, & recentium, scriptis lucu-  
 lentissimis explicas, uenire tamen ad me, quæ  
 tua est humanitas, sæpe solitus es, horasq;  
 multas suauissimo sermone consumere. Ma-  
 lum est, inquires, ab homine nequissimo con-  
 temni. Malum: sed peius etiam, expilari.  
 quòd nisi tua prudentia medicinam huic malo  
 affert; periit fructus omnis tuæ liberalitatis.  
 clauam enim citius de manu Herculis possum  
 extorquere, quàm ab isto nummum. aut igi-  
 tur ea mihi conseruetur utilitas, quam tuo be-  
 neficio, speraueram: aut, qui nos uult perdi-  
 tos, perdatur ipse nobiscum, & societas com-  
 muni perniciæ dissoluatur. uerum, cum in tu-  
 um ingenium, tuam auctoritatem, & singu-  
 larem in me beneuolentiam intueor; traducor  
 facile ad optimam spem; tranquilla omnia,  
 commoda, copiosa mihi ipse polliceor. tu resti-  
 tues unus, afflictam rem: & istum postremi  
 ordinis hominem, omnibus uitijs inquinatum,  
 indignum prorsus non modo amicitia nostra,  
 sed congressu etiam, ac sermone, extrude-  
 mus; ut uersetur posthac, & uiuat cum sui si-  
 milibus, in sordida nequitie, seiunctus à no-



bis, qui humanitatem colimus, & uirtutem  
omni lucro anteponimus. Interim lege,  
quam saepe iam efflagitasti, partem libri no-  
stri de quatuor rebus pub. quā cupio à te proba-  
ri. ocium si habuero, quale aliquando conse-  
quar, si alibi non licebit, in Bellombra tuo;  
totum uolumen absoluam. Vale. ex adibus  
nostris.

Ex libro de quattuor rebus pub.

EX IIS, quæ supra sunt commemorata, duæ  
uidentur propositi nobis argumenti partes ab-  
solutæ. patere enim satis arbitramur, non mo-  
do quibus uitij duæ maximæ, ac firmissimæ  
ciuitates, primum Sparta, deinde Carthago,  
labefactatæ corruerint; uerum etiam, qui-  
bus illa uitia remedijs uel sanari penitus, uel  
ita saltem corrigi potuerint, ne reip. salutem  
in discrimen adducerent. nunc urbis Romæ  
quæstio succedit: qui erat tertius in diuisione  
locus. postremæ narrationi, conclusio futura  
nostri muneris, omniumq; nobilissima, & ea-  
dem difficillima tractatio, Venetiæ nostræ  
reseruantur.

AC DE Roma, quæ nullo magis uitio, nullo  
grauius unquam morbo, quàm imperij ma-  
gnitudine, laborauit, primum illud occurrit,  
nulla



nulla omnino in ciuitate post homines natos  
 aut uirtutes, & honestas actiones aliquando  
 floruisse magis, aut aequae malas artes, & exi-  
 tiosa publicis rebus consilia ualuisse. Primis  
 reip. temporibus, cum nulli dum de plebe ma-  
 gistratus creabantur, summa senatus potestas,  
 summa fuit auctoritas. utraque cum per ali-  
 quot annos uigisset, inclinare tum primum  
 cepit, cum tribuni pl. creati sunt. creatos au-  
 tem culpa senatus, historiae declarant. nam,  
 si prima repetere, & quae cuique rei causa  
 sit, placet animo perquirere: tribuniciam po-  
 testatem, quae deinde senatus opes fregit ac de-  
 bilitauit maxime, ipsius uitio senatus Romae  
 constitutam, facile constabit. Quid igitur?  
 an tu, dicet aliquis, senatum reprehendis,  
 quia tribunos pl. creari passus sit, cum plebs  
 eum magistratum non iam uocibus posceret,  
 sed armis extorqueret? an amplissimum ordi-  
 nem, quia permiserit, quod recusari sine reip.  
 praesenti iam periculo non poterat, impruden-  
 tiae condemnas? Ego quidem minime: habeo e-  
 nim rationem necessitatis; cui parere, sapien-  
 tis semper est habitum. Secesserat armata mul-  
 tudo in Sacrum montem: flagrabat ira, &  
 odio in ordinem nobilium: auaritiam, super-  
 biam, crudelitatem senatus accusabat: se bel-  
 la gerere, urbes capere, pro patria sanguinem



effundere, mortem obire clamabat: pro his  
 meritis inopiam, & iniurias pati: senatum  
 commodis frui, senatum honoribus abundare:  
 plebem seruire, quæ, ut ceteri liberi essent,  
 quotidie sua corpora hostium telis obijceret.  
 quem nō mouerent huiusmodi querelæ? quem  
 non terrerent, cum ij, qui hæc querebantur,  
 alij pila, alij gladios manibus tenerent? recte  
 fecit senatus: tribuniciam potestatem, à plebe  
 flagitatam, concessit, non libenter, sed, ut  
 impetum sedaret, maiorem temporis, quàm  
 suæ uoluntatis, rationem duxit. hæc, ut di-  
 xi, recte, nec sine summo consilio: sapiens  
 enim cum necessitate non pugnat: at illud ne-  
 que recte, neque prudenter; quòd, ut in eam  
 necessitatem res deduceretur, siue negligentia,  
 siue superbià commisit. occurri principiis o-  
 portuit, & nascentem pestem extinguere. nam  
 cum omnes ciuitates, quæ suo milite bella ge-  
 runt, quotidianis prope seditionibus fluctuare  
 necesse sit: quo malo & ueterum memoria,  
 & nostra ætate florentissimas ciuitates occi-  
 disse constat: summæ difficultatis, ac diuinæ  
 cuiusdam sapientiæ uidetur esse, ita rem mo-  
 derari, ut consistat; neque permittere, ut mul-  
 titudini, quæ satis ipsa per se leuis est, ulla pau-  
 lo iustior ad motum accedat occasio. Erant in  
 plebe Romana quamplurimi; quibus ære alie-



no obstrictis, unde soluerent, non erat. hi cum  
ad tribunal consulum, qui tum, nondum crea-  
tis prætoribus, de creditis pecunijs ius dice-  
bant, à fœneratoribus uocarentur; egestatem  
excusantes, & domesticas misérias ad elici-  
endam misericordiam commemorantes, ta-  
men non audiebantur. magistratus nec ten-  
dum fœneratori debitorem tradebat, ut, quam  
cunque creditor uellet, seruitutem seruiret. ini-  
qua, & homine prorsus indigna siue consuetu-  
do fuit, siue lex. Tu mihi libertatem lege eri-  
pias, cum libertatis causa leges constituantur?  
an ego ullam legem potioremea lege du-  
cam, qua Deus, ut homo liberum animal es-  
set, ac ceteris animantibus imperaret, æter-  
no iure sanxit? pecuniam aufers: non relin-  
quis, unde uiuam, unde liberos alam: fero:  
relinque libertatem; ut mercenario saltem ope-  
re ipse mihi, & esurienti familiæ uictum quæ-  
ram. Cum his acerbè magistratus agebat; a-  
cerbius etiam fœneratores; qui ciues Roma-  
nos, nexu uinctos, grauissimo seruili opere fa-  
tigabant, & nexorum in terga flagellis, ac  
uerberibus sæpe sæuiebant. Hic senatus mise-  
ris ciuibus consulere, causam libertatis susci-  
pere & potuit, & debuit. nexos è uinculis e-  
ximere, humanitatis fuit; diem soluendi la-  
xiorẽ egentibus statuere, æquitatis; usuris  
modum



modum facere, iustitiæ. hæc & facienda fuerunt; & ut fierent, cum à patribus plebs, atque à consulibus frustra petisset; ad extremum, ut homines desperatio præcipites agit, armata multitudo in Sacrum montem, tria millia ab urbe passuum, secessit. tum, ut plebeiorum animi, istiusmodi iracundiæ perciti, continerentur; senatus periculo territus, de creando plebeio magistratu, quia res aliter conuenire non poterat, assensit. itaque tribuni pl. primum quinque, deinde decem, creati sunt. ab hac radice ortum quidquid inter ciues discordiæ, quidquid seditionis, quidquid bellorum fuit. per annos quingentos, id est, usque ad exitum reip. tribuni pl. contra nobilium potentiam seditiosis concionibus nociferari, plebem ad noui commodi spem, ad noua incitare consilia nunquam destiterunt. specie libertatem tuebantur; re uera senatum oppugnabant. primo magistratus, deinde & sacerdotia plebi communicata. ad extremum is, qui solet, exitus consecutus est. nam plebs, ubi, quod paucorum erat, ad se transtulit, rursus id ipsum, quod multitudinis est, in unum confert. facit hoc inscitia, facit inopia, facit ea, quæ in magno numero semper existit, uoluntatum & opinionum dissimilitudo. ita popularis administratio, quæ maxime libertatis imaginem



ginem praefert, occulte tamen, si spectemus  
 exitum, tyrannis est: quoniam ex ea fere sem-  
 per exoritur tyrannus: sicuti deinde ex tyran-  
 no status optimatum generatur. Huius mu-  
 tationis exemplum satis illustre Roma est. pri-  
 mo, regum summa potestas fuit: deinde sena-  
 tus, hoc est, optimatum, maior, quam po-  
 puli: tum populi maior, quam senatus: postre-  
 mo rursus unius maxima, & singularis. po-  
 pulus enim C. Caesarem extraordinarijs impe-  
 rijs auxit, eoq; extulit, unde, cum se monar-  
 chiae proximum esse homo acutus intelligeret,  
 priuatam conditione despexit; altiusq; maluit,  
 ut humani mos ingenij fert, ascendere, quam  
 ad inferiora, quae reliquerat, descendere. Neque  
 uero me fugit id, quod à doctissimis uiris me-  
 moriae proditum est; firmissimas illius reip. ui-  
 res esse, & quae non facile ab externis uiribus  
 debilitentur, cuius non simplex, neque unius  
 generis administratio est, sed ita mixta, ita  
 temperata, ut in triplici forma unum consiliū,  
 unam quasi mentem significet. neque ego tum  
 in ciuitate praclare agi negauerim, cum &  
 unus, & pauci, & multi maximas res ge-  
 runt, nec tamen aut unus, aut pauci, aut mul-  
 ti praecipue dominantur. uerum, ut harum  
 trium partium in suo quaque munere modum  
 seruet, & ea, quam habet, potestate nun-  
 quam



quam abutatur, ego quidem hoc fieri posse non arbitror. sunt enim hi tres ordines admodum dissimiles: & inter dissimilia perpetuus æquabilitati locus esse non potest. nam quem admodum in musicis, quo plures chordæ percutiuntur, eo suauior concentus efficitur; quia uariis ille multarum fidium numerus, in quo summa discordia est, arte conciliatus, & ad concordiam perductus, incredibili quadam iucunditate aures, animumq; permulcet; sed hæc tamen iucunditas ideo brevis est, quia de multis fidibus aliqua statim remittitur, & discrepat: sic multorum ordinum administratio uidetur illa quidem esse omnium optima; quia quo longius ab unius imperio disceditur eo, propius ad libertatem acceditur; sed quia multis idem sentire difficile est, facile dissoluitur. quid autem ex dissolutione existat, multarum ciuitatum miserrimus exitus declarat, quare, cum sit necesse, ut de tribus testamentibus, quæ pares sint, aliqua aliquando se efferat, & reliquis duabus insultet: ante prouidendum est, ut ea unde magis hoc imminet periculi, quæq; ad temeritatem procliuor est, inferiorem locum obtineat, & reliquas duas neque dignitate, neque uiribus adæquet. quæ uero de tribus ea sit, quæ facilius insaniat, & cum insanierit, cohiberi non

non possit, h  
inferiorem in  
mo ferat, ita  
quam superb  
tus ager. tu p  
tur: nonos ma  
peria non des  
ferret: putab  
re, sed legibus  
uisset; quicq;  
quæq; uis esset  
feruor agi solet  
set: nulli liber  
et impia cau  
epiam publica  
quia non fecit  
sunt, ex desper  
natus ex tribu  
tione libertati  
na potuit sena  
populus; extr  
mis temporib  
fuit, extremis  
nullam potest  
ritas non abst  
lucula senatu  
lunus pl. P.  
Pisoni, & C



non possit, hic sine dubio populus est. qui ut  
inferiorem in ciuitate conditionem a quo ani-  
mo ferat, ita fiet, si cum eo semper iuste, nun-  
quam superbe, interdum etiā liberaliter sena-  
tus aget. tū populus nihil appetet, nihil molie-  
tur: nouos magistratus, nouas leges, noua im-  
peria non desiderabit: libera seruitute libenter  
seruiet: putabit enim se non hominibus serui-  
re, sed legibus. hæc si Romæ senatus initio ca-  
uisset; quiq; furentis multitudinis impetus,  
quæq; uis esset, mature cogitasset: non, ut cū  
seruis agi solet, ita cum ciuibus agi passus es-  
set: neq; liberos homines uetuisset: usuras, hoc  
est inopiæ causam minuisset: ipsam autem in-  
opiam publica benignitate subleuasset. quæ  
quia non fecit, iccirco illa, quæ dixi, consecuta  
sunt, ex desperatione secessio, ex secessione tribu-  
natus, ex tribunatu ordinū contentio, ex conten-  
tione libertatis interitus. Primis tēporibus om-  
nia potuit senatus; medijs multa senatus, multa  
populus; extremis omnia populus. itaque et pri-  
mis temporibus, & medijs florentissima resp.  
fuit, extremis facile concidit. nullum enim ius,  
nullam potestatem à senatu tribunorum teme-  
ritas non abstulit. Aerarij dominus per multa  
secula senatus fuerat. antiqua tamen iura tri-  
bunus pl. P. Clodius neglexit, lege lata, qua  
Pisoni, & Gabinio cos. simul cum provincijs  
pecu-



pecuniam, quantam uoluit, de publico dedit. Senatus lege Sempronia consulares prouincias pro consulibus decernebat. decretas tamen idem Clodius abstulit, Vatinii scilicet tribuni pl. improbitatem imitatus; qui anno proximo C. Cæsari Galliam cisalpinam cum Illyrico, inuito senatu, sua lege dederat. Legati etiam ex auctoritate senatus deligebantur. Vatinus immutauit, & ipse sibi sua lege legationem detulit. Ipsa comitia quodam modo senatus in potestate fuerant: quia magistratum non gerebat is, qui ceperat, nisi patres auctores essent. hoc quoque amissum, nec fieri iam solere, Cicero significat in oratione pro Plancio. Triumphum à senatu petere imperatores è prouincia redeuntes diu consueuerant. inuentus est, qui, cum senatus triumphum negasset, ad populum confugerit, & populo iubente, triumpharit. Qui poterat ea resp. consistere, & ad interitum non ruere, in qua, quod senatus improbat, populus iubeat; quod decernebat senatus, infirmabat populus? ius enim intercedendi tribuni pl. habebant: quo iure, ne senatus consulta fierent, impediabant. at impedire iussa populi si senatus uellet; non erat, ut tuto posset. ilico enim, incitantibus tribunis, erumpebat seditio, ilico uis, ilico cades. cuius periculi metu sæpe senatus iniquissima tulit. nam,  
ut



ut omittam alia, quæ sunt huius generis sexcenta, regna ipsa sine senatus consulto barbaris hominibus ex tribunorū pl. libidine esse donata, scriptum est. quæ licentia cū retineri non posset, eò progressa demū est, ut omnia perderit. nec dissimilis erit euentus, quacunque in ciuitate pares cum senatu uires populus habebit: non quòd, ubi æqualitas est, ibi recte non sit: sed quòd, ubi ad æqualitatem populus peruenit, diuturnam esse non patitur. Quare, cum ex duorum ordinum æqualitate statim oriatur inæqualitas; æqualitati perniciosæ tutam inæqualitatem antepono; & eum ordinem præesse rebus malo, qui potestate minus abutitur, quàm eum, cuius potestatem summa statim licentia, summa temeritas consequitur.

## MARIO NIZOLIO,

Parmam.

EPISTOLA tua, mi Nizoli, ut amici hominis, ac uehementer amandi, summa me uoluptate affecit, ac meam uehementer incendit cupiditatem Parmam adeundi: nō quòd urbs, aut urbis ornamenta, me moueant: (alij hoc mirantur, apud me uulgaria sunt) sed aueo incredibiliter ueterem meum, meum dico? immo uero litterarum ac studiosorum omnium, ipsumq;



PAULI MANVTII

ipsumq; litteris excellentem, Alexandrum Farnesium Cardinalem salutare: quem cognoui Romæ & colui puerum adolescens, eximia iam tum indole præditum, & earum laudum principijs, quas deinde auctus ætate simul & iudicio perfecit, magna omnium expectatione florentem. quo quidem tempore uehementer urbs ipsa excitauit me atque acuit in studio liberalium disciplinarum, aspectu ipso antiquitatis, & multiplici ac uaria hominum eruditum scientia: sed, ut ingenue uereq; fatear, proprie me expoliuit aula Farnesi moribus, ac litteris; cum uiuerem coniunctissime ac familiarissime cum duobus præstantissimis uiris, Marcello Ceruino, et Bernardino Maffeo: quorum alterum Pontificem maximum, alterum Cardinalem, utrunque immortalitate dignissimum, & diuersa bonis artibus iniqua mors eripuit. Quare, quod me Parmam uocas, & multis uerbis inuitas amantissime, nõ me litteræ tuæ sopitum excitarunt, sed currentem potius, ut aiunt, incitarunt. quod utinam cum uoluntate cetera congruerent: iam iamq; uobiscum essem. sed uides anni tempus: uides itinerum difficultatem: scis, quàm imbecillo sim corpore, quàm tenui, & ad incommoda, iniuriasq; cæli perferendas parum apto. timeo etiam à militibus; à quibus ocium non est: excurrere enim dicuntur,



dicuntur, & prædas facere. non igitur ueniam, cum à uobis unius diei uix absim interuallo? ueniam, opinor; quæq; aduersantur, & impediunt, contemnam omnia. uolo omnino meis oculis, Farnesio uidendo, satisfacere: uolo hanc à me ipso gratiam inire, & salutationis officio, expetito sane, ac debito, perfungi. Te uero, optime, ac doctissime Mari, cuius consuetudine & sermone careo multis abbinc annis, quem mihi tamen ex animo nunquam eripuit neque tempus, neque longinquitas, quo studio complectar? quantam hauriam, cum præsens præsentem alloquar, uoluptatem? dilexi equidem, à quo primum die te cognoui, tuos mores, tuam naturæ comitatem, ac suauitatem: doctrinam uero, ingenium, industriam suspexi semper, extuliq; laudibus ad cælum: nec iniuria. nam si, Romanæ linguæ studium colere, & illustrare, laus est: quis hoc te uno aut curauit studiosius ætate nostra, aut cumulatius præstitit? ego ipse, quem tu esse aliquid uis in hac latine scribendi facultate; in quo ne reor ne te fallat amor: nam iudicium in dubiū uocare non debeo: sed, si quid sum, quadam ex parte de tuo fonte fluxi. thesauros enim Ciceronis omnes, in illo præclaro tuarum obseruationum libro congestos, reperi; & usus sum facile: quos colligere dispersos, immensi labo-

G ris



PAULI MANVTII

ris fuisset, ac temporis. Laudas igitur beneficium tuum, cum me laudas, & quodam modo premia capis meritorum tuorum. De loco in oratione pro Sextio, disputas erudite: nec à iudicio tuo mea discrepat opinio. quiddam tamen superest, quod me leuiter pungat. qua de re cum erimus inter nos collocuti; uel ego tuam sententiam, ut ueram, uel tu meam sequeris gratiæ saltem causa. Vale, & Farnesio Cardinali, simulq; Antonio Mirandulæ, Episcopo multarum doctrinarum laude ornato, meis uerbis salutem plurimam dicito. Asulæ.

SILVIO ANTONIANO,  
Ferrariam.

ACUTE admodum, mi Silui, nec minus amanter scribis. ego autem in amore facile possum tibi respondere, planeq; respondeo: ingenij signa, prædico tibi, ne prorsus ulla meis in litteris expectato. non soleo fere studiosius epistolas elaborare: primum, quia, si quid scribitur ad familiares, plane familiariter agendum puto: odi illa nimis ambitiosa, constructa uerbis & sententijs exquisitis: deinde, quia, ne si uelim quidem in epistolis agere accuratius, relinquitur ut possim. urgeor quotidianis amicorum salutationibus: negocijs, & rei domestica



cæ cura pene opprimor: oculorum uero ualetu-  
dine sic interdum uxor, ut nullam partem ca-  
piam quietis. quare male merearis de amico  
tuo, Silui, si uelis ei, tam ualde occupato, tam  
grauiter affecto, diligentie onus imponere.  
imitetur epistola sermonem, excurrat libe-  
re, nullis astricta legibus, & suauem quan-  
dam, perfecta non indignam amicitia, negli-  
gentiam præferat. alioqui officium scribendi,  
sæpe inter absentes necessarium, gratum qui-  
dem semper, iniucundum & graue nimis accu-  
rata reddet industria. Quod me ornas laudi-  
bus; non efficis ut ipse mihi placeam, aut assu-  
mam plus, quàm soleo: tueri placet modesti-  
am meam: id assequeris, ut me tibi deuincias  
magis, cuius ex amore fluere ista uideo, nimis  
in me honorifica, præclara, singularia: quæ  
optaui equidem semper, assecutum me nun-  
quam putaui. sed uidelicet, affingere ueritati,  
uobis poetis religio non est: idq; facitis liben-  
ter; ne, consuetudine intermissa, quodam mo-  
do uestra iura minuantur. me tamen, si poeti-  
ce scribis, artificium tuum, sin, ut scribis, ita  
de me sentis, error etiam delectat. hæc enim  
me tibi commendat opinio, & amorem au-  
geat necesse est: foris etiam, ut spero, fructum  
pariet. nam meis laudibus, tuo commoti testi-  
monio, quem excellere ingenio, florere ma-



PAULI MANVTII

gnorum Principum gratia constat, non pauci  
fortasse assentientur. quod utinam, id quod in  
meis consilijs erat summum, Ferrariæ mihi ui  
uere, Principiq; egregio, & optimo Cardina  
li, Hippolyto Estensi, in illa nobilissima præ  
claris referta uiris aula, operam nauare per  
ualetudinem licuisset. nã ego te, singulari uir  
tute adolescentem, ita meis studijs, & officijs  
essem complexus, ut nemini prorsus tuorum  
familiarium, ne Riccio quidem ipsi, apud quẽ  
filii locum obtines, in te amando concederem.  
Quid, inquires, si te, depulso morbo, confirma  
res? Tunc quidem nihil esset mihi mea fide po  
tius: starempromissis: officio non deessem: om  
nis mea uoluntas, omnia studia, omnis indu  
stria unum spectaret Hippolytum Estensem,  
ab unius nutu, imperioq; penderet. uerum ut  
hæc aliquando esse percuperem, ita, ne futura  
nunquam sint, ualde metuo: nunc quidem cer  
te nullo pacto esse possunt: iaceo enim, sicut hic  
me soleo, & languéo miserrime: nec mihi cæ  
li mutatio profuit: nec nouis remedijs locus est;  
quæ iam omnia frustra consumpsi: uno tamen  
bono mea mala compensantur, quod etsi uires  
corporis magna ex parte, ingenium tamen,  
qualecunque est, uis morbi minime debilita  
uit, aut fregit. itaque singulis noctibus ali  
quid scribo, aut legenti puero aures præbeo.  
sic



sic assequar fortasse, ut, qui me non uident,  
carentem publico, & communi luce, uiuere ta-  
men intelligant, atque ita uiuere, nè quando  
cum aliis plane totus extinguar. Tu fruiere,  
optime Silui, ista ualetudine, & isto ocio: cū  
illa tibi naturæ munere satis firma contigerit,  
hoc habeas tui Principis liberalitate uberri-  
mum. Vale. Venetiis.

BARTHOLOMAEO RICCIO,  
Ferrariam.

VERA narras, optime Ricci, atque ita nar-  
ras, ut in magna tuarum litterarum pruden-  
tia facile tamen amor interluceat. Mihi, ut  
scribis, conditiones hoc biennio delatæ sunt  
multæ, quinque fere, aut sex, omnes cum e-  
molumento, nulla sine dignitate. fecit tamen  
sue ualetudo mea, siue uoluntas, seu fati po-  
tius, quæ in rebus humanis dominatur, occul-  
ta quædam uis, ut omnes reiecerim. hanc po-  
stremam, ut dederem me summo Cardinali,  
Hippolyto Estensi, unam auide sum comple-  
xus, unam omnibus anteposui: nec est in meis  
consiliis quidquam antiquius, quàm ut in il-  
lius aula, eximii Principis, ac uiri præstan-  
tissimi, consenescam. quare, quod hortaris, ut  
ad uos quamprimum me conferam; non effi-



cis, ut cupiam; qui cupiditate iam ardeam;  
 dolorem potius auges; cum intelligam, quod  
 maxime uolo, id me consequi, hoc quidem tem-  
 pore, minime posse. nam, ut omitam, quod  
 hæc me frigoris acerrima uis, & intemperies  
 cæli semel aut iterum cubiculo egressum pessi-  
 me accepit, & in eadem claustra, in easdem,  
 ubi multis iam mensibus iacui, tenebras retru-  
 sit: præterea pietas me retinet. Fratres habet  
 uxor mea duos: quos ego ambos unice diligo:  
 contraq; ipsi mihi singularem non modo bene-  
 uolentiam, uerum etiam obseruantiam præ-  
 stant. probi sunt adolescentes, ingenio, mo-  
 destia, uirtute etiam ornati, una re minus lau-  
 dandi, quod inter ipsos parum conuenit. orta  
 est inter eos post obitum patris de hereditate dis-  
 sensio: inde lis, inde odium. quod nisi ego me  
 interponerem; nisi utrunque prensarem, ro-  
 garemq; per parentis manes, per solitudinem  
 matris, per existimationem familiæ: confi-  
 etarentur assidue turpibus iudicijs, graui ia-  
 ctura famæ, magno rei familiaris detrimen-  
 to. hoc ego dum uersor in negotio; dum in eo  
 studium, operamq; pono, ut uxoris meæ fra-  
 tribus consulam: putem mihi esse uerendum,  
 ne quis me, sana præditus mente, reprehen-  
 dat? non puto. non igitur hoc, te iudice, per-  
 timescam. hem Ricci, qui sacris in litteris non  
 ambi-



ambitione, ut multi, sed ita uersatus es, ut scientiam, è libris petitam, uita exprimeres; quæ sunt illa præclara, quæ nos ille bonarum actionum magister optimus edocuit? non hæc sunt, egentibus subuenire, errantes in uiam, diffidentes ad concordiam reuocare? ama igitur me de hoc officio. non postulo, ut laudes. iam enim didici, uel ætate doctus, uel morbo admonitus, recte factorum fructum à Deo potius, quàm ab hominum iudicijs, expectare, omnemq; laudem non in honore uerborum, sed in ipsa re, atque in una uirtute constitutere. Vides iam duas esse commorationis meæ causas, utranque satis grauem. accedit tertia, ne ipsa quidem leuis, ut imprimam librum meum de legibus Romanis; quem poscentibus multis debere iam diutius uix possum. eoq; magis in hanc uoluntatem incubui, quod inscriptum opus Hippolyto Cardinali, cui me addixi totum, emittetur. ac, si quid in posterum ingenio, si quid litteris consequar, ad unius arbitrium refero: unius laudem mea studia spectabunt: uni posthac mea seruiet industria. Tu, mi Ricci, fac tibi ita persuadeas, amabiliorem mihi Ferrariam fore tua causa. tuis enim sermonibus, tua humanitate, tuo lepore frui, interruptamq; multorum annorum consuetudinē licebit aliquando resarcire. quod



PAULI MANVTII

ut sit maxime diuturnum, opto uehementer,  
& ut tu amantissime auguraris, etiam spe-  
ro. Vale. Venetijs.

ANTONIO AVGVSTINO,  
Romam.

ACCEPI tuum Varronem, missum ab Octa-  
uio nostro, delatum à Leuino. quid quæris?  
te dignus est. quòd si operam eandem posueris  
in Festo; plurimum tibi Romanæ litteræ debe-  
bunt. aggredere. quid enim tibi non succedet?  
qui, ( ut omittam illa, quæ pleno iam theatro  
spectata sunt, ingenium, iudicium, doctrinam )  
quantus quantus es, totus labor, totus indu-  
stria es. ac mehercule proprias tibi ego agam,  
atque habebo gratias. nam, quem in eo libro  
emendando laborem suscipere cogitaueram,  
quem fortasse, & alijs pressus oneribus, & na-  
tura, ac uoletudine imbecillus, non ferrem, eo  
me leuabis. Vale. Venetijs. Egregio iuris-  
còsulto, Pyrrho Taro, ueteri mihi necessitudine  
coniuncto, tui perstudioso, salutem plurimam.

E I D E M, Romam.

E G O uero & scripsi iam, nisi me fallit memo-  
ria, satis aperte: & nunc, quando tibi ita pla-  
cet,



cet, iterabo eadem libentissime. Lapidēs, aut  
 nummos, si quos habes, in quibus mentio fiat  
 legum Romanarum; eos si nobis impertieris,  
 habebo gratias, tuumq; etiam beneficium ip-  
 sa fortasse, me narrante, posteritas audiet. ta-  
 bulas uideor mihi legisse Romæ nescio quas:  
 sed neque tum descripsi; qui magni non face-  
 rem ea, quæ nunc quidem tanti puto, nihil ut  
 potius mihi sit: neque uero, quo in loco, aut  
 apud quem eas legerim, satis nunc in memo-  
 riam reuocare possum. quare ad te confugio,  
 uniuersæ arcæ antiquitatis, arcam tamen e-  
 iusmodi, quæ pateat amicis tuis, hoc est bo-  
 nis uiris: quo me in numero quia esse uis, triū-  
 pho. Alexander autem tuus facile nostrum ar-  
 tificio uincet. tu enim excellis: at nos quid su-  
 mus? aliquid fortasse, si cum alijs, nihil certe,  
 si tecum Augustine compar emur. Plura nec  
 possum, quod eram occupatus: quanquam hoc  
 quidem quotidianum est: nec debeo hac in re,  
 quam tibi non solum amicitia nostra, uerum  
 etiam litteræ ipsæ, quibus tibi scio nihil esse ca-  
 rius, etiam me tacente, magnopere commen-  
 dant. Vale, & Siluestrum Aldobrandinum,  
 uirum excellentem, meum perueterem ami-  
 cum, nisi graue est, saluta meis uerbis pluri-  
 mum. Venetijs.

Eidem,



E I D E M, Romam.

NISI quis casus meis consilijs occurrat, editionem cogitabam eius libri, quem de legibus Romanis quinquennio ante à me conscriptum, debere diutius multis flagitantibus non possum. ad hunc librum quantum ex antiquis lapidibus accedere possit ornamenti, præclare intelligo. porro, tu is es, qui hoc in usu, atque hoc in genere scientiæ, tum quia Romæ uiuis, tum quòd in studijs totus heres, pene solus excellas. quanquam hoc in tuis laudibus minimum est: alia sunt in te, quæ ego non desino prædicare, haud sane paulo præstantiora: quæ non est hic commemorandi locus, ac ne significandi quidem; ne tu me nimium esse blandum, & quasi tuæ diffidentem humanitati, ad hoc artificium confugisse existimes. peto igitur à te, atque etiam rogo, (quanquam hoc uerbum amicitia nostra, tuâq; maxime bonitas respuere uidetur) si quid habes, quod ad leges Romanas pertineat, è libris exceptum, & ueterum lapidum, aut etiam nummorum obseruatione collectum, id mihi ut impertias. bene mereberis de litteris, uel potius bene de te meritis gratiam referes: quandoquidem earum ope, ac merito tantus es: bene etiam de  
 me

...; cuius la  
 ...; erga te sua  
 ...; quanquam  
 ...; ambitionem  
 ...; prima mihi e  
 ...; publica st  
 ...; quòd mei labore  
 ...; est, dirigita  
 ...; atque enolue  
 ...; quibus conditi re  
 ...; ueruantur. nemo e  
 ...; sunt, quod h  
 ...; præditi ment  
 ...; optime Aug  
 ...; corpus multum  
 ...; inopie no  
 ...; nobiscum plurim  
 ...; tamen, quod d  
 ...; tantum tibi, libri  
 ...; queritur. uer  
 ...; petimus à te minim  
 ...; impetrabimus

E I D E M

PON

IA mihi bo



me ipso ; cuius laudi , pro nostra necessitudine ,  
 meoq; erga te studio singulari , debes uelle con-  
 sulere . quanquam hoc ego certe non admodum  
 specto : ambitionem enim pene habeo in extre-  
 mis : prima mihi est , omniumq; rerum anti-  
 quissima publica studiosorum hominum utili-  
 tas : quò mei labores intenduntur , mea , quæ-  
 cunque est , dirigitur industria . excute , si me  
 amas , atque euolue funditus illa tua scrinia ,  
 in quibus conditi rerum antiquarum thesauri  
 asseruantur . nemo enim , si possessio litterarum  
 diuitiæ sunt ; quod homines eleganti iudicio , sa-  
 naq; præditi mente opinantur ; nemo , in-  
 quam , optime Augustine , te ditior est . nec de  
 tuis copijs multum imminues , si , quod futurũ  
 speramus , inopiæ nostræ subueneris . qui si eti-  
 am nobiscum plurima communicares ; multo  
 id tamen , quod dares , minus esset , quàm  
 quantum tibi , libris assidue tractandis , quoti-  
 die quæritur . uerum modeste tecum agimus :  
 petimus à te minima de maximis : itaque fa-  
 cile impetrabimus . Vale . Venetijs .

EIDEM, LEGATO

PONTIFICIO,

Viennam.

QVIA mihi honore tuo nihil est antiquius ,  
 propte-



propterea non mediocrem cepi lætitiā: tibiq;  
 sum absenti gratulatus, quo primum tempore  
 de legatione tibi delata ad Romanorum Re-  
 gem, tum ex amicorum litteris, tum ex mul-  
 torum sermonibus cognoui. illud, ut uere di-  
 cam, molestiæ non nihil aspersit, quod ueri-  
 tus sum, ne nostræ litteræ, quibus, cum in  
 urbe uiuis, tua studia splendorem, & utilita-  
 tem addunt, te discedente, et in Austriam us-  
 que, ad longe diuersum uitæ genus translato,  
 iacturæ plurimum facerent. quod, si, secus es-  
 se, significaueris: (iam enim uersaris in ipsa  
 re; quæq; tua futura sit in uniuerso fere mu-  
 nere occupatio, usus te monere, & erudire  
 facile potest) cumulabis mea gaudia, & ha-  
 bebo gratiam ijs, quibus honestare tuam uirtu-  
 tem his honoris insignibus, nullo nostro, hoc est  
 artium, doctrinarumq; liberalium, detrimen-  
 to, curæ fuit. Ac primum illud, pro meo in-  
 credibili erga antiquitatem studio, etiam at-  
 que etiam à te petam, uel potius, quando pol-  
 licitus iam es, à te exigam, ut Festum Pom-  
 peium tua emendatione perpolias, atque illu-  
 stres; aut, si habes ita emendatum, ut tibi,  
 acerrimi ac seuerissimi iudicij uiro, satisfaciat,  
 edendum omnino cures, neque deberi nobis  
 eam utilitatem diutius patiari, quam, cum in  
 illo uere aureo libro dispersam uideamus, col-  
 ligere



ligere tamen uix possumus, uel plane nullo modo possumus, locorum, ut scis, pene innumerabilium difficili scientia impediti. bene collocabitur industria tua: & hunc sibi comitem adiungi, ne solus eat per ora uirum, Varro tuus æquo animo patietur. rogandus non es in tua laude, communi presertim studiosorum commodo coniuncta: ut, si de illa non laboras, hoc saltem commouere te debeat. quod utinam aut mihi cum hac mente pars aliqua doctrinæ tuæ, aut tibi mea mens, & plane incredibilis ad communicandam uirtutem animi propensio, cum ista tam exquisita, tamq; multiplici omnium pene litterarum scientia contigisset. næ ego, quod ad me attinet, multa non sinerem ignorari, quæ scire præclarum est, quæq; in tenebris, nisi tu eruas, perpetuo iacebunt. nec tamen persuadere mihi possum, te uelle nobis tam iniquum esse, ut tantam doctrinam, si quid tibi accidat humanitus, (homines enim sumus; nec ego mihi, nec tu tibi de uitæ diuturnitate præstare quidquam possumus) extingui tecum uelis. Quid ea, quæ chartis iam, & uoluminibus explicasti? cur diutius premis, optime Augustine? cur ex ingenij tui fontibus expleri nostram sitim non uis? sed, opinor, aliquando facies: & faueo libenter meæ spei, paulo minus, quàm tuæ gloriæ:



PAULI MANVTII

ria; cui scio me optime consulere, cum hæc ad te scribo. De me si quæris: uexamur oculorum anniuersario morbo: nec tamen labori parcimus: scribimus aliquid quotidie, aut legenti puero operam damus: aliquo fortasse ualitudinis damno: sed nihil est tanti, ut à litterarum suauissima consuetudine seiungar. Onuphrius Panuinius, ille antiquitatis heluo, spectatæ iuuenis industria, & ingenio, ut probitate, præstans, hic est, eritq; , ut uideo, in aliquot menses. imprimit suos Fastos cum commentarijs; & interim adornat alia. sæpe litigat obscuris de rebus cum Sigonio nostro: sed utriusque bonitas, mutuus amor, excellens ad cognoscendum ueritatem iudicium, facit, ut inter eos facile conueniat. Sigonium de facie non nosti: eius tamen scripta, non dubito, quin legeris. ea doctrinam, & ingenium declarant: humanitatis, & studij erga te, tuiq; similes testis ego sum: quem debes ipsum suo merito, præterea tuæ præconem eruditionis diligere. Vale. Venetijs.

E I D E M, Romam.

VBI te ad urbem rediisse cognoui, uehementer sane, pro meo erga bonas litteras perpetuo ac singulari studio, sum lætatus. te enim absente,



sente, silere mihi prorsus Romanae musae uidebantur. Scripseram ad te superioribus diebus; easque litteras ad aulam noui Imperatoris miseram; quas acceperis, nec ne, cupio scire. appellabam te, quod iam promiseras, de Festo cum tuis correctionibus diuulgando. de quo nunc eo magis urgeo, quia, nisi fallor, spatij plus habebis. aggressus ne sis, & quousque opus perduxeris, ac de perpolitioe quid speres, si ad me scripseris, rem gratissimam facies. simul illud: si quid, quod ad ius Latij pertineat, aut obseruasti, scriptum à ueteribus, aut ingenio tuo, quo uales plurimum, consecutus es. nam Latinos reliquis omnibus socijs antecellere, satis constat; quo autem iure, quibus honoribus, & commodis, adhuc quero. & ut non nulli ex Liuiio, alij ex iure ciuili, quæ rem aperire uideantur, in medium afferant: nihil tamen intelligo esse ita firmum, ut in eo possit cogitatio consistere. quod tu fortasse præstabis. Vale. Venetijs.

BENEDICTO RHAMBERTO,  
rusticanti.

VADEBAM, ut exires; quod ægrotans, quantum esset in cæli mutatione, cognouissem: nunc idem angor, te profecto: neque me congressus,



PAULI MANVTII

gressus, neque sermo cuiusquam iuuat: solus,  
ut in littore, oberro. quin etiā, etsi scio quā  
sis prudens, & in omni re moderatus: tamen,  
ut est amor sollicitus, offensiones in te omnes ti  
meo. commune omnium est, ut rure, ueluti  
quandam uiuendi licentiam naēti, liberius a-  
gamus. amabo te, mi Rhamberte, noli istam  
consuetudinem imitari, serua tuam ueterem  
in urbe continentiam. & quoniam mihi, ut se-  
pe tecum locutus sum, aduersus non dissimi-  
lem destillationem praesens auxilium fuit exer-  
citatio: te quoque ipsum, nisi fallor, hoc uno  
maxime senties alleuari; si modo hoc tenebis,  
ut meridianum in solem ne te committas, mul-  
to uero minus in uentum, qui sit inclementior.  
nam etiam sunt auræ quaedam leues, quarum  
spiritus nō modo non hominum generi noxi-  
us, sed etiam uitalis: & ego, has saepe ultro secu-  
tus, sensi languentes in me uires earum quasi  
flabris excitari. Sed o Rhamberte, audi me  
hoc uerissime monentem. nihil agis, nisi incun-  
de uiuas. si uis te tibi restituere; des te ad hila-  
ritatem oportet, & ex animo tuo dispellas, si  
qua tristium cogitationum residet nubecula.  
Hanc esse praestantissimam medicinam, uel  
potius unam esse medicinam, me quidem, su-  
perioribus temporibus eodem morbo laboran-  
tem, docuit euentus. quare te rogo, ut pro eo,  
quanti

E I

quanti ipse  
sumus, quon-  
des operam,  
ne cures, &  
rum malam  
pharmacis non  
narijs integri-  
tatem in o-  
querunt.

MARI

DABEO tibi,  
lus, prorsus ut  
possum. scripsi  
sunt alia: huius  
des in me contra  
se me nimium  
deo gratias de-  
me prolixia uol-  
sunt bonus eff-  
hisse inter san-  
que, cum te  
in oculis: &  
lem diligant;  
nos; ego tam-  
to, secundis



quanti ipse tibi es, quanti; etiam nos apud te sumus, quorum salus in tua salute posita est; des operam, ut ueterem morbum noua ratione cures, & aliquando istam turbam medicorum malam in crucem iubeas abire; qui te pharmacis non solum diuersis, sed etiam contrarijs integrum iam annum lacerant, dum latentem in obscuro ueritatem tuo periculo quærunt. Vale. Venetijs.

MARIO CORRADO,  
Brundisium.

DEBEO tibi, mi Corrade, tot iam nominibus, prorsus ut non uideam, qui soluendo esse possim. scripsisti ad me sæpe: tantum ne? sunt alia: humanissime, elegantissime: laudes in me contulisti eas, quas si agnoscam, ipse me nimium uidear amare. tibi tamen habeo gratias de ista tam liberali, tamq; erga me prolixa uoluntate; eamq;, si gratus, id est si uir bonus esse uolo, ut certe uolo, puto mihi esse inter summa beneficia collocandam. itaque, cum te nunquam uiderim, fero tamen in oculis: &, quanquam habeas, qui te talem diligant; quos necesse est esse quamplurimos; ego tamen primas in amore partes appetito, secundis non libenter acquiesco. non soleo

H blan-



PAULI MANVTII

blandus esse, nec auribus dare, quod negari  
possit ueritati. quare uelim mihi credas affir-  
manti; neminem me tibi Latina in oratione  
anteponere, conferre paucos. hoc ego ita iu-  
dico: nec tu meum iudicium in dubium reuoca-  
re debes; cum mihi iam in epistolis tuis tan-  
tum in hoc genere tribueris. unum doleo, tu-  
am istam latere uirtutem in extremo Italiae  
angulo, neque in hac luce uersari, fructumq;  
capere laudem eam, quæ tibi debetur, iudicio,  
ac testimonio præstantium uirorum. quod si  
te cohortando possem adducere, ut demigra-  
tione cogitares: aggrederer, & in hanc ratio-  
nem totus incumberem: uerum neque mihi de  
statu rerum tuarum constat; & si cohortatio-  
ne moueri potes, ipsa te res, nequaquam tibi,  
ut, opinor, obscura uel me tacente debet incita-  
re. Quod scire uis de meis antiquitatibus,  
hæc sunt. Liber nunc imprimitur de legibus;  
quem, cum erit absolutus, curabo ad te perfe-  
rendum. sequetur, de ciuitate, aut, de co-  
mitijs; tum reliqui libri; ut extrema cui-  
que manus imponetur. sunt enim omnes de-  
cem; nec mihi ordinem in edendo præscripsi.  
Edidi iam cōmentarium in orationem pro Sex-  
tio, & proximis diebus in epistolas ad Bru-  
tum, & ad Quintum fratrem: quem tibi  
nunc utrunque mitto, munusculum uidelicet,  
ut



ut ait ille noster, leuidense: sed rem uoluntate metieris. maiora uellem, & fortasse possem: uerum infirmitas corporis facit, ut labore debiliter; lippitudo autem, ne legere diutius liceat, aut scribere. magnam etiam mihi temporis partem eripiunt salutationes amicorum, magnam domestica negotia: sexcenta præterea, quæ me à studijs auellunt. sed feramus: humana sunt, nec præcipue nostra, sed communia cum multis. Tu me, uelim, ames, & si par pari referre uis, amore non uulgari. Vale. Venetijs.

FABIO STELLAE,  
Brixiam.

CUM tu ad me, Fabi, quem de facie nondum nosti, adductus humanitate epistolam miseris tam elegantem, distinctam notis non amoris minus, quàm ingenij: ferreus sim, ni te, patremq; tuum sic amem, ut amare solemus ea, quæ nobis in uita prima sunt. sed quid, si me ipsum etiam uestra causa plus amem? quid enim? cum ego me à parente tuo, magni nominis uiro, summis uirtutibus ornato, diligi uideam, à te uero etiam laudari, excellentis ingenij adolescente, optime ad uirtutem animato; non ipse mihi pluris sim? non gaudeam ha-

H 2 beri



PAULI MANVTII

beri à uobis, qualis esse semper uolui, & , ut  
 essem, laboraui; sed uoluntati exitum respon  
 disse nunquam duxi? Equidem cum natura  
 sum, tum ualetudine, & morbo subtristis; nec  
 ad hilaritatem facile traducor: tuæ tamen lit  
 teræ, patrisq; tui, uix credas, quid animo  
 meo iucunditatis instillarint, qua uoluptate,  
 qua letitia perfuderint. itaque officij uestri me  
 moria sustentor; eaq; sic fruor, ut beneficijs o  
 mnibus anteponam. quòd utinā adire ad uos,  
 ac studio uestro satisfacere liceret. nihil esset o  
 ptatius: & esset iter Pastorio comite iucundius.  
 uerum nescio quo fato contigit, ut, quo primū  
 huc die perueni, cum tota pene familia cœpe  
 rim ægrotare, uxor quidem grauissime; nec  
 dum ualet; ego satis leuiter, sic tamen, ut iac  
 ceam. corpori enim imbecillo quæuis incommo  
 ditas uix ferenda. quamobrem, affectus mor  
 bo, à uiribus infirmus, equo me non auderem  
 committere, uel placidissime incedenti. lecti  
 cam, inquis, mittemus. hac equidem ueherer  
 commodius: sed, mi Fabi, hoc genere delicia  
 rum mei ordinis homines uti non solent: ad for  
 tunatos pertinet. itaque differam per aliquot  
 dies, quoad uires colligam, id est, quoad e  
 quo, aut etiam cisis liceat uti. equos quidem  
 hic, quales infirmitas nostri corporis requirit,  
 id est qui alterno gressu crura molliter expli  
 cent,





cent, quos gradarios antiquitas appellabat, facile possum inuenire: sed insolentiam huius cæli non nihil metuo: ciusus autem, uereor, ne succussu lædat. omnia tamen, ut uideo, moderabitur humanitas uestra. Vale, & patri tuo, præstanti uiro, multam salutem meis uerbis. Asula.

E I D E M, Brixiam.

AGNOSCO tuis in litteris & patris tui, summi uiri, singularem humanitatem, & Pastori nostri, hominis integerrimi, nec eloquentia minus, quàm doctrina, præstantis, egregiam disciplinam. et cum ego te propter illos diligam: (est enim, ut scis, uterque mei, & ego item utriusque amantissimus) tum uero ad meam in illos beneuolentiam, quæ summa est, non nihil tamen tua caussa uidetur accedere. Patet, atque elucet in epistola tua pudor ille, ingenuo dignus adolescente, qui maxime commendat ætatem: patet etiam, quo fit pudor amabilior, plusq; sibi gratiæ conciliat, ingenium. quæ perspexeram equidem in te, ac laudaueram, quo tempore diuersatus Brixie sum in ædibus uestris, exceptusq; & cultus à parentibus tuis omni genere officij: sed nihil præstantius, nihil admirabilius, quàm lau-

H 3 dis



dis in adolescente perpetuitas . primum enim lubrica ipsa ætas est ; nec reperitur facile , qui consistat : deinde , tenduntur sepe bonis , quibus capiantur , insidiæ : & multa sunt ad deprauandum parata , improborum consilia , æqualium exempla , uoluptatum illecebræ . hæc sunt illæ Syrtes , quibus incerto cursu nauigantes absorbentur : hæc illa saxa , quò salutis cū aperto discrimine impingitur . nec uero , poetæ , cum & hæc , & huius generis alia cecinerunt , simpliciter locutos , uelim existimes . uidentur similitudine rerum , quæ subiectæ sensibus sunt , ut animos erudiant , moribusq; nostris , ac famæ consulant . itaque sapientem appellarunt eum , qui maris pericula , uoragines , & scopulos , & dubijs agitata uentis loca uitauisset , atque illa perdendorum hominum auida monstra , uirginum facie simulata , prædulciq; cantu blandientia , contempsisset . quæ sunt omnes , mihi crede , imagines humanæ uitæ : qua nullum est mare difficilius , & in qua , nisi rationis quasi gubernaculo regamur , quàm facile fluctuemus , quàmq; multa , & quàm grauiæ rei familiaris , existimationis , ac uitæ naufragia contingant , si te propter ætatē nondum usus docuit , disce à libris , uel disce à parente tuo , spectatæ sapientiæ uiro ; qui se ex hac tempestate tanquam in portum recepit sacrarum



crarum litterarum; quodq; habet à foro, quod à publicis muneribus ocij, totum id in theologia libentissime consumit. quem tu imitaris, ut audio, si minus in studio doctrinæ, at in uoluntate, in moribus, uitæq; instituto. contemnere te aiunt, quæ ceteris ab adolescentibus cum uoluptate fiunt: abhorrerere à lusu, uenatione, cursu, alea: leuia ducere hæc, inania, indecora, turpia: deditum esse litteris, uel quibus ad humanitatem informamur, uel quibus ad excellentem liberalium disciplinarum cognitionem aditus aperitur: maxime uero solitum ea meditari, & curare diligenter, quibus æternæ uitæ salus comparatur. diuina sunt hæc munera, mi Fabi, non à nobis profecta, aut elaborata, nec omnibus impertita. tibi contigit, ut ita sentire, & ita uelles: habe gratiam Deo, qui te tantis in tenebris, atque erroribus præcipuo quodam lumine illustrauerit. aliis non idem contigit: mirari noli, neque causam quære. abdita sunt, nec humanis comprehensibilia mentibus arcana cæli. stet illud modo, nihil usquam fieri, nihil euenire aut insciente, aut nolente Deo: quæq; ille uult, & quæ permittit, ea nequaquam reuocare ad nostrum iudicium debemus, neque, recte ne fiant, an secus, interpretari. Et omnino uelim te, cum de diuinis rebus cogitas, minuire opinionem



scientiæ, demittere animum, ac mentem, u-  
namq; putare certissimam doctrinam, pieta-  
tem in Deum, aut beneuolentiam, & studium  
erga illos, qui nobis à Deo commendantur.  
Quæ non dubito quin sæpe ita cogites, ut cre-  
das: nec te ita puto credere, ut re ipsa non præ-  
stes: cum te omnes ita uiuere confirment, ut  
à tuis moribus prorsus absit arrogantia. ue-  
runtamen, si tibi laudo id, quod amas, &  
quod amandum existimas, non à te gratiam  
ineo? non hæc tibi licet, parum necessaria, iu-  
cunda tamen commemoratio est? Sequitur il-  
lud. ipse mihi satisfacio. nam, quæ laudatio  
uidetur, eadem, si attendis, cohortandi etiam  
uim habet. quo genere, pro mea in te beneuo-  
lencia, magnopere delector. Atque etiam in  
huiusmodi sermones ego soleo libenter ingredi;  
quia, si nihil aliud, ipse mihi fructum fero,  
dum ea tracto, quibus amore summi boni, stu-  
dioq; incendor. Te autem, cum hac legis, læ-  
tari oportet uel tua caussa, qui tuum intelli-  
gas iudicium nostra sententia comprobari; uel  
mea, quem sentire tecum uideas, & iisdem  
gradibus parare ascensum ad ea, quæ quanta  
sint, ex eo conijcitur, quod ipsa tantum spes  
tranquillitatem parit animis nostris, eosq; nō  
à malis modo, sed à malorum quoque motu uin-  
dicat. Macte igitur ista uoluntate, & isto sen-  
su.



su. mature uidisti, quis esset rectus ad gloriam  
 cursus. sequere iudicium tuum: nec tamen con  
 temne nos, si quando hortamur: & ipse nos  
 uicissim, ubi languemus, hortare. sic erit mu  
 tua gratia: sic amabimus etiam magis inter  
 nos, mutuo beneficio prouocati. Vale.

PASTORIO SVO,  
 Brixiam.

Ego uero te, mi Pastori, tua caussa dilexi sem  
 per. habes enim, quæ tibi amorem concilient,  
 doctrinam, & humanitatem. munera, quæ  
 mittis, me tibi obstringunt magis, beneuolen  
 tiam in te meam augere non possunt. quæ enim  
 à uirtute profecta sit, non his tanquam admi  
 niculis nititur, sed consistit ipsa per se, eoq;  
 iam processit, ut ad summum peruenisse uidea  
 tur. præsta te mihi, obsecro, qualem hætenus  
 cognoui, amantem mei, & in amicitia con  
 stantem. munus hoc erit omnium munerum  
 præstantissimum. quod ego, qui sim mei erga  
 te animi ipse mihi conscius, quasi debitum ex  
 pecto. Vale. Asulæ.

Vincentio



PAULI MANVTII

VINCENTIO STELLAE,  
Brixiam.

**S**UPERIORIBVS diebus , quo magis  
incitabar cupiditate ueniendi ad te , uisen-  
dæq; urbis , ut audio , pulcherrimæ , qui es-  
sem litteris & tuis , & filij tui , id est utrif-  
que tuis , amantissime inuitatus ; eo me reuo-  
cabat magis pudor meus ; neque tam , quid  
tua permetteret humanitas , quàm , quatenus  
mihi per modestiam meam progrediliceret ,  
cogitabam . ac sepe mecum sic . An tu ad  
hominem , quem nunquam allocutus ? quem  
ne uidisti quidem ? adde : quem uirum , quàm  
nobilem , quàm grauem , quàm districtum  
magnis rebus ? ego autem quis ? infirmus na-  
tura semper , nunc etiam uoletudine impedi-  
tus , exquisita quadam ratione & cura tuen-  
dus . Contendebam equidem cum animo meo :  
nec uici facile , sed uici tamen aliquando , &  
decreui omnino ad uos primo quoque tempore  
me conferre . uereor enim , dum uoletudinis  
commodum expecto , & id ago , ut , quas mor-  
bus ademit , uires colligam , in hiemem ne in-  
cidam , id est in imbres , & frigora : quorum  
altero uia corrumpuntur ; alterum scis esse λε-  
πῶν ἡρωτὶ πολεμιώτατον . nam illud in quo tibi  
for-



fortasse, uel domesticis tuis incommodare mea  
 mollities, & paulo fastidiosior in uictu consue-  
 tudo potest, id non specto. aut enim exiguum  
 quiddam erit, & feretur facile; aut, si ma-  
 gnum, illustrabit benignitatem tuam. Statu-  
 tum igitur de re: nec est, cur sententiam mi-  
 tem: uidendum de ratione itineris: quam tu  
 ad meam uoluntatem, meumq; consilium,  
 quæ tua est humanitas, totam reijcis. ego au-  
 tem nihil puto commodius, nihil aptius ad ui-  
 rium infirmitatem sustentandam, quàm lecti-  
 cula gestari. sed habet species illa, quod ad Fa-  
 bium tuum scripseram, quiddam nimis honori-  
 ficum: nec ego is sum, qui, quod superat for-  
 tunam meam, eo libenter utar. uerum igno-  
 scetur ualetudini: quam satis infirmam, at-  
 que imbecillam, concussus & uexatio facile  
 frangeret. cisio quidem, quo mearum bene-  
 perita curationum ancilla cum filiola & pue-  
 ro uehatur, opus est. hæc si habebo, uel po-  
 tius cum habebo; (uis enim me à tua libera-  
 litate omnia expectare) dabo me statim in  
 uiam, & ea quidem spe, ut aliquem è celi  
 mutatione fructum capiam, maximum qui-  
 dem ex tua humanitate, quam cantari ab o-  
 mnibus audio. Vale. Asulæ.

Eidem,



E I D E M, Brixiam.

QVOD ueritus sum, fieri uideo, ut imbribus  
 madescat humus, & puluis in lutum coacta  
 uias impediat, ac turpi sædet aspectu. frigoris  
 etiam acres morsus hoc triduo sentire cæpi-  
 mus. quæ cum sint iter habentibus incommo-  
 da; tum uero, maiora ut timeantur, hiemis  
 propinquitat facit: ut mihi uel mature, nulla  
interposita mora, ueniendum ad uos, uel to-  
 tum consilium necessario abiiciendum intelli-  
 gam. febricula omnino tentamur quotidiana:  
 sed, opinor, decedet, cum primum ex hoc me  
 domestico mærore ereptum statuam in tuis æ-  
 dibus, id est in aliqua, ut spero, iucunditate, at  
 que letitia. iniurias autem cæli, lætica cir-  
 cummuniti, possumus contemnere. quamob-  
 rem, quod tuo commodo fiat, dabis negotium  
 tuis, ut Saturni die, aut, qui sequetur, pro-  
 ximo, uehiculo perducant. Læticario man-  
 detur, atque etiam aurigæ cisium moderanti,  
 ne quid approperent, nisi me iubente; & o-  
 mnino rationem itineris ad meam uolunta-  
 tem accommodent. hoc tu, scio, Stella, uel  
 me non scribente, mandasses. nihil enim te  
 præterit, ob eximiam prudentiam: nihil por-  
 ro non uis amicorum tuorum causa, ob huma-  
 nitatem prudentiæ parem. Vale. Asulæ.

Francisco



FRANCISCO OTHOMANO,  
Argentoratum.

Ego uero, comprimi à te mea caussa librum  
tuum, minime uolo. quin, si ad me refers, ut  
edas quamprimum suadeo: rogo etiam pro eo,  
quantus est amor in me tuus: quem non esse  
mediocrem, tuæ litteræ significant. an ego ita  
sim bonis artibus insensus, ut industriæ Fran-  
cisci Othomani impedimenta opponam, & ex-  
cellentis ingenij fructus, cum bene maturi  
sint, condi potius, ac domesticos intra parie-  
tes asseruari, quàm in publicum efferri, &  
communicari cum omnibus uelim? Illa de tuis  
hortis, & nostris fontibus, eleganter à te, nec  
sine sale, prolata sunt. uerum, agam tecum  
perliberaliter, atque hanc partem libenter dis-  
simulabo, tibiq; totam largiar. in reliquis e-  
tiam habebo rationem amicitiae nostræ, nuper  
institutæ, maiorem tamen fortasse ueritatis.  
Tua scripta, quæ Iordanus attulit, proxime  
edita, doctrinam habent, & accuratam an-  
tiquitatis obseruationem. itaque uigebunt o-  
mnibus, & laudabuntur. quòd si quid est,  
quod desiderari possit: primum id leue est;  
deinde, ut scis, non imminuit, sed auget næ-  
uus in formoso corpore pulchritudinem.  
Vale. Venetijs.

Eidem,



## E I D E M, Argentoratum.

N O L I, mi Othomane, officium litterarum à  
 me requirere. nunquam scripsisti, quin rescri-  
 pserim. quòd si contra, quàm res est, uidetur;  
 alieno uitio fit; à me quidem prorsus abest cul-  
 pa. De horologio quòd iterum iam scribis,  
 uincit pudorem meum humanitas tua. iam e-  
 nim statueram oneris tibi nihil imponere, pu-  
 blica exponendi iuris cura occupato, quotidie  
 aliquid scribenti, unde ad nos utilitas, ad te i-  
 psum gloria permanet. negocium dederam Pe-  
 tro Pernæ: et ille curaturum promiserat: nec  
 tamen biennio fidem soluit. quare accipio li-  
 benter, quod das, humanissime Othomane. tu  
 mihi, quod tuo commodo fiat, horologium Au-  
 gustæ elaboratum, ego tibi, quantam scripse-  
 ris, pecuniam statim curabo. quale uelim,  
 iam antea significauimus, factum eleganter, ar-  
 tificio non uulgari. Perna dixerat, quæ du-  
 cuntur egregia, minoris triginta scutatis e-  
 mi non solere. Hoc quidem esset nimium:  
 nec rei familiaris ratio ferret: cui consulere,  
 quia copiosa non est, uideor debere. porro ge-  
 nus hoc ornamentorum ita soleo cupere, ut  
 non insaniam: cupio autem ualetudinis, non  
 libidinis causa. cum enim me satis tristem na-  
 tura



tura finxerit, accersenda extrinsecus iucunditas est, quam à me ipso petere non possum; eoq; magis, quòd plurimus in cubiculo sum, affectus iam quadriennio per totam hiemem oculorum morbo, molesto tamen potius, quàm acerbo. nolim igitur impensam esse supra decem scutatos, aut omnino quindecim, eamq; ita fieri, si horologium probetur oculis eruditis. itaque uide, cui negocium mandes. nam neque omnes intelligunt: et alijs alia probantur. ego formam, & artificium, non materiam, cupio emere. De tuis Instit. egi diligenter, hortatus sum, lucri maximi spe proposita. ubi ad pretium uentum est, audire se negarunt. itaque tibi auctor sum, cum Episcopo transigas; quem facilem iam habuisti, & in tuo merito satis, ut audio, liberalem. Sturmium saluta meis uerbis, eumq; communiliterarum nomine excita ad scribendum. utinam, quantum ualet, tantum uelit. optime consuleretur studijs nostris, optime etiam ipsius gloriæ: quam si uult esse amplissimam, habet unde consequatur. Vale.

Venetijs.

Ioanni



PAULI MANVTII

IOANNI STURMIO,  
Argentoratum.

**V**OLFGANGVM *V*erter, cum aliquot  
abhinc annis Patauij adolescens daret operam  
Bonamico, dilexi multis nominibus plurimū.  
nam, ut omittam, quod & in aspectu species  
quedam index nobilitatis, & in sermone, at-  
que in moribus probitas elucebat; incensus lit-  
terarum studio colebat me, atque obseruabat  
diligentissime, sic, ut in magna frequentia ami-  
corum nemo tamen mihi esset illo carior, nemo  
iucundior. tueor illum amorem, &, quoad  
uiuam, tuebor, cūq; absenti memoriam, bene-  
uolentiamq; , quam debeo, fratribus præsen-  
tibus officia, quæ potero, accurate præstabo. hoc  
cum mea sponte facturus essem, quantum, o-  
ptime Sturmī, mihi accessisse uoluntatis exi-  
stimas, quod eos tu, uir inter maximos sum-  
mus, & in exercenda uirtute semper occupa-  
tus, commendandos mihi tuis litteris putasti?  
nam si quis est, qui de tuo ingenio, de doctrina,  
in primisq; de eloquentia bene & sentiat, &  
loquatur; is ego sum; planeq; meos eò sensus  
libenter conferam, ut, qui tibi cari sunt, eos-  
dem ego quoque diligam. Quare, si uis, da  
mihi ornandos, atque amandos, qui ad nos ue-  
niunt,



niunt, amicos tuos. officij eos, si potero, sin-  
minus, studio certe, & humanitate comple-  
etar. ac ne dubita futurum, ut, quo tu sis a-  
pud me pondere, cum intellexerint, gratias ti-  
bi, quòd eos tua commendatione sis profecu-  
tus, diligenter agant. Audio te quiddam  
pangere in rhetoricos Aristotelis libros: quod  
quale expecto, auguror futurum, præclarum  
scilicet, ac te dignum. urge igitur; ut & com-  
muni utilitati, & tuæ gloriæ consulas. Vale.

E I D E M, Argentoratum.

N o s hic, optime Sturmī, ( ordiar à re tristi;  
quando lætæ non suppetunt ) annum habemus  
pestilentem; & pulcherrimam ciuitatem quo-  
tidianus deformat aspectus mortuorum. fure-  
re iam cæpit morbus, & insultat in omnes pa-  
lam, sine discrimine, qui antea repebat sen-  
sim, & latenter, nec fere quenquam, nisi ob-  
scuri loci, infimæq; sortis, attingebat. quare  
diuina sunt imploranda remedia: humana quæ  
iaceant, sæpe docuit euentus. Vobis recte istic  
esse audio, perpetuoq; sit opto, tum ab huius-  
modi morbo, qui non modo priuatas domos  
exhaurit, uerum etiam urbes deuastat, tum à  
cunctis discordijs, ac bellis, & intestinis, & ex-  
ternis. Te uero florere omni laude, ualere au-  
toritate, ualere gratia, esse unum, ad quem

I omnes



omnes confluant consilij auxilijq; caussa; nisi plurimum later, male sentiam de uirtute, unde tibi ista fluxerunt; male etiam de me ipso, qui tuam uitæ rationem probaui quidem semper, secutus autem sum, quatenus licuit: licuit enim certe multo minus, quàm uolebam. unum si addis, ut ingenium tuum, quo nullum uidi præstantius, languere non sinas, & ocij tui rationem constare uelis, hoc est, ut aggrediaris ad scribendum illa præclara, quæ te audio tuis familiaribus esse pollicitum, aut, si iam habes instituta, perpolias, nobiscumq; & cum posteritate communices: næ tu, Sturmi, omnium fortunam uincis, & solidam plane possides felicitatem. Equidem, quod ad me attinet, idem conor pro mea uirili parte: & hæreo, quoad possum, in scribendo: sed mea ratio quàm non sit eadem, quæ tua, cognosce. Valetudine sum ea, quæ facile in morbos incurrat, imbecilla prorsus, & incommoda. itaque sæpe in cursu institutorum meorum, cum progredi maxime uellem, consistere sum coactus. Accedunt, quæ temporis haud exiguam partem auferunt, salutationes multæ multorum: in quibus uidetur esse honor, & est omnino quædam species: sed ualeat ambitio: odi omnia, quæ detrimentum studijs important. Quid domestica? non enim tantum à me pend-



dent ij, qui meos intra parietes uiuunt, uxor, liberi, familia: sed fratres quoque suas in me uno rationes habent sitas: uterque meis consilijs, alter etiam meis opibus, quantulacunque sunt, nititur, ac sustentatur. Vides rerum mearum imaginem, ut in tabula depicta. nec tamen obrui me sino fluctibus molestiarum; sed enitor saepe, & consequor interdum, ut ex omnibus curis, atque occupationibus emergam, meq; saltem per aliquot horas in portum recipiam litterarum. quo si frui diutius liceret, in caelo essem: quia non licet, hortor te, cui oculi satis est, ingenii uero, scientiae, iudicii multo plus, quam mihi, ut haec omnia studiosorum ad utilitatem conferas. quod si facies; gloriofum tibi erit ex ipsa re, quem uideo praestare posse maxima; ceteris non modo re, uerum etiam ex eplo fructuosum. fortasse enim, te praeeunte, alii, quoquo modo poterunt, inuitati laude subsequenter. Ego meas antiquitates, etsi, ut ille ait, spissum opus est, aliquando tamen, ut spero, pertexam. Vale. Venetiis.

\*

GRATAE mihi tuae litterae, gratissimus uero qui te ad scribendum animus impulit. atque

I 2 ego



ego te antea diligebam; quòd, ingressum esse minime uulgarem in uiam litterarum, longeq; per eam processe, intelligerem: sed auxit a. morem in te meum hæc, à me nunc minus expectata, eoq; iucundior, uoluntatis erga me tuæ minime dubia significatio. soleo enim amare in hominibus humanitatem haud paulo plus mehercule, quàm doctrinam. ac doleo factum esse antea, casu dicam, an uoluntate tua? ut oriatur inter nos quibusdam ex opinionibus dissensio, iis tamen de rebus. quæ si dilucide pateant, quod accidere potest utroque nostrum disputante, studiosis fortasse non nihil in eo cõsuletur. id quod est in meis consiliis, & fuit semper antiquissimum. Nam, quòd mea quædam improbas: si recte sentis, habeo gratiam: errare possum; & corrigi uolo. sin, ubi de meo sensu iudicas, tua te fallit opinio: ego tamen, quæ à studio ueritatis culpa manat, libenter ad laudem conuerto. itaque, quod ad hanc partem spectat, nemo audiet me querentem, excusabo te potius, atque etiam, quoad licebit, ornabo. Quòd autem, quæ meis in scriptis non improbas, ea dissimulas, & in tuos commentarios, meo nomine prætermisso, quasi noua transfers: miratus sum, & requisui paulisper in eo modestiam tuam. agam enim tecum libere, sicuti natura mea postulat, & inter bonos

nos uiros equanimis, quæ te tam ut ad me perueniret, à sententia et gaude scriptis per uoluntatem, & coram enim intelligis, nimirum, quæ unum peti licet per te, si quid ego à uoluntate con ego de te, tu de nemus tamen & si quid fort beneuolentia de habeo nullos, Cui, nunc quid qua uero ipse ex habebis, si uale ad Quintum si Romanis: qui tus. De Sext contuleris cum sunt, miseris; Vale. Ven



nos uiros æquum est. Illa de iudicijs extraordi-  
narijs, quæ te scribis edidisse, si dederis ope-  
ram ut ad me perferantur, et si ea discrepare  
significas à sententia mea, gratissima tamen  
erunt. et gaudeo te tam esse diligentem in meis  
scriptis peruolutandis, & occasionem mei ad-  
monendi, & corrigendi tam libenter quærere.  
sic enim intelligam; ubi corrigendi finem fece-  
ris, nimirum, quæ supererunt, à te omnia pro-  
bari. unum peto: sit conditio par: des mihi, ut  
idem liceat per te, quod licere tibi per me uo-  
lo. si quid ego de tuis itidem non probauero;  
noli grauius commoueri. iudicemus pariter,  
ego de te, tu de me, utram in partem libet:  
amemus tamen inter nos, ut boni uiri solent;  
& si quid fortasse de iudicio, nihil tamen de  
beneuolentia derahatur. Libros, quos petis,  
habeo nullos, Cicerone excepto. nec eius gene-  
ris, nunc quidem, tibi quidquam polliceor.  
quæ uero ipse composuerim, paucis mensibus  
habebis, si ualebo, commentarium in epistolas  
ad Quintum fratrem, & librum de legibus  
Romanis: qui est antiquitatum mearum sex-  
tus. De Sextiana oratione manuscripta, si  
contuleris cum impressa, quæq; loca uaria  
sunt, miseris; amabo te: idq; ut facias, rogo.  
Vale. Venetiis.



HIERONYMO FURNARINO,  
Rauennam.

VIDES me tibi satisfacere, &, quod olim  
petieras, id nunc, tuæ memorem uoluntatis,  
re præstare? non enim, ut solebam, plebeio ser-  
mone tecum ago, sed eo, quem in quadam epi-  
stola patricium appellasti; qui quàm tibi sit in  
delicijs, quantumq; in eo studij posueris, et in-  
dustriæ, facile ex ea ipsa epistola potui conijce  
re. uerum, quod ad me attinet, non ego meas  
litteras eius esse generis intelligo, ut ab homi-  
ne patricio scriptæ uideantur esse. quid enim  
habent, ut ita dicā, nobilitatis, quid splendoris  
aut in sententijs, aut in uerbis? conor equi-  
dem; et huius me cupiditas laudis multos iam  
annos incitat: sed moratur rei difficultas, oc-  
cupatio domestica, ualeitudinis infirmitas. scri-  
bo tamen assidue, quantum licet, & quoquo  
modo licet. animos uidelicet mihi facit, quod  
inter nos dictum sit, multorū inscitia: cum qui-  
bus interdum me confero non sine uoluptate:  
sicuti contra, cum in antiquitatem ipsam in-  
tueor, contemno me, planeq; ipse mihi displic-  
eo. uera enim illa fuit, suisq; absoluta nume-  
ris eloquentia: nostra infantia est, mi Furna-  
rine; nos balbi, nos elingues pene sumus in La-  
tina



tina lingua. sed quid ago? dum tecum suavis-  
sime loquor, nulla certa re proposita; pagi-  
nam, uerbis undique sua sponte confluentibus,  
impleui. erit igitur, quod initio scribere sta-  
tueram, idem clausula mearum litterarum.  
Mitto ad te, munusculum tenue, amoris ta-  
men significationem in te mei, commentarios,  
à me nuper editos, in epistolas ad Brutum, &  
Quinctum fratrem: quos, cupio, diligenter le-  
gas. id si assequor à te, & à tui similibus; ho-  
nest labor, & gratia meis laboribus optima re-  
feretur. Vale. Venetijs.

LAEVINO TORRENTIO,  
Leodium.

MIRABAR, cum in tuis uerbis tanta sit hu-  
manitas, quæ tuo mehercule etiam elucet in  
uultu, cur deberi mihi tam diu paterere tuas  
litteras, quas, ubi Leodium peruenisses, mis-  
surum statim pollicitus eras. hanc admiratio-  
nem, in qua molestiæ quiddam inerat, sustu-  
lit prorsus epistola tua, scripta sane elegantis-  
sime; in qua causam tui silentij confers in pe-  
regrinationem, & negocia. quod si iam in o-  
cio consedisti; exerce ingenium tuum præclaris  
in studijs, non ut amicus tuus, qui nihil un-  
quam parit, cum tamen parturiat semper,

I 4 sed



PAULI MANVTII

sed ut edas aliquid, quo tuum nomen, aeterna  
cum laude coniunctū, ab hominum obliuione,  
omniq; prorsus interitu uindices. Leodiensem  
Episcopū, de quo multi multa narrant, omnia  
præclara, summoq; digna principe, si quid ha-  
bebo artis, aut facultatis, ornabo laudibus: sin,  
quod suscipiam, præstare non licebit; amabit  
ille tamen, ut opinor, uoluntatem. tu me inte-  
rim de meliore, ut ille inquit, nota commenda-  
bis; eiusq; in me beneuolentiam, si qua est, ea,  
qua apud illum uales, gratia fouebis. Vale,  
nosq; sepe litteris, si ociū est, saluta. Venetijs.

SEBASTIANO LEONI,

CORDVBENSI,

Romam.

**SOLES** in nostris sermonibus, humanissime  
Leo, quod mihi maximum est argumentum  
amoris tui, monere me, atque etiam rogare,  
ut pro tenuitate ualetudinis meæ litteris utar  
moderatus, & in studio uirtutis, quod diffi-  
cillimum est, temperantiam adhibeam: ama-  
biliter tu quidem, & officiose admodum: sed  
hoc mihi persuadere si uis, prius illud persua-  
deas oportet, non magnopere esse de gloria la-  
borandum: inanes esse nostras cogitationes,  
stulta consilia, quæ ad eam dirigantur. ad quā  
causam



causam non tu quidem unquam tantam affe-  
 res eloquentiam, ut in re tam præstanti mihi  
 quidem probes modum esse seruandum. quan-  
 quam, quod ad rem attinet, tu quoque me-  
 cum sentis, uel potius ego tecum. in litteris af-  
 firmas esse uiuendum, & optandam in primis  
 scientiæ cognitionem, sed cum eo tamen, ut sa-  
 lutis ratio habeatur. obsecro te, mi Leo, quid  
 tu existimas de ijs, qui diuitias immoderate ap-  
 petunt? num errare uidentur? certe. at ipsi  
 aliter putant: itaque persequuntur institutū.  
 quid de ijs, qui honores sitiunt? non dubito,  
 quin hos quoque sentias peccare. et peccant sa-  
 ne: timida est enim ambitio, ideoq; misera: ne-  
 que tamē pauci sunt, quos inficit hæc labes. ego  
 & cum his intelligo me errare, & præterea cū  
 multis: sed diuersa ratio est. illi eas res plus æ-  
 quo appetunt, quas consecuti, meliores nun-  
 quam, deteriores etiam plerunque efficiuntur:  
 ego in earum artium indagatione sum nimius,  
 (sic enim ipse existimas) quarum cognitio euel-  
 lit ex animis uitia, inserit uirtutes. itaque ui-  
 des errorem aliorum cum turpitudine esse con-  
 iunctum, meum non modo non turpem, ue-  
 rum etiam laudabilem. At morbis sæpe tenta-  
 mur. Primū, hoc quidem non est præter natu-  
 ram: ars enim præstare nō potest, ut recte sem-  
 per ualeamus: nam, si posset, ii, qui scientiam  
 medicinæ



medicina tenent, ipsi nunquam egrotarent.  
 deinde, est præclarum in maximis laborare:  
 Et, quacunque re uirtutem emas, paruo e-  
 mas. non posse autem nos ad ea, quæ summa  
 sunt, sine sudore peruenire, indicat illud,  
 quod poetæ ne Herculi quidem Ioue nato, ni-  
 si maximis exantlatis laboribus, cælum de-  
 derunt. Te ipsum rogo, qui me mones; quem  
 ego studia doctrinæ uideo nunquam intermit-  
 tere: ullam ne uoluptatem ea cum uoluptate  
 putas esse comparandam, qua legentes, aut  
 scribentes afficimur? potest esse tanta suauitas,  
 qua non maior ea sit, quæ perfundit animos  
 nostros, earum rerum intelligentia fruentes,  
 quæ sunt ad bene beateq; uiuendum necessa-  
 riæ? Quod si quis doctrinam contemnit: haud  
 scio, quid iste curet. negligit animum; quo ni-  
 hil potest esse præstantius: se ipse ignorat; quo  
 nihil turpius: corpori seruit, ignauia dedi-  
 tus; quod est illi commune cum beluis; quibus  
 id præcipuum, ut alantur, uentriq; indulge-  
 ant, à natura tributum. itaque sequar me-  
 um institutum, neque te, mi Leo, neque alios  
 audiam, studiosissime monentes: quorum equi-  
 dem amo uoluntatem, iudicium tamen cogor  
 paululum requirere. Et, ut ipse quoque erga  
 uos amici partes, uestro exemplo, suscipiam;  
 finite meam uocem in aures uestras influe-  
 re,



re, quæ uobis artium studia optimarum assidue cantat; quæ uestra uobis bona commemorat, eaq; ut agnoscatis, & quantum licet, exerceatis, hortatur. cui si parebitis; fructum capietis eum, quem ipse mihi, cum meam reprehenditis in colenda uirtute constantiam, studetis eripere. Vale. Ex adibus nostris.

MARCO ANTONIO  
LOMBARDINO,  
Patauium.

SCIS, optime Lombardine, benignitatem à philosophis, magis etiam à Christianis hominibus laudari: recte id quidem: nihil enim est, quod hominem æque cum Deo coniungat: sed illa cautio requiritur, ut adsit cum uoluntate prudentia. thesauros plerunque uideas in aliquem conferri ab ijs, qui dominantur. quære causam: laudabilem nullam reperies. quis igitur beneficium illud prædicabit, in quo neque meritum accipientis, neque iudicium dantis agnoscitur? Equidem pro magnis opibus existimo hesternam illam animi tui significationem. quod enim ad me munus misisti, tum est ipsum per se gratum, quia pertinet ad ea comoda, sine quibus, imbecilla ualetudine qui sunt, ægre sustentantur; tum uero multo gratius,



tius, quia iudicij tui laudo commendatur. nisi  
 enim tibi meæ uitæ ratio, nisi ea, in quibus assi-  
 due uersor, studia probarentur; me tu certe,  
 qui probitatem colis, qui doctrina ingenioq;  
 excellis, beneficio non afficeres. quando igitur  
 ex ista tua in me liberali uoluntate, quid de  
 meis moribus, quid de liiteris sentias, facile pos-  
sum conijcere; contemno principum diuitias;  
 beatus esse possum in tua beneuolentia; unde  
 honor, & decus, unde præclara uirtutis ar-  
 gumenta, unde etiam commoda manabunt.  
 quare conserua mihi, si uis me felicem esse, tu-  
 um amorem: quem certe intelligas mihi de-  
 beri, si tibi, mea quæ sint erga te studia, li-  
 ceat intueri. Illa uero, quæ à tua benignitate  
 proficiuntur, persuade tibi, hoc potissimum  
 nomine, quia sunt amoris argumenta, mihi  
 esse carissima: neque ego te unquam ex bene-  
 ficio, sed beneficium semper ex te ipso pen-  
 dam. Librum de magistratibus, quem petie-  
 ras, habeo equidem absolutum, nondum ta-  
 men edendum: itaque comprimetur, usque  
 dum accurate perpoliam. procæmium degusta-  
 bis: quod ad te cum hac nocturna epistola sta-  
 tui mittere. Vale. Ex ædibus nostris, an-  
 te lucem.

Procæmium



PROOEMIUM LIBRI DE  
magistratibus Romanis.

QVOD in priuata domo pater familias, idem  
in ciuitate præstat lex. ille præcipit filiis, quid  
agant, & qua ratione agant: hæc iura ciui-  
bus mandat; & ad pietatem, ad rectum spe  
premiorem inuitat; à delicto, proposita pæ-  
na, deterret. quemadmodum autem rei pri-  
uatae nō hoc uno consulitur, si sit qui imperet;  
uerum illud præterea requiritur, ut imperan-  
ti domestici omnes pareant: sic in ciuitate, ni-  
si legem aliquis tueatur, & ut ei ciues, quasi  
parenti optimo filij, audientes sint, potestati  
imperioq; perficiat; non est in ipsa lege præsi-  
dij satis; optimeq; ac laudabiliter uiuendi præ-  
scripta norma negligitur. quo fit, ut tam legi  
necessarius uideatur esse magistratus, quàm  
lex ipsa ciuitati. Ac mihi, hoc de genere con-  
sideranti, longe uidetur optabilius esse, ut ini-  
quæ legi præsit optimus magistratus, quàm  
ut improbus æquissima. nam si summam po-  
testatem cum optima mente coniungas: uir  
bonus in iure dicendo, præter æquabilitatem,  
& iustitiam, nihil spectabit: si quid erit in le-  
ge uitiosum, pro sua sapientia corriget: si  
quid ambiguum, in eam partem interpreta-  
bitur,



bitur, quæ ad pietatem, ad communem ciuium utilitatem, ad reip. salutem propensior esse uideatur. sin autem, qui non optime sunt à mente constituti, is potestatem addas, & uoluntatem uiribus confirmes: legis uocem magistratus non exaudiet; quid maiores uoluerint, sanxerint, seruauerint, non attendet; ad suum arbitrium, suamq; libidinem omnia reuocabit. quod cum faciet; reip. quæ tota à iure, & æquitate pendet, non solum factò, sed multo etiam magis exemplo nocebit. nam quia præeuntem sequi non difficile est: propterea, qui imitentur, quàm qui inueniant, plures non modo in rep. administranda, uerum etiam in omni arte reperias. male C. Cæsar; qui, libertate ui & armis oppressa, ea, quæ omnium erant, possedit unus: sed longe improbius, ac nequior L. Sylla; qui, ut auderet sperare Cæsar ea, quæ consecutus est, exemplo suo perfecit. quòd si, qui legibus præfuerunt, tales fuissent, quales eos, qui leges ipsas condiderant, fuisse legimus: stetisset in suo gradu resp. quæq; artes in ciuitate libertatem auxerant, eadem facile conseruassent. uerum, in hominibus, non in legibus, uitium fuit. primi omnium duo fratres è Sempronia familia, Tiberius & Caius Gracchi, malo publico eloquentes, & ingeniosi, serere inter ciues discor-

ardas caperun  
commod  
magulus excitat  
in oppressi, d  
harunt: tamen  
ille die  
primus infecit  
sed nec uisitat  
ne nouum uiden  
mediquot post an  
lus est, non per  
ambitione indu  
optima can  
que duo Gracchi  
dissimilia moliri  
prolapsa res e  
nam, ciui  
et, aut eiecta, a  
par, atque etia  
tunc, neque  
rentes in scriben  
in creandis n  
sent, nam etsi  
nisi præstantib  
mo peditis con  
in primis hac  
propterea c  
mus, sed in erec



discordias cœperunt, infimæq; plebis animos  
 nouorum commodorum in spem turbulentis  
 concionibus excitare. qui etsi decreto senatus  
 iusta ui oppressi, debitas eorû audaciæ pœnas  
 exoluerunt: tamen exitiosæ consuetudinis ini-  
 tium attulit ille dies, qui civili sanguine gla-  
 dios primus infecit. quod enim non modo in-  
 stum, sed nec usitatum antea fuerat, id po-  
 stea ne nouum uideretur, effectum est. itaque  
 cum aliquot post annis P. Sulpicius, primum,  
 ut uisus est, non pessime animatus, deinde,  
 siue ambitione inductus, siue iracundia conci-  
 tatus, ab optima causa descinisset; eademq; fe-  
 re, quæ duo Gracchi, in tribunatu pl. aut certe  
 non dissimilia moliretur: facile ad uim & ad  
 cades prolapsa res est: neque prius arma quie-  
 uerunt, quàm, ciuium magna parte truci-  
 data, aut eiecta, unius libido antiquis legi-  
 bus par, atque etiam superior esse cœpit. quod  
 neque tunc, neque postea contigisset, si, quàm  
 sapientes in scribendis legibus maiores fuerât,  
 tam in creandis magistratibus cauti posteri  
 fuissent, nam etsi non recte geritur publica  
 res, nisi præstantibus uiris, acriq; ac magno  
 animo præditis committatur: tamen pericu-  
 losa in primis hæc est, & lubrica sane delibe-  
 ratio: propterea quòd non languentibus in a-  
 nimis, sed in erectis mentibus, ac maximis in-  
 geniis



genijs dominandi cupiditas exoritur. bonorum  
spe, fateor, ad labores, ad industriam, ad sub-  
eunda etiam pericula homines excitantur: sed  
in libera ciuitate est, quatenus cuique creda-  
tur; & in danda potestate si modus retinebi-  
tur, modus item in gerenda seruabitur. legi-  
timis enim potestatibus, & moderatis impe-  
rijs alitur libertas: neque facile quisquam uult  
quod se posse desperat: & qui tantum potest,  
quantum si consequatur, ceteri nihil possent;  
hic si malus est, potestate fit deterior; sin  
ita moribus exploratis, ut antea nihil neque  
fecerit indignum bono uiro, neque uoluerit,  
interdum tamen, ut humana mutantur, à  
reëctis cogitationibus ad iniquas libidines tra-  
ducitur; & peccat eo ipso, quia peccare per-  
mittitur ut possit. quocirca patriam meam sin-  
gulari sapientia institutam, ac diuino quodam  
consilio temperatam licet existimare: in qua  
neque magistratus ijdem continuantur, quod  
est seruanda ac diutissime retinenda reip. uin-  
culum firmissimum; neque cuiquam tantum  
uni committitur, ut extraordinario iure ela-  
tus libertati communiq; ocio moliri periculum  
possit. qua moderatione factum est, ut post an-  
nos M. CXXIIII. (tot enim ab urbe con-  
dita numerantur) non modo resp. sit, uerum  
etiam ita sit, ut omnibus rebus publicis, quæ  
nunc

sent, magn  
fuerunt, imp  
a quibus institu  
telli tenuiq; pri  
atque amplit  
hic narrandi loc  
sapientissimi it  
perite ornate  
adiungere, id  
perfectissima in  
la labores. N  
ita est. quæ qua  
mitandum præ  
bello ac pace uirg  
omnes reges p  
tatem & absti  
merq; diligeren  
a publicum con  
rum, iura legu  
de magistrat  
adabimus; tum  
hoc enim legibi  
nexum uidetur  
cui uideo i  
scripsit, hun  
ter imitauit



nunc sunt, magnitudine, opum, ijs autem, quæ fuerunt, imperij diuturnitate antecellat. quæ quibus institutis ac magistratibus usa, ab humili tenuiq; principio ad tantam dignitatem, atque amplitudinem peruenerit; neque est hic narrandi locus, & hoc argumentum uiri sapientissimi ita non modo copiose, uerum etiam perite ornatèq; tractarunt, ut, si quid uelis adiungere, idem sit, ac si in Apellis aliqua perfectissima imagine, puta in Venere illa Coa elabores. Nobis Romana ciuitas proposita est. quæ quàm multas habuerit partes ad imitandum præclaras, ex eo patet, quòd ita bello ac pace uiguit, ut illius uim & potentiam omnes reges populiq; extimescerent, æquitatem & abstinentiam subiectæ urbes nationesq; diligerent. formam senatus, quod in ea publicum consilium fuit, ordinem comitiorum, iura legum tribus libris exposuimus. nunc de magistratibus, eorumq; potestate disputabimus; tum, quia locus ipse admonet; (hoc enim legibus adiunctum, & tanquam adnexum uidetur) tum etiam, quia Cicero- nem, cui uideo in ijs libris, quos de legibus conscripsit, hunc ipsum ordinem placuisse, libenter imitamur.

K

Cæsari



PAULI MANVTII

CAESARI FERRANTIO,  
Patauium.

Ego uero istum erga me animum, istam, quæ significatur in epistola tua, beneuolentiam amplector libentissime, & amo prorsus amore singulari. nam, ut omittam, quod ita postulat humanitas: tui te præterea mores, tua modestia, & maior iam ætate uirtus egregie commendat. quæ cum ipsa me mouent: tum uero in affinem tuum, Episcopum Sueffanum, eiusmodi meum studiū est, multis abhinc annis ex incredibili eius humanitate, doctrinaq; susceptum, ut eos etiam, qui modo aliqua illum necessitudine attingunt, quosq; ille caros habet, cōplectatur. quo tu in numero ut esses, affinitate primum, id est naturæ quodam quasi munere, tibi contigerat: postea uero cum natura uoluntatem, & cum uoluntate studia coniunxisti, excolendis artibus ijs, unde fluxit honor, ac dignitas affinis tui, & unde eadem ad te manabunt, si te illi, immo uero si te ipse tibi quæsimillimum præbueris. quis enim tantos processus tam adolescens in philosophia fecit, quantos illa tua in aula perillustri Cardinalis Estensis celeberrima disputatio, multis præsentibus, ostendit? Quæ tamen de laude ita te sentire uolo,



lo, ut maximam esse putes, si cum atate tua  
conferatur; sin res ipsa spectetur, longe statu-  
as maiorem esse posse; quodq; uiae confeceris,  
id quidem esse multum, nec tamen tantum,  
quantum adhuc spatij supersit. sed, mihi cre-  
de, omnis in eo tuorum studiorum sita perfe-  
ctio est, si, quemadmodum nunc id cogitas, &  
id, opinor, agis unum, ut intelligas, huma-  
nae res quantum alijs aliae praestent, ita, quan-  
tum infra diuinas humanae prorsus cūctae sint,  
aliquando simul cogitabis. nā tu, Caesar, si  
te ad hanc, quam ignorari à plerisque uideo,  
praeclaram disciplinam contuleris, magistros  
habebis haud paulo meliores, quā quibus  
nunc uteris, aut etiam per omnem uitam uti  
potes. extat sanctissimorum uirorum multis  
libris expressa doctrina, qua instruimur, & e-  
rudimur ad aeternae uitae salutem. habes prae-  
terea domesticum exemplum affinis tui, summi  
uiri: cuius in uitam si inspexeris; excitaberis  
ad omnem laudem; coles autem praecipue ue-  
ritatem; quam ille tuetur acerrime, habuitq;  
semper antiquissimam. neque uero impedio,  
quo minus, ut caepisti, Marco Antonio Ge-  
nuae, & si cui praeterea uelis, operam des: elo-  
quentiam quoque si adiunxeris, ut res graues  
& obscuras ornate ac splendide tractare possis,  
minime improbabo: sed illa praestantiora sunt,



PAVLE MANVTII

quò te hortor ut aliquam omnino transferas in  
dustriæ tuæ partem. De libris ad te missis, ha-  
beo gratiam humanissimo, & in primis erudi-  
to iuueni, Sebastiano Leoni, utriusque nostrū  
æque familiari; qui mihi hanc instituendæ te-  
cum amicitie occasionem obtulit: quam auide  
arripui. iam enim incenderat me studio tui,  
cum de ingenio, de studijs, denique de tua ad  
optimas res propensa uoluntate multa prædi-  
casset. quòd si quid acciderit, in quo tibi opera  
mea usui possit esse: id si ipse intelligere potue-  
ro, mea sponte suscipiam: sin secus, à te admo-  
nitus efficiam, ut esse tuam apud me plurimi  
uoluntatem intelligas. Vale. Venetijs.

VIDO LOLGIO,  
Placentiam.

PAVLO ante dederam ad te litteras; quas con-  
iectura dierum putabā tibi iam esse redditas:  
hæ nunc alteræ consequentur. Scripsi, te ab-  
sente me cessare in litteris, & omnino tuam  
operam, tuamq; illam in meis rebus officio-  
sissimam sedulitatem uehementer requirere;  
sed meum consilium esse, te istinc ne prius com-  
moueres, quàm ego alicubi consedissem, id e-  
go uolebam scilicet inuitus, qui te socium &  
administrum meorum studiorum summe desi-  
dero:



dero: sed uolebam tamen tui commodi causa:  
primum, quod hanc equitandi iactationem,  
quæ me quidem delectat, tibi, ocij cupido, sus-  
picabar non placere: deinde, quod, si accidis-  
set ut istas regiones peteremus, quod post bal-  
nea facturi uidebamur; intelligebam fore, ut  
adire commodius ad me posses interuallo mi-  
nore. nunc audi, cur sententiam mutauerim.  
Cardinali nostro, cui nimium sepe calculus mo-  
lestus est, multis iam remedijs frustra tentatis  
accedere nunc ad aquas Lucenses ualeitudinis  
caussa deliberatum est; nosq; , ut scis, idem co-  
gitamus. ijs aquis qui uti uolunt, id maxime  
spectant, ut sicco tempore utantur. hæc est  
quasi methodus quædam, quam seruantibus  
salubres dicuntur esse: permixtæ cum imbri-  
bus putrescunt, graui periculo bibentium. nos  
porro, o Lolge, qui didicimus à philosophis, bo-  
nam ualeitudinem expetere sapientis esse; ual-  
de in hac quidem parte sapimus, & , ut opti-  
me ualeamus, accurate, quæcunque uires tu-  
entur, aut augment, persequimur, quæ posse  
uidentur infirmare, ac minuire, declinamus.  
itaque ad balneorum medicinam prius non ac-  
cedemus, quàm id & tuto, & salutariter fie-  
ri posse intelligamus. nunc quidem alienum  
tempus est. uides, quæ pluuiæ, quàm pene  
hiemales dies. hæc dum ita se habent, nos op-



PAULI MANVTII

portunitatem expectantes, in his oppidis, & uillulis iucunde satis oberrabimus. quod quoniam quam diuturnum sit futurum, diuinare difficile est; & ego, dum te careo, multis commoditatibus una careo; tuq; , ut ternis iam literis significare uideris, non abes à me sine molestia: mea causa rogo, tua hortor, ut, quam nondum consedimus, mature tamen, nisi quid grauius impedit, reuertas. & ut scias, quo me loco conuenire possis: Pisis ad idus Iunias, & ultra, ut opinor, aliquanto, sed ad Idus Iunias certe commorabimur. Vale. Pisis.

ANNIBALICARO,  
Rauennam.

FOROLIVIENSIBVS male sit, qui te longius à me abstrahunt. sed istorum motus praefecti prudentia sedabit; tuq; , ut scribis, Rauennam breui recurre. ibi uelim ne quid causae sit, quo minus ad me quamprimum. ego uolebam ad te; sed impediunt multa, maxime Ciceronis editio; cuius tempus aduentat, uel potius iam adest. itaque occupationum onere ualde premor. sed mihi nulla res esse potest tanti, ut ab hoc scribendi officio dinellar. Nunc est, quod à te uelim. Qui tibi has litteras attulit, est & mihi,



mihi, & fratribus meis ualde familiaris. eius  
 opera multis in rebus usi sumus egregie fideli.  
 cum Rauennam uenturus esset, quiddam ut e-  
 xigeret, quod ibi habet in nominibus; petijt à  
 me, ut se tibi commendarem. dixi, cum caus-  
 sam optimam haberet, commendatione eum  
 non egere; tamen me esse facturum. Si quid  
 me amas, Care, uel potius, quantum me a-  
 mas, tantum hunc hominem adiuua. his tem-  
 poribus, cum fides ubique sit angustior; uereor,  
 qui debent, ne non facile dissoluant. si res in  
iudicium uenerit; noli pati, uirum bonum,  
 amicum meum, exhauriri longi temporis im-  
 pensa. beneficium non conferes in ingratum.  
 memorem enim cognoui. sed tu eum ne respi-  
 cias: me uide, qui à te peto. mihi enim gra-  
 tius facere nihil potes. nam etsi, quod ad nos  
 attinet, ipsi quidem inter nos magis, quàm  
 amamus, amare non possumus: tamen ualde  
 laboro, in quo me ambitio quedam mouet, ut  
 homines nostram coniunctionem, tuamq; in  
 me beneuolentiam perspiciant: quarum alte-  
 ram uitæ æqualem fore, alteram eiusmodi iam  
 esse confido, ut nihil addi posse uideatur.  
 Vale. Venetijs.

K 4

Eidem,



E I D E M, Rauennam.

**V**IRVM te duco, qui compedes illos frangere,  
 & aliquando te in libertatem vindicare potue-  
 ris. id quod ego, qui nervos ingenij tui bene co-  
 gnitos haberem, prorsus ita fore sperabam. ut  
 autem etiam cum Guidiccione, id est cum ho-  
 mine doctissimo, & ad tuam naturam aptissi-  
 mo, tibi uiuere liceret; hoc uero ne optare qui-  
 dem unquam sum ausus. quod quando accidit;  
 beneuolentia in te mea est, gratulari, quod  
 euenerit; prudentia autem tua, non commit-  
 tere, ut frustra euenisse uideatur. Herum ha-  
 bes Care: herum autem, dico? cuius ea suau-  
 itas est, is in te amor, ut potius aequalis, po-  
 tius germani fratris loco tibi sit: sed, quoquo  
 nomine appelletur, eum certe habes, qualem  
 uis. Quare, quod mihi, aliorum arbitratu cum  
 uiuebas, promittere solitus eras; id ego nunc,  
 quando tui iuris es, non à te petam, sed exi-  
 gam, ut operas Musis, iam diu à te, non sane  
 tua culpa, tamen praetermissas, eo, qui cum  
 es, permittente, atque etiam cohortante, red-  
 das. sed ita procul dubio te esse facturum, uel  
 potius iam facere existimo. itaque hoc ne mo-  
 nendus quidem es; illud autem etiam rogan-  
 dus, ut ad nos quamprimum uenias; ut pos-  
 sim



*sim urbanitatis tuæ sales ex interuallo regustare. pedibus, puto fore commodius: nam mari præ frigore obtorpueris. o dulcem congressum; in quem ego, uix credas, quàm multa referuem, quæ litteris commissa, eandem suauitatem non habent. Vale.*

E I D E M, Rauennam.

**FESTIVVM** Molsæ nostri poema libenter legi, explanationem uero tum libentissime: & sum admiratus acumen ingenij tui summo iudicio coniunctum: quorum alterutrum non ita multis contingit, utrunque uero paucissimis. Quod scire uis, quid alii sentiant: idem, quod ego, nihil esse in illo genere perfectius. quo magis te hortor, ut hanc facultatem ad grauiora studia transferas, & aliquando te ab istis occupationibus uindicatum, in litteras totum abdas. quod si mature feceris; cerno iam animo, quantæ tibi hoc consilium laudi, quantæ nobis, qui te amamus, lætitiæ sit futurum. memini, quid tu mihi te facturum esse dixeris: neque te arbitror oblitum, quid ego tibi in eam sententiam responderim. Mi Care, induc animum, nullos præstantiores esse fructus, quàm qui è uirtute colliguntur. et cum hoc feceris, quod & facis, & fecisti semper; tum illud tecum  
exi-



PAULI MANVTII

existimato, ac pro certo habeto, incredibilem  
esse expectationem, quam de te apud homines  
concitasti: quam si sustinere, ac tueri uis; con-  
tende, dum integrum est, omni studio, ut ex  
hoc uitæ genere, in quod olim te non tuum iudi-  
cium, sed uis quadam temporum, tanquam in  
aliquod pistrinum, detrufit, quamprimum te  
eripias. quod quia tibi deliberatum esse, mihi  
sepe ostendisti; non ero longior in te cohortan-  
do: tantum hæc attigi amore impulsus; ut in-  
telligeres, in summis meis occupationibus me  
tamen de tua laude cogitare. De Ardinghel-  
lo nescio quid atrocius est allatum: quod ego sa-  
ne quam pro eo ac debui moleste tuli. hominẽ  
enim eruditum, & cum tibi amicissimum, tum  
à nobis, ut uisus est, non alienum cognoui. ue-  
lim, tu id ad me planius, quid fuerit, & un-  
de fuerit, perscribas. Vale.

E I D E M, Rauennam.

LITTERIS tuis, quas tu idibus Quintil.  
dederas, ego Nonis accepi, rescripseram quo-  
modo mihi tunc occupatissimo licuit: postea,  
cum eas per ocium in manus sumpsissem, accu-  
ratiusq; perlegerem; sensi me quasdam par-  
tes, quibus nunc ex interuallo respondeo, im-  
prudentem omisisse. quod etiam si ita non fuis-  
set;



set; ego tamen aliquam scribendi sententiam  
 alicunde arripuissem; non solum, ut quasi te-  
 cum loquerer; quo nihil facio libentius; sed  
 etiam, ut tuas elicerem; quarum sermo & pu-  
 rus in primis est, atque ornatus, & humani-  
 tatis, ac benevolentiae notis maxime insignis.  
 uel quas mense proximo dedisti, quam amabi-  
 les, quanti consilij, quam multi officij? quod  
 munus, quae partes in ijs à te sunt hominis a-  
 mantissimi, prudentissimi, diligentissimi prae-  
 termittisse? quam accurate, quam distincte,  
 quam perite tuam de meis typis sententiam  
 explicasti? quibus quidem typis, spero fore,  
 ut emendatissimis utar, quando ad te, & ad  
 Thomam nostrum missi sunt: quorum alte-  
 rum in labore patientissimum, alterum in iu-  
 dicio elegantissimum cognoui. Quod autem  
 ita scribis, homines hoc animo esse, ut nihil à  
 me nisi perfectum, absolutumq; expectent: fa-  
 cis tu quidem officiose, & peramanter, qui ad  
 me excitandum aliorum quoque opiniones, &  
 iudicia colligas: sed hoc ipsum genus, quod  
 perpoliri à me uis, ut perficiatur, in te est.  
 Quare quoniam ita casus tulit, ut unus fere  
 hoc tempore tantum mea causa posses, quan-  
 tum ego tua semper uolui: etsi mei commodi,  
 atque etiam honoris ratio postulare uidetur, ut  
 in te rogando pluribus uerbis utar; tamen id  
 non



non faciam, ne maiorem desiderii mei, quam  
 humanitatis tuæ, rationem uidear habuisse.  
 De artifice autem confirmando, quoniam in  
 hoc uides esse omnia, & me longinquum nihil  
 posse intelligis, omnem curam tu suscipias o-  
 portet: qui ut idem nobis sit, qui antea fuit, fa-  
 cile cum prudentia, tum commoditas illa tua  
 præstabit. quanquam non dubito, quin ipse  
 per se, uel sine ullo artificio tuo, ad id, quod  
 reliquum est, persequendum ita, ut uolumus,  
 animatus sit. profecto enim constantiæ ratio-  
 nem sibi habendam ducet. sed tamen, quoniam  
 gloriæ magis studio, quam emolumentum cupi-  
 ditate, incensus, ad opus est aggressus; subi-  
 cies tu quoque identidem in sermone quasi igni-  
 culos, ut uehementius inflammetur. Ficus  
 tuas quod ais te in apertum referre uelle, ut  
 aliquando uenales circumferantur, quæ quo-  
 tidie ab omnibus, te insciente, degustantur:  
 ego uero, ut id facias, magnopere suadeo.  
 Quod autem meorum typorum expectatione  
 nimis longam esse dicis; mihi quoque ita uide-  
 tur; idque cum mea causa, tum tua non medio-  
 criter doleo. Figurarum opus, quod te horten-  
 te sum exorsus, textitur illud quidem diligenter,  
 sed uereor ne plus oneris susceperimus, quam  
 quantum nostra imbecillitas sustinere possit.  
 quod si ita erit; accurre, ut, parte aliqua no-  
 bis



bis detracta, & in te translata, releuemur. Sed, amabo, quid sibi uult, quod in tuarum litterarum clausula posuisti? te, si quæ essent inter nos ad significandum notæ, quiddam occultius fuisse scripturum. equidem, etsi, quale sit, uideor mihi iam intelligere; tu tamen ut apertius declares, ualde uelim. De mandatis meis, ea, quod tuo commodo fieri possit, si exhauries; per mihi gratum, perq; iucundum fuerit; sed illud primo quoque tempore, de quo se Martellus tuus curaturum recepit: qui si stetit promissis, reliqua ego à te exigo: sin autem, quod pollicitus fuerat, nondum exoluit; eum tu litteris appella. nam de ceteris non ita ualde urgeo: ages cum licebit, uel dicam etià cum libebit. in hoc autem nisi mihi quamprimum satisfacis; prædico tibi, flagitatorem habebis acrem, & permolestum. Vale, & amicis communibus salutem à me plurimam. Venetiis.

OCTAVIANO MAGIO,  
Romam.

PROFECTO nihil tam accidit contra uoluntatem, quod aliqua demum incunditas non temperet. sic sunt humana, angebar animi, (quid enim dissimulem?) tu-

is



is factum occupationibus, ne te complecterer  
 discedentem: nunc idem gaudeo, euenisse quod  
 nolebam: quando tu, arrepta inde tui purgan-  
 di occasione, litteras ad me misisti, officio pri-  
 mum refertas, & humanitate singulari, dein  
 de latine loquentes egregie, sic, ut eius urbis,  
 in quam te cum Aloysio Mocenico, præstanti  
 uiro, Venetæ reip. legato, contulisti, ueterem  
 eloquentiam redolere uideantur. Quare cum  
 animo sum lætatus erga me tuo; fuitq; uolun-  
 tatis ad me amandum propensæ gratissima si-  
 gnificatio: tum uero ex ista, quam adolescens  
 admodum consecutus es, latinæ linguæ facul-  
 tate, istoq; , quo te uideo florere, ingenio,  
 tantum accessit ad lætitiā, quantum ne cona-  
 bor quidem uerbis explicare, sensu ipso uix,  
 atque mente comprehendo. Atque equidem  
 tibi eo etiam gratulabor magis, si tua bona no-  
 ueris, id est, si & , quæ habes iam, studio tue-  
 beris, & , quæ ostenduntur, ac deferuntur à  
 fortuna, magni facies; quantumq; in te erit,  
 nunquam dimittes. non enim, mihi credas,  
 tanti esse tibi Roma debet, quia Roma est,  
 quæ præstantes olim uiros tulit, imperij ter-  
 minos cum Oceano coniunxit; quanti ob unius  
 hominis consuetudinem, cuius est humanitas  
 doctrinæ par, doctrina uero, quæ potest esse  
 maxima. is est Octavius meus; qui urbem, à  
 qua



qua ceteri honestantur, sua ipse uirtute nobilitat. Hunc tu uirum nactus, cole, si sapis; & pete tuam gloriam ex illius consilijs; utere, quantum licet: & ut liceat plurimum, exopta. ipse te, si uacabit, nunquam à suo congressu, nunquam à sermone excludet. commendaticijs ad eum litteris minime opus est; nec fert hominis humanitas: & tu illi, quod epistola tua significat, satis iam notus, fortasse etiam familiaris. Quod reliquum est, non te fugit illud: Magistratus uirum indicat. itidem hæc legatio, qui sis, qui futurus aliquando, patefaciet. quamobrem incumbe ad laudem: amplectere uirtutem: illa reiice, quæ bonis artibus, ac moribus aduersantur: quæ te sæpe in ista ætate, tuorum commodorum, tuæq; tanquam hostes gloriæ, circumnucient, nec facile, nisi prudentiam summam adhibueris, depellentur. Vale, & salutem dic meo nomine exquisitæ eloquentiæ uiro, Iulio Poggiano, cuius tibi amicitiam, & consuetudinem ualde gratulor. Venetijs.



EPISTOLARVM  
PAVLI MANVTII  
LIBER III.

HIPPOLYTO ESTENSI  
CARDINALI,  
Ferrariam.

**V**ALDE me leuauit, in hac mea satis graui-  
ter affecta uoletudine, oratoris uestri, Hierony-  
mi Faleti, uiri præstantis, oratio: qui cum  
sermonem mihi, Ferrariæ tecum habitum, ex-  
posuisset, multaq; , ut solet, de ingenio tuo  
singulari, de summa grauitate, ac sapientia,  
non nulla etiam de tua nequaquã à me, ut au-  
dieram, aliena uoluntate narraffet; cepi leti-  
tiam, quantam aliquis ex inasperata, exopta-  
taq; re capere maximam possit; measq; sta-  
tim esse partes duxi, ut ad te scriberem, age-  
remq; gratias quòd in eo loco, unde me depel-  
lere fortuna conaretur, tua me retineret hu-  
manitas. quo sane mihi nihil optatius, nihil  
hoc tempore, cum infirmus langueo, ad ani-  
mum meum sustentandum opportunius po-  
tuit accidere. atque equidem ita statuo, a-  
ctum esse mecum misere prorsus, atque infeli-  
citer, quod meam ad te ueniendi cupiditatem  
incredibilem pestilentia primum, deinde mor-  
bus



bus impedierit; & in eo magnum studia mea,  
measq; res adusse damnum; quibus à te, pro  
tuo instituto, ueteriq; consuetudine, consul-  
tum iri optime, pro certo existimabam. quod  
quando ita accidit; & quando me à tuo con-  
uictu non mea uoluntas, non iudicium, aut  
ulla mentis inconstantia, sed corporis imbecil-  
litas, atque hac anniuersarij, ac pene iam per-  
petui morbi uis importuna seiungit: peto à  
te, Princeps humanissime, id saltem, quod in  
tua, non in fortunæ manu situm est, tribuas,  
& largiari, ut beneuolentia mihi tua, et quæ  
fuit antea, & quæ, si ad te iuissem, futura e-  
rat, eadem conseruetur. hoc si assequor; bea-  
tus hac una re sum; cetera paruipendo. ea  
porro mihi ut conseruetur, ita postulo, si me,  
qualis in aula tua fuisset, talem esse absen-  
tem intellexeris, id est obseruantem tui, tuaq;  
in laude omni studio & cogitatione defixum.  
Quod si quibusdam litteris animus à me tuis  
est offensus; quòd in ijs dicar minus fortasse,  
quàm decuit, de te, aut de tuis modeste locu-  
tus; quod certe secus est: sed si me tunc à mea  
consuetudine impetus quidam abduxisset ira-  
cundiæ: nosti pro tua sapientia ingenium hu-  
manum: magna uis doloris est: impellimur sæ-  
pe longius, quàm ratio concedat; & facta  
quæ sunt, paulo post infecta frustra cupimus.

L te



PAULI MANVTII

*te tamen ita decet ignoscere dolori meo, si ex iusta, ut ego arbitror, caussa susceptus est: sin aliter tibi uidetur, ignoscere tamen debes, ut eluceat magis in culpa humanitas: quæ si omni digna Principe uirtus est, te uidetur Principe dignissima; quem ad omnem laudem natura genuit, disciplina erudiuit, multorum annorum consuetudo assuefecit. Vale. Venetijs.*

FRANCISCO MOLINO,  
Patauium.

*QVOD meas epistolas descripseris, ualde te amo: & custodiri à te malo, quàm ad me mitti. Quòd autem, non esse tibi scriptionem illam infructuosam, significas: prorsus non abnuo: ueruntamen, quòd tibi hoc in genere multo & plura, & meliora domi quotidie nascantur, hoc equidem nomine haud paulo magis tibi gratulor. quam tu, si sapis, agnosce, & opta diuturnam occasionem. uiuis cum eccellente uiro, adolescens, præstanti ingenio, optima ualetudine: uiuis Patauij, id est in urbe scientiarum laude celeberrima: quò, tanquam ad mercatum, uirtutis cupiditate ita omnes confluunt, ut inanes redire turpissimum ducant. Plura non debeo. noui enim, ad quem:*  
&



*Et hæc ipsa minime necessaria uidebam: sed obsequendum amoris fuit in te meo; qui me tacitus, ut tecum de tua laude loquerer, hortabatur. Patri uero tuo, & optime de me merito, & ijs uirtutibus, quæ nobilem uirum decet, in primis ornato, quid est, quod à me deberi non intelligam? Extabit igitur in te, si qua re potero, studium meum: illum autem colam sensibus intimis in omni uita studiosissime. Vale; & ut Mureti contubernio, ac disciplina dignum te præstes, quanti tuam laudem facis, quæ mihi maxima curæ est, tantum enitere. Venetijs.*

MARCO ANTONIO

MURETO,

Patauium.

**BEASTI** me tuo iudicio: si modo plus est à te ueritati, quàm amicitiae, tributum. quod ego, quia faueo meæ laudi, facile mihi patiar persuaderi. sed, amabo te, uis ne mihi legem illam diutius deberi? nescis, quàm sim studiosus huius generis monumentorum? describe aliquando: aut, si, stantem in media uia describere, minus honestum uidetur, nec pudor tuus fortasse fert; da negotium homini diligenti: quando Achilles noster uel negat,

L 2 uel



PAULI MANVTII

uel certe prorsus agit eo modo, ut negare uideatur. salutabis tamen eum meis uerbis: cui certe fortunam opto, qualem si magister eius haberet, omnia bona merenti pessime contingerent. Si quid peperit ingenium tuum, dignum pene dixi utroque nostrum, sed si quid te ipso dignum; mitte: ut constes humanitati tuae, atque etiam constantiae: es enim pollicitus. Quid Carneseccus meus, flos omnium leporum, omniumque uirtutum? ut ualet? iube eum saluare quam potes humanissime. Charta me deserit, ut uides, tecum suauissime loquentem. Vale.

E I D E M, Patauium.

VNAM tragædiam duobus ipsis diebus, cum assidue scripserim, absolueri non potui. meorum oculorum, ut uideo, res non est, ac ne digitorum quidem. quid? ego habeo tuos articulos? hui, quantum interest. reliqua igitur ad te reijcio. uinces me facile celeritate; æquabis in diligentia, si uolueris. finge, operam te dare, cum describes, homini litterarum & prorsus ignaro, & prorsus cupido. finge, amico singulari: quem explere officiis, si liceat, optabile sit. quanquam hoc non finges. nam, cum à domesticis discessi, nihil habeo te carius. oraculum hoc puta. nihil unquam tam uere cecinit



nit Apollo. ueruntamen, hæc si tibi proposue-  
ris; de quo rogandus non es; monere tantum  
uolui; nihil quidquam omittes in describendo.  
habet, quam ego in me desidero, mentis con-  
stantiam, pectoris firmitatem. hæc mihi mor-  
bi diuturnitas eripuit: quæ uideo esse in te, u-  
tinamq; diu uideam, ἐν τῇ ἀρχῇ. habes ocu-  
los in legendo, manum in scribendo exercita-  
tam: uacui uero temporis quantum uis: &  
uis in rebus meis plurimum; qui te saepe dixe-  
ris, professusq; sis ad meum arbitrium tua stu-  
dia conferre. nam, quod ad gymnasii curam  
attinet; nec dies instat publici muneris, & si  
instaret, opera hæc bidui tota est, bidui, in-  
quam, tibi, nihilo longior: mea uero & diu-  
turni temporis, & laboris esset non ferendi.  
ad hæc si accesserit uoluntas, quæ mihi non ue-  
nit in dubium, & inductio illa animi, quæ ma-  
gnas res facile conficit: negocium habeo abso-  
lutum. serua, mi Murete, quod in te est, ami-  
cum tuum integellum: parce ualetudini: no-  
stram imbecillitatem, tuorum officiorum ope,  
sustenta. scis, ἐμοῦ βέλτεροντος, quo amore, quo  
consilio, quo etiam presidio fortunæ tuæ nitan-  
tur. οὐτὶς ἐμῶ ἥσσοντος: nosti reliqua. Hæc  
aliena manu scripsi, cum paululum langue-  
rem. tota enim fere nocte, nescio quo casu,  
somnum oculis non uidi meis, aut uidi tristium



PAULI MANVTII  
imaginum turba permixtum. Tuum Euripi-  
dem remitto, unaq; meum; quem cupio simi-  
lem esse tui. Ex ædibus.

E I D E M, Patauium.

MONSTRI simile, Muretus non respondet:  
immemor ne nostri? nefas credere: & hanc su-  
spicionem longe animus respuit. at occupatus?  
hoc fortasse: uerum, ulla ne cursum amoris in-  
terrumpit occupatio? omitto iocum. Mi Mu-  
rete, garrit saepe amor: at tu siles; cum tamé,  
ut opinor, ita me ames, ut fortasse nemo ma-  
gis; quod certe facis mutuo. quòd si, quia le-  
gem illam describere per tua negocia non licet,  
ideo non scribis: rogo te, abijce istam curam.  
abrogentur potius omnes leges, quàm tuarum  
litterarum fructu diutius caream. nec tamén,  
detrahi multum de ocio tuo mea caussa, uolo.  
scio, tempus quàm utiliter ponas. illa satis e-  
runt: Mi Manuti, ualeamus: & ualere te,  
ualde cupimus. tà n̄ dīxā sunt in manibus. cū  
Carnesecco tuo, Pero, Endimio saepe sum: pla-  
ne uiuo. hac sententia, sed alijs uerbis, id est  
elegantissimis, quibus ipse abundas, si scripse-  
ris; satis plane cupiditati meæ, (quid enim di-  
cam uoluntati?) satis etiam officio tuo feceris.  
Video te expectare aliquid de meo discessu. dies  
appro-



appropinquat, uel potius iam adest. iam, ut ille ait, sarcinulae collectae sunt omnes; nec ferre, quod agam, superest. itaque nonis Sept. cogitamus. Cum illo, qui Galateam amabat inuitam, si quid aduersus me, suscipe, ut ego in tuis iniurijs soleo, & sustine praelia. nervos enim habes. ille, nostram uicem, ulciscetur sua malefacta. nam inuidia rumpitur: & habet, quod intimis eum sensibus dies noctesq; excruciet. nos laudabilia cogitemus, & ad praelara illa studia incumbamus: de isto ne meminerimus quidem: qui bonos omnes, hoc est sui dissimiles, odit iniquissime. Vale, & amicis nostris (sunt enim fere communes) plurimam salutem. Venetijs.

SCRIPTIS litteris, & iam obsignatis, hesternae tuae sunt allatae, graece loquentes non minus argute, quam eleganter. qui possum paria paribus? si pergis, clamabo me circumueniri. mehercule non tam aquis ulli fontes, quam ingenium tuum scatet graecis & sententijs, & dictis. maecte: extra iocum, amo te, quotidie magis; quia tu scilicet ad perfectam uirtutem quotidie accedis propius. Sed pauca de re. Vides ne, quam facile tum ferantur, tum abrogentur leges? Vbi sunt, qui tribuniciam potestatem accusant? illa quidem, cum bona me te coniuncta, salutaris. Sed haec ne nimium cu



PAULI MANVTII

remus. utere fortuna tua. ego alias regiones  
specto, inuitus nostri dissidij caussa: sed coniu-  
gemur animis, corporibus disiuncti. id est ma-  
ximum, in maximo dolore, solatium. De Phi-  
lopono, quia comes futurus est itineris mei, ue-  
lim in eas rationem, si eum hic reliquisti, ut  
ad me quamprimum. colligo omnia; ne quid  
me moretur in discessu. non enim id agitur u-  
num, ut uoluntati meae, sed illud simul, ut fi-  
dei satisfiat.

E I D E M, Patauium.

T u uide, cui committas. ego enim binas tantum  
accepi. prioribus respondi nudius tertius, me-  
amque tibi de Bononiensi re non modo sententi-  
am, uerum etiam uoluntatem ostendi. his al-  
teris, quae mihi redditae sunt heri uesperis, si  
rem specto, rescribere nihil est necesse: sunt e-  
nim eiusdem argumenti: sin tuam uolunta-  
tem; quae quanta sit, ex tuis litteris apparet;  
sunt eadem iteranda. sic igitur faciam. Affir-  
mo tibi, Sigonium nostrum, si Bononiam ie-  
rit, praesensque contenderit, certum futurum.  
habet auctoritatem, ex huius loci dignitate  
partam, suis scriptis mire amplificatam, pre-  
sertim his postremis, minime uulgari doctrina,  
iudicio, ingenio, diligentia refertis. studia Bo-  
noniensium



noniensium ciuium facile colliget. ciuitas enim  
 est ad humanitatem nulla propensior. Acce-  
 dit, quod aut petet solus, aut cum ijs, quos ne-  
 que nominis fama, neque uero, ut à non nul-  
 lis accepi, litterarum scientia magnopere com-  
 mendat. Bargæus enim, οὐχ ὁ τυχὼν ἀνὴρ,  
 conditionem illam certe non spectat. qui enim  
 Pisis dominetur, & sua uirtute, quam noui-  
 mus excellentem, & principis gratia, cuius  
 in ditione natus est; quo consilio ad res novas  
 animum adiiciat? Ergo, si Bononiæ Sigonius;  
 uides, quid sequatur. diis hominibusq; appro-  
 bantibus in eius locum ascendes. quo mihi nihil  
 esset optatius. nā speciem habet Bononiensis cō-  
 ditio maiorem, ut in gymnasio Italiæ celeberrī-  
 mo: emolumentum certe haud paulo plus hic ui-  
 deo futurum. atque etiam de dignitate uide-  
 ro. tractantur omnino littæ splendidius in  
 publicis gymnasiis; & docetur de loco superio-  
 re uirtus maiore cum gloria: sed clarissimum  
 Venetiarum nomen quasi luminibus obstruit  
 Italicarum omnium ciuitatum: & hic ortum  
 decus facile manat, ac diffunditur per omnes  
 gentes, propter huius urbis communionem &  
 quasi societatem cum orbe terrarum uniuerso.  
 Hic uenit in mentem: Cur tu igitur migras?  
 alia ratio est. ego urbem linquo, non cum ur-  
 be emolumentum. quin hoc augeo uehemen-  
 ter;



PAULI MANVTII

ter; illam prorsus amittere non uideor, quia Romam spectro. Habes meā sententiam; quod quidem ad te attinet. De Sigonio autem, quia nihil est tam amplum, quod eius uirtus non æquet, meam, ut opinor, diuinationem exitus non fallit. nisi si quid attulerit casus; qualia fert hominum uita. De Carnesecci nostri ualitudine, cum rescribes, adde uerbum, si me amas. Vale. Venetiis, nonis Sept. quo me die discedere cogitantem noua res detinuit.

E I D E M, Patauium.

Q V I D homini non timendum? cum te, tam ualidum, istis lateribus, ista ætate, nihil tale metuentem animus reliquerit. ualde me percussisti tā graui nuncio, eoq; magis, quod ignorare te caussam scribis. nam tuendi tui quam rationem inibis, si te morbus inuasit imprudentem? tuam continentiam narras. equidem ita credo. unde igitur fluxit uitium? parce tibi in studiis, mi Murete, pro eo quanti ipse tibi es; aut, si te ipse non diligis, quem omnes pene diligunt, pro eo quanti ipse apud te sum: quem tu nisi magni facis, egregium simulandi tenes artificium. an tu nos una tecum uis perdere? ne scis modum esse retinendum in omni re? ne scis, uirtutem nimis appetere, uirtutem non esse?



esse? age igitur iam te respice, si minus antea:  
 tibi consule; & eam quære gloriam, quæ te ui-  
 uentem oblectet, non quæ discedentem è uita  
 prosequatur. ita diu iucunde uiuam, ut acerbe  
 nunc uiuo, quia sollicitus de te sum, neque dū  
 ab illo periculo suspicor esse tutum. medicos ha-  
 bes doctrina singulari, quorum consilio uti pos-  
 sis: cælo uteris clementissimo: in rebus tuis ni-  
 hil, opinor, est incommode. genus enim uitæ  
 non honestum minus, quàm utile, delegisti.  
 etsi te scio de re & lucro minimum laborasse,  
 illa uero habuisse prima, quæ nec mihi postre-  
 ma unquam fuerunt, decus, & amicitias no-  
 bilium uirorum. Hæc cum ita sint; modo pau-  
 lo minus mentem, & paulo magis corpus exer-  
 ceas, rectissime tibi erit: nosq; tui peraman-  
 tes, afficies maxima lætitia. quod auguror fu-  
 turum: & ut meam spem, quantum in te est,  
 exitu confirmes, te ipsum tua, nec minus mea,  
 causa rogo. kalendis Apr. omnino te, sin id  
 minus, Catullum tuum expecto. diem unum  
 prorogari, è re mea non est. Vale.

E I D E M, Patauium.

L A N E non assequeris, ut uideo, quorsum  
 illa de me Momo scripta sint à me. non enim  
 id spectavi, tuam ut remorarer industriam,  
 sed



sed ut acuerem potius, atque incitarem. tu autem ita commotus es, ita mecum uehementer, ac pene iracunde agis in epistola tua, ut uix tibi temperes, ac ne satis quidem, cum uelles, temperare potueris, quin aculeos etiam in me non nullos emitteres. deinde quasi blandiris in extremo, uerbis utens amantissimis, atque honorificentissimis: cum ea mihi tribuis, quæ si respuerem, ipse me non amarem. tanti enim mihi sum, quanti ab ijs, quibus ego plurimum tribuo, fieri me sentio. Ac putabam, mi Murete, meos tibi sensus bene cognitos omnes esse: quòd si paululum à mente quandoque aberraret oratio, non esse facturum, ut eò mea uerba detorqueres, quò neque meum iudicium, neque nostra iam pene fraterna necessitudo ferret. quod quando secus uideo contingere; aberit posthac à meis litteris omnis ironia, aberit iocatio, quidquid denique eius esse generis intelligam, ut in utraque partem flecti possit. de illo ne meminero quidem, si potero: hominem enim contemno: silentium quidem, quod potero, ipse mihi imponam. De Plauto, uideor tibi scilicet, quod aiunt, in alienam messem. sic enim illud interpretor, *A me, ut scis, efflagitabatur.* Tu uero, me perlubente, rem suscipies: si modo, quod contra mihi uidebare, animum induxisti,



*si, ut efflagitantibus breui satisfacias. uerū,  
 si præclaros de finibus commentarios, ad exi-  
 tum iam perductos, paucorum dierum studio  
 perpolire non uis, et magno litterarum damno  
 pateris iacere: qui sperem te aut uelle hoc tem-  
 pore noui aliquid ordiri, aut, si ordiaris, posse  
 pertexere? magni negocij est, quantum ocij  
 res exigat tuis occupationibus eripere: non mi-  
 noris, à te ipso, ut uelis, impetrare. facio ta-  
 men æquissimo animo, ut in te reijciam, ac  
 transferam hoc, quidquid oneris, aut laudis  
 est. consulatur modo publicæ utilitati, id, non  
 modo à te, quem fero in oculis, sed si uel ab  
 iis, quos & de facie, & de nomine prorsus  
 ignoro, præstabitur, æque lætabor. Quare  
 non solum per me licet, uerum etiam, si pa-  
 teris, precibus tecum ago, ut ad emendan-  
 das, illustrandasq; Plautinas comædias tu-  
 am excellentem industriam conferas. uere-  
 or tamen, ne, quod summe cupio, id fru-  
 stra rogem, atque expectem. Vale.  
 Venetijs.*

E I D E M, Patauium.

*E M tenes: optime tres poetæ coniungentur,  
 ille, M. ANTONII MURETI COM-  
 MENTARIO ILLUSTRATVS; reliqui  
 duo*



PAULI MANVTII

duo, si rem suscipis; quod ita liberaliter, ac benigne polliceris, ut à me non minorem uerbis, quàm re gratiam ineas; AB EODEM EMENDATI. quòd si, ut significas, ad emendationes aliqua præterea fiet accessio: nã ego tunc, uere mutuam inter nos esse beneuolentiam, intelligam, ac uelle te mecum officijs certare: in quo antea (dicendum est enim) potuit esse illustrior amor tuus. Confugies uidelicet ad occupationes: ego ad illud: Nulla potest esse occupatio tanta, quæ amoris, & officij cursum debeat interrompere. me ipso quenquam ne tu magis impeditum à negocijs, districtum à curis unquam nosti? quis tamen amicorum (amicorum autem? immo uero etiam alienorum) negocia curat libentius? tua mehercule caussa noctis etiam partem cogitando sepe consumpsi: cum tamen corpusculi tenuitas maxime quietem postularet. Sarcies igitur, si quid omissum: uel, si nihil, auge superiora: quod certe potes, & si meum in te animum spectas, etiam debes. Vale.

E I D E M, Patauium.

REMITTO scholia, ut habeas corrigendi facultatem. quanquam est, cur addas potius, quàm mutes. quid enim? totus ne quartus



liberali-  
m minore  
AB eo  
significa-  
tinet accu-  
r nos esse in  
te mecum  
endum est  
us. Confu-  
ad illud  
que am-  
umpe. n  
ditum a ne-  
ostit? quia  
m? immo  
cat libentia  
r partem  
en corpore  
claret. Se-  
l, si nihil  
s, & su-  
ebes. Vi-  
mum.  
beas cor-  
cur adha-  
totus me-  
tus liber ita mendosus aut obscurus est, ni-  
hil ut assequare, nihil scripture dignum ex-  
cogites? mihi non probabis, nec omnino cui-  
quam, tuum in Catullum præstantem com-  
mentarium qui tractauerit. confice igitur,  
quantum quidem per te licet. licet autem tibi,  
quod, ut ego sentio, quam paucissimis. nos o-  
pus nostrum intermisimus tua causa, tuum ip-  
se opus nostra causa ut urgeas, atque absol-  
uas. nec dubito, quin, si adniti uolueris, &  
quasi cum ipsa re contendere, quod ego inter-  
dum soleo; magna ex parte præstes id, quod  
præter opinionem meam, ut aliquid ἐκ τῶν ἀ-  
δυνάτων, abiecisti. De rebus tuis, quæ mihi  
mehercule magnæ curæ sunt, consilium dies af-  
feret: animus certe meus fluctuat: ita multa  
in utranque partem occurrunt. placet constan-  
tia, ita, sed si cum utilitate coniungatur. utili-  
tatem porro non lucro magis, quàm dignitate,  
metiamur. quod tu quoque uideris significare in  
illo loco, Vellem hic paulo ἐν τιμωτέρον uiuere li-  
ceret. ueruntamen, mi Murete, si quid agimus  
minus interdum splendide, contra quàm nos  
præclara liberalium disciplinarum studia do-  
cent, excusamur temporum iniquitate, &  
multorum exemplo; qui cum affluant ijs re-  
bus, quæ sæpe à nobis, fortunæ potius culpa,  
quàm nostra, desiderantur, quotidie tamen  
aliquid



aliquid ultra appetunt: quam meus magister Egnatius, si audires uerba, stultitiam, si uita rationem spectares, plane singularem sapientiam indicabat. Vale. Venetijs.

E I D E M, Patauium.

QVINCTILIS Kalendæ, quem tibi ego diem definieram, præteriere iam, ut uides. itaque, si quam ex meis litteris de perpoliando Catullo tuo curam susceperas, ea te libero. temporis enim coactus angustijs, mandavi meis, ut alia quadam prælo subiicerent. menssem, quod ad me attinet, uel integrum, eoq; amplius, licet interponas. interim ad Terentium omnem tuam industriam, suadeo, conferas. noui omnino te laudis in studio nunquam languentem: sed in hoc libro, qui maxime omnium uersatur inter manus, ipse te debes incitare, & eo magis, quod erit, qui editum statim arripiat, syllabatimq; omnia dimetiatur. admodum enim seuerè, ac studiose indicat aliena; sua uero premit, exire non patitur, diu licet euigilata, acerbus etiam in se ipsum, minimeq; indulgens. Ego accingor ad Plautum. nec desperarem aliquid à me, si minus ingenio, saltem diligentia, posse præstari: sed interpellant salutatores à mane ad uesperam,



speram, honesti illi quidem, cupidi uirtutis,  
 officio, & amore erga me, ut uidentur, in-  
 censi; tamen interpellant. scis illa Ciceronis  
 nostri, ad Sebos, Arrijq; aduentum ingemi-  
 scientis. hui, unum ne ego Sebosum, unum  
 habeo Arrium? uidelicet: sexcentos: quibus,  
 uelim nolim, diei horæ dandæ sunt omnes. ex  
 quo quantum molestiæ, quantum hauriam  
 acerbitatis, ipse, qui meam consuetudinem,  
 ac meos plane sensus tenes, facile potes conij-  
 cere. nam rem familiarem, etsi minime a-  
 bundo, iacere tamen æquo animo patior: stu-  
 dia uero mea negligere nullo modo possum.  
 De tuo aduentu spem non nullam inieceras:  
 eam rursus extenuant postremæ tuæ litteræ.  
 ego illud scilicet primum, ut habeas rationem  
 ualetudinis; secundo loco, quod tuo commodo  
 fieri possit, ut te nobis restituas, exopto. Quid  
 Molinus noster, quid agit? quid autem ego hoc  
 quero? nimirum ille totos dies tecum, id est in  
 uirtute totus est; nec tuam complexus doctri-  
 nam dimittit, iudicio adductus suo, meo consilio  
 confirmatus. Vale. hæc ante lucem, cubans  
 in lectulo, amanuensi meo, & iam meorum  
 studiorum socio, dictavi, nobili adolescenti Cy-  
 prio, Herculi Podocatharo, qui cras Pata-  
 uium cogitat, teq; meo nomine salutabit. illa  
 superiora familiari meo, Sebastiano Leoni,

M qui



PAULI MANVTII

qui se forte obtulerat, dictaueram inambulans, quod eram paulo crudior: nec fere mea manu libenter uti soleo.

E I D E M, Patauium.

QVI mihi tuas attulit litteras, ei ego meam omnem operam, si qua in re uellet uti, atque omnino quidquid ualeo, tua causa detuli. uisus est meam amicitiam plurimi facere, & à me, præter eam, nihil expetere. quod illi facillimum fuit impetrare. nam cum omnibus natura pateo: tum uero, qui à te diliguntur, amore meo nunquam excludentur. Catulli quod apud te reliquum est, biduo si miseris, satis opportune facies. deinde mihi orna duos comites eius, utrumque dignum, ubi neruulos ingenij tui contendas. etiam illud. mihi tribuis petenti: quod ante omnia, & unum fortasse, spectare te puto. cras, ad summum perendie tria Catulli folia mittam. Filiolum meum Hieronymum, nondum quinquennem, Aldo parem ingenio, ualetudine firmiorem, mandare Epidaurum ad hominem eruditum, mei quæ peramantem, Paulum Bosium, cogitabam. ibi moribus, & primis litteris imbuetur. nam ego me ad hæc humilia demittere nullo modo possim. Quid præterea? nihil scilicet:



scilicet: immo aliquid. Scribe, amabo te, mi Murete, ut instituisti, quamsepiissime. mehercule, è summis, atque assiduis non modo negocijs, uerum etiam animi curis, tantum in tuarum epistolarum elegantia, & suauitate conquiesco. atque etiam, dum ipse ad te scribo, quia te mihi præsentem statuo, mutuumq; inter nos sermonem fingo, incredibili uoluptate perfundor. Vale. Venetijs.

Hercules meus, quia festus hodiernus dies est, abest. ideo hæc mea manu, decies interpellatus, exaravi.

E I D E M, Patauium.

AIS ne? Iannottus ita suasit? uix adducor, ut credam. tibi tamen cur non credam? ego mehercule, quod Iannottus probare uidetur, id non solum probo, uerum etiam mirifice cupio. quid enim mihi suauius tua consuetudine? qua nihil iucundius. tuo uero sermone quid utilius? qui solet esse tum eruditus, ingenijq; notis aspersus, tum etiam beneuolentia refertus in me singulari. At, Ferrariensem conditionem ut acciperes, auctor fui. Id quidem (tu scis: facile enim potuisti conijcere) ualde contra meam uoluntatem: cui nihil potest esse molestius, quam à te diuelli. Sed quid? an ego pa-

M 2 terer



terer tuam fidem in dubium uocari? qua ma-  
 xime probitatis nititur opinio. dixeras de Tur-  
 none, præstanti uiro, non solum animi, uerū  
 etiam fortunæ bonis ornato: cuius mihi fuit,  
 item ut esse debet, auctoritas grauiissima:  
 nec ausus sum repugnare: dedi manus. ἰτέον,  
 conclusi. quòd si Iannottus, quem noui re-  
 rum agendarum usu peritissimum, antiqui ho-  
 minem officij, pollicetur sese impetraturum:  
 suscipio, quod abieceram, consilium; nec iam  
 amplius ἰτέον, sed hic, hic nimirum φιλοσοφι-  
 τέον, idq; nobiscum, summa cum animi uolu-  
 ptate clamo. primum igitur illud, Sigonius ut  
 habeat, quod uult: quòd eum plerique minime  
 cupidum impellunt: deinde, ut nos te frua-  
 mur. quod si assequor: ego quoque iisdem mul-  
 tam salutem: pro sexcentis ipse unus eris. di-  
 uitiarum satis habebimus, si contemnemus.  
 Ergo, quod iam institueram, obseruabo om-  
 nia, omni enitar studio, omnibus inseruiam. uo-  
 lo te bene sperare, me agente, bonis fauenti-  
 bus, inuidis & obtrektoribus imbecillis. Mo-  
 lino, parum abest, quin uebementer inuide-  
 am. quid ni? artem memoriæ tenenti. uerun-  
 tamen impedit amor, à quo abesse solet inui-  
 dia: etiam ea spes, quòd ille, quo eum bono  
 alienus homo impertiuit, cui suo homini a-  
 mantissimo, fortasse etiam bene merito, certe  
 nunquam



nunquam denegabit. esset enim sui dissimilimus, id est humanitatis expers. sin recusat: allegabo ad illum, quem? quem putas? te scilicet, cui debet omnia: si modo in uirtute omnia posita sunt: quam ille discit te magistro. *ἔγὼ δὲ οὐκ ἐπ' ἄλλου, quid non impetremus? Vale.*

## E I D E M, Patauium.

PROFECTO nihil est uberius amore in me tuo: nec amor cedit ingenium: itaque mea caussa & uis omnia, & idem facile præstas. quod cum ita sit; nimis tamen facerem impudenter, atque adeo neque ipse te amarem, nec amore tuo dignus essem, si plus tibi oneris imponerem, quàm occupationes patiantur tuæ. Scholijs, quæ polliceris, contentus ero; quandoquidem uideo te cōmentariolo non uacare. tu modo, qui Catullum expolieris, da operam ut in Tibullo, & Propertio, qui locum illi proximum in elegancia uerborum, atque in sententiarum concinnitate obtinent, quam simillimum tui te præbeas, ita tres pulcherrimi poetae, & sine dubio inter Latinos in illo festiua genere principes, ueterem suum splendorem, ereptum uetustate, atque hominum, inscitia, tuo maxime studio recuperabunt. ego autē ipse

M 3 mibi



PAULI MANVTII

mibi gratulabor, & quodam modo gratias habeo, quia te ad hanc industriam excitauerim. nec desinam eadem ratione de litteris, quando per humanitatem tuam licet, bene mereri, cum eo tamen, ut tibi, homini occupatissimo, studiosorum utilitatem, id est tuam laudem, uerecunde commendem. Molino meo salutem, & simul age gratias de meis scriptis. Vale.

E I D E M, Patauium.

B I N I S iam litteris de Martello: nec tamen à te uerbum. ualde te distentum esse oportet, qui tam longis diebus, tam pone tuas ades habitantem alloqui non possis. at qua de re? primum mea, deinde ea, in qua non ultra sex aut septem uerba sermonem continuare sit necesse. quare si te nimis urfi, uelim ignoscas; tum, si per tuas occupationes licet, frustra ne urserim, efficias. quid? Molino nostro negotium dederis: non recusabit, nostra utriusque caussa. in quo danda opera est, ut omnino responsum ab illo aliquod exprimatur. nam ex hominis diuturno silentio adductus sum in suspicionem, ne parum sincere mecum agat, & exactum neget, quod iam in usum suum erogauerit. quod equidem cupio esse falsum, & me de amico peruetere scelestè suspicari.

Nunc



Nunc audi, quod tua magis interest. quam  
 quam nihil ad te pertinet, quod me quoque ip-  
 sum non attingat. nec te puto aliter esse ani-  
 matum erga me. ueruntamen audi, quod cer-  
 te non expectas. Quenam ei deberi à te putes  
 euangelia, qui librum inuenerit manuscriptum,  
 & illam aperuerit latebram, ubi, Caluier,  
 illud sit aliquando deprehensum? equidem in-  
 cessi omnibus latitijs, ut ait ille. sed abuntur  
 enim illæ turbæ, & comprimetur quidquid e-  
 rat sermonis aduersus te dissipatum. uerum  
 primum quidque explicemus. nunc Tibullus in-  
 stat, denuo prælo subiectus. is, &, qui sequi-  
 tur, Propertius, absoluendi tibi sunt. deinde  
 ad Terentium accingere. interim da operam,  
 ut Bembi libro uti possis: cuius ope quin macu-  
 las eluas bene multas, & suos uersibus nume-  
 ros, aliena culpa perturbatos, restituas, etsi  
 non dubito, tamen hortor ut adhibeas diligen-  
 tiam. cupio enim os comprimi temere loquen-  
 tium, qui non modo te, uerum me quoque ui-  
 dentur ignorare, non sine caussa ea, quæ so-  
 leo, de tuo ingenio, ac iudicio prædicantem.  
 Vale. Venetijs.

E I D E M, Patauium.

PAVLVLVM nunc quidem ego exorior: po-

M 4 stea



stea quàm mihi amanuensis meus, quem abdu-  
 xerant aliena consilia, optans optanti restitu-  
 tus est: cuius opera, & officio meis oculis, uel  
 plane totius corporis ualeitudini consulitur e-  
 gregie. iam me labefactabat, iam nutare co-  
 gebat labor: stomachumq; deicere quotidia-  
 ni uel operis, uel officij scriptio necessaria cœ-  
 perat. & is, quem Bononia expectabam, dif-  
 ferebat aduentum, usque eò, ut, uenturus es-  
 set, nec ne, ualde iam suspicarer, atque sub-  
 diffiderem. qui si uenerit; erit omnino aliquid,  
 sed, ut arbitror, nihil ad Herculem: quem scis  
 meam non modo orthographiam, totamq; in-  
 terpungendi, et distinguendi rationem tenere,  
 uerum ita manum quoque, cum uelit, imita-  
 ri, ut te ipsum, peritissimum litterarum mea-  
 rum cognitorem, aliquando fefellerit. Scribe,  
 inquis, ubi tantum necesse est: ita scribes ra-  
 ro. Non ita est. possem studia mea, quæq; ha-  
 beo instituta, quæ multa sunt, abicere: litte-  
 ris uero salutantium amicorum, aut aliquid à  
 me postulantium, quaternis in die minimum,  
 sæpe octonis, & denis, non respondere qui pos-  
 sum? ut omnino aut amittenda ualeudo, aut  
 humanitas deferenda uideatur. Quare locum  
 habes gratulandi. debes enim meis perinde  
 commodis gaudere, ac tuis, magis etiam for-  
 tasse; quòd ego minus, quàm tu, possum in-  
 commoda

EPIST

EID

uide, cui com-  
 pelata sunt Ca-  
 ni factum est  
 ius apud te, l  
 uo foliorum  
 ca, nec uersus  
 ruique nost  
 uerorq; ne  
 sumis ego  
 quipia ratic



commoda sustinere. De Tibullo, cessator esse noli, etiam si tibi ego cessandi facultatem prolixè detulerim. est enim, ut scripsi antea, unius praeli opera, ne tibi crebra appellatione molesti essemus, intermissa. Verum istos ego quotidie poetas, quos in manibus habes, amo uehementius. causam quæris? quia tuas, amantissime ac disertissime loquentes, eliciunt epistolas: quarum non modo suauitate, uerum etiam fructu aliquo, occasione sublata, carerem. quod cum ita sit; cupio tamen, atque etiam, si pateris, rogo, rationem habeas rerum mearum: quibus quo longior, eo grauius procrastinatio damnum inferret. Vale.  
Ante solis ortum, albescente die. Venetiis.

## E I D E M, Patauium.

**T**u uide, cui commiseris. nam ad me nulla dum perlata sunt Catulli folia. quæ si periere; damni factum est eo plus, quod nec ad illa, quæ sunt apud te, licet transilire. quandoquidem ordo foliorum non seruatur; nec pagina pagina, nec uersus uersui respondet. itaque magnâ utriusque nostrum causa sustineo molestiam: uereorq; ne, quod aliena culpa contractum est, nimis ego id grauiter luam. tota enim typographiæ ratio, ut officinæ præfectus affirmat, mutetur



mutetur necesse est, nisi hæc, quæ ne funditus  
interierint, magnopere timeo, hodie folia recu-  
perantur. quod utinam ex hac difficultate, in  
quam aliena uel socordia, uel perfidia conie-  
ctus sum, tuæ me litteræ eripiant: quas ad  
meas hesternas cras expecto, et ad has omnino  
perendie. Vale. Venetijs.

E I D E M, Patauium.

S E D A T A iam tempestas omnis est, & nauigamus in portu. reddita mihi sunt hac ipsa hora, quæ tu tribus ante diebus miseras, quinque Catulli folia, delata prius ad eum, qui libros in Asulana tractat officina; hodie tantum, ut ipse asseuerat, an, ut ex litteris tuis oportuit, nudius tertius, diuinare non possum. hoc certe uideo, per communes tabellarios non esse missa: quorum fides in reddendo desiderari non solet. sed profecto fortuita multa; quibus perturbari, & fluctuare uitam hominum, necesse est: quæ cauere consilio, aut ratione si liceat; bene cum multis ageretur. penderet enim à prudentia felicitas. nunc æque omnibus occurrunt incommoda: usquequaque casus, & fortuna dominatur. De filiolo meo, amabo te, quemadmodum animo, sic lingua faueas, primum amoris nostri, deinde ominis etiam causa



sa. auferet ille quidem omnem iucunditatem;  
 & plane diuellar à me ipso; sed hoc tamen an-  
 tepono, nisi fallor, salutare consilium; & ut  
 ei consulatur, animum uinco. Quòd iterum ià  
 ad me Molini manu, gratulor, pene etiam  
 subinvideo. meus enim à me, nec, ut puto, re-  
 diturus, Tiro discessit: quo consilio, de ipso co-  
 gnoscas. cum ad me retulisset; neque suasi, ne-  
 que dissuasi; ne dissentirem in hoc ab ipsius pa-  
 truo, in illo autem à me ipso. suasi etiam poti-  
 us. contra uoluntatem, inquires, & iudicium?  
 sic sum. auertere à me uolui, quæ poterat exo-  
 riri, suspicionem utilitatis, & commodi mei:  
 quam ego unam spectare non soleo. Clausula  
 sit, quod initium epistolæ fuit. Restitutus mi-  
 hi uideor, inuentis Catulli folijs. tu quoque re-  
 di ad tuam tranquillitatem, nec institutum o-  
 mitte. Vale.

## E I D E M, Patauium.

QV I D? tu me putas hoc in genere acutissi-  
 mum? fuit, cum ipse quoque mihi plane ita  
 persuaderem: nunc nihil minus. nam hoc toto  
 biennio prorsus nihil uidi: et, ut omittam cete-  
 ra, meum illud tantarum uigiliarum munus,  
 non tibi uenit in mentem, quàm misere perie-  
 rit? itaque, qui mihi ipse tam male consulue-  
 rim,



rim, mehercule inuitus adducor ut alteri consi-  
 lum dem. uides iacere bonas artes; illa sorde-  
 re, quæ præclara ducebantur. cuius maxime  
 ritij culpam sustinet eorum inscitia, qui pu-  
 tant scilicet in opibus esse omnia, & fortunæ  
 pedisequam esse uirtutem: stulte: nam illi &  
 uiuentes audiunt pessime, uerissimisq; maledi-  
 ctis proscinduntur; & ubi è uita discesserint,  
 æterno silentio damnati, apud omnem posteri-  
 tatem ignorabuntur. nos autem nunc quidem  
 fruimur suauissima omnium, & iucundissima  
 uoluptate, quæ manat ex honestis cogitationi-  
 bus, ac studijs: nec erit, opinor, ulla, quæ no-  
 stræ uitæ cursum definiat, dies. non in omni  
 tate decus, ac dignitatem pariet ea, quæ nunc,  
 auri, argentiq; uis. suus cuique aliquando,  
 pro animi ingenijq; præstantia, persoluetur ho-  
 nos. interim uiuamus nobis, ac litteris, seiun-  
 eti ab ijs, quos nutu appello, id est ab ipsa pla-  
 ne barbarie; ne quam ex eorum conuictu la-  
 bem contrahamus. Munusculum tuum non  
 uideo cui deferas. inania tibi nostra, mihi nec  
 peregrina solida uidentur: siquidem ipse, quod  
 iam significaui, diu peregrinatus, oleum, &  
 operam. Nobilitatem, & uirtutem si quæris,  
 est Bononiæ Camillus Paleottus, Mediolani  
 Bartholomæus Capra, duo quauis laude, ut  
 ego sentio, excellentes uiri. Capram nunquam  
 uidi,



uidi, sed, hominum sermone, tanti facio, quan-  
 ti si ille sciat, studio me, non dubito, qui me-  
 diocri complectatur, & in amicitiam plane in-  
 timam recipiat. Paleotto, quæ est hominis hu-  
 manitas, usus sum, quàm diu Bononiæ fui, fa-  
 miliarissime. omnes in eo disciplinæ sunt nobi-  
 li uiro dignæ: morum autem elegantia, comi-  
 tate, officio summus est. hi sunt nobis ornan-  
 di, & diligendi: Crassos quosdam, ac Midas  
 nunquam omnino nostra meliores laudatione  
 faciemus. quin ita desipiunt, ita ipsi se igno-  
 rant, & ignorari ab omnibus putant, ut in si-  
 nu sibi gratulentur; quasi sint, quos esse fingi-  
 mus; cum nos ea ipsa, quæ desideramus in il-  
 lis, ad cohortandum, non ad laudandum, col-  
 ligamus. Habes meam sententiam, quos uites,  
 quos deligas. nominare præterea multos pos-  
 sem: sed incerta ratio est: & illi duo excel-  
 lunt. Occurrit illud. ad ignotos, non facillima  
 ὑπόθεσις. alijs, fateor: te quidem ab hac dif-  
 ficultate uindicat ubertas ingenij tui. Alterū  
 est: ambitionis, aut etiam leuitatis cauenda  
 suspicio. Locus omnino aliquis calumniæ dabi-  
 tur: sed omnia ne curanda? nimis misera condi-  
 tio. ualeant iniqui: recte sentientes probabūt:  
 nec nos ij sumus, qui à multitudinis deprauato  
 iudicio pendere debeamus. Vale.

Eidem,



E I D E M, Patauium.

M I H I uero, ita uiuam, etiam atque etiam probatur. et cum in quouis genere magnus omnino sis, in hoc maxime uideris excellere. plane ( ut omittam reliqua ) ingenij tui quasi quamdam δεξιότητα sum admiratus. ita concinne, ita apte, facili quodam sententiarum nexu, rem ducis, donec ad ipsum peruenias: in quo te, ubi scis hærere multos, citra omnem adulandi suspensionem, summa explicas cum dignitate. Gratulor tibi de ista facultate, & eo magis, quòd, si locis impertitur gloria, nouù decus accedet ad Italiam nostram: in qua sedem, auctore, atque auspice me uno, ita locasti, ut cogitare nihil prorsus de migratione uidearis. nec uero secus debes. ualde enim ad litterarum elegantiam, planeq; ad omnem humanitatem tibi profuit hoc cælum, in quo iam per quadriennium spiritum hauris. itaque noster eris perpetuo, mi Murete, si gratus esse uis: quod profecto uis: soles enim hanc uirtutē præter ceteros efferre. Tibulli principium mitte: ut cum epistola coniungatur. Scholia, non dubito te operam daturum, ut tua uideantur, id est lita luminibus ingenij, & quantum res patitur, erudita. Vale. Venetijs.

Eidem,



E I D E M, Patauium.

RAECOS typos, meumq; de Syriano eden-  
 do consilium probari tibi non mediocriter, si-  
 gnificas. sic putaram: & in utroque nunc mea  
 tum opinio, tum uoluntas, te approbante, qui  
 mihi multorum instar es, magis, magisq; con-  
 firmatur. De Catulli clausula, parum com-  
 mode: sed nihil, Mureto petente, recusandum.  
 Video te Propertium negligere: cum ego me  
 illis uerbis, quæ sunt in prima Catulli pagina,  
 quasi prædibus obstrinxerim, AB EODEM  
 CORRECTI, SCHOLIISQVE ILLU-  
 STRATI. itaque nec integrum iam est: &  
 si sit, cur poetam elegantem, maximeq; om-  
 nium latinorum fabellarum uarietate, hoc est  
 uere poetica eruditione florentem, abijcias?  
 Etiam illud: oblitus ne es, ei te commentari-  
 um publice esse pollicitum? scholia saltem, si  
 commentario non uacas: & utrunque Torqua-  
 to: aut, si uni utrunque non uis, Propertium  
 cui uidebitur: inops enim ab amicis non es: sed  
 malim utrunque Bembo, qui nobilitatem à pa-  
 tre, uirtutem habet à se ipso. Dices, tibi o-  
 cium deesse. si hoc impedit; faciam, ut abun-  
 des. inibo enim rationem eiusmodi, ut operæ  
 meæ, quarum tibi molesta nunc celeritas est,  
 gradu



gradu testudineo pergere uideantur. Germano tuo cupio mehercule satisfacere: sed aduersantur multa, maxime peregrinitas, non satis apta nostris moribus, & ignoratio lingua Italica. meum tamen illi studium nullo loco deerit, si monuerit: sin ipse aliquid uidero, in quo liceat eius rationibus consulere, aggrediar, &, quantum in me erit, perficiam. Vale. Venetijs.

E I D E M, Patauium.

Q V O D heri sum oblitus, quia scripsi raptim, Podocatharo meo dices, et eius me litteras accepisse, & misisse Romam per publicos tabellarios, quas in eodem fasciculo ad me dedit. Velim ad me quamprimum, quæ in Catullum errata notasti; ut una, aut altera pagina, quæ uacat, impleatur. Aliena manu, & breuissime; quia ualebam paulo deterius, quàm soleo, fractus, planeq; debilitatus negociis, & curis. cura te diligenter, & Molino nostro salutem. Vale. Venetijs.

E I D E M, Patauium.

V E H E M E N T E R mihi arrisere tua scholia, sic inquam, ut fere se commentario æquare uideantur.



deantur. perges igitur, diis bene iuvantibus.  
 Cupio tuum Plinium: quem dare poteris amanuensi meo: cui reditum patruus, nuper è Cypro aduectus, multis à me uerbis impetrauit. redibit, opinor, ad nos intra quatrimum. Expeto reliqua; quod tuo tamen commodò fieri possit. nam, ut tuis consuleretur studiis, & commodis; cessare de duobus praelis unum maluimus, quàm te nimis urgeri. attamen rogo, des operam, ne longius ducatur. Vale.

E I D E M, Patauium.

O M I Murete, quot me premunt onera, quibus angor curis. accedit imbecillitas ualitudinis: quam, do equidem operam, ut omnino tuear, ac sustentem: sed uacillare interdum necesse est: ita multa incurrunt in nos; quæ nec uitare licet, nec sumus ad sustinendum pares. tu me, tuus amor, tua uirtus multum leuat. si duo præterea; mecum optime ageretur. sed ubi sunt? ἀτὰρ σύ μοι ἐσὶ πατήρ, καὶ πότνια μήτηρ, ἡ δὲ κασίγνητος. quod spero perpetuum, nec, ut ait noster, constantiæ causa, sed uoluntatis, ac iudicii. In erratis cur numeras mæror, & flamma? quorum alterum uetustas uniuersa, alterum consuetudo probat. etiam, sæcula, tum scribebant. nam Varro in etymo

N logis



logiis Varro non uidetur: itaque & à Quincti-  
liano merito ridetur. Expecto Tibulli folia,  
quæ supersunt, & scholia. Vale.

E I D E M, Patauium.

MOLINO dixeram, quæ tibi si narrauit,  
iteranda non sunt; sin omisit, committenda lit-  
teris non uidentur. nec tamen te diutius cela-  
bo: interim hoc unum; quo fortasse contentus  
eris: ad alios potius, quàm ad te, pertinere,  
nec ullam omnino tuæ dignitatis, & exstima-  
tionis partem attingere. Hic sermo increbuit,  
ex quadam tua, ut audio, ad Lambinum epi-  
stola, captum tibi iam esse de Ferrariensi con-  
ditione consilium. quod si ita est; magnopere  
gaudeo, ac tibi Deum ea, quæ cogitas, uehe-  
menter cupio fortunare. sin autem hæc ina-  
nia sunt, ac temere iactata: æque lætor; teq;  
hortor pro mea in te beneuolentia singulari,  
ut habeas rationem in primis non modo tran-  
quillitatis, uerum etiam constantiæ tuæ, ue-  
lisq; Patauinam commorationem esse quam-  
longissimam. ego tamen, quidquid egeris,  
meam non modo uoluntatem, uerum etiam sen-  
tentiam cum tua coniungam: sed uereor, quòd  
minime uelim, ne quis, in te non recte anima-  
tus, sermonis materiam nactus, leuitatem ob-  
ijciat.



ijciat. iam enim quiddam inaudiui. In Tibulli  
 quartum, aueo scire, cur nihil uolueris. nam,  
 posse te, certum est. nos opus intermisimus,  
 donec à te plurima colligantur. scis consuetudi-  
 nem praeli. urgebit te quo tempore minus ex-  
 pectabis, & opprimit nec opinantem. quare  
 cum ocio nostro tuum negotium metiri non de-  
 bes, sed, cum iacere nos uidemur, ipse nihilo  
 minus ad industriam excitari. Amicus ille  
 tuus Parrisiensis, cuius ingenium, ut in adole-  
 scente, laudabamus, detulit quædam ad Ho-  
 tomanum, quæ, si ille uera putasset, incende-  
 retur aduersus me, & institutam amicitiam,  
 quam spero fore diuturnam, abrumperet. te  
 unum testor, quid ego de illius doctrina, atque  
 ingenio & sentiam, & sæpe prædicarim. ille  
 tamen simiolus longe aliter; uel quòd est, ut  
 multi, insensus Italico nomini; uel quòd natu-  
 ra improbus, qui fingat ea de me, quæ repu-  
 gnant penitus iudicio meo, atque etiam natu-  
 ræ; cumq; ornatus à me sit, detrabere tamen  
 de mea laude conetur. nec tamen est nihil, quod  
 ad te ipsum pertineat. quæ quia sunt iniusta,  
 contenes, ut ego quæ sunt falsa. Vale. Venetijs.

E I D E M, Patauium.

Cum antea, multis mihi declaratam argumen-

N 2 tis,



PAULI MANVTII

tis, tuam prudentiam ualde probaui: tum uero, lectis tuis litteris, laudaui te ut hominem consilio præditum excellenti, atque etiam ut uirum bonū, qui nihil antefert honesto, suæq; maxime fidei, uel cum rei familiaris ingenti iactura, sibi esse habendam rationem existimat. Opima tibi deferebatur, admodumq; honorifica conditio, a uide à multis, & ambitiose petita. nihil occurrebat contra, quin accipienda uideretur. tu tamen reijcis: & facis, meo iudicio, sapienter: primum, quia tueris officium, qui Cardinali Estensi iam promiseris: deinde, quia ne sic quidem tuam utilitatem deseris. quis enim illo ad liberalitatem propensior? quis paratior à fortunæ bonis? habes igitur in eodem cum uoluntate rem. nec tu is es, in quem aliquid indigne conferatur. atque etiam, quo maior, ac præstantior adesse, ac se tibi offerre uidetur occasio, cum summo Principi, singulari uiro, tuam operam dices; eo tuam acues, atque excitabis industriam diligentius; ut ipse te uincas, & beneuolentiam Cardinalis eximij omni tibi ratione concilies. in qua una si tuæ uitæ quasi tabernaculum constitues, & ita perpetuo senties; o te felicem Murete, nec iam amplius à fortuna pendentem, quæ tui similes sæpe iactat arbitrio suo. Nunc ego quidem à te fructus tuorum studiorum uberrimos, de quibus



quibus me sæpe prædicantem audire multi, nō solum expectabo, uerum etiam exigam. quam tu mea certe monita non expectabis. non enim tuos sensus hac in re cum meis optime congruentes, ut eam denique esse uitam ducas, quæ uiuitur in studiis, cetera inania, speciosa multa, plerunque tamen falsa. Interim frueretur tecum ipse, & quod aiunt, in sinu gaude tantæ felicitatis expectatione: quam æqualem uideo fore uitæ tuæ, ipso uiuente, qui te expectat: quem debes, uel si tibi Cræsi opes ostendatur, unum sequi, & unum ornare tuis studiis, uel potius ex ipso tui ornandi, atque illustrandi capere argumentum. Vale. Venetiis.

E I D E M, Patauium.

LABORABAM uehementer de amico nostro: nunc animum meum constituit, aliquo interdum, ut uere dicam, metu fluctuantem, epistola tua. atque ad metum accedebat indignatio. quid? uirtuti ne deerit ornamentum? aut etiam locus, ubi consistat? tanta ne est temporum iniquitas, et hominum in suis bonis ignoratio? hæc ego quandoque mecum: nunc uacua cura iam sum, & ex eo, quod significas, ut in exoptata fortuna triumpho. uelim igitur ei meo nomine gratuleris. Tuos uersus, tua

N 3 fretus



fretus humanitate, iam promiseram. eos expectabo, minima, si fieri potest, interposita mora. nec tu uelim me diuturna expectatione ducas. Illa ad illos, qui te nunquam amarunt, quos male scis audire suo merito, cur non transferas ad alios? equidem suadeo. quod si tenerem ὑπόθεσιν; facile dicerem, ad quem. me a lusibus, καὶ ἀπὸ πάντων τῶν ἐρωτικῶν plane reuocat non solum natura mea, sed ætas etiam, senectuti propior, quàm adolescentiæ. itaque, si quid ad me scribes, remoue, amabo te, omnia, quæ tamen dilexisse Plato uidetur, ἀποδίστα. Intelligis, opinor, quid significem: ἔ, quod significo, petere me, uel cupere etiam, si me putas ingenium tuum nosse, existimabis. De beneuolentia tua, etsi nunquam dubitavi, ex te tamen ipso ea, quæ opto, libentissime audio. quanquam ad studium in te meum nihil studij tui addit commemoratio. non enim te amare cæpi, ut ipse me amares, sed quod amabilem ipsum esse duxi multis nominibus; quæ tibi ipsi ne exponam, non modo meus, uerum etiam tuus pudor impedit. Iactura te mouet rei familiaris in discessu repentino. noli laborare: lucrum erit in damno; si spectas eum, qui te excipiet, præstantem uirum, erga tui si miles optime animatum, cuius egregiam uoluntatem non dissimilis fortuna comitatur. sarciet



ciet igitur ille, si quid ob subitam migrationem  
 damni facies: & ut spero, tuum te consilium  
 quotidie magis oblectabit. Polam uideo te ab-  
 icisse, & lator mehercule tua causa. uerun-  
 tamen, si quando opus erit, secessum illum non  
 contemnes: ut habeas tu quoque, exemplo  
 Africani, & Lælij, tuum Lucrinum, cuius  
 in littore, neglectis regum thesauris, omni  
 prorsus ambitione solutus, aut conchas legere,  
 aut fluctus numerare possis; eoq; letius, si me  
 tibi tanta comitem uoluptatis Deus obtulerit.  
 Verum hæc, ut quidem nostræ nunc utriusque  
 res habent, inania: quæ tamen, si perfecte  
 saperemus, omnium fortasse prima. Sed ui-  
 des me tecum garrere? captum uoluptate ser-  
 monis, dum te quasi præsentem alloquor, &  
 utor manu eius adolescentis, quem iure Latij  
 donatum, Cretensibus ademptum, affirmo ti-  
 bi dignum aliquando fore nostro contubernio.  
 quod quidem studiose agit, tuo maxime exem-  
 plo incitatus. etsi non te nostra domus, sed tua  
 te industria, tuum nobilitauit ingenium. Li-  
 bri aliquando exierunt, quos ad te mitto, iu-  
 uenis optimi, & insigniter eruditi, Onuphrij  
 Panuini. non dubito, cum legeris, quin meum  
 de illius præstanti uirtute testimonium confir-  
 mes. habet alia in manibus, unde fructum stu-  
 diosi capere uel maximum possint. quæ ut e-



dat maturius, ocium illi exoptare, qui rerum  
nobilium scientiam appetunt, omnes debent.  
Vale. Venetijs.

E I D E M, Ferrariam.

VIX credas, quàm non facile mea manu litte-  
ras conficiam, & quàm facile, cum utor ama-  
nuensi, fluat oratio. itaque scripsi ad Seuerum  
laboriosè, quod inambulans, ut antea solebã,  
minimo negotio dictassem. discessus ille meus,  
magnorum index malorum, ut ab amicis tunc,  
falsa coniectura ductis, putabatur, familia-  
res meos, quorũ uti opera consueueram, Podo-  
catharum, Fasnardum, postremo etiã Nicola-  
um Cretensem mihi ademit. filium habeo, sed  
puerum adhuc, & imbecillo corpore, & occu-  
patum satis domestica cura. itaque posthac, ni-  
si quid occurrat grauius, perquam raro, &  
quambreuissime scribam. uenio ad litteras tu-  
as. Reuersus è Foro Iulii, quò exieram non tã  
negocii, quàm ualetudinis caussa, reperi li-  
brum tuum uariarum lectionum, quem apud  
Sixtum Medicem, communem amicum, ex-  
cellentem uirum, reliqueras. noli expectare  
iudicium meum. malo enim te ab aliis, quid de  
tuis studiis, quid de ingenio existimem, quàm  
à me ipso, cognoscere. unum tamen illud non  
minus



minus uere, quàm libenter dicam, nihil me ha-  
 Etenus in hoc genere legisse ornatius, nihil eru-  
 ditius. Quòd autem quibusdam in locis & à me  
 dissentis, & egregiis idem laudibus me ad cæ-  
 lum tollis: non magis amorem in me tuum,  
 quàm doctrinam, amo: ago etiam gratias,  
 quòd publicam utilitatem rebus omnibus an-  
 teponas. quam ego antea consuetudinem, ac-  
 ceptam à patre, seruauì mea sponte, & serua-  
 bo posthac, tuo inuitatus exemplo, diligentius.  
 De nummis, cum lubebit, atque adeo ut lu-  
 bebit. urgeri enim eum, qui cum tibi usus in-  
 tercedat, ne si quidem ipse uelis, facile permit-  
 terem. Dionysius paulo serius, quàm puta-  
 ueram, absoluetur. moram iniecit commissà  
 inter operas rixa, absente me. neque tamen  
 hac satis leui, sed aliis adductus causis, quæ  
 ponderis longe plus habebant, pene totum  
 consilium abieceram. nunc, te hortante, ac  
 monente etiam ut celeriter, quid agam? quid  
 autem, nisi quod ipse cupis? quod certe mea  
 causa cupis. urgebo igitur pro uirili, nec im-  
 pensæ parceretur, aut labori. De Gallorum Re-  
 ge, dolui sane grauius dolorem uestrum: sed,  
 humana quæ sunt, humaniter ferenda. nec uo-  
 bis doctrinæ remedia, nec ea, quæ sumuntur  
 à rerum usu, deesse possunt: & tu mihi miran-  
 da narraſti de Cardinalis pietate in Deum: quo  
 ille



PAULI MANVTII  
ille se uosq; omnes praesidio aduersus iniquita-  
te fortuna praeclare tuebitur. Vale. Venetiis.

IOANNI BAPTISTAE  
RHAMNVSIO, XVIRVM  
CONSILII A SECRETIS,  
Venetias.

CVM à nobilibus uiris, in hac loca uel animi,  
uel negocij caussa confluentibus, dignitatem  
illam, quae maxima est in nostra ciuitate, ut  
arcanis praesses praestantissimi X uirum Con-  
siliij, summo omnium consensu tibi esse dela-  
tam accepiſsem; magnopere sum letatus,  
tum pro ea, quae olim inter te, ac parentem  
meum mutua semper fuit beneuolentia, tum  
pro mea in te uetere obseruantia, orta pri-  
mum à meo de tuis uirtutibus iudicio, deinde  
à te multis, ac uarijs, ut tempora tulerunt,  
erga me, meosq; officijs uehementer aucta.  
atque ego meam tibi pene incredibilem lati-  
tiam, ex honore tuo susceptam, statim litte-  
ris declarassem, nisi, autumnio iam exeunte,  
breui futurum sperassem, ut, in urbem reuer-  
sus, praesens praesenti gratularer, neque so-  
lum ex oratione, sed ex uultu, & oculis, qui  
sunt indices animi paulo certiores, de meo in  
te studio, intimoq; sensu iudicares. hac ego  
me



me non multorum dierum expectatione cum  
 sustinerem, ecce tibi amicorum litteræ, ecce  
 nunciij, proximis comitijs tulisse te fructum  
 anteaetæ uitæ omnis, tot peregrinationum,  
 quas in Galliam, ad Heluetios, Romam,  
 etiam ad hostes armis infestos reip. causa su-  
 scepisti, tot consiliorum, quæ à te fluxerunt  
 ad augendam, quantum in te fuit, patriæ di-  
 gnitatem. cum enim longo post interuallo in  
 eum locum rediisses, unde magistratum desi-  
 gnatorum nomina recitantur; consurrexit se-  
 natus uniuersus, ex tuo conspectu mirifica uo-  
 luptate perfusus. quæ tum animorum om-  
 nium perspicua significatio ita te commouit,  
 ut illico magna uis lacrymarum exciderit, in-  
 tuenti beneuolentiam tuorum ciuium, quos in  
 omni ætate dilexeras, quibus iam inde à pri-  
 ma adolescentia, parentis tui, summi uiri, e-  
 xemplo, omnibus officiis inseruieras, nulla ti-  
 bi, præterquam amoris, præmiorum spe pro-  
 posita. Fuit igitur eo die mutuum, & aqua-  
 le gaudium, senatus primum, ubi tuam sibi  
 uocem, claram pariter, & suauem, in pro-  
 nunciadis magistratibus uidit esse restitutam,  
 quam post obitum magni Cancellarij Franci-  
 sci nimium sæpe desiderauerat; deinde tuum,  
 cum illa tibi cum incredibili gaudio, ac pene  
 cum clamoribus uniuersa consurrectio, quid  
 de



PAULI MANVTII

de te tui ciues existimarent, quo te studio, qua caritate complecterentur, ostendit. enim uero letari te puto, quod quidem iure facis, & nos te imitamur, summo dignitatis gradu, quod te tua uirtus extulit, ut arcana illa tractares, quæ ad reip. salutem, & huius magnitudinem imperii pertinent. uerum hoc sæpe uidimus aliis quoque contingere, optime scilicet de patria meritis: nec enim honor ille in quenquam, qui sese magnis in rebus non sæpe probauerit, confertur: studia uero tanta, testimonium tam illustre, consensum eiusmodi quando ulla omnino in re, uel in quenquam omnino hominem uidimus, aut audiuius? itaque cum ad meam priorem lætitiā nihil addi posse existimasset, nunc tamen accessionem haud mediocrem noui gaudii factam esse confiteor: ut eam testari litteris, ac tibi, quoquo modo licet, indicare sim coactus. uideo enim te uno die, atque una plane hora mercedem cepisse non modo meritorum tuorum, quorum habes testem uniuersam pene ciuitatem, uerum etiam perpetuæ tuæ modestiæ, cum, amore, ac iudicio patriæ contentus, nulla unquam commoda, nullum honorem tibi esse petendum statueris; ut admiratio simul & dolor propinquos, ac familiares tuos fere omnes afficeret, quod ista dignitate, quæ tibi



tibi nunc incredibili omnium studio delata est, ornari antea noluiſſes. quorum te denique, ac simul omnium ciuium uoluntas, atque cohortatio uicit, & ad honorem exoptatus, atque accersitus accessisti, nulla usus prensatione, nullis precibus, tua uirtute commendatus, quæ tibi omnia omnium suffragia facile impetravit. quando igitur, honore accipiendo, patriæ satisfecisti; dabis eidem optanti, atque petenti, ut ad tuendam ac sustentandam senectutem tuam quidquid curæ, quidquid potes industriæ conferas: ut & tu mirifico illius in te studio, & illa tuo excellenti consilio, tua rerum omnium publicarum scientia frui quamdiutissime possit. idem te priuatim rogant necessarii tui, proprie uero filius adolescens, in quo uidetur tua uirtus efflorescere tuaq; iam probitas, tuæ ad optimas res propensio uoluntatis agnoscitur. ego autem, cum nemini in te amando, colendoq; concedam, iisdem utor precibus, ne tuam ætatem, confectam iam annis, & laboribus pro rep. susceptis, rebus agendis nimium uexes. uereor enim, (ut omit tam publici muneris curam) ne plus officij amicorum caussa, quàm sustinere fortasse possis, tua tibi imponat humanitas. quod si desideriam odisti; & quæ alijs quies uidetur, laborumq; ac molestiarum quasi portus expetitur, eam



## PAULI MANVTII

eam tu ignauiam appellas: nec homini quidquam uitandū magis existimas: habes in quo te exerceas: duo te manent, aliquot iam annis instituta, de itinerum & navigationum diuturno ac perdifficili cursu præclara uolumina: quæ si ad primum, quod omnes accurate, nec sine tua summa laude, legunt, aliquando adiunxeris; egregiam, et maioribus nostris, multisq; ante sæculis reconditam doctrinam, præclaris imaginibus expressam, orbi terrarum patefacies, tuoq; nomini gloriam paries haud paulo maiorem, quàm quæ tibi à cunctis honoribus & magistratibus, uel magnificentissime gestis, manare unquam possit. eoq; magis in hoc studium debes incumbere, quod omnem amœnitatem, quæ solet ad scribendum inuitare, tua tibi Rhamnusia uilla abunde suppeditat. itaque frueris eodem tempore Marsangi Musis, delicijs, ac amoribus tuis: & nobis, posterisq; maxime uero Paulo consules filio tuo; cuius omnes egregiam indolem amamus, & exorientem uirtutem admiramur: quem à te, nisi graue sit, etiam atque etiam meo nomine cupio salutari. Vale. Ex Plebe Sacri, pridie idus Oct.

M. Antonio



M. ANTONIO NATTAE,  
Mantuam.

GRAVI, ac diuturna oculorum uoletudine impeditus, feci tamen, ut litteris tuis, humanissime atque elegantissime scriptis, quamprimum responderem. Ego te, Natta, ex illo tuo præclaro libro, quem de Pulchro inscripsisti, iampridem cæpi colere. mea tibi uoluntas non patuit: ceteris, quid de te sentirem, sæpe in sermonibus declaravi. Nec uero mirari satis possum, qui potueris tantos processus in philosophia facere, homo uersatus, assidueq; occupatus in tractando iure civili: in quo ipso te excellere, et audio de multis, et res indicat: quandoquidē certatim uiri principes te accersunt, summisq; muneribus præficiunt. Equidem, ut beneuolentiam tibi meam præsens præsentipatefaciam, cupio Mantuam excurrere: sed me deterret uoletudinis infirmitas. tametsi affirmabat is, qui mihi tuam epistolam reddidit, posse me à meis laribus Mantuam usque non incommode nauigare. itaque audebo fortasse. igniculum enim desiderij uix iam fero: & si quid est in itinere difficultatis, homini presertim imbecillo, uincet amor in te meus. De tuo libro, quid iam expectas ut rescribam?

uides



uides ne me in ære tuo totum esse? impera mihi quod uis, & utere me quantum uis: subibo omnia, & perferam tua caussa. Meum librū de legibus ad te mitto. iisdem typis, si tibi placuerit, utemur in tuo libro. sumptus omnino maior erit, quā si littera minor esset: uerum hoc tui consilij, ac uoluntatis est. statue arbitrato tuo: perpende magnitudinem libri: deinde significa, quid uelis. mitto etiam aliud characteris genus, ut alterutrum deligas. utrunque enim in folij, quod aiunt, formam apte conuenit. tametsi dignitas maior est in maiore. De ratione sumptus, si numerum paginarum tui libri significaueris, & simul uersuum in unaquaque pagina, & litterarum in quolibet uersu; facile summa fiet, & ad te scribetur. Num quid præterea? hoc. de meo libro quid sentias, cupio significes. uix enim credas, quā à iudicio tuo pendeam. Vale.

E I D E M, Mantuam.

PRAECLARE Hector ille apud Næuium: Laudari abs te pater cupio, laudato uiro. possum ego nunc idem usurpare. Video me laudari, à quo uiro? à M. Antonio Natta, in quo sunt ingenij, sunt animi, ac uirtutis ornamenta plurima. ego porro aliquid fortasse, si cum



si cum alijs conferar, uideri possim: cum uero  
ad te unum cogitationem conuerto, uix credas  
quàm mihi ipse displiceam. Quare permitte  
mihi, ut eas laudes, quas in me contulisti, re-  
ijciam; aut ipse maiores in te transferam. nā  
mihi, utrumque nostrum æqua lance pendere,  
magni negocij non est. ut ut est, amo uolunta-  
tem tuā. ea mihi est, eritq; semper, ut debet,  
antiquissima. De aduentu meo, muto consi-  
lium in horas singulas. tu me allicis, uel at-  
trahis potius: reuocat, & retinet ualetudo.  
cum ad te specto; nauim conscendo, uehor,  
appello Mantuam, tecum sum. sic est amor,  
& illæ, quæ fluunt ex amore, uoluntates.  
rursus, cum ad me conuerto, & meam im-  
becillitatem intueor; qua macie sim, quàm te-  
nui cute, quàm natura mollis, & procliuiis ad  
morbos: relanguesco paululum, & quasi na-  
uim incitatam leuiter inhibeo. nec tamen per  
anni tempus hætenus quidem licuit. uides ad-  
huc, & sentis fortasse, tentari corpora frigo-  
re, leui quidem, sed tentari tamen: uides per-  
flari cælum uentis; rationem esse temporis  
prorsus incertam, & inconstantem. quæ fir-  
miores non timent; ego ualetudinarius nisi ti-  
meam, parum uidear me nosse, parum uitæ  
consulere. quod nec humanitatis est, nec satis  
pium: cum nos iusserit ille summus impera-

O tor



tor quasi suos milites in hac statione, donec ipse reuocauerit, permanere. Calores, ut spero, quæ mea solet esse anniuersaria medicina, me mihi restituent. itaque Iunio ineunte, aut eo certe mense te, ut spero, complectar. sin uidebo sine meo periculo fieri non posse ut in uiam me dem: docebo te litteris, quid consilij ceperim. Tuum librum tractabo qua licebit diligentia, animo certe erga te singulari. Vale. Venetijs.

## E I D E M, Mantuam.

AD E O ne erraui, & lapsus sum in subducenda ratione, ut de folijs quinquaginta coniecerim, quæ nunc octuaginta fore uideo? pudet indiligentiæ meæ. uerum, ut ut est, commodo meo rem suscipere non possum: nec audeo recusare; ne mea fides in dubium apud te ueniat. itaque peto à te, ut cum tua ratione meam quoque ducas, nec exigas à me plus, quàm res & fortunæ meæ patiantur. Nam, quod ais, redituram ad me pecuniam cum fœnore, libro uendito: uidelicet communi quadam, non propria me regula metiris. non enim ego, ut alij, qui libros imprimunt, habeo statim certos homines, qui eos diuendant, & longinquas in urbes, regionesq; disseminant.



nent. uenduntur hic statim à meis omnes ita paruo pretio, ut lucri quidem minimum, sed minimo simul labore, minima molestia fiat. Meum ergo librum itidem, inquis, uendes. De doctrina libri tui, de elegantia possum ego facile iudicare: de uenditione quis præstat? an nescis, libros latinos, optimos ueteres, ita nunc iacere, ut pene sordium in genere putentur; uix iam Ciceronem ipsum, Cæsarem, Salustium legi, à multis etià ne legi quidem, planeq; contemni? quare noli mirari me tam esse diligentem in ijs rebus, quas me docuit usus pene quotidianus, & in quibus non licet esse sine aliqua mercede negligenti. De tempore, quòd urges: facultatem imprimendi non concedunt, libro non inspecto. atque utinam, inspecto, concedant. quòd si dixi eos me faciles habere: non significaui, posse me, libris non lectis, impetrare ius imprimendi, sed consequi, statim ut legantur: quod ita multis non contigit. sæpe enim uidi, non nullorum scripta, apud eos, quorum potestatis hæc tota ratio est, per multos menses custodita, neque legi, neque reddi. Mittas igitur librum oportet uniuersum. mecum autem amice ages, pro ea, quam tu doces quotidie præclaris exemplis, æquitate. ita, si erraui, non luam grauius, quàm debeo: sin error à me non est, à te uero aucti li-



PAULI MANVTII

bri magnitudo tota pendet; ius tuebere pro tuo  
instituto, & amico simul consules. Vale.

E I D E M, Mantuam.

V T concludam paucis; quando nec mihi ad scri-  
bendum, nec tibi ad legendum ocij satis est; si  
librum miseris, imprimetur. nolo enim me-  
am apud te fidem in dubium uocari: nihil est  
tanti. de tempore, incertum est. pendet, ut  
sæpe iam scripsi, hæc tota res ab aliena uolun-  
tate. crediderim tamen, intra mensem confi-  
ci & expediri rem posse, tum studio nostro,  
tum intercedentibus amicis, nobilibus uiris,  
& gratia florentibus. libro non inspecto, fa-  
cultas imprimendi nunquam dabitur. scio nul-  
lam in eo labem esse, quæ legentium animos  
possit inficere. noui tuos sensus, mores, pro-  
bitatem. quæ ego pluris in te facio, quàm eam  
doctrinam, qua parem fortasse aliquem, su-  
periores certe habes neminem. uerum mos  
est gerendus consuetudini. communis hæc est,  
non tua præcipua conditio. Ad me autem  
quod attinet, uoluntati tuæ, in qua uim esse  
cupiditatis intelligo, nulla interiecta mora  
satisfiet. Vale. Venetijs,

Eidem,



E I D E M, Mantuam.

HODIE, tribus medicis adhibitis, accurate disputatum est de meo exeundi consilio. rem probant, sed illud addunt, totam æstatem dandam esse ocio, iucunditati, exercitationibus modicis; nec redeundum in urbem ante mensem Octobrem. itaque uehementer animi pendeo: nec, quid consilij capiam, satis habeo exploratum. in hac dubitatione uenit in mentem de tuo libro: quem, si exeo, uideo fore, ut serius fortasse, quàm tua uoluntas ferret, imprimatur. quare monendum te litteris existimaui, ut aut statim eum mitteres, aut imprimendi consilium differres. Ego hic uel tua unius causa commorabor, dum liber absoluitur. quòd si statuis de subita impressione; qua uelis forma, quo charactere, quo numero, significa. Suaderem omnino, ut aliorum opera, me absente, utereris: sed timeo mendas, & sordes; quibus inquinari, & corrumpi tua scripta per operarum incuriam, nolim. quod tu iam sensisti in libro de Pulchro; qui tractari non potuit indecentius. His litteris cupio à te primo quoque tempore responderi: ut, quod ad me ipsum attinet, certi aliquid possim statuere. meam enim uoluntatem ad tuam accommodabo. . Vale.

O 3 Eidem,



## E I D E M, Mantuam.

LITTERIS tuis perlectis, aggressus sum legere tuum libellum. legeram iam antea Venetijs, allatum ad me à Carreto tuo. mirifice semper placuit. genus enim scribendi non minus elegans, quàm eruditum, complexus es. Quod ad typos attinet, uideo paululum detritos esse uetustate. itaque speciem illam, quam recentes habere solent, minimam præseferunt. & compactum nimis atramentum uideatur: ex quo fit obscurum quiddam, quod legentium oculos offendat. Menda quadam deprehendi nimis fœda, nec eiusmodi, ut dissimulari possint. cuius incommodi causam puto te non latere. sæpe enim hic, dum imprimitur, uel emendationi nemo præest, uel præesse solet homo mercenarius, & parum litteris instructus, & is, cui pecunia, quàm fama, sit antiquior. nos tamen, & quia de existimatione laboramus, & quòd te nimium diligimus, Natta, ob tuam probitatem, nimiumq; colimus ob eruditionem, enitemur, & contendemus, quantum feret acies oculorum nostrorum, ut satis in hoc genere fiat tuæ uoluntati. ad quam tu me diligentiam tacite uocas in tuis litteris. laudas enim me, & Aldi filium



lium agnoscere te dicis. quàm sunt hæc acuta,  
quàm me pungunt, atque excitant ad omnem  
laudem, non modo hanc propriam typogra-  
phie, quæ iam in nostra familia inueterauit,  
& quasi debita, postulatur. Sed heus: ad-  
huc ne tibi meus liber est in manibus? atqui  
abiectum iam à te, & latere in angulis, obdu-  
ctum puluere, existimabam. nec tu is es, cui  
bonas horas male liceat perdere, homo assi-  
duis curis, maximisq; negocijs districtus. ita-  
que peto à te, hoc mihi des, ne tuum ocium à  
summis rebus ad meas ineptias conferas. satis  
iam obseruantie in te meæ, satis humanitati  
tuæ dedisti. hoc si plus cupiam; non agam sa-  
tis modeste; nec te nosse, nec me ipse uidear.  
Verbum optabam in epistola tua de Carreti  
ualetudine, optimi uiri, ut uisus sum conijce-  
re, tui certe studiosissimi. nam affectum pessi-  
me, ac pene desperatum dixeras, cum essem  
Mantua. Mecum actum est in hac peregri-  
natione prorsus infeliciter. incidit in morbus  
tota pene familia: sed uxor cum periculo ui-  
tæ integrum iam mensem miserrime iacuit:  
nec dum uideo quid sperem: cum iacetur acer-  
bissima febre, nec habeat spatium ullum sese  
colligendi. ego, cum non optime ualucrim cor-  
pore, neque nunc ualeam, quo fuerim animo,  
quo nunc sim, uel me tacente potes existima-



PAULI MANVTII

re. fortitudinem laudo: sed eam in me ipso  
requiro. uincor enim aduersis, nec possum  
plane, quod tu potes, à philosophia illa uera,  
quam Aristoteles ignorauit, præsidium pete-  
re. Sed longius progredior. tuas litteras ex-  
pecto. solatium fortasse aliquod in malis affe-  
rent. Vale. Asulæ.

E I D E M, Mantuam.

MEVM in reditu consilium hoc fuit, ut Man-  
tue conscenderem, idq; maxime tui salutandi  
caussa; tum, ut, quod antea de tuo libro im-  
primendo inter nos conuenerat, id comproba-  
remus. id non licuit ob uiarum difficultatem,  
& frigora. scis enim, quàm tenui cute sim,  
quàm imbecillo corpore. Caneti igitur, &  
meo, & meorum consilio, tranquilla tempe-  
state conscendi: Mantuamq; præteruectus,  
uiginti, opinor, miliariorum interuallo, Clo-  
diam triduo incolumis appuli. hic me amici,  
& propinqui letitia incredibili exceperunt,  
qui de reditu meo, seuiente iam hieme, pene  
desperassent. negocia nunc repetimus: quæ  
cum neque pauca sint, neque ponderis exi-  
gui; nullum tamen habeo prius, nullum anti-  
quius eo, quod ad te pertinet. uide igitur  
ipse, quid statuas. nam si perstas in senten-  
tia



tia ; mittendus liber est , ante medium Ianu-  
 rium : quo spatium habeamus eos alloquendi ,  
 ac rogandi , quorum iniussu nemo imprimit  
 impune . urget etiam Philippi Regis orator  
 de libro edendo , quem ei misit , homo , ut a-  
 iunt , græce latineq̃ ; bene sciens , arcanorum  
 ipsius Regis particeps , Gonzalus Perez : cui  
 roganti per litteras ut omnino suus liber meis  
 typis exeat impressus , & in eo sitam ac loca-  
 tam suæ laudis aliquam partem existimanti ,  
 deesse non possum , pollicitusq̃ ; sum : et persol-  
 uam fidem . sed cupio tuum librum anteire , si  
 tu uis : sin commodius uidetur , in aliud tem-  
 pus differri ; quamprimum litteris significa-  
 ego id unum specto , tibi ut satisfaciam . si con-  
 sequor , in celo sum . Vale .

E I D E M, Mantuam.

NONDUM redditus liber est : nec mea tamen  
 in ea re diligentia defuit . deuorandum est hoc  
 utrique nostrum , quidquid est molestiæ . nam  
 me quoque mora longior incipit ita grauiter af-  
 ficere , uix ut feram : fero tamen , quia Nat-  
 tæ negocium est . alioqui hastas mehercule , ut  
 ille inquit , abiicerem . sed obduremus paucos  
 præterea dies . si res ducetur , librum repetam ,  
 & cum pecunia tibi remittam . Ama me ; &  
 tibi



tibi persuade, te mihi esse in animo assiduum,  
in oculis, in ore. Vale.

E I D E M, Mantuam.

NEQVE nihil respondebo, neque tamen id,  
quod tu exoptas uehementer, ego autem sic,  
ut tecum in cupiditate contendam. Librum  
habet in manibus homo eruditus egregie sacris  
litteris, et philosophiæ scientia excellens, Six-  
tus Medices: cuius omnia iudicio propter do-  
ctrinam, fidei uero ob integritatem recte com-  
mittantur. is legit accurate: perscrutatur o-  
mnia: examinat, & pendit acerrime. nihil  
hactenus, ut saepe iam mihi significauit, alie-  
num à recta sententia deprehendit; tuamq; mi-  
re laudat perpetuam tam longo in opere elo-  
quentiam, singulari doctrina coniunctam. is,  
quid tuo de libro sentiat, suo testimonio, ac iu-  
reiurando cum ostenderit, aggrediemur: quod  
abesse iam longe uix potest. Te interim rogo,  
optime Natta, ne quid alienæ culpæ in me  
transferas; nec me curare parum gnauiter exi-  
stimes ea, quæ ad te pertinent; quibus meher-  
cule afficior in utranque partem, non equidem  
æque ac tu, sed, uno te excepto, grauius certe,  
quàm ceteri. Vale. Venetijs.

Eidem,



E I D E M, Mantuam.

ALIQUANDO is, qui tuum librum accurate legit, absoluit epistolam eam, qua tuis literis respondet. de re tu iudicabis: de homine, sic habeto, uirum esse bonum, præstanti humanitate, singulari doctrina, præconem uero laudum tuarum. quare est sane, cur ei gratias agas, quod te ornet efferatq; laudibus: quod à me iam, qui te unice diligo, tuo nomine factum est. quamprimum autem cupio à te responderi: ut, si quis remanet scrupulus, auferatur, & exeat tuus liber bono publico, tua non mediocri gloria: quod utrunque fore confido. Bonaminus neque dum uenit; nec, uenturus ne sit, aut quando sit, ex eius ad me scriptis proxime litteris licet conijcere. tu cognosces: eiq; ad me fasciculum epistolarum mearum: quas tamen, tu quoque, opinor, mecum sentis, comprimendas potius, quam publicandas. sed efflagitantibus, præsertim amicis, negari iam diutius non possunt. Vale.

E I D E M, Mantuam.

PLVRIBVS tecum uerbis agere non licet: ita multis distrahor curis. unum hoc: is, qui  
tuum



tuum librum legit, idem tuis litteris, disertissi  
me scriptis, respondebit. quod ut celerrime  
faciat, operam do, quantum in me est. tuam  
causam certe, ut mihi uidetur, præclare tue-  
ris: & quantum tibi ex optima mente, tan-  
tum ex ingenio, & doctrina laudis accedit.  
Vale. Venetiis.

E I D E M, Mantuam.

PLACERE tibi argumentum de republica,  
& eius libri partem, epistolis meis insertam,  
abs te, tali uiro, tantopere laudari, uehemen-  
ter gaudeo. tua uero cohortatio, ut absolui  
institutum, animos illa quidem addit: sed, o mi  
Natta, si uideas quibus premimur & curis,  
& laboribus, fortasse, si modo uis me uiuere,  
aliter sentias. incitatur uoluntate, cōsilijs, &  
hortatibus amicorum, gloriæ quadam cupidi-  
tate: nec omnino diffidimus ingenio; uerum il-  
la, qua tu excellis, quæ in tuis & dictis, & fa-  
ctis elucet, prudentia dissuadet. me natura  
pertenui finxit corpore: studiorum accessit nō  
mediocris labor; ex quo imbecillitas, & mor-  
bi. quid res domestica? quæ, quo est angustior,  
eo tuenda diligentius est. quid typographia?  
quam ita mihi tractandam intelligo, non ut o-  
mnia ad utilitatem, sicut multi, sed pleraque  
ad



ad meam existimationem referam, ac dignitatem. quo proposito, nihil est operæ, nihil studii recusandum: ac sæpe, ut ait poeta ille tuus, sudamus, & algemus. Amicis etiam uel salutantibus horæ dandæ sunt, uel aliquid petentibus officia tribuenda. qui si excludantur, aut reiiciantur; sane consuletur ocio meo, rebus meis, ualeitudini meæ; sed ubi humanitas? quæ quàm sit hominis propria, nomen ipsum indicat. Iacent igitur inchoata, plane rudia, temere uel dissipata, uel confusa, mea scripta; quæ non nunquam, sicuti mater languentem filium, cum dolore tacitus aspicio; opem ferre, quam uidentur postulare, non queo. Quare, si quid apud te hominis tui amantissimi salus est, non debes me ad scriptionem uocare, tot assidue, tam uariis, tanti momenti occupationibus distentum. adiuua me potius consilio, si potes: aut minue molestiam consolando: opta saltem, ( & hoc ipsum significa ) ut hæc, quæ nunc sustineo, perferam, & is, quem uolumus, principijs exitus respondeat. id quod, nisi fauente, qui fons est omnium bonorum, Deo, sperare non licet. Consultationes tuas, si quæ nondum editæ sunt, mire aueo legere. nam, cum in ijs, quæ iam sunt editæ, præstare te omnibus, qui memoria nostra ius civile litteris mandarunt, cum scientia rei, tum sermonis



PAULI MANVTII.

*sermonis elegantia, mihi persuadeam: intelligo posthac tua scripta longe fore meliora. non ago tecū blande: metior ueritatem ipsa re, et, ut sentio, plane loquor. ualde, mi Natta, hoc biennio in latina lingua profecisti: quotidieq; ut ex epistolis tuis facile conijcio, ad ueterem illam eloquentiam propius accedis. itaque uidere mihi uideor, ac prorsus uideo, quantus in iure ciuili explicando, si studium adhibueris, esse possis. quod ut facias, auctor tibi magnopere sum; si modo tu in tua laude quenquam, prater te ipsum, auctorem, hortatorem ue expectas. Vale.*

E I D E M, Mantuam.

*LITTERAE tuæ, quas idem binas tabellarius attulit, facile tuam edendi libri, quem efflagitari iam à multis audio, non mediocrem cupiditatem declarant. nec me tamen studio tibi concedere uelim existimes. nam & σπουδή θεiαν quandam commouit iam in sensibus meis uirtus tua: & res ipsa, de qua tantopere laboras, commendationem habet à se ipsa, nec tuum officiū apud me, aut omnino apud quenquam bona mente præditum, desiderat. Unde igitur, inquires, tot dierum prolatio? Equidem culpa uaco: nec in officio præstando Sixti nobis*



nobis humanitas defuit: sed ab eius uoluntate  
 pendemus, cui tota demandata facultas est. is  
 cum Sixti primum, deinde etiam nostro se ac-  
 quiescere testimonio confirmasset; Sixtum e-  
 tiam, ut optime de Christiana doctrina sentien-  
 tem, sacrarumq; litterarum disciplina perfe-  
 ctum, laudibus extulisset; illud adiunxit; sibi  
 tamen esse concedendum, cui ratio temporum  
 paulo seueriorem, quam ipsius uoluntas fer-  
 ret, personam imponeret, ut librum leuiter  
 attingeret: quod esse perpaucorum dierum ne-  
 gocium pollicebatur. negandum non fuit. egi-  
 mus etiam gratias, quod ita blande peteret, ut  
 suam obliuisci potestatem, humanitatis caus-  
 sa, uideretur. Nunc tibi, mi Natta, deuo-  
 randa est hæc non multorum, ut spero, die-  
 rum mora. uides, hominum recentiorum libri,  
 quicunque de sacris rebus loquantur, quam  
 diligenti hodie trutina perpendantur: uides,  
 quam multi, nullo personarum discrimine, in  
 iudicium uocentur, quam pauci mox elaban-  
 tur. tolle, obsecro te, festinationem in re tan-  
 ta: & habe rationem temporis: & utriusque  
 nostrum ocio, (nam mea quoque res agitur)  
 breui interposita mora, consule. Nam, quod  
 iniecisti de tua laude, opinor ut quasi dormien-  
 tem excitates; id mihi nouam diligentiam non  
 attulit, potius admirationem quandam, cur  
 ea,



ea, quæ ad tuum decus pertinent, curari à me frigide suspiceris. Etiam appellas me ob testimonia epistolarum mearum. quasi uero ego te diligam constantiæ causa, non iudicij. quòd si te non esse dissimilem tui putaueris; cuius etiã probitatem, doctrinam, eloquentiam assidua studia uehementer augent: me quoque, qui ali quando in te fui, eundem fore, hoc est, amore incensum, tuæq; cupidissimum gloriæ, debbis existimare. Commentarios meos quòd euoluis libenter; amice facis. si uero etiam, ut scribis, aliquid ad tuam utilitatem excerpis; magni facio industriam meam: quam tu, uir ingenio, & eruditione summus, modo non improbares, satis habebam: fructum ut ex ea caperes, uix unquam speraui. itaque scribam posthac paulo fidentius, iudicio tuo confirmatus; & auctoritatem tuam, si quis contra senserit, pro sexcentis rationibus opponam. Litteris tuis, caue putes, non esse à me responsum, quia neglexerim. obstitit occupatio: quæ diem quandoque totum eripit à mane ad uesperam. quod etiam si non scriberem, tamen opinari, tuæ prudentiæ, & humanitatis esset. Vale.

Eidem,

lorum dolore  
 ius iam mod  
 ta, pericul ta  
 itaque cog  
 eleganti, p  
 patim tradi  
 uisimo, com  
 ut occupation  
 e, & tua caus  
 mon diligenter  
 didisti, ac nu  
 cum fecerit; r  
 mperandam  
 on seuera hodie  
 ratio, quam i  
 cauenda: ne  
 u, trabendi;  
 mprabeatur. S  
 ualde cupit, de  
 & loquitur.  
 t, nauigamus i  
 tum amplecti  
 plari uiro, p  
 mirabiliter g  
 iuantate se



E I D E M, Mantuam.

AD oculorum dolores, quos diuturna consuetudine satis iam modice fero, accessit molesta febricula, periculi tamen expers, ut medicus affirmat, itaque cogor breui respondere litteris tuis, elegantissime, & humanissime scriptis. Liber statim traditus est viro optimo, atque eruditissimo, communi amico, Sixto Medici, is, licet occupationibus districtus, tamen & mea, & tua causa pollicitus est, operam se daturum diligenter, ut eam libri partem, quam tu addidisti, ac mutasti, quamcitissime legat. quod cum fecerit; rursus ex eius testimonio ius erit impetrandum libri divulgandi. scis enim, quam seuera hodie sit librorum omnium examinatio, quam sint, ubi quid scribimus, ambigua cauenda: ne qua omnino secus interpretandi, trahendiq; in deteriorem partem, occasio præbeatur. Sixtus me diligit, mea q; causa ualde cupit, de te autem honorifice & sentit, & loquitur, itaque, quod ad ipsum attinet, nauigamus in portu. Academia tuum officium amplectitur, ac laudat; sua uero à te, singulari uiro, probari & magnificari instituta, mirabiliter gaudet. Plura uolebam, ductus suauitate sermonis, cuius imaginem habet

P bet



PAULI MANTVII

bet epistola : sed interdictum est, non modo ne  
quid scribam mea manu, uerum etiam ne mul-  
ta, nisi necessario, dicam. Vale.

E I D E M, Mantuam.

HABEO, quod petieram. sedasti animum meum  
consolatione, consilio iuisti. nihil sapientius,  
nihil humanius epistola tua. et cum multa sunt  
à te grauissime, atque ingeniosissime comme-  
morata : tum uero mirifice sum exemplo tuo  
commotus, quem statuo imitari, quantum in  
me est, licet meæ probe quidem conscius infir-  
mitatis : cui si Deus aderit, quod equidem spe-  
ro ; uincemus humana omnia, & triumphabi-  
mus in aduersis. Afferet ad te tabellarius  
cum his litteris indicem, quem petis, missum  
ab Academia, tui studiosissima. tradidi enim  
legendam epistolam tuam : nec improbauit  
quisquam. quid? nemo non extulit amplissi-  
mis laudibus. ego autem & qua sim ex eorum  
iudicio affectus letitia, & quid ipse de tuis exi-  
stimem scriptis ; quia te puto illud, uel me ta-  
cente, pro amore nostro suspicari, hoc autem  
ex meis superioribus litteris cognouisse ; non  
exponam hic pluribus uerbis. tantum agam  
gratias de ista tam in me propensa uoluntate,  
excellentiq; industria : quarum alteram lon-  
gitud



gitudo litterarum tuarum, alteram elegantia declarat. Vale.

E I D E M, Mantuam.

B I D V M hic futurum sum: nec enim diutius licet per ualeitudinem: nec uenissem leuibus de causis. Liber tuus propediem prelo committetur, & diligenter emendabitur. angor equidem, quod abesse cogar: quod accidit profecto non minus contra uoluntatem, quam præter opinionem: sed hæc in manu nostra non sunt. ducimur enim, uel trahimur potius fatorum ui. itaque humana omnia ferenda. quanquam non hæc tibi, quem religio probum, doctrina prudentem facit, sed mihi ipsi, ab ijs præsijs, quæ te muniunt, parum instructo, tanquam intus cano. De rebus meis, de ualeitudine, de studijs, exigit omnino amicitia nostra, ut aliquid significem: sed neque nunc satis ocij suppetit: neque, ut uere dicam, libenter scribo, quæ tu non libenter legas. meliora tamen omnia paucis diebus fore uidebantur: itaque uberiores à me litteras expectato. Hæc dictaui propere, multis districtus negocijs, animo curis impedito. Vale.

P 2 Eidem,



PAULI MANVTII

E I D E M, Mantuam.

LEGI, quas remisisti, epistolas meas, & cor-  
rexisti leuiter, ut hominilicet occupato. de edi-  
tione, quod hortaris, ut omnes potius, quam,  
ut ego statueram, unam, aut alteram: ita fa-  
ciam, non spe laudis, (scriptæ sunt enim, quod  
res ipsa indicat, indiligenter, ac raptim) sed  
quia notam esse æquis & iniquis nostram ami-  
citiam uolo: quæ me ornat iudicij tui testimo-  
nio: cum tamen ad iudicium singularis accedat  
humanitas. Vale. Venetijs.



107  
EPISTOLARVM

PAVLI MANVTII

LIBER IIII.

ILLVSTRICOMITI

MICHAELI TVRRIANO,

CENETENSI EPISCOPO,

Cenetam.

ANGE BAR animi, nec fieri quidquam posse  
me uno miseriùs opinabar: ita multa hoc an-  
no præter expectationem, prorsus aduersa  
meis rationibus, obtigerant: fratris primum  
amantissimi, deinde filioli suauiſſimi interi-  
tus, uxoris morbus, inualetudo mea, rei fa-  
miliaris incommoda. quàm facile, nullo pene  
strepitu, rerum mearum conuersus orbis est.  
de fratre, & filio iam fero moderatius; uel  
quòd, ut solet, medetur dies; uel quia, quod  
æterna lege Deus constituit, id abrogare uelle,  
non solum iniustitiæ, uerum etiam impruden-  
tiæ uidetur esse. uxor conualuit: ego satis fir-  
mus. domestica uero damna, quæ sarciri uix  
unquam arbitrabar posse, facile compensat  
amor in me tuus; cuius mihi recordatio mole-  
stias omnes diluit; quandoquidem uis me ad o-  
mnes casus ( recordor enim tua uerba ) subsi-  
dium in tua benignitate maximum constitue-

P 3 re.



re. itaque leuatus à te grauiſſimis curis, premi-  
am onere officij me ſentio: in quo ſuſtinen-  
do uiribus enitar cunctis & animi, & inge-  
nij: tantum ne? immo etiam ijs, quas bene-  
uolentia erga te noſtra, & ſingularis addet  
obſeruantia. quid porro tam difficile, aut tam  
amplum eſt, quod incitata ſtudio uoluntas non  
aſſequatur? ueruntamen in hac re ſentio eſſe  
haud paulo difficilius mihi ſatisfacere, quàm  
tibi. te enim nihil in conferendo beneficio ſpe-  
ctare præter ipſam uirtutem, quæ ſuis gaudet  
ac fruitor bonis, nihil extrinſecus aſſumit, ſa-  
tis mihi multo antea perſuaſum eſt; præterea  
nulla re indigere, non gloria, qua iam pridem  
abundas, non diuitijs, quas & poſſides iam,  
& contemnis. ego uero, qui & ante annos  
ſex, quo te primum die ſum allocutus, eo ipſo  
die benignitatis tuæ præſtantiam non uulga-  
ri munere ſum expertus; & nunc ab eadem  
benignitate multo etiam maiora, te iubente,  
eogor expectare; prorſus ancipiti cura diſtra-  
hor, qui neque gratiam tibi unquam referre,  
neque nuda uoluntate contentus eſſe poſſim.  
Succurrunt enim multa, quæ libenter cogi-  
tem: primum, humanitas tua, qua me ſem-  
per complexus es; deinde liberalitas, qua ſub-  
leuaſti; poſtremo conſolatio illa Chriſtianæ  
pietatis, & ſapientiæ pleniffima, qua me qui-  
dem



dem proximo Quinctili mense, cum ab te honoris causa Cenetam accessissem, afflictum erexisti. atque hæc quibus meis erga te officijs? nullis omnino, salutatione excepta, quæ ipsa mihi tum utilis ex prudentia, atque cruditione tua, tum etiam ex dignitate perhonorificata fuit. Quæ cum omnia colligo; eximiam istam, planeq; diuinam beneficentiam, insitam tibi, uel potius ingeneratam à natura, aut etiam doctrina, usu confirmatam, atque perfectam, satis admirari non possum. Et simul ad quosdam, opibus affluentes, multis imperantes nationibus, cogitationem conuertens, doleo uicem bonarum artium, quæ deserantur ab ijs, quorum patrocínio si uterentur, fructum retribuerent eum, qui est omnibus imperijs anteponendus. quid enim est immortalitate præstantius? quis autem eam, nisi beneficio litterarum, consequitur? laterent in tenebris, obruti uetustate, Cæsares, Alexandri, plane omnis antiquitas, nisi rerum præclarissime gestarum, quas cum audimus, imitandi cupiditate accendimur, testem haberemus historiam. Quo magis tibi gratulor, Antistes, et idem Princeps egregie, qui hanc ueræ laudis pene uacuam hodie possessionem tam libenter occupas, ueteremq; maiorum tuorum de omnibus bene merendi consuetudi-



nem, nulla prorsus tuarum fortunarum ratione habita, constantissime retineas. Quod uero istam uirtutem multis præterea uirtutibus, usu rerum maximarum, prudentia, doctrina, eloquentia, maxime uero humanitate cumulas atque exornas: iccirco & antea Romæ, atque in tuis legationibus, Ecclesiæ causa susceptis, magnificentissime gestis, & nunc in urbe tua, quam diuino simul & humano iure temperas, concursus ad te quotidie fiunt optimorum uirorum, & eorum maxime, qui aut ipsi ingenio, litterisq; præstant, aut saltem de ingeniorum litterarumq; præstantia iudicare possunt. in quo sæpe fortunam accuso, quæ mihi facultatem ueniendi ad te, quod eram hac æstate pollicitus, & cupio uehementer, adhuc quidem eripiat. quod cum licebit, accurram. quid enim ista amœnitate iucundius, isto cælo salubrius? quid porro ad beate uiuendum deesse potest ei, qui tecum uiuat? cuius in ædibus primum oritur ex tua disciplina uirtus, deinde excipit uirtutem liberalitas. Hoc igitur, cum per negocia licebit: & utinam mature liceat. interim memoria tui fruar; teq; licet hoc terrarum spatium disiunctum, colam ut præsentem, nec ullum erga te, quod ab homine tui studiosissimo possit expectari, aut officij genus, aut studij prætermittam. Salutamur



lutamus te, quàm studiose, quàmq; ex animo licet, ego, uxor, & liberi, presertim is, quem audio nunc in cunis uagientem, susceptus à te cum salutare aquam in baptismo te reciperet: cui te pro eo nomine, quod inter nos commune cœpit esse, parentis officia benigne, & pie præstaturum confidimus. Vale. Venetijs.

## ANTONIO VERANTIO,

EPISCOPO AGRIENSI.

CUM Andreas Duditijs, tui studiosissimus, præclaræ non solum indolis, sed iam etiam uirtutis adolescens, proxime reuersus è Pannonia, tuo me nomine salutasset; atque hoc officium ijs uerbis, quæ facile tuum de me iudicium declarabant, subsecutus esset: cepi sane uoluptatem incredibilem, nec mediocres habui gratias Deo optimo Max. cui soleo, si quid optabile contigit, acceptum referre, & à quo, si quid contra, sperare meliora. nec uero tua mihi quidquam amicitia uel ad meam laudem illustrius, uel omnino amplius possum existimare; cuius audio fortunam à multis ita laudari, atque extolli, ut nemo tamen sit, quin fortunæ uirtutem anteponat. atque ego te cum ante aliquot annos, commotus fama laudum  
tuarum



tuarum diligere, & obseruare cœpissem; animūq; meum probare tibi litteris uehementer uellem: pudor uetuit, non omnino fortasse improbandus; meq; ab hoc deterrere consilio, & quasi reprehendere natura mea maxime semper est uisa. quid? tu ne talem uirum, grauisimarum rerum onera sustinentem, deditum studijs præstantissimarum artium, inani scriptorum genere appelles? reuocabat ratio, & habendam mihi tum dignitatis tuæ, tum modestiæ meæ rationem intelligebam.

Sed profecto à rectis mentibus, non ambitione, sed officio incensis, diuina nunquam benignitas abest. qualem enim ego certe uix unquam sperare ausus essem, ea mihi nunc à te ipso oblata facultas est: cui de mittendo ad me emblemate, elegantissime, &, in quo summam laudem statuo, admodum pie conscripto, uenerit in mentem. quo sum dupliciter affectus officio, lætitia primum ex ipsa re: debet enim iucunda uehementer esse amoris, ac iudicij, à tali presertim uiro profecta, significatio: deinde molestia quadam, quòd, qui humanitate uinci non facile patiar, nunc quidem à te captus, atque oppressus, tantum in hac uirtute, qua nulla magis hominem decet, tibi concedam necesse est, quantum in aliis, quibus te Deus ornauit, & industria tua, minime



me paucis : quarum fama non Germaniæ ,  
aut Pannoniæ , continentium regionum , am-  
bitu terminatur , sed Europam , quanta quan-  
ta est , ac pene terrarum orbem iam peruoli-  
tat uniuersum . ueruntamen , si tibi , magnis  
locorum spatiis disiuncto , singularem animi  
mei ad te amandum , colendumq ; propensio-  
nem ostendere minus possum ; apud eos sal-  
tem , qui meam uocem audiunt , meisq ; sæpe  
sermonibus intersunt , tuam doctrinam , elo-  
quentiam , in primis uero puram ab omni la-  
be religionem assidue prædicando , profecto  
ipse mihi aliqua ex parte satisfaciam . nec ta-  
men ita sterilem cognouimus industriam no-  
stram , licet mihi laudem ingenii nullam ad-  
scisco , quin ea fructum aliquem , qui ad tuum  
decus pertineat , nec sine tua gloria peruulge-  
tur , aliquando ferre possit . quod aggrediar  
ita libenter , & ita studiose curabo , ut euentus  
futuri lætitiæ auide præripiam , deq ; eo , quod  
nondum præstiti , iam nunc , perinde ac si præ-  
stiterim , ipse mihi gratuletur . & huius quidem  
ueluti prædem promissi , meæ testem uolunta-  
tis , hanc ad te mittendam epistolam putauit .  
Vale . Venetiis .

Andreae



PAULI MANUTII  
ANDREAE ZEBRIDOVIO,  
EPISCOPO CRACOVIANSI.

V I D E, quæ sit uis etiam apud alienos igno-  
tosq; homines ueræ solidæq; uirtutis. Aliquot  
abhinc annis, cum egregios uiros, qui te non  
de facie solum, uerum etiam è sermone assi-  
duaq; consuetudine optime nouerant, omnia  
de te summa prædicantes audirem, studio tui  
sum incensus incredibili. nec meam deinde ob-  
seruantiam dies extinxit, aut imminuit, sed  
auxit potius, ad summumq; perduxit. atque  
equidem nihil habui antiquius, nihil expectaui  
magis, aut obseruaui diligentius, quam ut  
hec ad te amandum, colendumq; animi mei  
propensio aliquo tibi non uulgari pateret offi-  
cio: sed meam expectationem fefellit euentus,  
nec ulla unquam satis opportuna uoluntati re-  
spondit occasio. nunc igitur, quod mihi à for-  
tuna denegatur, statui à me ipso impetrare.  
Præclarum aliquid præstare, dignum uidelicet  
ea, quam tu sustines, persona, dignum tua uir-  
tute, cupiebam: non licuit: at, quod licet, de-  
mus operam ut id consequamur. licet enim  
certe studij erga te mei significationem quan-  
dam, non expressam omnino, sed quasi leuiter  
adumbratam, ostendere. & è quercu etiam  
quandoque



quandoque exculptum placet, non modo ex e-  
 bore, simulacrum. Effigiem domi habeo pa-  
 rentis mei; quem tibi unum cum excellenti  
 uiro Erasmo Roterodamo, familiari olim tuo,  
 et in ore, et in amore esse, homo insigni erudi-  
 tione, moribusq; sanctissimis, Andreas Pa-  
 tricius non semel affirmavit. eius exemplar,  
 accurate exceptum, nostra etiam adiuncta  
 imagine, ut haberes cum parente filium, ue-  
 nienti ad te Patricio dedi. Putabis igitur,  
 cum utrunque presentem aspicias, agere u-  
 trunque tecum, maximeq; pro filio patrem in-  
 tercedere, ut aditus mihi, & quasi fores ape-  
 riantur ad amicitiam tuam. quod si assequor;  
 additum ad fortunas meas ornamenti, com-  
 modi; plurimum existimabo. quid enim spe-  
 ciosius, quid ad laudem praestantius, omni-  
 no ue utilius, quam Principum, hoc est, tui  
 similium uirorum, frui beneuolentia? atque  
 hoc uideo totum esse positum in humanita-  
 te tua, quam Patricius ferebat in caelum.  
 nam ego quidem nullis plane meritis, ani-  
 mo tamen haecenus te colui. sed, ut spero,  
 merita quoque accedent. conferam enim inge-  
 nium ad tuam laudem: & apparebit in tuo  
 nomine, approbante Deo, quo nihil abnuen-  
 te perficitur; opus aliquod industriae no-  
 strae, eiusmodi fortasse, (certe hoc enitemur)  
 quod



PAVLI MANVTII  
quod posteritas haud omnino contemnat.  
Vale. Venetijs.

PETRO MISCOVIO,  
SARMATARVM REGI  
CONSILIARIO.

Amo ualde probitatem, & secundum eam, eloquentiam, non quæ uerba tantum colligit, & inani uocum sonitu auribus obstrepat, sed quæ maxime rem continet, seq; ipsa non minus grauitate sententiarum, quàm elegantiâ uerborum & splendore commendat. hæc te audio simul expetere, Petre Miscoui. expetere autè? immo iam esse consecutum. quibus ornamentis magnum te esse, atque illustrem apud homines uere sapientes existima, sic inquam, ut illa, quæ plerique, quasi sola bona, specie decepti admirantur, quæ ipsa quoque in te non medio cria sunt, opes, auctoritas, amicitia clarorum uirorum, addo etiam gratiam apud Regem omnium potentissimum, nullo pacto conferenda uideantur. nam hæc licet aliquando uirtutem consequantur, ut in te ipso contigit, minime tamen ipsa uirtutem indicant, neque semper ad laudabilia studia, tanquam ad causas euenta, referuntur. qui uero pietatem, qui iustitiam colit, qui & ingenio ualet, & quâ ualet,



let, ad res egregias, maximeq; ad instructam  
 præclaris doctrinis eloquentiam totus incum-  
 bit: hunc uere se ipsum, quod esse difficillimum  
 constat, ac sua bona nosse, hunc optime exer-  
 cere instrumenta illa, quibus homines brutis  
 animantibus præstant, mentem, atque ratio-  
 nem, hunc denique gloria dignum immorta-  
 li, dignum qui feratur in oculis, ornetur lau-  
 dibus, nemo omnium hominum, nisi qui homi-  
 nis nomine indignus haberi uelit, unquam ne-  
 gabit. quod ego cum à prima pueritia, dome-  
 stico patris instituto, natura etiam quasi sua-  
 dente, sensissem; confirmatus postea magnope-  
 re sum clarorum uirorum exemplo: nec uenit  
 unquam in mentem, quod ita senserim, pæni-  
 tere: latatus etiam ualde sum, ac lætor equi-  
 dem nunc eo magis, quod accedit ad meam sen-  
 tentiam iudicium tuum. in iisdem enim studiis  
 elaboras: eadem tibi artes curæ sunt: quæq;  
 hinc emanant laudes, eas esse ueras laudes, &  
 earum ita semper florere gloriam existimas, ut  
 nunquam exarescat. idem putamus, & idem  
 uterque sequimur, optime Miscoi: sed tua cla-  
 rior industria, hominis in excelso dignitatis gra-  
 du constituti; fortasse etiam felicior; quia se-  
 cunda ingenium fortuna excitat, aduersa debi-  
 litat. quàm multa enim nobis obstant: quàm se-  
 pe recta mens, optimorum consiliorum in cur-

su



su impedita, cogitur consistere. tibi uero, qui  
 propensam uehementer ad laudabilia quaque  
 uoluntatem in te laudant, iidem fluere ex uo-  
 luntate omnia confirmant, nullam aduersari,  
 nullam pugnare tecum ex ijs rebus, quæ sunt  
 inimicæ uirtuti: uersari te assiduam in aula Re-  
 gis, ipsi Regi carum, summis & infimis iucun-  
 dum, apud exterarum etiam gentes illustrem, ac  
 perhonoratum. quæ tibi esse perpetua, maxi-  
 meq; propria, non solum cupio, communi stu-  
 diorum causa, quorum decus tua dignitas au-  
 get; sed facile etiam adducor, ut sperem. quid-  
 enim es, à te ipso es, & ideo tantus, quia  
 talis: nec tu defines unquam esse, qui fuisti:  
 nec ea, quæ uirtus constituit, casus euertet.  
 tantum igitur, quod & facis, & facere mini-  
 mo negotio potes, retine consuetudinem tuam:  
 intueri te ipsum: uitam ante actam imitare.  
 sic augebis quotidie tua merita; & idem quoti-  
 die meritorum præmia tuorum sumes à te ip-  
 so; eritq; uirtuti merces uirtutis usus; quo ni-  
 hil esse incundius, profecto iam sensisti; nihil  
 autem ad memoriæ perpetuitatem utilius, do-  
 cemur exemplis eorum, de quibus post tot sæcu-  
 la litteræ loquuntur. Et quoniam sequitur, at-  
 que comitatur, ut umbra corpus, gloria uirtu-  
 tem; nec te latet, præceptis imbutum antiquæ  
 doctrinæ, improbari eos ab excellentibus in  
 philosophia

philosophia uiris  
 sapient, se  
 uentur: non  
 que uel h  
 edum, uel i  
 uini bona  
 fructum, au  
 illud esse rem  
 uas utilitates  
 ornamenta  
 ne explicand  
 necesse est, u  
 uiscentibus  
 mis, & fam  
 iure, prog;  
 in aliqua con  
 uod te scribo,  
 tionis artificio  
 bonum bon  
 um, istinc a  
 uosquoscend  
 monis, ma  
 uemere affir  
 uis pluris ind  
 u doctrinam,  
 uat integr  
 uice delectatu  
 uis epistole



philosophia uiris, qui, præter sua commoda,  
 nihil spectent, seq; sibi tantum ipsis esse natos  
 arbitrentur: non dubito, quin statuas, quan-  
 tumcunque uel habes iam facultatis ad bene-  
 merendum, uel in omni tua uita præclara ti-  
 bi animi tui bona pepererint, non ad rei dome-  
 sticæ fructum, aut ad angustæ benignitatis u-  
 sum illud esse reuocandum, sed esse totum ad  
 alienas utilitates, maximeq; ad artium libera-  
 lium ornamenta quamlatissime porrigendum,  
 atque explicandum. quod si fiat, simul illud  
 fieri necesse est, ut, quamplurimis in tua lau-  
 de consentientibus, par beneficentiæ celebritas  
 nominis, & fama consequatur. Atque ego te  
 ita sentire, proq; tuis opibus iam præstare, non  
 inani aliqua coniectura ductus existimo, aut  
 ideo ad te scribo, ut in tuam gratiam blandæ  
 orationis artificio mihi liceat irrepere: sed cre-  
 didi hominum honestissimorum ac prudentissi-  
 morum, istinc ad nos uel studiorum causâ,  
 uel cognoscendæ Italiæ studio commeantium,  
 testimonijs, maxime uero familiari meo, ni-  
 hil temere affirmanti, Andreæ Patricio: cu-  
 ius eo pluris iudicium facio, quod egregiam e-  
 ius doctrinam, id quod perquam raro contigit,  
 adæquat integritas. addebat etiam, quo sum-  
 unice delectatus, quodq; mihi, ut uere dicam,  
 huius epistolæ causam attulit, studiosum te es-

Q se



se scriptorum meorum, & mihi aliquid, atque adeo tantum tribuere in Latina lingua, quantum optavi equidem semper, affecutum me esse nunquam duxi. nunc, si tu, ista uir auctoritate, isto pondere, ita de me sentis; in dubium pene reuoco iudicium meum; nec me prorsus audio cōtemnere, ne à te dissentiam; enitarq; multo etiam, quàm antea, diligentius, ut accedam proxime, si ulla ratione potero, quò tu me peruenisse iam existimas; ut aliquando ueritati iure des, quod fortasse nunc humanitati magna ex parte largiris. fateor enim, iudicij de me tui famam mihi esse periucundam: quid oneris tamen eadem imponat, quoq; redigar necessitatis, intelligo. latere nullo modo potest, quem clari uiri testimonium indicat: nec me iam ad uigilantiam, omnium scientiarum parentem, laudis cupiditas magis, quàm infamiae metus impellit. quæ licet perdifficilis, admodumq; dura uideatur esse conditio: tamen, quia gratus, hoc est uir bonus esse uolo, amplector libenter officium tuum, ab excelso quodam animo, liberaliq; profectum: quod si compensare meis officiis non potero, memoria tuebor, & prosequar etiam laudibus, quàm diu uita fruatur: ut ex optima saltem uoluntate, qua boni, & sapientes uiri metiri beneficia consueuerunt, aliquam tibi relatam esse gratiam existimes. Vale.

GENA fuit, a  
est de genere  
doctrinarum  
rebus abhorre  
um & amicis  
monibus homin  
sequitur, ut  
anteponant  
sensu partium  
nem, quod ad  
omnisq; eru  
gia quadam,  
sistulisti. sinu  
tus est, tum  
multa mens ubi  
tritus solet, tu  
qui maxime po  
na: quod exem  
genio tuo nifi  
nia, futurum  
a perficias, co  
uentus. in ph  
duamur: q  
am excurrere



IO. VINCENTIO PINELLO,  
Patauium.

MAGNA fuit, atque etiam nunc inter homines est de genere uitæ controuersia: cum alios ita doctrinarum cognitio delectet, ut ab agendis rebus abhorreant; alij, non sibi tantum, uerum & amicis, & patriæ, planeq; omnibus hominibus homines esse natos, existiment: ex quo sequitur, ut scientiarum studijs usum rerum anteponan. hoc discrimen, in quo ualde pro sensu partium dubia ueritas fluctuat, tu quidem, quod ad te attinet, optime Pinelle, optimisq; & eruditis uiris merito carissime, egregia quadam, uulgo non satis cognita ratione sustulisti. simul enim utrunque studium complexus est, tum earum disciplinarum, quibus exculta mens uberrimos in omni fortuna ferre fructus solet, tum iuris ciuilis, quod alienos ad usus maxime porrigitur. ardua res, & operosa: quod exemplorum declarat inopia: sed ingenio tuo nihil difficile: & ut se præbent initia, futurum nemo dubitat, ut instituta perficias, consilijsq; tuis breui respondeat euentus. in philosophia quidem processus tuos admiramur: qui tanti sunt, ut euolare potius, quàm excurrere uidearis. quanquam cur mi-

Q 2 remur?



remur? ingenio si quis ualet, in studio fere languet. qui utrunque coniunxit, optimam quandoque disciplinam, & rectam studiorum uiam ignorat. fac in uno tamen hæc inesse omnia; quid assequetur aduersante fortuna, subsidijs destitutus ijs, quæ cum adsunt, fertur animus proclui cursu ad egregias res; sin absint, hæret in salebra, nec facile progreditur. Quæ igitur singula tanti sunt, quemuis ut possint à sperata litterarum gloria penitus auertere; hæc tibi cum suppetant uniuersa, iure istam, quam alij uix tuentur, Spartam quotidie magis illustras; neque tam nobis hoc, æqualibus tuis quòd sis uirtute maior, quàm illud, si te ipso minor esses, admirandum uideretur. In philosophia quidem cum operam studiose des M. Antonio Genuæ, cui ueterum doctrinarum arcana patent, quo nemo peritior Aristotelis interpret, nemo uir melior usquam uiuit; nihil mediocre neque nos à te expectamus, neque tu præstas. quo nomine tibi gratulor plurimum, & eo magis, quòd illius uiri uoce publice cum multis, consuetudine, ac sermonibus, quæ humanitas eius atque amor in te est, priuatim & proprie frueris. hauries enim ex eodem fonte non ea solum, quæ uel olim in Lyceo, uel etiã in Academia disputabantur, sed id, quod longe præstantius est, Christianam pietatem, à qua



qua manat una, & in qua item una philosophia perficitur. Habes igitur, diuinitus oblatam, uirtutis adipiscendæ facultatem: quam te uideo arcte esse complexum, nec uereor ut dimittas, qui te ita flagrare cupiditate cognouerim, ut renocandum potius à nimia contentione, ualeitudini uix ferenda, quàm acuum, & incitandum, intelligam. Nam, quod ad ius ciuile pertinet, ubi tu philosophiam, id est totum, scientia comprehenderis, quid in parte cognoscenda superesse negocij putas? minimū, si sapientes uiros, & in ijs eum, quem ego omnibus iudicij laude antepono, doctorem tuum Genuam audies. quanquam sermo tuus, habitus interdum, præsentem me, cum eruditissimis hominibus, tractasse te iam satis diligenter ea, quæ excellunt in uniuerso iure ciuili, id est ueterum iurisperitorum præcepta, declarabat: ut uel eadem facile possis, quandocunque libuerit, recognoscere, uel, si qua restant, quasi racemos aliquos confecta uindemia colligere. non enim te arbitror studiorum tuorum elegantiam ineptissimis, planeq; barbaris quorundam scriptis inquinare uelle: quæ cum immensa sint, pleraque tamen inania, laboris, & molestiæ plurimum, utilitatis, et oblectamenti minimū habent. Interim, ut facis, græcā cum latinis, & eloquentiam cum philosophia coniunge: ut

2 3 politioris



politioris doctrinae copijs instructus, remissio-  
 ra etiam studia colentibus aliquando satisfac-  
 cias. non enim uiuimus omnes in Atticis gy-  
 mnasiis: nec ubique de rerum causis quaestio  
 est: & quibus contemplatio naturae uehemen-  
 ter placet, iisdem tamen animi causa tan-  
 quam in hortos Musarum diuertere non iniu-  
 cundum est. quae de re quia non nunquam in-  
 ter nos locuti sumus, & ut spero, breui collo-  
 loquemur: nihil addam, te praesertim, quod  
 facile intellexerim, meam sententiam com-  
 probante. cuius consilij, non dubito, quin ma-  
 iorem quotidie uoluptatem capias. Ego hic,  
 genere uitae molestissimo, quas Patavij utili-  
 ter satis, iucunde quidem certe in libris, & in  
 tuis tuorumq; familiarium sermonibus tradu-  
 cebam, horas perdo. itaque, cum primum do-  
 mesticas tricas, quibus teneor inuitus, expedie-  
 ro, aduolabo istuc, sitiens uestrae consuetudi-  
 nis; quae si frui perpetuo liceat, beatissime ui-  
 uerem. Interim amorem mihi tuum, cuius e-  
 quidem memoria ualde recreor, cupio conser-  
 ues, & si tua patitur humanitas, etiam rogo.  
 Vale, & Petrum Nunium, familiarem tuum,  
 cuius doctrinam, et ingenium in Lucretiana in-  
 terpretatione mirum in modum probo, saluta  
 meis uerbis. Venetijs.

Vido



VIDEO PANCIROLO,  
Patauium.

CUM alia me in ista urbe, quam tu præter ceteros tua uirtute nobilitas, & ornatissimorum iuuenum cœtu frequentas, oblectare uehementer soleant: tum nihil est, aut esse omnino potest, *Andrea Duditi* quotidiana consuetudine iucundius: non solum, quia probitate, modestia, morum elegantia, omnibus denique animi bonis excellit: sed etiam, quia paucorum annorum studio, præstantia uidelicet ingenij, quam ego semper amaui, consecutus est, ut exquisitam, ac uariam sermo illius eruditionem præferat, scripta uero ad Ciceronianam eloquentiam sic accedant, ut cum ijs, qui suum nomen hac laude celebrarunt, qui pauci admodum sunt, conferri iure possit, aequalibus uero cunctis facile antecellat. Hunc ego tibi iuuenem, quem olim mihi adolescentulum uir omni laude summus, *Reginaldus Polus* Cardinalis, magnarum uirtutum indole commotus, accuratissime commendauit, etsi necesse non arbitror, commendo tamen eo studio, quod quia uerbis exprimere mihi non licet, tu quoque, tantum esse, uelim existimes, ut exprimi nullo modo possit. is cum antea philosophiam, presertim

Q 4 quæ



PAULI MANVTII

quæ de græcis fontibus hauritur, & humanioris doctrinæ studia diligenter, eximiaq; cum laude coluit; tum hoc tempore in cognoscendo iure ciuili totus est. qua illum cupiditate quotidie magis incendit admiratio tuæ uirtutis, quam in omni fere sermone ad cælum fert, exterisq; etiam gentibus, licet illustrem satis, elegantissimis declarat epistolis. pertinet igitur ad humanitatem tuam, qui te tam ualde amet, tantiq; faciat, eum redamare, eiq; reconditos illos, omnium purissimos, tuæ scientiæ fontes aperire: pertinet etiam ad fidem, qui se totum in tuam disciplinam tradiderit, opibus eū impertire ingenij tui, quas ille Regum opibus & sua sponte, & meo iudicio, cui tribuere aliquid uidetur, præstantiores existimat. Hæc ad impetrandum magna sunt, presertim apud optimum uirum, quam in tuis laudibus precipuam agnoscimus. uerum accedit amor in te meus, qui fraternam necessitudinem æquat. is te rogat, is prensat, quàm studiose, quàm blande potest, pro Duditio meo: ut eum, quem ego merito eius in oculis fero, tu, quem amicitie nostræ denegare nihil decet, quando nec studio tuo quidquā abnueret uoluntas mea, omni benignitate complectaris, planeq; in clientelam tuam, atque adeo in sinum æque ac filium meum, æque ac me ipsum recipias. quod si feceris;



ceris; obstringes tibi non uulgari beneficio iuue-  
nem summo loco natum, dignum maioribus su-  
is, qui Pannoniam, ut ego auguror, sua uirtute  
aliquando Italiam faciet; à me uero gratiam  
inibis eam, quæ, si quid accedere ad meam in te  
beneuolentiâ potest, quod equidē uix arbitror,  
id ipsum una possit adiungere. Vale. Venetijs.

## ANDREAE DUDITIO

S BARDELLATO,

Patauium.

O DVLCEM reditum, o amandas litteras,  
quæ mihi id significant, quod, non modo spe,  
sed nec suspitione attigeram. sed quando te ip-  
sum, mi Duditi, uidere, quando licebit ample-  
cti? oculos mehercule tuos, dum hæc ad te scri-  
bo, intueor, indices probi animi tui, indices  
humanitatis. hoc mihi spectrum fingit amor:  
(quid enim aliud?) & hæc me cogitatio iucun-  
ditate perfundit incredibili: quid putas, cum  
erimus una, dabiturq; , ut ille inquit, ueras  
audire, ac reddere uoces? nemo unquam, per-  
inde lætatus est inuento thesauro, ut ego te re-  
uerso. uideor enim amissum recuperasse: &  
plane amiseram. nam, etsi reliqueras hic me-  
moriæ tuæ suauitatis, tuiq; ingenij: tamen,  
quod attinet ad aspectum, ad consuetudinem,  
ac



ac sermonem, quibus nobis, tui amantiſſimis,  
 nihil poteſt eſſe optatiuſ, totuſ abieras. ac ue-  
 rebar, ne, uel precibuſ tuorum uictuſ, uel ho-  
 norum cupiditate illectuſ, totuſ te dederuſ au-  
 licis muneribuſ, multa nobiſ, fortaſſe etiam  
 litteriſ, ſalute dicta. nunc te tuuſ bonuſ, tuuſ,  
 inquam, mihi crede, bonuſ geniuſ reduxit, ſi-  
 cuti maluſ abduxerat. quid enim ſumuſ, niſi  
 adſit humanitaſ, & litteræ? quæ petuntur in  
 ocio, tranquilla mente. ocii autem ubi pluſ,  
 quàm in iſto ſeceſſu Patauino? nemo quenquā  
 interpellat nolentem: inuitant ad uirtutem, ſi  
 minus uoce, exemplo certe quamplurimuſ: pa-  
 tet adituſ ad doctoreſ in omni liberaliuſ diſci-  
 plinaruſ genere præſtanteſ: quid prætereā?  
 celi mira clementia: reruſ, quibuſ alimur,  
 ſuauitaſ incredibilis, & copia. Hæc tibi, opti-  
 me Duditi, iure prima ſunt; iure tot monteſ  
 ſuperaſti, tot flumina traieciſti, ut hæc dimiſ-  
 ſa ſtatim repeteret. uiueſ tibi, ſolutuſ ab om-  
 ni cura: uiueſ Deo, contemptiſ diuitiſ, abie-  
 cta illa gloria, quam falſa proruſ, & inaniſ  
 honoruſ ſpecieſ oſtentat. quòd niſi Deo uiue-  
 reſ, nec tibi certe poſſeſ uiuere. in illo enim  
 uno uera, ac ſolida uirtuſ, hæc, quam quæri-  
 muſ in libriſ, aut diſcimuſ ab hominibuſ, um-  
 bra eſt. quocirca hortor equidem te, ut libroſ  
 enoluſ accurate, ut magiſtriſ aſſidue ope-  
 ram

les: ſed mini-  
 ludia diuino c-  
 me ſcriben-  
 puto fore le-  
 quia te mi-  
 pater filiuſ  
 ſi omniuſ o-  
 ſic, ut nulluſ  
 uigitatione ma-  
 tu debeſ oſ-  
 deterioreſ pa-  
 ſſe uiuenti,  
 niſi perſuaſi) o-  
 ſeriuſ adoleſcent-  
 aliquantuluſ iam  
 ſpiciſ it, qui miti-  
 lacemq; ſequat-  
 conueniunt hun-  
 ſibi omnia bona p-  
 ſo Imperatore tu-  
 ſet. De Epiſcopo  
 ni beneuolentiaſ  
 agam. Mariam  
 ſui, & Andre-  
 ſtalem in me an-  
 te meo nomini  
 ſeruoſ, familiare  
 ſit audio, uirtu-



ram des: sed minimum in utrisque pone, nisi  
 tua studia diuino cum amore coniungas. At-  
 que hæc me scribentem magnopere delectant,  
 tibi non puto fore legenti necessaria; scribo ta-  
 men, & quia te mirifice diligo, cupioq; esse,  
 qualem pater filium; & quia commemoratio-  
 ne ipsa rei omnium optimæ, ac præclarissimæ  
 afficior sic, ut nullam ex ullo sermone, aut ex  
 ulla cogitatione maiorem hauriam uolupta-  
 tem. nec tu debes officium meum aspernari,  
 aut in deteriorem partem trahere, si tibi, etiã  
 rectissime uiuenti, (sic enim existimo, pla-  
 neq; mihi persuasi) constantiam laudo. lubri-  
 ca est enim adolescentiæ uia: labuntur multi,  
 cum aliquantum iam processerint: cursum ue-  
 ro conficit is, qui nititur optimis cogitationi-  
 bus, ducemq; sequitur eum, qui nunquam er-  
 rat, communem humani generis parentem;  
 qui tibi omnia bona pollicetur, & dabit, quæ  
 nec ab Imperatore tuo sperare, nec ab ullo Re-  
 ge licet. De Episcopo Agriensi, agnosco tuam  
 in me beneuolentiam: cui de emblemate gra-  
 tias agam. Mariani Lezentii, iuuenis orna-  
 tissimi, & Andrea Patricii, contubernalis  
 tui, talem in me animum amplector: quos cu-  
 pio à te meo nomine saluari, itemq; Polonos  
 ceteros, familiares tuos, quorum nobilitas,  
 & ut audio, uirtus Patauinum gymnasium  
 illustrat.



811 PAVLI MANVTII  
illustrat. Vale; & quando nos aspectu tuo  
priuas, minue saltem litteris, non hac recen-  
tiore Italica, sed illa uetere, omnium ele-  
gantissima, Romana lingua scriptis, deside-  
rium nostrum.

E I D E M, Patauium.

O P T I M E Duditi, quid tibi, obsecro, in men-  
tem uenit? nostra ne imagine tuum putas cu-  
biculum ornari posse? pudet me studij tui: &  
erubui, mihi crede, cum hanc partem lege-  
rem litterarum tuarum. nec tamen, quia  
tuam facile cupiditatem intelligo, deesse tibi  
possum: & cœpta res est, & agitur, ut ui-  
deo, satis diligenter: quæ cum erit absoluta,  
mittetur illico ad te. ac uellem, posset arti-  
fex eodem penicillo animum in te meum una  
cum uultu exprimere: non dubitarem, quin  
hanc tu multo magis imaginem diligeres. non  
necesse est, inquires. libenter credo: & quod  
ita sit, acceptum refero tuæ humanitati; quæ  
mihi à te impetrat id, quod meritis, aut offi-  
cijs consequi nondum potui. His diebus facul-  
tatem ad te scribendi permolestæ occupatio-  
nes eripuerunt. ignosce: & puta, nunquam  
abduci meam ab officio uoluntatem, licet ope-  
ra non extet. Heri adiit ad me contubernalis  
tuus



tuus Stanislaus Fogeluetrius Cracouiensis.  
 probum adolescentem, præditumq; litteris,  
 & tua plane consuetudine dignum è sermone  
 iudicari. amanter illum excepi, ut natura  
 mea fert: iucunde non potui, quia ualetudo  
 non concedit. cuius beneuolentiam si, te, ut  
 arbitror, conciliante, sum adeptus: peto à te,  
 mihi ut eam conserues. & omnino, quicun-  
 que à te diliguntur, eosdem mihi cupio mutua  
 beneuolentia coniungi. Epistolam ad Episco-  
 pum Agriensem, quando interdiu ocij nihil  
 suppetit, dictaui ante lucem amanuensi meo.  
 eam te mitto. Signum tuum, cum legeris,  
 imprime. De gentilibus amici tui, negotium  
 dedi, & curabitur diligenter. Vale.

E I D E M, Patauium.

V I D E O te in iungendis amicitijs præclarum  
 artificem esse: uerum caue, ne quid alterutra  
 de parte promittas, quod præstari uix possit.  
 aut, si promittes, ipse ne spondeas; ne quando  
 præter opinionem cogaris dependere. de me  
 ipso loquor: quem tu si putas esse, qui non  
 sum; quod ad me attinet, facile patior: frua-  
 tur hoc amicitia nostra priuilegio, ut inter nos  
 omnia liceant: sed uereor, ne tua apud alios  
 prædicatio plus nobis imponat oneris, quam  
 susti-



PAULI MANVTII

sustinere possimus. Patricio tuo scripsi, multis districtus negociis: & eram animo conturbatior, accepto nuncio de fratris mei summa corporis, aliqua etiam mentis inualetudine. Gentiles familiaris tui latent adhuc: eruentur aliquando, si qui sunt: curat enim homo tum mei cupidus, tum ad hoc diligentiae genus uehementer aptus. De libris, putabam è silentio meo te conicere nihil esse: sed, quando appellas crebro, scies nondum neque ad Iuntas, neque ad alium quenquam peruenisse. tu uide, cui rem commiseris; & urge litteris, ut sine mora mittantur. Imago coloratur, designatione iam perfecta. ueritatem, nisi fallor, egregie simulatam dices. Vale.

E I D E M, Patauium.

A M O te, quòd uerecunde petis: sed istam posthac uerecundiam abiice, obsecro, si quid aliquando mecum ages. nescis, apud me quo loco sis, aut quo ego apud te esse cupiam: quod si nescis, aut etiam, si dubitas; iniuriam facis utrique nostrum. Scripsi ad Sophianum libenter equidem tua caussa, sed inuitus ea gratia, quòd laborantem, ut audio, graui morbo, uexari tuo studio nollem. Equidem discrucior, cum ita affectum audio probum iuuenem, mihi



hi amicissimum, græcarum litterarū scientia  
sine dubio singularem. sed, quia te fero in o-  
culis, idq; mehercule tuo merito, litteras ad  
eum conscripsi; quas in hunc fasciculum con-  
iectas cum legeris, si reddendas non putabis,  
conscindes. Ego nunc, si quid de me scire uis,  
iaceo, corpore satis afflictus ob capitis graue-  
dinem, sed erectus animo propter spem, atque  
adeo expectationem uitæ letioris. iam enim  
didici contemnere, quæ amabam antea: qua  
te quoque in sententia cupio esse. Saluta meo no-  
mine contubernales, & amicos tuos. Vale.

E I D E M, Patauium.

RESPONDEO serius litteris tuis, impeditus fe-  
bricula, robustioribus haud ualde metuenda;  
sed in hac nostra corporis imbecillitate etiam  
ea, quæ mediocria sunt, nō mediocriter timen-  
da. Locum uidebis in epistola ad Patricium,  
ubi ea, quæ mones, interposui: de quo quid  
sentias, aueo scire. Gratias tibi agerem de  
ista uoluntate: sed hoc plane respuit amicitia  
nostra; nec tuum erga me officium assequi un-  
quam possit oratio mea. meriti enim loco sem-  
per apud me fuit bene merendi cupiditas, e-  
tiam si res, quod sæpe solet accidere, nulla con-  
sequatur. Vale.

Eidem,



## E I D E M, Patauium.

Q V I D tibi ego præstare possum de ijs, qui for-  
tasse nulli sunt? quæsitū est per diligentem: nec  
tamen ullum omnino diligentia fructum tulit.  
fingere tibi eos ex argilla possumus, animare  
non possumus. quod si liceret, fieret, atque a-  
deo factum iam esset. nec enim mediocre tu-  
um esse studium intelligo: & ego, ut fatear  
quod res est, diligo istam in te bonitatem, qui  
de gentilibus amici tui, nulla tuorum commo-  
dorum spe proposita, humanitatem modo quā-  
dam secutus, tantopere labores. certe qui hono-  
ribus, aut diuitijs, aut opinione uirtutis emi-  
neant, nulli reperiuntur. quòd si quos obscu-  
ra conditio, aut fortunæ tegit humilitas: de ijs  
quærendum ne sit, uiderit amicus tuus: me si  
consulit, omittet. De pictura, lentum nego-  
cium: sed illud te non præterit, Pictoribus, at-  
que poetis Quidlibet audēdi semper fuit æqua  
potestas. ita facile mentiuntur uerbis, ut co-  
loribus fallere consueuerunt. hic, qui rem su-  
scipit, diu me promissis duxit, uarias neclendo  
causas, ut ei culpam largirer ignauie. nunc  
imbres accusat, quòd recentes colores minime  
patiantur exiccari. hoc puto uerum, illa non  
puto, concedo tamen, ut eo utar facili, &  
impetrem,



*impetrem, quæ duo simul à nobis exoptantur, festinationem cum diligentia. Vale. Venetijs.*

E I D E M, Patauium.

ITA mihi optata contingant, ut commentariolo tuo nihil unquam legi eruditius, nihil sanctius, aut ad retinendum Catholicae religionis cultum accommodatius. itaque, cum in ortu Solis legere cœpissem, absolui facile ante horam prandij, opera nunquam intermissa. ualde enim delectabar ordine, ualde etiam genere orationis tuæ. res uero ipsa ita me affecit, ut quasi semina quædam ueræ pietatis, quæ fructum profecto non mediocre aliquando ferent, in animo meo reliquisse uideatur. quod quanti esse apud me putas? quanti mehercule immensam auri uim non æstimo. quid enim cum æterna salute conferatur? quod si meis apud te precibus locum aliquem relinquit humanitas tua: rogo te etiam atque etiam, ut hoc genere scriptorum, quo quidem ad studium summi boni, perpetuæq; felicitatis mirifice excitor impertiri me quam sapissime uelis. quod si feceris; additum me tibi multis nominibus obstringes eo beneficio, cuius delere memoriam obliuio nulla possit. Quod me reuocas ad consuetudinem tuam: stimulum scilicet  
R      currenti.



PAULI MANVTII

currenti. sed, mihi crede, non plane totus abs te discessi; neque te mihi prorsus eripiunt, aut eripient unquam locorum interualla. absens tecum sum, tacitus loquor, & loquentem audio. sic lenitur imagine periucunda desiderium nostrum. quod cum ita sit; opera tamen studiose dabitur, mature ut excurram quò ire necesse est, si meam fidem tueri uolo, & quò tamen, quia disiungor à te, minime libenter eo. Vale. Venetijs.

E I D E M, Patauium.

CUM de tua ualetudine sollicitus essem, curam auxit filioli morbus, quo etiam nunc laborat, nec satis explorata salute. me quoque leuiter febricula tentauit, qua triduo sum, sine medicorum interuentu, temperata duntaxat uictus ratione, liberatus. Nunc expediendis negocijs operam do; ut, si amicus noster, bonarum artium patronus, summum illum dignitatis apicem attigerit, quamprimum possimus accurrere. sæpe enim & litteris, & presenti sermone, cupere se consultum rationibus meis, amantissime declarauit. mihi autem omnia sunt in eo, ut ocio litterato frui liceat, nulla rerum domesticarum cura interpellante. quod si assequimur; ualeat ambitio; uiuemus nobis,



bis, & Musis, & eo quidem animo, ut omnia referamus ad Deum, à quo uno felicitas uera pendet: quod idem tibi uideri, ex tuis litteris facile coniicio. Miro teneor desiderio ueniendi ad te: sed hanc facultatem multa eripiunt, presertim æger filius, quem tibi, & pro nostra amicitia, & pro noua coniunctione esse carissimum, plane mihi persuadeo. te quidem à morbo confirmatum si audiero, æquiore animo domestica patiar incommoda. itaque dabis hoc amoris nostro, quem tua uirtus peperit, alit humanitas, atque auget, ut nostra etiam caussa tuam ualeitudinem studiosissime cures. Vale. Venetijs.

## E I D E M, Patauium.

SILENTII mei causam ex ijs litteris, quas heri ad te scripsi, quas hodie mane puto tibi esse redditas, iam cognouisti. quod nisi ita declarassem; tamen mihi dubium non est, quin tu pro singulari tua sapientia, & humanitate de mea meorumq; ualetudine coniiceres. quid enim aliud me à scribendo abduceret? quo equidem nihil facio libentius: idq; tibi, si presenti fortasse non potui, absenti certe probabo. Tuum aduentum auide expecto: cuius mihi significatio tum eo nomine gratissima, quia te ui-

R 2 debo,



PAULI MANVTII

debo, tum eo gratior fuit, quod optime te ualere, etsi tu de eo nihil significes, facile tamen possum intelligere. quod si ita est, opto perpetuum esse: & quod opto, id etiam ut sperem, facit continentia tua; quam ego in uictu (plane loquor, ut sentio) ualde sum admiratus, & conor etiam imitari. Rerum Romanarum, Pontifice mortuo, conuersus orbis est. itaque, qui decesserant, omnes ad urbem redeunt. pecuniæ pro Mecenate illo, ut assertur ad nos, libentius, quàm pro ceteris, deponuntur: & ad eum denique, fore suspicor, ut omnium Cardinalium uoluntates inclinent. uir optimus est, egregie litteris excultus, ingenio miti, & quod caput est, cum factiones duæ dicantur esse, æquus in utranque. primum cõtendetur acerrime. quid mirum? Neque enim, ut ait poeta ille summus inter nostros, leuia, aut ludicra petuntur Præmia. et scis, omnes homines, quod maxime cupiunt, itidem facile adduci ut maxime sperent. ergo multis quasi aleam iacere, & fortunam placebit experiri. quid euenturum sit, & quid magis expediat, uni Deo patet. certe, nisi firmioribus, quàm antea, præsidij muniamur; prauarum opinionum incursum uinea Domini dissipabitur. quod te quoque & suspicari, quia prudentia excellis, & metuere uehementer, quia pietatem diligis, ali-



aliquando in nostris sermonibus cognoui.  
Vale. Venetijs.

E I D E M, Patauium.

CUM de tuo reditu ex tuis, amicorumq; litteris cognouissem; perfusus uoluptate sum prorsus incredibili. subuerebar enim, ne te patria tua, experta iam in magnis rebus & animi, et ingenii tui præstantiam, abesse diutius minime pateretur. etiam illud occurrebat, ne te iam satietas Italia cepisset. multa cogitabam, ut amor est, quæ cupiebam esse falsa, & fuisse ualde nunc letor, capio tamen hanc in iucunditate molestiam, quod ad te quamprimum accurrere non licet. nam, ut omittam de uxore, cui deesse non possum ægrotanti; confirmare studeo res domesticas, quæ uacillant satis absente me. cum enim, referre me totum ad litteras, quarum est mihi consuetudo iucundissima, plane deliberatum sit: prius hæc, quæ ad alendam familiam pertinent, ita constituam necesse est, ne quando me, quod antea sæpe contigit; de medio studiorum cursu reuocare possint. iam ego in meis consiliis, optime Duditi, ambitionem cœpi excludere. uideo res humanas sursum deorsum ferri, nunquam consistere; celeriter omnia fluere, & extinguï, præ-

R 3 ter



ter bonam famam, ad quam omnes peruenire cupiunt, sed ignoratione uiarum plerique aberrant. non enim in opibus, aut in magistratibus, Regum ue aulis uerum decus habitat. petendum aliunde est, à rectis cogitationibus, honestis laboribus, studio, & exercitatione uirtutis. hæc mihi in animo sunt: quæ si colam arbitrato meo, multa consequar. primum, ab iis negociis, quæ mihi negocium facessunt, uacabo prorsus: deinde, (ne me putes desidiæ caussa ocium cogitare) scribam aliquid quotidie; quo nihil soleo, ubi curarum expers animus est, facere libentius: denique, etiam posteris fructum fortasse aliquem pariet industria nostra. Quid relinques, dicet aliquis, liberis tuis? Non exiguum patrimonium, imitationem mei, & aliquam, ut spero, uirtutis hereditatem, eadem scilicet, quæ reliquit mihi pater meus. Non abundabunt. Nec id postulo, nec illi, si sapient, postulabunt. modica poscit, ut honeste, id est feliciter uiuatur, hominis natura: reliqua sunt instrumenta nequitiae. Cupio tibi, mi Duditi, qui ætatem tuam prudentia anteis, probari meum sensum: cupio meum iudicium tua sententia confirmari. quanquam quid expecto? index animi sermo est. porro in sermonibus quotidianis quid tu habes in ore, quid extollis, præter studia doctrinæ? quæ te uideo,



uideo, cum tecum loquor, uel cum tua scripta  
lego, tractasse diligenter. ueruntamen hoc ip-  
sum, quod habeo satis exploratum, mecum te  
sentire, si significabis, pergratum erit. Ego,  
nisi occupationibus premerer assiduis, quas  
animo potius, quam corporis uiribus sustineo,  
explerem te crebritate litterarum. uerum ne  
sic quidem, pro tuis in me officiis, patiar in hoc  
genere prorsus abs te requiri studium meum,  
Vale. Venetiis.

E I D E M, Patauium.

V O B I S C U M ut agatur, scire cupio, Pata-  
uii commorantibus. nos hic languemus, affli-  
cti caloribus perpetuis, quibus equidem graui-  
ores non memini. uxor mea nondum ex puerpe-  
rio conualuit: infans bellissime habet, & inci-  
pit iam blandientibus arridere. quid quæris?  
admodum scitus est: quodq; amare solemus in  
pueris, hilaritatis habet multum. De tuo ad-  
uentu, suadeo consilium mutes, neque te istinc,  
furente Canicula, æstu non ferendo, commo-  
ueas. faceres enim ualetudinis incommodo: ac,  
si ualetudo, studia tamen tua non ferrent. ue-  
rum hoc prudentiæ tuæ totum sit, in qua tibi  
neminem antepono. ego, pro mea in te singu-  
lari beneuolentia, non modo quid uellem, ue-

R 4 rum



P A V L I M A N V T I I

rum etiam quid sentirem, testatum esse nolui. Aristotelem cum Cicerone mitto, utrumque satis apte compactos ab artifice perito. uideo, quid agas. inanem eloquentiam contemnis; & indisertam philosophiam non amas: utranque uis coniungere, ut misceas, quod ait poeta Venusinus, utile dulci. quo minus me, eadem cogitantem, et recessum ocii causa quærentem, reprehendere debebis. Vale. Venetiis.

E I D E M, Patauium.

V A L D E probo industriam tuam, quam ad ornandum commentario aureolum Demetrii libellum *περί τῆς ἐπιεικείας* contulisti: sed antequam institutum absoluas, fore arbitror ut exeat is, quem Petrus Bargæus, qui Pisanum gymnasium politioris doctrinæ professione illustrat, ante aliquot menses, ut audio, confecit. itaque malim ad Diodorum latinitate donandum operam, studiumq; tuum conuertas: ne, quod aiunt, actum agas. nam Bargæo, quem tu fortasse non nosti, nec ingenio, nec doctrina, nec eloquentia quisquam præstat: quodq; paucis admodum contigit, tum oratoria, tum poetica laude pariter excellit. absit igitur omnis æmulatio ab iis, quos ego unice diligo, & à quibus unice item diligere me sentio.

Calores



Calores hic nihil remittunt: feruent omnia.  
 quòd nisi terræ, iam perustæ, uberrimis imbri-  
 bus cito malefiant; caritas multarum rerum,  
 & morborum uis ineunte autumno uidetur  
 impendere. Ego, ut anni tempus est, non in-  
 commode ualeo: negocia curo: ocium, & stu-  
 dia cogito. Kalendarium Romanum uetus,  
 cum opinione mea de ratione ueterum die-  
 rum, & necessaria litterarum interpretatio-  
 ne, sæpe iam à te rogatum, quia nec ipse ha-  
 bebam, nec reperire facillimum fuit, mitto se-  
 rius, acceptum à familiari meo, uiro probo,  
 & erudito, Rhaphaele Cyllenio, describes, &  
 remittes: quoniam, quæ sunt olim impressa  
 cum Sigonii fastis, nullum ex iis iam pridem ue-  
 nale superest. in hoc autem, ut aliquid à me  
 præcipuum haberes, itidem ut ego te præcipue  
 diligo, quædam uidebis immutata, nec, opi-  
 nor, improbabis. Vale. Venetiis.



# KALENDARIVM VETVS ROMANVM, E MARMORE DESCRIPTVM.

A. K. IAN. F	H. K. FEB. N
B F	A N
CC	B N
DC	C N
E NON. F	D NON
F F	E N
GC	F N
HC	G N
A AGON	H N
B EN	A N
CCAR. NP	B N
DC	C N
E EID. NP	D EID. NP
F EN DIES VITIOS.	E N
GCAR EX. S. C.	F LVPER. NP
HC	G EN
AC	H QVIR. NP
BC	AC
CC	BC
DC	CC
EC	D FERAL. F
FC	EC
GC	F TER. NP
HC	G REGI F. N
AC	HC
BC	A EN
CC	B EQ. NP
DC	CC
EF	XXIIX
FN	
GC	
XXXI	



VETV  
MORE

FEB. N

ON

D. NP

PER. N

IR. NP

RAL F

NP

GIF. N

NP

D. K. MAR. NP  
E F  
F C  
G C  
H C  
A NP HOC DIE CAESAR  
PONT. MAX. FACTVS  
B NON. F  
C F  
D C  
E C  
F C  
G C  
H N  
A EQ. NP  
B EID. NP  
C F  
D LIB. NP  
E C  
F QVIN. N  
G C  
H C  
A N  
B TVBIL. NP  
C Q. REX. C. F  
D C  
E C  
F NP HOC DIE CAESAR  
ALEXAND. RECEPIT  
G C  
H C  
A C  
B C  
XXXI

C. K. APR. N  
D C  
E C  
F C  
G NON. LVDI  
H NP LVDI  
A N LVDI  
B N LVDI  
C N LVDI  
D N LVDI  
E N CIRC.  
F N LVDI CERERI  
G EID. NP LVDI  
H N  
A FORD. NP LVDI  
B N LVDI  
C N LVDI  
D N LVDI  
E CER. N LVDI  
IN CIRCO  
F N  
G PAR. NP  
H N  
A VIN. NP VINA-  
LIA  
B C  
C ROB. N PROBI-  
GALIA  
D F  
E C  
F NP LVD. FLOR.  
G C LVDI  
H C LVDI  
XXX



A. K. MAI. N  
B F COMP.  
CC  
DC  
EC  
FC  
G NON N.  
H F  
A LEM. N  
B C  
C LEM. N  
D NP LVD. MART.  
IN CIRC.  
E LEM. N  
F C  
G EID. NP  
H F  
A C  
B C  
CC  
DC  
E AGON. NP  
F N  
G TVB. NP.  
H Q. REX. C. F  
A C  
B C  
CC  
DC  
EC  
F C  
G C  
XXXI

H. K. IVN. N  
A F MART. CAR.  
MONET.  
B C  
CC  
D NON.  
E N  
F N  
G N MENTI IN  
CAPIT.  
H VEST. NE. PR.  
VESTAE  
A N  
B MAT. N  
C N  
D EID. N  
E N  
F Q. ST. D. F  
G C  
H C  
A C  
B C  
CC  
DC  
EC  
F C  
G C  
H C  
A C  
B C  
CC  
DF  
EC  
XXX



F. K. IVL. N	E. K. AVG. N
GN	F C FER. HOC DIE
HN	C. CAESAR HISP.
ANP	GC VICIT
B POPLIF. N	HC
CN LVDI APOLLIN	ANON. F
D NON. N LVDI	BF
EN LVDI	CC
FN LVDI	DC
GC LVDI	E NP HOC DIE CAE-
HC LVDI	SAR HISPALIM
ANP LVDI	FC VIC.
BC LVDI IN CIRC.	GC
CC MERK.	HC
DEID. NP MERK.	A EID. NP
EF MERK.	BF
FC MERK.	CC
GC MERK.	DC
HLVCAR. NP. MERK.	E PORT. NP
AC LV D. VICT.	FC
CAESAR.	G VIN. F. P.
B LVCAR. LV DI	HC
CC	A CONS. NP
D NEPT. LV DI	B EN
EN LV DI	C VOLC. NP
F FVR. NP LV DI	DC
GC LV DI	E OPIC. NP
HC IN CIRC.	FC
AC IN CIRC.	G VOLT. NP
BC IN CIRC.	H NP H.D. ARA VICTO
CC IN CIRC.	RIAE IN CVRIA
DC	A F DEDIC. EST
XXXI	BF
	CC
	XXXI



D. K. SEPT. N	B. K. OCT. N
HOC DIE FER. NEP.	C F
E N	D C
F NP	E C
G C LVDI ROMANI	F C
H NON. F LVDI	G C
A F LVDI	H NON. F
B C LVDI	A F
C C LVDI	B C
D C LVDI	C C
E C LVDI	D MEDITR.
F C LVDI	E AVGVST. NP
G N LVDI	F FONT. NP
H EID. NP	G EN
A F. F. EQVOR. PROB.	H EID. NP
B N LVD. ROMAN.	A F
IN CIRC.	B C
C C IN CIRC.	C C
D C IN CIRC.	D ARM. NP
E C IN CIRC.	E C
F C IN CIRC.	F C
G C MERK.	G C
H C MERK.	H C
A C MERK.	A C
B NP MERK. D.	B C
C C AVGVSTI NATALIS	C C
LVD. CIR.	D C LVDI VICT.
D C	E C LVDI
E C	F C LVDI
F C	G C LVDI
G C	H C LVDI
H F	XXXI
A C	
XXX	



CT. N

N. F

DIF.  
GVST. N  
NT. NP

NP

M. NP

VDI VICT  
VDI  
VDI  
VDI  
VDI

A. K. NOVEM. N

B

C

D

E NON. F

F F LVDI

G C LVDI

H C LVDI

A C LVDI

B C LVDI

C C LVDI

D C LVDI

E EID. NP EPVL.  
INDICT.

F F

G C LVD. PLEB.  
IN CIRC.

H C IN CIRC.

A C IN CIRC.

B C MERK.

C C MERK.

D C MERK.

E C

F C

G C

H C

A C

B C

C C

D C

E F

F C

XXX

G. K. DEC. N

H

A

B

C NON. F 12

D

E C

F C

G C

H C

A AGON. NP

B EN

C EID. NP

D F

E CONS. NP

F C

G SAT. NP FERIAE  
SATVRN.

H C

A OPALI. NP

B C

C DIV. NP

D C

E LAR. NP

F C

G C

H C

A C

B C

C F

D F

E C

XXXI



PAULI MANVTII  
DE VETERVM DIERVM  
RATIONE.

**S**I DVO dierum in genera distribui annum oporteat, multifariam recte diuidetur, ut sic; annus constat ex diebus uel fastis, uel nefastis: aut sic; ex diebus uel fastis, uel profestis: aut sic; ex diebus uel senatorijs, uel non senatorijs: aut sic; ex diebus uel comitialibus, uel non comitialibus. harum enim quattuor diuisionum, si separatim singulae considerentur, totum annum quaelibet complectitur. nos autem, cum de diebus ea, quae scitu digna censuimus, quaeque ad Romanae historiae notitiam ualde pertinent, breuiter ostendere instituerimus; ex his diuisionibus utemur ea, in qua quae maior pars est, (duas enim partes habent singulae) ea cum ea parte, quae in aliis diuisionibus item maior est, comparata, uberior aliquanto esse cognoscitur. incipiemus igitur à nominatis in prima diuisione, fastis, & nefastis: quandoquidem fasti, quae duarum primae diuisionis partium plenior est, plures in anno sunt, quam quaecunque pars in tribus reliquis diuisionibus latius patet, hoc est, quam uel profesti, uel non senatorij, uel non comitiales. quòd si quis opponat, in Kalendario plures notatos esse dies littera C, quam littera F; unde



unde plures significatur dies comitiales, quàm fasti: itaque non recte me à fastis, ut à plenior parte, exordiri: sciat non à me fastos modo uocari, quos notatos littera F uidemus, sed omnes plane, quibus fari tria uerba, do dico, addico, pratori licebat: quorum è numero comitiales erant, & ij, quos in Kalendario hæ litteræ demonstrant, E N. NP. Q. REX. C. Q. ST. D. F. P. quibus omnibus cum fari liceret; etiam si non id semper fieret; quæ de caussa notati sunt alijs litteris potius, quàm F; ut indicetur, præter fari, aliquid etiam fieri licuisse: non absurde mihi facere uideor, si ad fastos littera F notatos, qui quidem uere fasti dici possunt, quòd ijs aliud prorsus nihil fiebat, quò prator à iure dicendo impeditur, eos quoque dies aggrego, quibus, fari, semper quidem licebat, non tamen, quod liceret, fieri semper solebat. ut omnino tria essent genera, quibus de singulis agetur suo loco; primum fasti ij, quibus fari semper & liceret, & soleret; qui notantur littera F, suntq; omnes XXXVIII. hi & proprie erant fasti, & toti: proprie, quòd per eos, nisi cum aliquis casus extra ordinem interueniret, nunquam prator ius non dicebat; toti, quòd, fari, horis omnibus liceret. Alterum genus fuit, fasti ij, qui & ipsi proprie fasti erant, sed non

S      toti;



PAULI MANVTII

toti; quòd ijs quidem omnibus fari, non tamen  
horis omnibus liceret. erant autem hi, EN.  
NP. F. P. EN. Q. REX. C. Q. ST. D. quas lit-  
teras infra exponemus. atque hi erant om-  
nes LXV. Tertium genus comitiales fuere, ca-  
su fasti, non proprie: quia, cum comitia non  
haberentur, tunc fari solum prætor solebat.  
hi modo toti erant fasti, cum nulla scilicet co-  
mitia haberentur; modo ex parte, cum habe-  
rentur illa quidem, sed minime per totum  
diem. hi CLXXXIV. erant. nos fastos om-  
nes uocamus, quibuscunque fari liceret, siue  
fasti proprie, siue non proprie essent: itaque ab  
his profecti, paulatim progrediemur diuiden-  
do, ut, qui nobis propositus est huius narra-  
tionis finis, eò perueniamus. Omnes igitur  
dies aut fasti sunt, aut nefasti: et fasti, partim  
festi, partim profesti. Festos plerosque par-  
tim fastos, partim nefastos fuisse, ut Qui-  
rinalia, Lupercalia, Terminalia, ex Kalen-  
dario cognoscitur. quibus enim festis diebus  
adscriptum est NP, ij sunt nefasti simul & fa-  
sti, nefasti priore parte, fasti posteriore. dies  
Feralia adscriptam habet F. qui festus pro-  
prie non fuit, sed gestandæ ad mortuos cenæ  
dicatus dies. quod quia non hora stata fiebat,  
sed ut cuique commodum erat; ideo totus dies  
potuit esse fastus. propterea, ut opinor, littera

F no-



F notabatur. Festis porro diebus non dubito  
 quin omnibus haberi senatū licuerit. cuius rei  
 exempla sunt in antiquorum libris admodum  
 multa. quanquam sollemne hoc non erat; ut  
 semper diebus festis senatus haberetur; sed le-  
 gitimum, ut haberi posset. sollemne autem il-  
 lud, ac statum ex more maiorum, ut kalen-  
 dis, nonis, idibus haberetur. itaque in Kalen-  
 dario neque kalendis, neque nonis, neque idi-  
 bus littera C, quæ comitiales dies significabat,  
 per quos haberi senatus non poterat, neque  
 diebus omnino ullis festis adhæret. Profesti  
 dies aut fasti erant, aut nefasti. & omnibus  
 profestis nefastis haberi senatum licebat; pro-  
 festis autem fastis non plane omnibus, sed ijs  
 tantum, qui comitiales non essent. quibus  
 autem profestis haberi senatus poterat, iis o-  
 mnino agi cum populo nō poterat. contra, qui-  
 bus profestis haberi senatum non licebat, iis  
 agi quidem cum populo licebat, nec tamen sem-  
 per agebatur: cum ea res ex eorum uoluntate  
 penderet, penes quos populi cogendi potestas  
 esset. non enim, quod licet, id etiam necesse  
 est. Quod autem dixi, comitialibus haberi  
 senatum non licuisse; declarant illa uerba in  
 epistola Ciceronis ad fratrem, quæ tertia est  
 lib. II. Consecuti sunt dies comitiales, per  
 quos senatus haberi non poterat. & illa in



S.C. quod Cælius ad Ciceronem misit, ep. fam. lib. VIII. Vtiq; eius rei causa per dies comitiales senatum haberent, S. Q. C. facerent. quibus uerbis, quod extra ordinem à senatu eo S.C. decretum est, id omnino fieri solitum non esse, dilucide constat. ita senatus fastis quibusdam haberi poterat, quibusdam non poterat: siquidem comitiales inter fastos iam retulimus. nefastis autem haberi omnibus potuisse, iam diximus. Sane, qui me torqueat, nodus est, mihi quidem perdifficilis, in epistola ad Atticum lib. I. in qua, cum dixisset iam, Nam cum dies uenisset rogationi ex S.C. ferendæ; paucis post uersibus subiunxit, Senatus uocatur. quod certe mos maiorum minus ferre uidebatur. nam si rogationi ferendæ dies est, certe comitalis est: quod si comitalis; haberi senatum prorsus non licet: cuius rei testimonio sunt ea, quæ paulo ante recitauimus & ex epistola ad fratrem uerba Ciceronis, & è S.C. nisi si factum id extra ordinem dicamus; ut Pisonis consulis iniquissimis conatibus obuiam iretur: qui cum esset lator rogationis, & eius rogationis, quam ex S.C. & de religione ferebat; idem tamen erat dissuasor. Comitiorum magnus erat numerus: eosq; fuisse dies fastos, quod supra dixi, ita existimo, ut mihi uidear affirmare posse. nō enim inani quadam coniectura

ra



ra, sed certa in primis, ut puto, ratione com-  
 moueor. uideo enim in orationibus Ciceronis,  
 in Pisonem, de prouincijs consularibus, pro  
 Sextio, mentionem fieri ea de lege, qua P.  
 Clodius tribunus pl. sanxit, ut omnibus die-  
 bus fastis agi cum populo liceret. quo sit aper-  
 tum, fastis quibusdam non id licuisse, quod,  
 ut omnibus liceret, lege Clodia sancitum est.  
 quam tamen legem non fuisse obseruatam, de-  
 monstratum est à nobis in libro de legibus Ro-  
 manis. Nec uero mirari satis possum; cum,  
 fastos aliquot fuisse comitiales, pateat; qui ue-  
 nerit in mentem Macrobio, fastis, dicere, lege  
 agi licuisse, cum populo non licuisse; comitia-  
 libus autem utrunque licuisse. quorum alte-  
 rum uere dictum constat, comitialibus, in-  
 quam, & lege agi, & cum populo licuisse:  
 quia scilicet comitiales erant de numero fasto-  
 rum: itaque & illud, omnium fastorum com-  
 mune, habebant, ut lege agi posset; & hoc  
 præterea proprium, ut etiam cum populo pos-  
 set: alterum autem, de fastis diebus, quibus  
 ait lege agi licuisse, cum populo non licuisse,  
 in prima parte uerum esse uideo; in secunda  
 qui possit non esse falsum, haud facile reperio.  
 qui enim fastis agi cum populo non licet, cum  
 comitiales omnes fasti sint, & , comitialibus  
 agi licuisse cum populo, iam ostenderim? di-



xisset hoc modo: Fastis omnibus lege agi licet, cum populo non omnibus licet: nihil erat, quod reprehenderes: siquidem, quod docuimus, quibusdam fastis agi cum populo poterat, quibusdam non poterat: quibus poterat, eos si quis fastos, aut fastos comitiales diceret, non erraret; cum dies fuerit nullum comitialis, quin idem & fastus: sed comitiales potius, quàm fasti, ut à reliquis fastis proprio nomine distinguerentur; & comitiales item potius, quàm fasti comitiales, breuitatis causa vocabantur. Verum quia libenter, quantum in me est, antiquitatem soleo tueri; Macrobius, à quo multa didici, quasi gratiæ referendæ loco ita conor excusare: ut, cum fastos nominauit, de ijs tantum intellexerit, qui fasti uulgo dicebantur, non etiam de ijs, qui etsi fasti ipsi quoque erant, comitiales tamen appellabantur. spectauit igitur non uerbi uim, quæ dies omnes, quibus prætor tria uerba fari posset, siue comitiales essent, siue non, completitur; sed consuetudinem loquendi; quòd fastos nominabant eos, quibus tantum lege agi posset; cum eos, quibus cum populo posset, comitiales præcipuo uocabulo mallent appellare. Quæritur hic fortasse: cū comitiales omnes essent fasti; ijsq; & cum populo, & lege agi posset; cum populo, quia comitiales; lege,



ge, quia fasti; fieret ne simul utrunque. Negatur. nam etsi licebat utrunque eodem die, non tamen utrunque poterat eodem tempore. cum enim populus in forum conuenisset; quid iudicibus, aut litigantibus loci relinqueretur? porro, si uacaret locus, qui tamen posset prætor, aut iudices, in tanto strepitu, quantus coactæ in unum locum multitudinis solet esse, eorum, qui causas agerent, orationes attentis auribus, animisq; ut par est, excipere? sedata mente diligenter aliquid considerantibus opus est. itaque absurdum est credere, potuisse eodem tempore & cum populo agi, & iudicijs operam dari: sicuti fastis ijs, qui comitiales non erant, eodem quidem die, non tamen eodem tempore, & lege actum, & senatum esse habitum inuenio, sic, ut lege ageretur primum, deinde senatus haberetur. quod cum ex alijs locis, tum ex IIII. & XII. epistola libri II. ad Quintum fratrem intelligitur.

Ergo, cum omnes comitiales essent fasti, non quia semper lege ageretur, sed quia semper liceret, si modo cum populo non ageretur; (nec enim utrunque simul fieri, iam diximus) ita concludemus: fastos, littera F in Kalendario notatos, iurisdictionem omnes habuisse; fastis, littera C. notatis, & ius dici, & agi cum populo eodem die, non eodem tamen tempore,

S 4 potuisse:



potuisse: ideoq; fastos eos quoque fuisse dico,  
non ex eo, quod fieret, sed ex eo, quod liceret.  
Hæc de fastis. Supersunt nefasti. His omnino  
neque lege agi, neque cum populo licebat. cum  
enim opponantur fastis, quorum è numero sunt  
comitiales; eo iure, quod omnes fasti, siue co-  
mitiales, siue non comitiales, habent, prorsus  
careant necesse est. licebat tamen per eos &  
caussas agi, & concionem haberi, & legem  
promulgari. nam neque, caussas agi, est lege  
agi: neque, concionem haberi, aut legem pro-  
mulgari, est cum populo agi. quæ probare sin-  
gula, magni negocij non est. Agitur lege,  
cum prætor tria uerba fatur, Do, dico, addi-  
co: qui est ultimus iudicij dies: cum uero caus-  
sis audiendis prætor operam dat, lege tunc  
non agitur. quare fastos esse necesse non est om-  
nes dies, quibus aut pro reo, aut contra reum  
dicitur: sed, fastum eum esse unum, satis est,  
quo prætor, aut qui iudicio præest, cum consi-  
lio iudicum sententiam ferre debet. itaque in  
epistola III. libri II. ad Quintum fratrem,  
Ad III. idus, inquit, dixi pro Bestia de ambi-  
tu, apud prætorem Cn. Domitium. 'quem ta-  
men diem (est autem III. idus Februarij)  
fastum non fuisse, Kalendarium indicat: nota-  
tur enim, ut nefastus, littera N. nec omnino  
de octo diebus, qui ab idibus appellantur,  
mense



menſe Februario faſtus ullus fuit. quod ideo  
 placuit admoneri, ne quis argueret, uerba ue-  
 rerum à me, quorundam exemplo, falſa re-  
 citari: quoniam quidem in ea, quam nomina-  
 ui, ad fratrem epiftola, non, Ad III. idus,  
 ſed, Ad IIII. in omnibus legitur & impres-  
 ſis, & manuſcriptis libris. nam, ſiue IIII.  
 ſiue III. legas; utrunque diem, & plane, ut  
 dixi, omnes idus Februarij inter nefaſtos fuiſ-  
 ſe, appoſita littera N ſignificat, ultimo tamen  
 die, hoc eſt idibus ipsis, excepto: qui nefaſtus  
 priore, faſtus poſteriore parte fuit: notatur  
 enim ſic, NP. Conciones ad populum illæ qui-  
 dem, nec tamen comitali tantum die, ſed et  
 faſto, qui comitalis non eſſet, & nefaſto pari-  
 ter habebantur. nolo enim quenquam in eo  
 falli, quia fortasſe, agi ad populum, & agi  
 cum populo, idem eſſe uideatur: quæ diuer-  
 ſa ſunt. nam agebatur ad populum, cum ad  
 populum concionem aliquis habebat: ageba-  
 tur autem cum populo, cum populus aliquam  
 rem, à tribuno pl. alio ue magiſtratu latam,  
 ſuis ſuffragijs uel iubebat, uel antiquabat.  
 quod fieri comitali duntaxat die licebat. con-  
 cionari autem omnibus æque diebus licuiſſe,  
 exempla demonſtrant. itaque, quoties ali-  
 quod S. C. erat factum, dimiſſo ſenatu, &  
 S. C. ad populum recitato, magiſtratus aliquis,  
 aut



aut etiam priuatus senator, concione ei à magistratu data, ad populum uerba faciebat. nec tamen is erat dies comitialis. nam comitialibus fieri S. C. aut omnino senatum haberi non potuisse, demonstratum est. quo die igitur agi cum populo, eodem agi apud populum licebat: quo autem agi apud populum, eodem agi cum populo, non semper licebat. exempla sibi quisque notet in legendo: quod facillimum est: sunt enim infinita: utaque puto me facere non inepte, quòd ijs recitandis, quæ passim extant, conterendum mihi esse tempus non existimem. Superest de lege promulganda. id enim de tribus, quæ proposuimus, erat tertium. Ferendæ legis, & promulgandæ non eadem ratio fuit. ferebatur die tantum comitali, promulgabatur etiam non comitali, siue fastus, siue nefastus, esset. itaque C. Cato tribunus pl. rogationem de abrogando Lentulo imperio, die non comitali promulgauit. cum enim & post IIII. nonas Februarij, & ante VIII. idus eiusdem mensis promulgauerit; quod ex epistola III. libri II. ad fratrem colligitur: comitali die promulgare non potuit, ac ne fasto quidem. primi enim duodecim Februarij dies nefasti omnes fuerunt. Haberi autem senatum per nefastos omnes licebat: nec per omnes tamen, sed tantum, cum res postu-



postularet, habebatur, eorum magistratu-  
um, quibus id iuris erat, arbitrato. ita sena-  
tus in hoc præstare populo uidebatur: quod agi  
cum populo per unum modo dierum genus,  
hoc est per comitiales, quæ fastorum pars erat,  
haberi autem senatum per duo genera, hoc est  
et per fastos eos, qui comitiales non essent,  
et per nefastos omnes licebat. Erant præterea  
dies aliquot promiscui, qui neque fasti, neque  
nefasti poterant appellari, cum lege agi per  
eos totos neque omnino liceret, neque omnino  
non liceret; sed partim fasti essent, partim ne-  
fasti. horum tria erant genera. alij, prima et  
postrema diei parte, nefasti, media fasti: qui  
dicebantur intercisi, et in Kalendario his dua-  
bus litteris notantur, EN: quod est, Endoter-  
cisi, pro intercisi. ueteres enim endo pro in usur-  
pabant. itaque dixit Cicero lib. II. de legibus:  
Quos endo cælum merita uocauerint. Et Fe-  
stus notat, Endoitium, pro initium. Varro  
autem lib. III. de re rust. Endo suam domum.  
Alij priore parte nefasti, posteriore fasti: qui  
notantur ipsi quoque duabus litteris, NP, sed  
coniunctis, hoc modo NP: quod ualet, Nefa-  
stus primo. cuiusmodi fuisse dies fere omnes fe-  
stos, inspecto Kalendario, cognoscitur. Non nul-  
li. priore parte fasti, posteriore nefasti: qui  
notantur sic, F.P. quod, Fastus primo, signi-  
ficat.



ficat . quo ex genere uidemus in Kalendario  
 Vinalia fuisse . Dies eos , qui priore parte aut  
 fasti erant , aut nefasti , de ueteribus , quod me  
 minerim , nemo nominat . de fastis autem me-  
 dia diei parte , hoc est de intercisis , Varro sic  
 libro v de lingua latina : Intercisi dies sunt ,  
 per quos mane & uesperis est nefas , medio tem-  
 pore , inter hostiam casam , & exta porrecta ,  
 fas : à quo , quòd fas tum intercedit , intercisi  
 dies ; aut , quòd intercisum nefas . Patet iam ,  
 his litteris , quæ sunt in Kalendario , F . N . C .  
 F . P . NP , EN , sex dierum genera significari , fa-  
 stos , nefastos , comitiales , fastos primo , nefa-  
 stos primo , intercisos . Quòd si cui ueniat in  
 mentem , hac duarum litterarum connexionem ,  
 NP , non significari , quod nos diximus , nefa-  
 stus primo , sed potius , nefas pratori : huius  
 opinionem argumentum primo , è coniectura ,  
 uel ex ipsa potius , ut ego sentio , ratione du-  
 ctum , deinde etiam historie ueteris infirmat  
 auctoritas . argumentum est hoc . Nemo , cui  
 pauciora sufficiunt , pluribus utitur . quid o-  
 pus erat , ut ij dies , quibus adscriptum uide-  
 mus NP , nefasti esse indicarentur , duas po-  
 tius litteras , quàm unam , apponere ? cur NP ,  
 inquam , non N ? presertim cum nefasti dies o-  
 mnes ita notentur , N : sicuti & fasti , eorum  
 quasi aduersarii , una littera , F , demonst-  
 rantur .



tur. Age dicat aliquis, leue hoc esse, planeq;  
 nugatorium argumentum. quod sane mihi ui-  
 detur contra. quid Ciceroni respondebitur?  
 mendacij ne, & falsitatis, quasi testem corru-  
 ptum, aut inscientem, arguamus? non ita, ut  
 opinor, quisquam desipiet. Sunt igitur hæc in  
 epistola, R. 11, Ciceronis uerba, libro 11, ad  
 fratrem. Cognosce nunc idus. Decimus erat  
 Cælio dies. Domitius ad numerum iudices nō  
 habuit. Quibus uerbis cum, idus Februarii,  
 de quibus Cicero loquitur, fastum ex parte diē  
 fuisse, satis constet: quandoquidem eo die præ-  
 tor Domitius, ut de reo cognosceret, senten-  
 tiamq; ferret, in forum descendit: sequitur,  
 ut NP, quod idibus omnium mensium, exce-  
 ptis Iunij, in Kalendario adscriptum uide-  
 mus, nefastus dies omnino significari non pos-  
 sit. Eodem in libro altera est epistola, quæ sic  
 incipit: Sextius noster absolutus est ad 11. idus  
 Mart. qui dies, si eo die Sextius absolutus  
 est, certe nefastus plane non fuit. fuit autem,  
 cum ei sit adiunctum NP, priore quidem par-  
 te nefastus, posteriore autem fastus: sicuti &  
 idus Februarij, de quibus proxime diximus, et  
 omnes dies, quibus in Kalendario NP apposi-  
 tum animaduertimus. Aggrediamur nunc,  
 quando dierum rationem, quæq; eos litteræ si-  
 gnificant, satis multis uerbis, atque etiam, ut  
 arbi-



PAULI MANVTII  
arbitramur, satis uere exposuimus, alias, quae  
in Kalendario sunt, litteras, aut concisas, eoq;  
obscuriores, dictiones interpretari: ut, quos  
antiquitas capit, eorum commodo pro nostra  
uirili parte consulamus.

KALENDARII ROMANI  
EXPLANATIO.

NON. nona. AGON. Agonalia. Ouidius.  
EN. endotercisus, pro intercisus. CAR. Car  
mentalia: quod sacra tñ, & feriae Carmentis.  
Varro. EID. idus. LUPER. Lupercalia:  
quod in Lupercali Luperci sacra faciunt. Varro.  
QUIR. Quirinalia: à Quirino; quod huic deo  
feriae. FERAL. Feralia: ab inferis, & se  
rendo, quod ferunt tum epulas ad sepulcrum,  
quibus ius ibi parentare. TER. Termi  
nalia: quod is dies anni extremus constitutus.  
duodecimus enim mensis fuit Februarius.  
REGIF. Regifugium. Ouidius. quanquam  
est inter Ouidium & Kalendarium de die Re  
gifugij controuersia. ille enim assignat ei Fe  
bruarij diem XXIII. in Kalendario autem ui  
deo ad XXIIII. esse appositum. nec sane, si  
modo Regifugij dies N fuit, uidetur esse potuis  
se die XXIII, hoc est Terminalibus; qui NP  
dies fuit. alioqui dies idem & NP & N fuisset.  
EQ.



EQ. Equiria. Varro, Festus, Ovidius.  
 LIB. Liberalia. Varro. QVIN. Quin-  
 quatrus. Varro. TVBIL. Tubilustrium:  
 quòd eo die in atrio sutorio sacrorum tubæ lu-  
 strantur. Varro. Q. REX. C. F. quando  
 rex comitiauit, fas. Varro, Festus. CIRC.  
 Circenses. FORD. Fordicidia: à fordīs bu-  
 bus. bos forda, quæ fert in uentre, quòd ea  
 die publice immolantur boues prægnautes in  
 curijs. complures à fordīs cædendis fordicidia  
 dicta. Varro. CER. Cerealia. Varro.  
 PAL. Palilia: à Pale: quòd feriæ ei deæ fi-  
 unt. Varro. VIN. Vinalia: à uino. Varro.  
 ROB. Robigalia: dicta ab Robigo, secun-  
 dum segetes. Varro. FLOR. Floralia.  
 Ovidius, Plinius. COM. Compitalia.  
 LEM. Lemuria. Varro, Ovidius. LVD.  
 MART. IN CIRC. Ludi Marti in Circo.  
 Ovidius. MART. CAR. MONET. Mar-  
 ti, Carnæ Deæ, Monetæ Iunoni. Macrobius,  
 Ovidius. IN CAPIT. In Capitolio.  
 VEST. NF. PR. Veste nefas Prætori.  
 MAT. Matri Matutæ. Ovidius. Q. ST.  
 D. Quando stercus defertur. Varro, Festus,  
 Ovidius. POPLIF. Poplifugium, pro po-  
 pulifudium. APOLLIN. Apollinares.  
 MERK. Merkatus. VICT. CAESAR.  
 Victoriæ Cæsaris. NEPT. Neptunalia.



PAULI MANVTII  
 FVR. *Furinalia*. FER. *Feralia*. HISP.  
*Hispaniam uicit*. PORT. *Portunalia*.  
 VIN. FP. *Vinalia*. fas Prætori. Varro, Pli-  
 nius. CONS. *Consualia*. Plutarchus.  
 VOLC. *Volcanalia*. Varro. OPIC. *Opi-*  
*consua*. Varro. VOLT. *Volturnalia*. Var-  
 ro. H. D. ARA VICTORIAE IN CV-  
 RIA DEDIC. EST. hoc die ara Victo-  
 riæ dedicata est. FER. NEP. *Feria Neptu-*  
*no*. F. EQVOR. PROB. *Feria equorum*  
*probandorum*. Valerius Max. lib. II. LVD.  
 CIR. *Ludi Circenses*, in Augusti die natali.  
 Suetonius, Dio. MEDIK. *Meditrinalia*,  
 à Meditrina dea. Varro. AVGVST. *Augu-*  
*stalia*. FONT. *Fontanalia*. Varro. ARM.  
*Armilustrum*. Varro. EPVL. INDICT.  
*Epulum indictum*. LVD. PLEB. IN  
 CIRC. *Ludi plebei in Circo*. Suetonius.  
 AGO. *Agonalia*. SAT. *Saturnalia*. Ma-  
 crobius. OPALI. *Opalia*. Varro, Macro-  
 bius. DIV. *Diualia*, Diui Iulij dies festus.  
 LAR. *Larentinalia*. Varro, Ovidius, Plu-  
 tarchus.

Andrea



## ANDREAE PATRICIO,

Patauium.

NAE tu rationem tui indicandi per commodam  
 inijsi. ego enim, non cuiates homines sint, qui-  
 bus ue terris ac regionibus profecti, sed quibus  
 moribus, quo ingenio, qua doctrina pradi,   
 soleo quære: & ut olim Annibal, qui ho-  
 stem feriret, Carthaginensem sibi fore dice-  
 bat; sic ego totum in una uirtute conslituo.  
 Epistola tua ita loquitur, ut nullam in te pa-  
 tiatur aut humanitatis, aut doctrinæ partem  
 desiderari. itaque ne te posthac Sarmatam po-  
 tius, quàm Romanum, dixeris. tametsi Sar-  
 matia iam ita feritatem, si qua olim fuit, &  
 quæcunque fuit, abiecit, ut ex transalpinis na-  
 tionibus nulla neque ad litteras, neque ad beni-  
 gnitatem, mutuaq; officia dicatur esse propen-  
 sior. Italia uero, in qua uigebant olim artes bo-  
 nae, in qua summis ornata præmijs eloquentia  
 primas aliquando partes obtinuit, ita ueterem  
 illam quasi formam uidetur amisisse, uix iam  
 ut agnoscat. simulacrum duntaxat aliquod  
 in libris relictum est; cuius excellentem pulchri-  
 tudinem animo intuentes admiramur, & stu-  
 demus imitari: præsentem effigiem oculis fru-  
 stra quærimus. Tu autem, doctissime Patrici,

T si



si qui nunc antiqua Italia digni reperiuntur,  
 qui quàm pauci sint, quaq; id accadat culpa,  
 non dubito quin intelligas, his te ut adiunge-  
 res, præstantiumq; uirorum numerum auge-  
 res, plane mihi, cum tua scripta lego, & cum  
 eos, qui tecum uiuunt, de te loquentes audio,  
 uideris esse consecutus. quo nomine tibi gratu-  
 lor plurimum, & patriæ tuæ, in quam refe-  
 res gloriam, omnibus thesauris, omnibusq; o-  
 mnium Regum triumphis præferendam. Ego  
 autem, cuius amicitiam in tuis litteris blanda  
 quadam mearum laudum commemoratione ui-  
 deris aucupari, cum tua merita, quæ ego sen-  
 tio esse maxima, modeſte nimis diſſimulas, &  
 extenuas, mea uero nimis liberaliter ampli-  
 cas, atque extollis, niſi te tam noſtri amantem  
 redamem, niſi multis ornatum uirtutibus om-  
 ni ſtudio colam, quis me ſit inhumanior? quis  
 iudicij magis, aut etiam rationis expers? equi-  
 dem, quid de te ſentiam, quantiſq; apud me ſis,  
 officijs conabor oſtendere: ſin, ut mea tenuitas  
 eſt, hoc præſtare non potero; tu tamen, ut ſpe-  
 ro, de mea uoluntate tibi perſuadebis id, quod  
 cupere uideris, te mihi eſſe, ac ſemper fore ca-  
 riſſimum. in quo proſeſto, niſi ego meam in a-  
 micitijs diligentiffime tuendis conſuetudinem  
 dediſcam, tua te nunquam ſallet opinio. Vale.

Eidem,



## E I D E M, Patauium.

O PRAECLARAM ὑπόθεσιν, nec uero tu-  
am humilem, aut obscuram orationem, sed ere-  
tam pijs affectibus, mirificeq; sententijs, ac  
uerbis illustratam. nunc demum te, Patrici,  
uere eum, qui diceris, agnosco, hoc est à plebe  
seiunctum, quæ libenter oculos ad terrena de-  
mittit, nihil altum, nihil homine dignum suspi-  
cit. nam certe reliqua studia nituntur opinione  
potius, quàm re, speciem quandam inanem,  
solidi nihil habent: hæc uero, quæ te uideo ar-  
dēte esse complexum, nec, puto, unquam dimit-  
tes, æternam non modo famam, sed salutem  
quoque pariunt. Agnosco in tuis institutis præ-  
claram consuetudinem, egregiaq; studia, nun-  
quam satis laudati, Cracouiensis Episcopi, An-  
dræ Zebridouij: cuius ex perpetuo multorum  
annorum conuictu, quotidianis sermonibus,  
consilijs, probitate, doctrina, quasi diuinis le-  
gibus, formasti animum tuum, atque excita-  
sti ad excellentem rerum æternarum cupidita-  
tem; ut facile constet, cum tua te ad uerum  
decus natura duceret, doctissimi tamen ac san-  
ctissimi uiri exemplo uehementer esse incitatū.  
Equidem, ut tibi uehementer gratulor, cuius  
omnis in amore Dei defixa cogitatio sit: ita,

T 2 cum



cum in eos intueor, qui, falsa rerum imagine  
 decepti, toto pectore contendunt ad ea compa-  
 randa, quæ sæpe molesta possidentibus, inter-  
 dum etiam perniciofa sunt; misereor, & inge-  
 misco. quòd utinam industriam aliquando me-  
 am, & si quod in me est, ingenium simili in  
 argumento liceat exercere. nam nunc quidem  
 uoluntas, optima spectans, & in quam debet  
 partem propensa, multis tamen impedita re-  
 bus languet. sed speremus. sic enim nihil diffi-  
 le, si consenserit Deus; ut nihil facile, si abnue-  
 rit. is porro, cum abesse putatur longius, &  
 destituisse nos in medijs calamitatibus, tum ad-  
 est proximus inscientibus, & ereptos ex miser-  
 rimo statu collocat in folio regum. Hæc ego sæ-  
 pe mecum solatij causa, quo sæpe indigeo: &  
 capio uoluptatem, quòd epistolæ quasi allocu-  
 tio tulit, ut eadem tecum. Remitto orationē.  
 lege amicis tuis, & quàm potes multis com-  
 munica; ut recte sentientes confirmentur; si  
 qui autem ab optima causa desciderunt, ad sa-  
 nitatem traducantur. Vale, & Andream  
 Duditium, contubernalem tuum, cuius inge-  
 nium, & doctrinam quotidie pluris facio, meo  
 nomine saluere iubeas.

Gilberto



GILBERTO COGNATO,  
Patanium,

AMO ueritatem, deinde me ipsum. illam spectare ante omnia soleo, mihi autem libenter quidem, quatenus tamen liceat, indulgere. itaque nec accipere debeo, quas in me laudes contulisti, nec, ut ingenue confitear, reijcere plane possum, nam bonis uiris, artiumq; liberalium scientia claris, equidem placere uelim, cum eo tamen, ut nolim quenquam nimis esse in mea laude liberalem. tu autem in tuis litteris ea mihi tribuis, quæ non modo si agnoscam, sed propemodum si optem, modeste parum agere mihi uidear. At Muretus ita sentit. Vtinam quidem: sed officium potius, quam sententiam, esse puto. quis enim me minus ignorat? qui, quàm diu Venetys fuit, uel mecum habitauerit, uel mea consuetudine frequenter admodum sit usus. nec is est, quem iudicium fallat, presertim in litteris, quas tractat assidue, nouit egregie: uerum ei facile persuadet humanitas, ut iudicium amicitiae largiatur. sed siue te Mureti oratio, tam honorificam de me opinionem ut susciperes, adduxit; siue mihi hoc abs te, ut tu scribis, mea studia, ut ego sentio, tua bonitas impetrat: persuade tibi, non exi-

T 3 guum



guum me statuere ornamētum in amicitia tua: cum & ipse possideas illas uirtutes, quarum fama beneuolentiam conciliat, nomenq; nostrū, ab interitu uindicatum, cum æternitate coniungit; & principum uirorum, doctrinaq; præstantium floreas amicitias; quodq; me non leuiter mouet, in Roterodami, eruditissimi hominis, ac de litteris optime meriti, contubernio per aliquot annos uixeris. ac uellem mihi parem uoluntati suppetere facultatem. fructum ferres haud mediocrem studij in me tui: obseruantia uero in te mea, quam tua uirtus peperit, satis esset illustris, ac minime dubia significatio. quod ipsum tamen, ut ut est, fortasse consequar. nam & studio nitar: & ad perficiendi spem plurimum quidem, uelle optima, solet afferre. Vale.

DIONYSIO LAMBINO,

Patauium.

NEQVE negare audeo tibi, homini eruditissimo, cuius ego plurimi semper amicitiam feci; neque, si pollicear, præstare possim id, quod à me petis. premor enim domesticis oneribus, & typographiæ cura, sic mehercule, uix ut sustineam. uacuae tantum ab opere mihi relinquuntur



quantur horæ uespertinae : sed eo tempore,  
tum defatigatus laboribus, ac fractus, quie-  
tem quæro, necessariam ; tum uero succedit ocu-  
lorum dolor, isq; ita grauis, ut non modo lege-  
re, aut commentari, sed nec domesticos audi-  
re sine magna molestia possim. ita nobis tra-  
ducitur dies, atque adeo noctis maior pene  
pars. non enim prius hac leuamur capitis gra-  
uedine, quàm Sol, medio iam Antipodum or-  
be decursò, incipit ad nos recurrere : & in ortu  
suo demum ualeitudinem mihi, alacritatemq;  
restituit. quòd si respirare aliquando licebit ; au-  
res tibi meæ patebunt, nō in horas modo, sed in-  
tegras etiā dies. quid enim mihi iucundius, quid  
etiā utilius, quàm tecum de litteris agere, tuaq;  
maxime tractare scripta ; de quibus quid exi-  
stimem, Muretus noster testis est. nam cum  
ad me, octauo, opinor, abhinc anno, in Iude-  
cæ suburbano habitantem, ignotum antea  
de facie, uoluntario adductus officio adijsses ;  
humanitatem simul & doctrinam tuam ea-  
dem hora perspexi. tunc ego te cœpi & dilige-  
re, & predicare : nec desinam utrunque fa-  
cere, quàm diuturna mihi dabitur usura uitæ :  
quandoquidem nec tu desines esse tui similis,  
id est, cum optimus uir, officioq; excellens,  
tum uero tantus in uirtute, quantum cum e-  
gregia natura singularis industria potuit effi-

T 4 cere.



cere. Interim peto à te, meis ut occupationibus ignoscas, & uoluntatem in te propensam, licet absit res, tamen ames. Vale.

P E T R O \*

Patauium.

N I H I L mihi pro mea in te beneuolentia, meoq; de te iudicio potuit accidere, quod minus uellem, aut quod minus opinarer, quàm id, quod proximis diebus audiui, cum diceret nescio quis, non te perinde, ut solebas, in optimarum artium cupiditate uersari, sed languere quotidie magis; adeoq; præclara illa principia, quæ, me quidem sæpe, & multum cohortante, ac monente, posueras, esse labefactata, nihil ut à te eximium, nihil, quod uulgare non sit, expediri posse uideatur. equidem neque plane credidi, quod à tua consuetudine tam ualde dissentiret: neque tamen plane non esse credendum id existi-  
maui, quod ut accidere possit, cum in ætatem tuam intueor, uerisimile mihi fit. quòd si contra, quàm ego cupio, factum est, ut paululum te à uirtute disiunxeris, & in dubia, ac perdifficili inuentutis uia quiddam offenderis; agnosce tuam culpam, & corrige, dum licet. non enim, quæ dies confirmauit, facile mutantur.



tantur. Et habes, qui te suo excitet ad uirtutem exemplo, æqualem tuum, exquisiti adolescentem ingenij, Antonium Lauretanum, Abbatem designatum; quem debes, cum nobilitate pares, nec naturæ, fortunæq; bonis dissimiles admodum sitis, æquare etiam, aut imitari saltem in studijs artium optimarum. Sin autem est, ut uolumus; & ista, quæ de te rumor dissipauit, inania sunt: noli laborare, quid alij loquantur; cogita, quid ipsa facias; et à te ipso pende. magna solet esse iucunditas, quæ manat ex optima conscientia. hac tu frue re, & perge, ut cœpisti, in studijs liberalium disciplinarum: quarum est cum possessio uitæ æqualis, tum fructus eiusmodi, ut etiam ad posteros pertineat. Vale.

ROMULO CERVINO,  
Patauium.

ITA N' ego tibi ex animo effluxi, ut unam tribus mensibus epistolam ad me dederis? occupatus, inquis, sum. quo in genere? nempe in litteris. num igitur tibi à litteris animum uideris abducere, cum epistolam texis? mihi quidem nunquam minus. quin hoc ipsum, quod ego nunc in te desidero, si contemnis; id est si ita legis, ut nunquam scribere animum inducas:

litteræ



litteræ iacebunt. quòd si me à principio rectissime monentē audire uoluisses; teq; si non quotidie, saltem alternis diebus scriptioni dedisses: *Dij immortales*, quos tu nunc fructus ederes, quàm præstantes, quàm uberes, quàm & te ipso dignos, et fratre tuo, in omni genere laudis excellentissimo? nunc quos progressus hac in re fecisti, non ego quidem illos, quasi tardioris ingenij, reprehendo, neque reprehendere quiquam potest: sed tamen illud, quod ego à te olim expectaui, maius aliquanto fuit, quàm hoc, quod tu nunc præstas. Neque uero id, quòd te iam pridem sumus hortati, & quòd breui esse peruenturum credidimus, eiusmodi est, ut facile quiuis posse consequi uideatur: sed cogita præclarum fere nihil esse, quod idem difficile non sit: & tamen difficultates omnes ea, quæ in præstantibus ingenijs facile existit, gloriæ cupiditas uincit. cuius rei noli exempla petere ab antiquitate: aspice fratrem tuū; qui, ut *Antimacho* poetæ *Plato*, sic tibi omnium instar esse potest. nunquid igitur illum existimas tantos labores aut suscepturum fuisse, aut, cum suscepisset, ferre potuisse, nisi ueræ laudis eum spes aliqua identidem quasi alluasset? quam quidem spem dum sequitur, uides quòd peruenerit. gradum tenet dignitatis, qui est à summo proximus: & de summo quid homines

mines augu  
de, iisdem  
ne agentibus  
ualitatem qua  
mnere; ne p  
eraris. hæc e  
t, quàm diu  
et bore, queq  
u auferant.  
sunt, ita debe  
ra semper aff  
que existimo  
in expectation  
i, summi uiri  
es, quod facile  
es, & quo cu  
nam urbem sci  
u domicilium  
nam non dubit  
na, quoniam  
nam ad me x  
repondi, non  
nam uellem,  
uellem; uereor  
e latina ling  
uq; ipse mil  
tentus excide  
a me iteren



homines augurentur, intelligis. Perge, mi Romule, iisdem itineribus ad decus. magna sunt bene agentibus præmia constituta. quam tu facultatem quando habes maximam, noli contemnere; ne paulo post, amissam, frustra queraris. hæc enim, quæ nunc habemus, quis scit, quàm diu simus habituri? uides, ut auolent horæ, quæq; nobis commoda præterlabentes auferant. Itaque opportunitates, dum adsunt, ita debemus, amplecti, quasi non eadem semper affuturæ sint. qua in sententia te quoque existimo esse, cupio quidem certe; ut cum expectationi de te concitata, tum fratris tui, summi uiri, laudibus aliquando respondeas. quod facile consequeris, si te ipse colliges, & quo consilio Patauium accefferis, quam urbem scis habitam semper esse doctrinæ domicilium, assidue cogitabis. & quamquam non dubito, quin memoria bona sis: tamen, quoniam hæc posterior epistola tua, quam ad me xv. kal. misisti, cui ego xiiii. respondi, non tam est luculenter scripta, quàm uellem, uel potius multo minus, quàm uellem; uereor, ne tibi illa, quæ ego tecum olim de latine linguæ obseruatione sum locutus, quæq; ipse mihi te esse facturum pollicitus es, penitus exciderint: quæ, si putas è re tua esse, ut à me iterentur; excurrere ad nos, & hoc quidem



PAULI MANVTII  
dem animo, ut, quàm diu Venetijs futurus  
es, (cupio autem, ut diutissime uelis) apud  
me diuerferis. Ac noli uereri, ne ego te Pa-  
tauium crudiolem remittam. non ita de no-  
stris hospitibus male meremur. Cenæ erunt,  
quæ te lautitia delectare, non quæ copia pos-  
sint offendere: quæ quidem in primis sermone  
bono, & perfamiliari condientur. quod tu  
quanti facias, ignoro: ego quidem huic iucun-  
ditati nullam antepono. Vale.

VINCENTIO GILIANO,  
Venetias.

QVAM multa non modo contra uoluntatem,  
uerum etiam præter opinionem homini con-  
tingunt. nunquam putauì fore, ut humani-  
tatem tuam requirerem. adeo mihi & multa,  
& perillustria studiij erga me tui dederas argu-  
menta. nunc, alijs me quotidie salutantibus,  
aut certe consolatorias in meo casu, opemq;  
pollicentes litteras mittentibus, ipse tamen  
neque scribis quidquam, neque mecum haben-  
di sermonis facultatem quæris. quod uiris no-  
bilissimis concessi, tibi, pro multis ingenij tui  
suauitatibus, proq; nostra non nuper institu-  
ta, sed iam inueterata necessitudine nunquam  
denegassẽ. Optauì, inquires, sed optanti pu-  
dor



dor obstitit. Agnosco modestiam tuam, nec  
mediocriter probo: ueruntamen decet aliqua  
ortam à uirtute amicitiam confidentia. Erant  
autem, cur me conuentum cuperes, causse  
minime uulgares; primum Iasonis mei de No  
res, uiri omnium, quos ego in uita nouerim,  
optimi, atque humanissimi, reditus in hanc  
urbem, deinde Dauidæ nostri, quem ego quanti  
faciam, & tu, & omnes pene iam norunt,  
ægroatio: quæ cum hesternò die cognouerim;  
cupio tamen certius abs te aliquid significari.  
uarie enim afficior, & amicissimi hominis ad  
uentu; cuius in consuetudine plurimam mihi  
statuo iucunditatem; & eius uiri morbo, cui  
debere omnia uideor, quia, quod in ipso fuit,  
operam dedit, ut me sibi non exiguo propinqui  
tatis uinculo in perpetuum obstringeret. ne  
que enim, licet mutuam utriusque uoluntatem  
frustrata fortuna sit, iccirco tantam in me be  
neuolentiæ significationē parui pendendam exi  
stimo. animus mihi pro re erit: meq; ille sui  
memorem beneficii (sic enim appellare de  
beo) aliquando sentiet. Hæc sunt, mi Vin  
centi, cur te uelim. accedit illud. Affines  
suos Cardinalis Carpensis, qui de studiis meis  
non pessime existimat, cupit elegantibus lit  
teris expoliri. opima conditio, nec minus hono  
rifica. itaque statim de te cogitavi; quem excu  
tum



tñ liberali doctrina, moribus emēdatis, comē,  
 & facilem in conuictu cognoui. nec tamen au-  
 deo sperare. urbis enim Venetæ tranquillitatē  
 nimis amas, & ocio libenter frueris erudito.  
 sed si à te non impetro; odorare saltem, & in-  
 daga, si quem eo loco dignum alicunde li-  
 cet eruere. inibit à Cardinali gratia non uul-  
 garis: de quo tibi hoc affirmo, patronum esse  
 bonarum artium his perditis temporibus pro-  
 pe singularem: qui si, ut augurantur pluri-  
 mi, ad illa summa peruenerit; redibunt, mi-  
 hi crede, aurea tempora, & debita litteris  
 præmia persoluentur. Vale.

FRANCISCO MORANDO,  
 Veronam.

ITA ualeam, itaq; tecum uiuam, quod utrun-  
 que pariter exopto, ut cydonite tua nihil ha-  
 ãtenus gustavi suauius, uersibus autem, quos  
 una misisti, nihil unquam legi purius, nihil  
 ornatius. quare gratiam habeo tibi quidem,  
 ut debeo, maximam, aliquam tamen etiam  
 imperito artificis superioris anni, cuius cul-  
 pam, de qua tecum eram questus, lucro meo  
 non mediocri tua compensauit humanitas.  
 quòd si artifex idem est, quemadmodum uer-  
 ba tua significant: non ab eius ingenio, sed ab  
 a more



amore in me tuo nouum genus artificij, noua  
 fluxit industria. itaque magnam ad officia er-  
 ga me tua quotidie fieri accessionem intelligo.  
 ex quo uoluptatem equidem capio tantam,  
 quantam eius, qui doctrina, ingenio, omni de-  
 nique laude libero homine digna excellat, per-  
 specta beneuolentia afferre maximam potest:  
 ueruntamē, quia me prorsus omnis in summa  
 remunerandi uoluntate facultas deficit, angor  
 non nunquam intimis sensibus, & iniucunde  
 uiuo. sed neque futurum despero, ut, quo in te  
 sum animo, re ipsa aliquando perspicias: &  
 si parum optatis meis, ut fere consuevit, for-  
 tuna responderit, memoria saltem, perpetuoq;  
 erga te studio, non officijs modo erga me tuis,  
 sed uirtutibus etiam eximijs debito, cumu-  
 late mihi satisfaciam. De tua ualetudine,  
 quæ mihi perinde ac mea curæ est, à patre  
 tuo, prudenti uiro, quæ cupiebam, fere cogno-  
 ui: de studijs ex te ipso, id est ex litteris tuis,  
 quarum elegantia mirifice delector, aliquid cu-  
 pio scire. Orationem in funere habitam doctis-  
 simi, ac nobilissimi hominis, Ludouici Noga-  
 role, cuius obitu non mediocriter dolui, au-  
 dio laudari. sunt etiam, qui tuam existi-  
 ment. quod libenter credo. sic enim faueo tuæ  
 gloriæ, ut fratribus fortasse tuis, præterea  
 quidem concedam nemini. Vale.

Læuino



LAEVINO TORRENTIO,  
Leodium.

P V T O tibi molestum iam esse silentium me-  
um: at mihi silentij caussa longe molestior.  
nam toto fere biennio neque corpori ualetu-  
do, nec animo quies contigit. ita, qui absentes  
amicos litteris saltem colere consueui, iucun-  
dissimam mihi consuetudinem intermittere, et  
in officij cursu languere sum coactus. quod si  
secus existimas; nec tibi mea fidem facit affir-  
matio: testes habeo studij erga te mei non e-  
quidem ualde locupletes, sed eos tamen, qui-  
bus tu libenter credas, probos uiros, commu-  
nes amicos: à quibus & quæsitum est aliquan-  
do, me mandante, de tuo statu; &, cum id,  
quod auebam maxime, cognouissem, esse  
te in oculis Leodiensi Episcopo optimo, ei-  
demq; Principi eximio, auctum esse commo-  
dis, ornatum dignitate; factum est, quod i-  
gnorare te arbitror, ut leuationem malorum  
meorū in tuis bonis nō mediocrem inuenerim.  
Atque equidem reuocare me ad institutū meū,  
et aliquid ad te scribere cogitabam, cum tuæ  
me litteræ oppresserunt, quibus commendas  
mihi modestissimos, & summæ spei adolescen-  
tes, Ioannis Cauchi filios, doctissimi & inge-  
niosissimi



niosissimi hominis, ut equidem sentio, tuo pri-  
 mum testimonio, deinde scriptis illius; quæ  
 qui legerit, nullius præterea testimonium re-  
 quirat. quo libentius operam meam filijs eius  
 & pollicitus sum, & detuli. qui cum ad me  
 adeunt, te simul intueor, & impellor magis  
 ad omnem humanitatem memoria tui: nec po-  
 test esse quidquam iucundius, quàm ut eorum  
 studijs, commodisq; seruiam: & si præsta-  
 bo aliquid, ita letabor, quasi beneficium ac-  
 ceperim in officio meo. Erat in ijsdem litteris  
 tacita quædam admonitio promissorum meo-  
 rum: quæ si non persoluo; mihi crede, tanti ui-  
 ri uirtute, tanti Principis dignitate deterreor.  
 nam, ut egregium aliquid conemur, consequi  
 tamen neque per ingenij nostri tenuitatem,  
 neque per fortunam licet. hanc excusationem  
 probari à te cupio, nec omnino despero: sin ur-  
 gere pergis, auctore te aggrediar, utcunque  
 cadat. potest enim fieri, ut, quemadmodum  
 multa, contra quàm speramus, item hoc for-  
 tasse, contra quàm timemus, eueniat. quòd  
 si quid offenderimus; primum, illud fore non  
 dubito, tua nos ut subleuet auctoritas; deinde,  
 te ipso culpæ socio feram leuius. hæc mihi cau-  
 tio placet, utinam tibi; sed, si mihi in amore re-  
 spondes, tibi quoque: de quo tuas litteras ex-  
 pecto. Vale. Venetijs.

V Laurentio



PAULI MANVTII  
LAURENTIO GAMBARAE,  
Patauium.

BASILII Zanchi, poetæ summi, hominisq;  
non uulgariter eruditi, miserabilis, & indi-  
gnissimus interitus hilaritatem mihi prorsus  
omnem eripuit. quem enim donare summis  
præmijs ob excellentem uirtutem, decorare  
honoribus ob singularem integritatem, atque  
innocentiam æquum fuit, eum tam ignomi-  
niose uexatum, tam acerbe, tam crudeliter  
extinctum, quis non ferat iniquissime? equi-  
dem, ut audiui, etiam dolore tuo maximopere  
dolui. nam & uixistis una semper coniunctissi-  
me, alter alteri egregie carus: et fuit uterque  
uestrum ad poeticam facultatem natura pro-  
pensus, ac mire factus, ingenio uero ita pares,  
ut, cum nemo tam bonus poeta sit, quin uobis  
primas in componendis uersibus partes tribu-  
at, quam confessionem etiam ab inuitis expri-  
mit poematum comparatio, uter tamen u-  
tri præstet, nondum satis iudicare quisquam  
possit. magnam igitur, planeq; fraternam in-  
ter uos tum ingeniorum similitudo, tum studio-  
rum communio beneuolentiam excitarat: nec  
dubito, quin te, licet humanæ conditionis mi-  
nime rudem, obitus eius ualde perturbarit,  
ani-



animumq; tuum ita deiecerit, ut extolli fortasse ad æquitatem neque celeriter, neque facile possit. quo grauius morte illius afficior: & ut omnia mente peruestigem, nullam tamen inire doloris alleuandi rationem queo. unica, opinor, illa consolatio superest, quam tibi quoque fore gratissimam scio, ut, si conuictu perpetuo priuamur, tamen inter nos ita crebro colloquamur, ut hanc mæroris acerbitem, qua pariter affligimur, quotidiana consuetudinis, mutuaq; beneuolentiæ suauitate leniamusq; quod ut quammatissime cōsequamur, tu pro tua, ego pro mea parte diligenter operam dabo. Vale. Venet ijs.

NICOLAO NATHANAELO,  
Venetias.

PERCVLERAT me grauius acerbis ille nuncius de naui à piratis abducta, qua uehebatur in Cretam exquisita, multorumq; nummorum bibliotheca parentis tui: cum ex eo casu iacturæ plurimum tulisse res & fortunas uestras intelligerem. nunc me prorsus ab eo mærore, quem mihi uestra calamitas attulerat, ad lætitiā incredibilem reuocarunt litteræ tuæ. scribis, enim erudiendi curā, adolescentis nobilissimi, Aloysii Mocenici, tibi esse de

V 2 manda-



mandatam. in quo sane, pro ea qua te sum com-  
 plexus beneuolentia, multis nominibus tibi  
 gratulor: primum, quod eum, qui facile pos-  
 sit illustrare disciplinam tuam, excellentis in-  
 genij adolescentem, mirifica, ut audio, uir-  
 tutis indole præditum, sapientiore etiam,  
 quam ætas ferat, nactus sis: deinde, quod ab  
 eius patre, Leonardo Mocenico, Equite clarissi-  
 mo, quo nullum in hac urbe uel prudentiæ, uel  
 liberalitatis, uel omnium denique uirtutum,  
 quæ nobilem uirum deceant, exemplum habe-  
 mus illustrius, fructum diligentia tue minime  
 uulgarem potes expectare: postremo, quod  
 in ea domo uiues, in qua omnia, uetere maio-  
 rum norma, ad honestum, & ad dignitatem  
 referuntur, quod præstantes & usi magnarum  
 rerum, & doctrina uiri quotidie confluunt, un-  
 de prudentiam, unde optime uiuendi rationem  
 petes. Persequi omnia, quæ tibi diuina beni-  
 gnitas obtulit, difficile est: sed mihi crede, quæ  
 tua caussa uelle, tuisq; fauere commodis non  
 ignoras, nihil isto munere ne fingi quidem à te  
 potuit aut fortunis tuis utilius, aut studijs ac-  
 commodatius. itaque, si me audies, omnia,  
 quæ frustra sepe expetuntur, bona in una  
 Leonardi Mocenici beneuolentia constitues:  
 cuius tibi comparandæ caue tempus amittas:  
 confer huc omnem industriam, ut eius filium,  
 tuæ



tuæ diligentia commissum, in quo pater tali fi-  
 lio iure fixit omnes curas, ita instituas, atque  
 excolas, ut eam laudem, ad quam natus præ-  
 cipue uidetur, adiuuante illius ingenium stu-  
 dio tuo, breui consequatur. habet autem hoc  
 uirtus, ut, à quibus illam accepimus, eos in  
 omni uita diligere cogamur: et est optandum,  
 ut ab ijs maxime diligamur, qui non opibus  
 modo ualeant, sed ad benignitatem etiam na-  
 tura propendeant, quæ si ulla in ciuitate, pro-  
 fecto in hac nostra, si in ulla familia, in ea po-  
 tissimum, & in eo uiro, cui tuam in re præ-  
 clara operam addixisti, summa esse cogno-  
 sces. Vide igitur, quid susceperis, cuius fami-  
 liæ gloriæ seruias, quid fides, quid existimatio  
 tua, quid honor etiam meus quodam modo  
 postulet: qui tibi sæpe, nec tamen gratiæ caus-  
 sa, sed adductus iudicio, testimonium imper-  
 tiui probitatis, & scientiæ non modo græcæ,  
 uerum etiam latinæ linguæ: quarum alteram  
 magistro patre tuo, Ioanne Nathanaelo, sa-  
 crarum litterarum peritia, uitæq; innocentia  
 cum antiqua illa Græcia, quam nunquā fama  
 deseret, conferendo, alteram non nihil fortasse  
 è sermonibus nostris, uerum è studio tuo, tuisq;  
 uigilijs maxime cognouisti. Hæc si tibi omnia,  
 ut spero, ante oculos pones; uinces te ipsum in  
 diligentia; operamq; dabis, ut in familia no-  
 bilissima,



PAULI MANUTII  
bilissima, cuius patrocinio nullum certius ad  
eas temporum procellas, quæ humanæ uitæ  
impendent, perfugium reperiēs, egregium  
uirtutis & industriæ tuæ monumentum relin-  
quas. Vale.

\*

FALSUS hic etiam de Rainutij Farnesii Car-  
dinalis obitu dissipatus rumor erat: quo sum-  
mauissime commotus. nam in illo uiro, qui se  
iam inde à puero ad exemplum aui sui, Pauli  
III. Pontificis omnium sapientissimi, to-  
tum finxit, non adumbrata, ut in multis, sed  
expressa signa uirtutis elucent: & nunc, ut au-  
dio, suas omnes in Christianæ pietatis cultu  
defixit. quo mihi erat, bonisq; omnibus acerbior  
illa fama, quæ, multorum sermone, de im-  
maturo, & inopinato illius interitu percrebue-  
rat. angebar etiam fratris eius, eximij uiri,  
Alexandri Cardinalis nomine: cui multis iam  
annis eam uiam ingressus, quæ ducit ad uerum  
decus, artiumq; optimarum studia suis opibus  
hac ætate præter ceteros fouenti, tantum eri-  
pi præsidium, tantum auferri domesticæ lau-  
dis, magnopere dolendum uidebatur. Gratu-  
lor igitur, illo incolumi, liberalibus disciplinis;  
gratulor omnibus, qui uirtutem, & probita-  
tem



tem prima ducunt ; præcipue uero tibi ; quem  
 & Alexandri Farnesii Cardinalis ualde studio  
 sum , & erga tui similes , hoc est erga eos , qui-  
 bus illa , unde manat honestum , sola placent ,  
 præclare animatum cognoui . refrixit iam , uel  
 plane extinctus euauit peruulgatus ille ru-  
 mor ; uiuit , & ualet , cui lacrymas tanquam  
 mortuo dedimus ; quem , si fieri posset , immor-  
 talem esse omnes cuperent . Te quoque bene  
 firmum esse , & ex illo ualetudinis incommodo  
 emeruisse , represso iam sanguine , qui tibi ex o-  
 culo dextro multus effluxerat , mirabiliter gau-  
 deo . de quo mihi cum narraret familiaris tuus ,  
 prima statim auditione sum percussus : po-  
 stea , cum idem reliqua persequeretur , animū  
 recepi , & ab omni metu , curaq; respiravi . hu-  
 ius morbi causam non dubito quin medici , quos  
 habes istic scientia instructissimos , usu peritissi-  
 mos , in studia conferant . quod si ita est : re-  
 moue , obsecro te , libros omnes ab oculis tuis .  
 nam , donec eos uideris , certo scio , quod mihi  
 sæpe contigit ægrotanti , temperare tibi non  
 poteris . Vale .

## E I D E M.

NARRO tibi ; iam non amo uerecundiam . cum  
 enim mihi potius nihil esset , quàm ut filium

V 4 meum



meum (libet enim de mare ominari) ad sacram baptismatis aquam susciperes: tamen, dum obsequor pudori meo, nec te, talem uirum, maximarum rerum occupatione distentum, appellare audeo, commisi imprudens, ut officij laudem praeipperes. in quo sane & peccasse me, & luere merito peccati poenam confiteor. quid enim mihi non permisit, quid iam elargita non est humanitas tua? quam à me alijs praeicatam ignorare ipse fortasse tibi sum uisus. ualde tamen recreor significatione amoris tui; & nostram amicitiam, quam studiorum similitudo peperit, hoc etiam affinitatis quasi uinculo astringi, uehementer letor. nam & res ipsa eiusmodi est, ut beneuolentiam utrinque augeat: & mihi, ad hominum opiniones, accidere speciosius, aut honorificentius nihil potest. totus igitur in aere tuo sum. ita de me meritus es, ita quotidie mereris. quòd si tibi pateret animus meus: profecto non locari pessime tuam gratiam intelligeres: quam si nò possumus remunerando, (nec enim aut fortuna tua patitur, aut uoluntas expectat) praedicando saltem illustrabimus. mihi certe ipsa memoria, perpetuoq; erga te studio satisfaciam. De reditu meo uerbum scilicet expectas: iam discedo. itaque per aliquot dies litterae cessabunt. Amanuenssem tuum amo plurimum. uideor enim



*enim mihi manum agnouisse optimi, atque honestissimi adolescentis, Francisci Secundi: cui de tua consuetudine etiam atque etiam gratulor. nam inuidiæ locum amor non relinquit. Vale. Venetijs.*

FRANCISCO SEVERO  
ARGENTENSI,  
Ferrariam.

*ET ME laudas in epistola tua, nec mediocriter quidem: & meam amicitiam, quæ tua humanitas est, ualde uideris expetere. Ego autem, etsi me delectat, ut ait ille, laudari à laudato uiro, tamen ea, quæ mihi tribuis, cum esse uerissima cupiam, non agnosco. dilexi equidem adolescens ueterem eloquentiam: nec uoluntatem ætas, studium occupatio, sæpe etiam ualido minuit: sed, excellere in re omnium, ut ego sentio, præstantissima, cuius negotij sit, cuius ingenij, non modo experiens ipse intelligo, uerum etiam ex inani multorum industria coniicio. non enim, qui seuerior in me ipso sim, nec mihi amicior, quàm ueritati, alijs blandiri gratiæ causa debeo. unum hoc in nobis fortasse iure laudes: si modo laude dignum est: equidem, quasi aliquid sit, interdum mihi gratulor. quod, & quales olim fuerint ij, quos*  
*in*



in oratione latina cupimus imitari, quibus ingenijs, qua doctrina, qua etiam exercitatione præditi, & quis ego sim, uel potius, qui hodie simus omnes, facile possum existimare. Quocirca, si uetera spectas, mutes licet sententiam de me tuam. floruit antiquitas eloquentiæ gloria: nos iacemus. sin hæc recentia tibi proponis: non omnino me, quantum in hoc studio profecerim, pœnitebit: nec tamen tibi assentiar, ut me omnibus latine scribendi facultate confitear antecellere. possum aliquid, uel etiam multa in alijs desiderare, neminem in hoc genere laudis eximium ducere: (est enim hæc fortasse non ingeniorum culpa, sed temporum) non ideo tamen sequitur, ut insolenter arripiam, & induam ipse, quæ alijs tanquam spolia detraxerim. ut in musicis, artem ipsam exercere, non facillimum est: artificem autem peritum ab inscio distinguere, tacito aurium sensu plerique omnes solent. item ego, quam legendis assidue, ac perattente hominum eloquentissimorum libris conceptam in animo recte scribendi formam intueor, eam exprimere, & assequi scribendo nunc quidem nullo modo possum, ac uereor etiam, ut unquam possim. uerum enim uero, quod à sapientibus uiris proditum legimus, nunquam male ponitur industria præstantibus in rebus. laudatur enim uel  
sinc

ere uolunta  
dia. et, si  
me, atque e  
laudas ad  
qui enim fa  
giam: et, q  
um scientia  
um esse conten  
quod epistol  
tore, non a  
is, quem pr  
quod indica  
ut audio, p  
complexus; p  
is, & ita tradi  
ualde sum m  
miam concin  
m facultatem  
nomine subue  
mandum na  
m libenter ex  
bis dissimule  
me sic incensi  
stiuende teci  
re nihil possum  
am ad amor  
uicius: ita te  
mangatur:



sine re uoluntas . qua ego interdum spe incitor  
 ad studia . et, si nihil aliud, tu me certe, Senere  
 optime, atque eruditissime, hoc ipso, quod tanto  
 pere laudas, ad laudem uehementer impelleres.  
 magni enim facere uideris Romani sermonis  
 elegatiam: et, quod tibi leue non est, eximiariū  
 artium scientia instructissimo, id à me nequa-  
 quam esse contemnendum intelligo. Accedit il-  
 lud, quod epistola tua ita loquitur orname, ut  
 à rhetore, non à medico, quem te esse profite-  
 ris, & quem præsulas egregie, scripta uidea-  
 tur. quod indicat ingenij tui præstantiam. cum  
 enim, ut audio, philosophiam sis uniuersam ani-  
 mo complexus; præcipue uero medicinam tra-  
 ctes, & ita tractes, ut cum paucissimis excel-  
 las: ualde sum miratus, unde istam latinæ ora-  
 tionis tam concinnam, tam uberem, tam illu-  
 stre faculatem sis consecutus. Quare, quo  
 tu nomine subuereri uisus es; ne ego tuam ad  
 me amandum ualde propensam uoluntatem pa-  
 rum libenter exciperem; cum eloquentiam tuā  
 uerbis dissimules, re ipsa ostendas: eo ipso no-  
 mine sic incensus sum studio tui, ut ad meam  
 instituendæ tecum amicitiae cupiditatem acce-  
 dere nihil possit. Quod autem negas esse quid-  
 quam ad amorem conciliandum amore ipso ef-  
 ficacius: ita tecum sentio, si uirtus cum amore  
 coniungatur: sin eum, qui diligit, nihil, præ-  
 ter



ter nudam uoluntatem, commendet, non prohibitas morum, non doctrina, non ars aliqua liberalior: ualde uidero. sed istuc quidem tua minime refert. quis enim te uel non amantem amare nolit, quem esse tam amabilem, litteris, humanitate, integritate, sentiat? sed uidelicet Socratice mecum agis: ironia te delectat: cum in eo ipso, quod tibi detrahis, tua te refellat oratio. Ego tuum erga me animum pari animo complector, & fouebo officijs, quantum in me erit: neque me patiar, cum reliqua apud te omnia superiora esse concedam, etiam humanitate uinci. Vale, & Ioanni Baptiste Pigno, homini in primis erudito, & ingenioso, cuius de imitatione poetica egregios libros audere expecto, salutem meis uerbis. Venetijs.

MARIO CORRADO,  
Brundisium.

MULTIS iam mensibus nihil ad te litterarum dedi: nec mihi tamen uenit in mentem subueneri, ne quam tibi nostra indignam amicitia suspicionem silentij mei diuturnitas attulerit. mihi quidem nihil scito esse iucundius epistolis tuis: quas cum lego, delector mirifice amore in me tuo, delector etiam ingenio, et scribendi elegantia, in qua tibi (non loquor εἰς πᾶσι & ὅμοιους) pau-



paucissimos comparo, antepono neminem. atque equidem, si per utriusque fortunam liceret, nihil malim, quàm assidue tecum esse, totosq; dies in tuo sermone consumere. quod tamē quin aliquando sit futurum, cum in tuas litteras intueor, imaginem animi tui non nullam ostendentes, prorsus non despero. Ego satis diu feriatis à studijs sum, inuitus, sed quis necessitati non pareat? nam quæ me causæ non modo libros, sed patriam quoque relinquere coegerint; aut habes fortasse iam cognitum, litteris edoctus familiarium tuorum, qui adire interdum ad me officiij causa solent; aut, si ignoras, quid ego tibi exponam, cui si quid à me accidat iniucundum, dupliciter angar, incommodo meo, molestia tua? Nunc id commentor, ut certam aliquando rationem ineam ocij constituendi, et uiuam humaniter: quod te quoque uideo cogitare, & si uolueris, assequere. Bonios fratres, tua prædicatione commotus, amo uehementer, & obseruo. qui si mihi, ut significas, aliquid tribuunt: est, quod gaudeam, placere me præstantibus uiris, quorum in iudicio, & beneuolentia ornamenti, & commodi mihi statuo plurimum. tu uelim, quod ad amorem, studiumq; attinet, de me illis omnia promittas: ego, quæ promiseris, præstabo. fructum etiam fortasse aliquem degustabunt studiorum nostrorum



PAULI MANVTII  
rum liceat modo esse ociosis; id quod agimus,  
& futurum speramus. Vale.

PETRO CELSO,  
Vicetiam.

VNA, eademq; manus uulnus, opemq; tulit.  
plane enim mihi uideor, quod de Achillis ha-  
sta in Telephi uulnere traditum est à poetis, idē  
ad tuas epistolas posse conuertere. affecerat me  
grauiter, nunc idem recreas, & abstergis om-  
nem molestiam incundissimis litteris, in quibus  
elucet humanitas tua, quam obscurauerat  
paululum animi tui subita commotio, indi-  
gna certe meis in te neque paucis, neque uul-  
garibus officijs, quorum testes apud me custo-  
diuntur litteræ tuæ. itaque rediisse te ad eam  
comitatem, quæ cum tua natura, & cum ijs  
studijs, in quibus totos dies eximia cum laude  
uersaris, magnopere congruit, ita lætor, ut  
nihil unquam senserim hac uoluptate incun-  
dius. quod si tibi meum ingenium aliquod men-  
suum consuetudine satis exploratum non est:  
non dubito, quin absens intelligas, & eo cer-  
nas illustrius, quo longiora nos terrarum in-  
terualla disiungent. non enim in te fortunam  
diligo, quam soleo contemnere, sed quia for-  
tunam tuam uirtute superas: contra quàm  
multi;



multi; quorum oculos auri, argentiq; splendor ita præstringit, ut pulchritudinem uirtutis intueri nullo pacto possint. quo equidem sensu, ac iudicio meo delector multo magis, quam Ciceroniana illa eloquentia, quam tu mihi, ioco fortasse, obiecisti: cum tamen, tibi quoque eam minime displicere, tuorum scriptorum elegantia significet. De discessu tuo, quanquam ad tuam uoluntatem accommodare consilia mea minime liceat, cupio tamen mihi tempus definiri. Vale.

SAMBUCO SVO,

Patauium.

NON mediocre amoris argumentum, quod de filiolo gratularis, & sperare te significas, ut patri etiam orationis latinæ facultate antecellat. quid? ergo ille tibi magnum uidebitur præstare, si opinione, & fama nos anteierit eloquentiæ? ego illi, qua primum hora editum in lucem uidi, bonam mentem precatus à Deo sum. hoc nobis debet esse antiquissimum; & hoc ei si contigerit, reliqua iure contemnet, aut, si uoluerit, facile consequetur. mea uero studia si imitabitur, quæ certe, quod fateri sine arrogantia possum, ad honestum referuntur: aditus ad laudem difficiles non habebit



bebit; quò mihi studiose contendenti fortuna  
semper nescio quo meo fato uiam interclusit.  
ueruntamen, mi Sambuce, cum tua, tuiq;  
similium fruar beneuolentia, quid desiderem?  
quid potest esse amicitia iucundius? quid etiam  
fructuosius? cum et amant inter se boni uiri; et  
est inter eos quasi certamen amoris, & officij.  
equidem, de te quid sentiā, si ad te ipsum scribā,  
certo scio, qui tuus pudor est, legeres inuitus. te-  
stem tibi do iudicij mei grauem adolescentem,  
( & adde, si quid uis: nihil enim tribues imme-  
renti) Andreā Duditium: quem cognoui  
tuis laudibus, me narrante, etiam atque e-  
tiam letari. quòd si tenerem artem eloquen-  
tiæ, sicuti tu in epistola tua, amore potius in  
me, quàm iudicio, effusus, existimas: sane co-  
loribus egregijs imaginem tuarum uirtutum  
exprimerem: uoluntatem uero illam, & præ-  
claros conatus ad augendas fortunas nostras,  
de quibus postridie, quàm à uobis discessi,  
quiddam in sermone Duditius significauit, me  
hercule sic ornarem, ut nihil esse posset illu-  
strius. de quo quia tam amanter cogitasti,  
gratias agerem; & ut perpetuo cogitares,  
atque ageres, cohortarer; si hoc humanitas  
tua, illud amicitia nostra pateretur. ut ut au-  
tem res ceciderit; ( à te enim principia sunt;  
exitum præstare non potes ) partes meæ non  
requirentur.



requirentur . prosequar enim uel beneficium  
laude , uel animum certe tuum memoria sem-  
piterna . Vale . Venetijs .

E I D E M , Patauium .

Ego uero , accepto nuncio de obitu filioli mei ,  
ita sum perturbatus , ut me tamen hominem  
esse meminerim , & illum in hanc uitam , tan-  
quam in hospitium , ita esse ingressum , ut acci-  
tu summi Dei , æternum illud cæleste domici-  
lium petiturus , aliquando discederet . quòd si  
me casus iste nec opinatus ita perculisset , ut o-  
mnino iacerem : excitarer tamen prudentia  
litterarum tuarum , in quibus de luctu minu-  
endo disputas egregie , tuamq; declaras tum  
homine Christiano dignam bonitatem , tum  
erga me beneuolentiam singularem . uerum  
ego , optime Sambuce , multis iam infortu-  
nijs hoc sum affecutus , ut fortunam ipsam di-  
dicerim contemnere : quæ mihi , ut eripiat re-  
liqua , nunquam adimet ea , quæ nec ipsa de-  
dit , nec dare cuiquam potest , rectam men-  
tem , optima studia , pietatem in Deum . Præ-  
clare actum opinor cum filio meo . fruitur con-  
spectu , & consuetudine cælestium animorum :  
non angitur curis : non spe ducitur : nihil ti-  
met aduersum . at nos , qui dicimur uiuere ,  
X quibus



quibus hac falsæ lucis usura nihil est carius, quàm multa exercent? quid laboramus, quid cupimus, quod etiam si contingat, animus acquiescat? itaque uere sapientes homines, non ut diu, sed ut recte, & cum uirtute uiuerent, optare soliti sunt. quod equidem conor, & ut spero, consequar. nihil enim magis cogito, nihil specto, quàm ut seruiam studijs meis, & ita uiuam, ut uitæ rationem Deo simul & hominibus aliquando possim reddere. Quare cum me uocas ad scribendum, confirmantur consilia mea iudicio tuo. ac tu quidem in hoc officio cohortandi facis idem, quod multi: quibus facile possem satisfacere, si per domestica negocia liceret. sed, obsecro, nolite ex ocio uestro meum spectare. uobis enim certa, & expedita sunt omnia: mihi unicum est uectigal industria mea: qua liberos alere, tueri familiam cogor. & si negligam, deseretur humanitas: sin, ut debeo, diligenter curem, iacere studia necesse est, quæ solutum curis omnibus animum postulant. At inquires: ipsa tibi studia fructum ferent. Cane alijs cantilenam istam, mores, ac tēpora ignorantibus: mihi non persuadebis experto. uetus illa principum uirorum benignitas exaruit. inania plerique sequuntur, nihil solidum amant, nihil magnificum, nihil illustre. Vi-

des



des alios, quasi perdendis tantum frugibus nati sint, immanibus epularum sumptibus opes exhaurire: alios, quasi etiam homines ipsos, non modo fruges, perdere pulchrum sit, thesauros effundere, collectos acerbissime, in ea bella, quæ uastitatem agris, urbibus incendia, humano generi, aliena stultitia miserrimo, cladem, & exitium importent. Musæ interim ubique locorum algent, neglectæ ab ijs, qui fouere eas ut maxime poterant, ita maxime debebant. Etiam illud indignum, quod existunt, qui specie liberalitatis gloriolam aucupentur: & eam uirtutem, à qua longissime absunt, quam oderunt cane peius, & angue, quasi familiarem suam sic in ore habeant, ut amare uideantur. exemplum recens in manibus est, hominis, ut à multis accepi, nobilissimi: qui mihi &, obsignata charta, quid ultro promiserit, & postea, cultus à me diligenter omni genere officij, qualem exitu se præbuerit, non ignoras. Hoc fere morbo laborant multi, eoq; grauius, quo minus eorum dignitas, & amplitudo fert. unum, aut alterum, sed unum in primis animo excellere, & personam Principis egregie sustinere audio, summi filium Imperatoris, ipsum orbis terræ imperio dignissimum, Maximilianum Regem: quem de ornandis liberalibus disciplinis cogi-



tare, cum eas optime calleat, minime miror. itaque factum à me non insipienter puto, qui de mittendo ad eum libro nostro, te quidem approbante, nec mediocriter adhortante, consilium ceperim. quod ille si cognouerit; & si me apud eum testimonio tuarum litterarum in aliqua gratia posueris; magnopere letabor: idq; si à te impetro; & debere me tua causa plurimum arbitrabor; & ubi res exigat, studiosissime prestabo. Vale. Venetijs.

GASPARO CONTARENO,  
CARDINALI,  
Romam.

Cum neque haberem, quod tua magnopere interesset à me scribi; et te scirem summis occupationibus assidue esse districtum: tamen faciendum mihi putavi, ut aliquid omnino ad te litterarum darem. ad meum enim officium ualde pertinet, te, de nobis optime meritum, intelligere, & quo te studio colam, & qua tuorum in me meritorum memoriam religione conseruem. quod, ut spero, consequar litterarum bono. nam, ut remunerare unquam possim, sperare uix audeo: ita multa sunt, quæ ad me iuandum officia sunt à te profecta. ut enim omitterem, quàm honorifice de parente meo & loqui,



qui, & sentire solitus sis, cum ita dicas, tibi nullius olim iucundio rem consuetudinem fuisse, nullius cario rem nunc esse memoriam: ut igitur hoc omittam, quod in summi beneficii loco soleo ponere: quanti illud apud me debet esse ponderis, quod olim me adolescentem uir clarissimus, non tu quidem sopitum, sed tardio rem sortasse, quam oporteret, ad studium summae laudis excitasti. cuius temporis recordatio mirifice me delectat. sic enim arguentor: te, cuius iudicium est acerrimum, nunquam me ad uirtutem fuisse cohortaturum, si te frustra id facere existimasses. tantum autem uirum, quantus ipse omnium consensu gentium & es, & haberi s, de nobis non pessime sperare, mihi periucundum est cogitanti, apud alios, si qui audient, etiam honorificum. Quare nunc quidem id, quod mihi pro tua summa humanitate facillimum est, ago, ut, quem pro tot ac tantis officijs animum debeo, eum me prestare tibi persuadeam. quod si per eam uiam, qua ad praestantissimarum artium cognitionem iter est, tantum procedam, quantum profecto, nisi me aliqua res impedierit, procedam: nam illud etiam aliquando efficiam, ut, te de nobis esse bene meritum, magnopere laeteris. Te interim si rogem, ut, quemadmodum instituisti, me diligas, faciam imprudenter.

X 3 neque



PAULI MANVTII

neque enim dubitandum est, quin tu uelis in eadem erga me uoluntate, cum humanitatis, tum constantiæ causa, permanere. magis illud mihi est elaborandum, ut omnes res, quæ ad te colendum pertinent, studiose faciam. quarum si ullam sciens prætermisero, nefarie me peccasse confitebor. Vale. Venetijs.

BENEDICTO ACCOLTO,  
CARDINALI,  
Ferrariam.

CUM primum Venetias reuerti, & si eram & fessus aliquantum de uia, & eo morbo, qui me Ferrariæ satis grauiter afflixit, nondum plane leuatus: tamen magnitudo meæ in te obseruantia, tuæq; in me beneuolentiæ recordatio me adduxere, ut ad te scriberem. quo genere officij quàm mihi sæpe apud te sit utendum, intelligo. nam cum eo ipso die, quo mihi aditus ad amicitiam tuam patuit, de meis commodis & ornamentis non cogitare solum, sed agere etiam cœperis: omniino, si uelim, id quod maxime uelle debeo, quibus me studijs à pueritia dedidi, ijs haberi non indignus, diligenter in-eunda mihi ratio est, ut istam tuam ad me augendum tam propensam uoluntatem pluri-mi apud me & esse, & semper fore significem.  
id



id hoc tempore, nisi litteris mittendis, qua re  
 alia consequar, non uideo. facultatem maio-  
 rem si unquam nactus ero, arctissime comple-  
 ctar, neque dimittam prius, quam id tibi sal-  
 tem aliqua ex parte persoluam, quod interea  
 à me deberi non solum non dissimulo, sed etià  
 apud omnes libentissime prædico. Quid enim  
 mihi esse potest, non dicam honestius, sed glo-  
 riosius, quàm te, uirum omni genere uirtutis  
 excellentem, summa dignitate præditum, a-  
 cerrimi in cognoscendis hominibus iudicij, nul-  
 lum officij genus, aut studij, quod quidem ad  
 meam siue utilitatem, siue laudem pertineat,  
 prætermittere? mehercule nulla res fuit, quæ  
 nos ad probitatis, & doctrinæ opinionem com-  
 mendare magis posset, itaque, quod antea fa-  
 ciebam domestico tantum exemplo commotus,  
 ut per eam uiam, quam mihi pater meus tri-  
 tam reliquisset, expedito cursu ad summam  
 laudem, gloriamq; contenderem; id multo  
 acrius facio nunc, iudicio de me incitatus tuo.  
 cui uereor equidem ut respondere possim: &  
 est sane difficillimum: sed tamen, quoniam ita  
 tempus omne meum traduco, ut, quantum  
 ualetudinis ratio patitur, in litteris uerser, et,  
 quasi diurnam sitim explere cupiens, iisdem  
 è fontibus, unde illa fluxerunt, quæ sunt laudis  
 tuarum maxima, diligenter hauriam: non de-



spero fore, ut & homines officia tua bene posita existiment, & tu, qui tibi à me fructus debentur, eos non contemnendos aliquando percipias. cuius rei maturitas dum ueniat, est interea mei officij, tui memoriam summa cum beneuolentia sanctissime, ac religiosissime colere: tuæ uero humanitatis, eam uoluntatem, quam ad me inuandum tua sponte contulisti, perpetuo retinere. quorum alterum ego quàm potero diligentissime faciam: alterum tu ut facias, propter incredibilem naturæ tuæ benignitatem, ne admonendus quidem es. Vale. Venetijs.

E I D E M, Ferrariam.

S V M M O studio maturabam Ciceronis editionem. omnino id erat causæ, cur ego rarius, quàm debeo, ad te scriberem. sed mehercule nec res erat, de qua possem scribere. de publicis enim non licebat: de priuatis autem quid est, quod delectare te possit? grauibz morbis, annona, & bello, uniuersa fere ciuitas affecta contabescit. in his malis pacem omnes, tanquam unicum remedium, expetebant: quæ si daretur, amissas uires recuperare difficile non erat. Arbitrabar, cum Ciceronis epistolas emissem, fore, ut Ferrariam possem excurrere.



re. id ego, primum, honoris causa ut te uiderem, optabam; deinde, ut tuis doctissimis sermonibus fruere, quantum per humanitatem tuamliceret, per quam certe licuisset plurimum. noui enim, quæ tua sit cum facilitas, tum in me beneuolentia. sed nostræ uoluntates, ut nauigandi cursus, quandoque commutentur, necesse est, nisi fortunarum nostrarum fieri naufragium uelimus. itaque, ut exirem, meas res cum uidi non ferre, mutaui rationem; & quanquam eram occupatus, tamen feci, ut hanc epistolam mitterem, quæ te, meam uicem, quasi saluaret. ea ne hoc officium loco non præstaret, ad Octauium nostrum, ijs litteris, quas ad ipsum dedi, alligatam misi, qui tibi redderet, cum uacuis es. quod ille, qui & commodissimus, & prudentissimus est, non uereor quin effecerit. De meis rebus si quid audire uis: ut in aduersis, pessime non habent: haberent optime, si pietas esset in ijs, in quibus maxima, si quid merita ualent, esse debebat. Vale. Venetijs.

E I D E M, Ferrariam.

SUMMA tua facit humanitas, ut, etsi me argumentum deficiat, litteras tamen ad te mittere ne dubitem, non enim uereor, eæ ne tibi molestæ



lecta sint. quin ita te interpretaturum confido,  
 ut hoc meum studium existimes esse non obscu-  
 rum signum pietatis in te meae. cui quidem pie-  
 tati, quod uix fieri posse credebam, magna sa-  
 ne accessio facta est lectione tuarum litterarū.  
 nam, cum antea pro tuis maximis & singula-  
 ribus erga me studijs effecisses, ut plus, quā  
 tibi, deberem nemini: nunc propemodum es  
 consecutus, ut ipsi tibi plus, quā debeo, debe-  
 re non possim. quanti enim illud, quo epistolam  
 clausisti, apud me esse putas? te non dubitare,  
 quin ego, omnesq; mei, quanti amorem in te  
 meum, atque doctrinam facias, aliquando si-  
 mus intellecturi. ego uero iam intelligo; ne-  
 que quisquam est meorum, qui aliter sentiat.  
 sed de amore quod scribis, uere tu quidem facis.  
 est enim is certe summa cum obseruantia singu-  
 laris. de doctrina autem, neque prorsus assen-  
 tior, ne me ipse, qua in re minime debeo, ni-  
 mium uidear amare: neque ualde repugno, ne,  
 quod est in me honorificum, stulte reiiciam. ut  
 ut tamen est; siue tu amoris, & humanitatis  
 abundantia, quod interdum adducor ut cre-  
 dam; siue iudicio, quod mihi persuaderi liben-  
 ter patior; siue utraque re permotus, tantum  
 mihi tribuisti, quantum ego postulare sine ru-  
 bore non ausim: maximas tibi gratias habea,  
 necesse est; quod ad eius ipsius, quam in me es-  
 se



se dicis, doctrinae studium, quò antea naturae inclinatione propendebam, uehementer me impulsisti. ita enim usu fere uenire solet, ut, quæ laudes à tui similibus, id est ab ijs, qui ipsi in laude uiuunt, proficiscuntur, eæ nos, uel si simus hebetiores, in primis acuant, & quasi necessitatem quandam imponant, ut, quales esse dicimur, tales aliquando studeamus esse. quod ego, quantum possum, do operam ut consequar. à quo studio cur me ulla res debeat abducere, non uideo; cum tu, ijs opibus, ista amplitudine uir, litterato ocio nihil anteponas. temporibus enim turbulentissimis, dum plerique fere ambitionum fluctibus iactati, optare magis, quàm sperare, tranquillitatem animi possunt; securus in portu te oblectas; uiuisq; iucundissime in tuis perennibus optimarum artium studijs: in quibus totos dies ita ponis, quasi tibi eæ res, quibus abundas, & quarum spectu alios excitare ad laudem potes, præmio sint futuræ. Quod cum ita sit; & cum ego hoc animo sim, ut antiquius tuo commodo nihil habeam: noli credere, me, cum ad te scribo, tuarum litterarum expectatione id facere: quæ etsi me incredibiliter delectant, textæ uerbis elegantissimis, plenissimæq; amoris, & suauitatis: tamen ego te mea causa à grauisimis studijs ad nugas auocari nolo. satis me habere  
abs



abs te putabo, si & meas tibi esse redditas, & tibi, ut cupimus, esse intellexero. utrumque Octavius noster, quod & tui studiosissimus est, & nostri amantissimus, cum libenter, tum diligenter efficiet. Vale. Venetijs.

IACOBO GRIFOLO,  
Romam.

QVOD tu, homo occupatus, prior ad me litteras misisti; hoc sane es affecutus, ut officij plus apud te residere confitear; illud assequi nequaquam potuisti, ut amoris plus, quam in me est, in te esse concedam. atque ego ne in officio quidem passus essem ut anteuerteres, nisi me scribere cupientem non occupatio mea, quæ tamen summa est, sed cura tuorum mandatorum impedisset. Scis, ante quam discederes, qua de re sermonem inter nos habuimus; cum tu, ut eam susciperem, à me petens, ostendisti quantum & fidei, & diligentiae tribueres meæ. in quo ego, opinionem tuam ne fallerem, operam dabam. itaque, te profecto, cum intelligerem quantum damni fecissem, adempta mihi tuæ consuetudinis usura; cumq; id omnino litteris mittendis resarcire uellem; tamen diem è die expectans, ut aliquid ad te de tuo negotio, cuiusmodi tu uelles, possem scribere, in maxi-  
mo



mo desiderio me sustinebam. nunc, quoniam  
 eius rei ne uestigium quidem apparet in episto-  
 la tua; siue quòd, à quo tempore discessisti, ut  
 illud consilium abijceres, rationes tuæ tulerūt;  
 siue quòd, eodem animo cum esses, committe-  
 re tamen litteris nihil uoluisti, quod elatum no-  
 cere tibi posset: puto me non incommode esse fa-  
 cturum, si, quam tu rem in tuis litteris inta-  
 ctam omisisti, ego item in meis silentio præter-  
 mittam. Quòd scire uis, rerum mearum sta-  
 tus hoc tempore qui sit: ne te multis morer, is  
 est, quem reliquisti, paulo etiam melior, quàm  
 reliquisti. nam & domestica quædam sanaui-  
 mus: & eum, de cuius acerbitate queri sole-  
 bam, ita facilitate quadam nostra, atque ob-  
 sequio mitigauimus, ut pene dulcis esse uidea-  
 tur. De Ciceronis editione, hoc de me spondeas,  
 atque etiam in te recipias licet, ut diligentia  
 confirmes me non esse usurum multo minore,  
 quàm qui in hoc genere laudantur. hætenus  
 confido fore ut præstem, & præstabo certe, ni-  
 hil ultra. mihi enim tantum non arrogo, ne-  
 que arrogare debeo, ut, quemadmodum scri-  
 bis, eas sordes, quibus ueterum scripta sunt  
 sædata, putem omnes eluere me posse. magni  
 id esset ingenij, magni iudicij: quibus ego re-  
 bus & indigeo, & si abundem, sine libris  
 tamen antiquis nihil audeam. qui mihi sunt  
 omnino



omnino multi, sed neque quot uellem, neque cuiusmodi. coniectura autem, intellexi, & didici, quàm saepe sint fallaces. neque bonos libros ulla magis labes inquinauit. quibus nunc in ueterem splendorem, atque integritatem restituendis, plurimum mihi est negocij, & erit, ut puto, post me multis: ut inde laudis materies deesse nunquam possit. Te rogo, ut, antiquiorem librum sicubi istic esse rescueris, si prece ipse, aut pretio non potes, aliorum auferas gratia. Litteras autem, quàm ualde me amas, tam saepe mittes. nam & ocij puto te habere, quantum uelis; & argumentum Romæ uiuenti deesse non potest. mihi utrunque minus est. magnis enim districtus occupationibus, temporis ad scribendum non habeo satis: argumentum autem unde sumam, cum omnium, qui hic sumus, ea ratio sit, ut, rerum nouarum si quid alicunde ad nos affluxit, de eo nec scribere, nec loqui sine graui periculo possimus? Relinquitur, ut priuatis de rebus possim scribere. sed hoc quoque genus uereor ne me deficiat. raro enim solet accidere, quod scripture dignum sit. Quapropter, quoties ita eueniet, ut à negocijs liceat discedere; properabo statim ad epistolas. quòd eo libentius faciam, si tu mihi sententiam scribendi aliquam dabis: sin minus, inanes tamen potius, quàm nullas, mittam. Vale. Venetijs.



ANNIBALI CRUCEIO,

Mediolanum.

AMORIS in Octavianum Ferrariū mei caus-  
 se sunt ueteres sane multæ, eaq; non leues, sed  
 recens hæc est grauissima, quod eius opera ui-  
 deo factum esse, ut tu me amares. quod ego,  
 non possum satis explicare, quanti faciam. cer-  
 te optatius nihil, ac ne utilius quidem potuit  
 accidere. nam me molestæ quædam cogitatio-  
 nes exercebant. eæ fecerant, ut subtristis es-  
 sem. hoc malum Ferrarij litteræ sanarunt. eas  
 enim legens, cum uenissem ad eum locum, ubi  
 ille, quàm tu me diligas, quàmq; diligere à me  
 cupias, diligenter & officiose narrat: sensi mi-  
 hi quiddam instillari, quo plane sum exhilara-  
 tus. adeo tui similitudinis amicitij augeri gratum  
 est. in qua commoditate incommodum tamen  
 illud inest, quod mihi ualde sentio esse laboran-  
 dum, ut beneuolentia, & opinione de me tua  
 non indignum me præstem. quod utinam pos-  
 sim efficere: conabor certe: ac ne despero qui-  
 dem fore, ut efficiam: modo, quod tu iudicium  
 de me habes, id eiusmodi ne sit, ut ego ei respon-  
 dere nullo pacto possim. nam mihi interdum  
 uenit in mentem uereri, ne tu me, Ferrarij  
 prædicatione commotus, eum existimes esse,  
 qui



ODI PAULI MANVTII

qui non sum. mendax, mi Crucei, amor est; nosq; sapissime ita solet afficere, ut in sermone, prout amicorum è re est, & affingere falsa, & detrahare uera, religio non sit. quare Ferrarium, cum de me loquitur, non est quod audias. amore uictus, cui repugnare iudicio non uult, ea dicit, quæ fortasse non sentit. At idem de tua uirtute multa in suis litteris. habes igitur, dices, ei fidem, cui haberi à me non uis? habeo, et quidem maximam. mittit enim ingenij tui monimenta, quæ mihi de tuis laudibus, ut ille scribit, ita esse probant. Memorem igitur interea me uelim existimes humanitatis tuæ. gratum cognosces, cum facultas erit. ac uideo me tua caussa non eas res præstare posse, quas uellem; sed quas possum, ita uolo, ut omnes, sine ulla exceptione, libenter ad te deferam. licet iis arbitrato utaris, atque etiam abutaris tuo. Vale. Venetiis.

ANTONIO MERLO,  
Vicetiam.

EGO quoque quiddam inaudieram superioribus diebus, sed contempsi. nunc me mouet quod audies. Artibus effectum est nescio quorum, (de Petro nostro certe uix opinor: uix, autem? prorsus non opinor) ut hic rumor serpat



pat longius. primum hæc uulgo iactata: ferebam: post etiam ad Cardinalis aures peruenunt: quod mihi accidit molestissimum: nec dubito, quin is iam non idem sit. quod si ille eadem cum Episcopo, cuius ingenium præclare noui, communicauerit: actum est. Me quidem et illa angit cura, quod uereor ne fama diffluat, & Perusina conditio, satis opima, satis honorifica, fortasse in dubium uocetur. Cornelius diligenter, ut uideo, fide certe, & amore singulari. In hac sum sententia: si spes non dubia, ut urgeamus: sin, desistamus ab incepto: ne cupiditatem nostram sine fructu, forte etiam cum aliqua mercede, prodamus. Mitto ad te Gratij poema de uenatione, paulo durius, nec omnino cum Petri Bargei carmine conferendum, qui hoc argumentum tribus libris non minus eleganter, quàm copiose persecutus est. Vale. Venetiis.

MICHAELI SOPHIANO,  
Patauium.

SI nostræ necessitudinis initia repetas; nemo, opinor, istic est, qui mihi uetustate præstet. sin apud te uetustas pondus non habet; ipsam per se beneuolentiam pendis: ne sic quidem iure mihi quenquam antepones. Ego te pri-

mum,



mum, cum abesses, memoria colui diligentissi-  
 me, tuumq; nomen crebris usurpatum sermo-  
 nibus ornavi laudibus, quantum in me fuit:  
 deinde, cum de auunculo tuo, viro optimo,  
 tuiq; amantissimo, miserrimam in servitutem  
 à barbaris gentibus abrepto cognovissem, inge-  
 mui sæpe tua causa, quem orbatum domesti-  
 co præsidio, maximas in difficultates imme-  
 rentem fortuna conijceret. postremo, cum Pa-  
 tauium te aliquando retulisses, valetudine ita  
 perditâ, ut humana vix ope restitui posse vide-  
 retur; quàm id moleste, quàm acerbè tulerim,  
 testes sunt communes amici, quibus et pericu-  
 lum tuum, & eodem tempore dolorem meum  
 dolori fuisse certo scio. Veni Patauî aliquan-  
 to post: uidi te què optabam potius quàm spe-  
 rabam, habitu corporis non illo quidè optimo,  
 eo tamen, qui vitæ spem minime dubiam affer-  
 ret. deinde quotidie meliora, accedente ad reme-  
 dia medicorû temperantia tua: quam ita lau-  
 dant omnes, ut in studijs tamen paululum eam  
 desiderent. quo de genere præcipere quidquam  
 difficile est, præsertim mihi; qui cum ab eadem  
 culpa longe non absim, tum etiam, nisi prio-  
 res tibi partes in prudentia concedam, ignora-  
 re scilicet uidear utrumque nostrum. uerunta-  
 men, cum te penitus philosophiæ dedideris, ut  
 eius præsidio fortune tela depelleres; debes  
 eam

EPIS  
 sequi duce  
 extrema  
 constitues  
 munere non  
 do, & quo  
 immoderatis  
 quam corpe  
 que tamen  
 ficio. ut her  
 regit, sed  
 modis eorum  
 xdu enim her  
 imperet. sic  
 aliquam opo  
 n, in qua sum  
 mam faciet in  
 u, qua ipsa: ncl  
 tunda quærem  
 u accurate nita  
 tume, quorum  
 querit, & it  
 m labore non  
 ris utilitatem  
 ua est uel ing  
 nia: quibus,  
 lingua, id qu  
 unque re pr  
 le consecutus



eam sequi ducem in actionibus tuis. quod si feceris; extrema uitabis, et omnem in medio laudem constitues. At mediocritatem mens in suo munere non amat: progreditur enim meditando, & quo longius, eo iucundius. Vere: sed immoderatis rebus natura frangitur: & quanquam corpori mens dignitate præstat, utriusque tamen incolumitas ab utriusque pendet officio. ut herus imperat seruis, nec tamen eos negligit, sed consulit, quatenus liceat, commodis eorum: idq; facit etiam sua causa: tam diu enim herus est, quam diu habet quibus imperet. sic mens rationem corporis habeat aliquam, oportet. nam si negligat eam sedem, in qua summus opifex illam constituit; primum faciet iniuste; deinde, corporis compagine, qua ipsa includitur, breui dissoluta, usum tractandæ quærendæq; uirtutis amittet. quod cum accurate uitandum omnibus est, tum ijs maxime, quorum & infirma ualetudo quietem quærit, & ita uiget industria, ut mediocri etiam labore non mediocrem ipsis gloriam, ceteris utilitatem afferre possit. Cui porro ignota est uel ingenij tui, uel memoriæ præstantia? quibus, non modo ut emineres in græca lingua, id quod omnes fatentur, sed ut, quacunque re proposita, peritissime disputes, facile consecutus es. itaque iure expetitur à nobilissimis



PAULI MANVTII

bilissimis uiris amicitia, & consuetudo tua: iure te diligunt ac laudant quicunque in Patuino gymnasio doctrinis liberalibus excellent. quarum tu uirtute frueris, & illi uicissim tua, si ualebis: &, ut ualeas, in te ipso magna ex parte situm indicamus. obsequere igitur in tua salute multorum studiis: parce ualitudini satis imbecillæ: &, quod libenter facis, da operam simul ut diutissime facias. ita gloriam tuam, lætitiā nostram, dignitatem etiam litterarum augebis; quibus ornamentum plurimum è tuis aliquando scriptis, si ualueris, accedet. Vale. Venetijs.

IO. BAPTISTAE PIGNAE,  
Ferrariam.

ALFONSO Duce creato, gratulatus Ferrariæ sum: quæ tum ex noui Principis eximia uirtute fructus capiet egregios; tum ipsa quoque ad omnem uirtutem, eius, à quo regitur, exemplum secuta, diligentius incumbet. mores enim ciuitatis ex Principis moribus effinguntur, &, ut ait Plato, quæ apud eos, qui dominantur, studia uigent, eadem reliqui ciues amplectuntur, & colunt. Ergo florebunt in uestra ciuitate liberales disciplinæ, ac debita iampridem ingenuis artibus præmia persoluentur.



uentur. quod equidem tua potissimum caussa,  
 doctissime Pigna, magnopere gaudeo. nec e-  
 nim dubitat quisquam, aut dubitari omnino  
 potest, quin, quantum ingenio, eruditione,  
 iudicio, quantum etiam consilio uales, tan-  
 tundem apud sapientissimum, optimumq;  
 Principem & auctoritate ualeas, & gratia.  
 quod si, quam haecenus in cognoscenda, ean-  
 dem posthac in ornanda uirtute industriam lo-  
 cabis: quis te uno felicior, quis omni laude  
 praestantior? quod ut facias, ne monendus qui-  
 dem es. nec enim te dissimilem esse tui uel na-  
 tura tua, uel consuetudo, uel studia patiun-  
 tur. hoc igitur tecum agendum non est. illa me  
 potius, ut uere dicam, & simul omnes, qui te  
 diligunt, cura sollicitat, ne te nobis eripiant  
 prorsus aulica negocia, sic, ut, ijs disciplinis,  
 quarum usus aeternum decus parit, salute di-  
 cta, iacere patiaris ea, quae multis ante men-  
 sibus instituta si quando perficies, maiorem in  
 modum & posteris, & gloriae tuae seruias.  
 quam multos enim egisse mecum diligenter exi-  
 stimas, ut hortarer te ad absoluendam poeti-  
 cae imitationis artem, aut, si absolutam ha-  
 bes, continuo diuulgandam? quibus ut aliquan-  
 do satisfacias, & si languere te in tua laude  
 uix opinor, tamen peto abs te, quantum hu-  
 manitas tua permittit. nec tamen, etiam si

Υ 3 tua



tua res non ageretur, amicitiam nostram, quam ego sanctissime semper colui, nihil à te impetraturam considerem. equidem nihil ei denegarem: idq; te, quod tamen secundis rebus, ac sine molestia tua fiat, cupio experiri. Ego me ad litteras, à quibus inuitus discesseram, reuocare cœpi, adeptus usum oculorum, quem antea desperabam, diuina primum ope, in qua statuere omnia consueui, deinde Gabrielis Faloppij scientia singulari: cui uiro, quanti hanc lucis usuram, id est quanti uitam facio, quanti etiam præclara litterarum studia mihi sunt, quibus uix ipsa uita pluris est, uni plane totum acceptum refero. siquidem eius doctrina, humanitas, exquisita cura pristinam mihi ualeitudinem, omnino profligatam, ac perditam, conspectum liberorum meorum, amicorum colloquia, librorum suauitatem restituit: ut, si quem optimis artibus industria nostra fructum feret, ei gratiæ debeantur, cuius ope, ac studio factum est, ut intermissam diuturno, ac perdifficili morbo posteritatis adiuuandæ consuetudinem aliquando repeterem. Tu mihi de tuo statu, maximeq; de Alphonsi Ducis conatibus egregijs ad honestandam uirtutem, de quibus fama iam percrebuit, si quid significaueris; argumentum erit amoris in me tui, quo letari uehemēter soleo. Vale. Venetijs.

Sambuco



SAMBUCO SVO,  
Patauium.

QVOD fratrem tuum Georgium, florenti adhuc ætate extinctum, immoderate luges; ignosco merori tuo, nec tamen laudem tribuo. dolere enim fratris interitu, & eius fratris, quo nemo amabilior, nemo fuerit uirtute præstantior, hominis est: modum autem dolori nullum constituere, nunquam lacrymis abstinere, nunquam ex animo mæstitiam pelleré, Sambuci non est. Perijt frater: iure commoueris: agre enim diuellimur à natura coniuncti: quod ego quoque sum expertus. Perijt is, qui familiam uestram, qui patriam, qui prouinciam uniuersam ornare uehementer suis laudibus, & illustrare poterat. hoc quidem expectandum ab eius uirtute fuit: sed magnam habet Fortuna uim: ea sæpe, nobis ad eximiam laudem contendentibus, transuersa incurrit; sæpe nostra studia debilitat, sæpe moratur industriam. quo de genere quid ego te doceam, doctissimum uirum, cui prope infinitam exemplorum uim uel græca monimenta, uel etiam latina suppeditant? florem igitur uirtutis amemus: erepto ante maturitatem fructu, quando hoc singulare non est, sed



*commune cum multis, modice feramus. Quid, si ne dolendum quidem est? omitto enim historias: ad philosophiam te uoco. Quid igitur illa præcipit? si quid casus afferat, leniter accipiendum: nec enim, ut aliter accadat, in nobis est: si quid culpa contractum, æquum esse: certe enim, qui ad præclare agendum nati simus, ideoq; mente, & ratione, præter ceteras animantes, instructi, tantis bonis abuti, & quasi à natura desciscere turpissimum est. An tu igitur, mori, quasi aliquid turpe, reprehendes? quòd si non turpe, nec dolendum. nisi si quis ita uixerit, ut nihil unquam homine dignum præstiterit. quod abest longissime à fratre tuo: qui probitate, ingenio, studijs artium optimarum, prudentia etiam adolescens ita excelluit, ut eum Pannonia pene cuncta uiuentem unice dilexerit, mortuum laudibus, & memoria prosequatur. Quæ cum tibi ueniunt in mentem; iniquus profecto nimis in te ipsum es, nisi luctum minuis, & ex animo dolorem penitus euellis. Quin te decuit maxime, qui totos dies ponas in ijs libris, unde uitæ moderatio, unde animi tranquillitas petitur, ad propinquos, ad amicos in Pannoniam eiusmodi litteras mittere, in quibus illi sitam esse non minimam sui doloris medicinam intelligerent. nam uir eximius, Nicolaus*



colaus Olabus, Archiepiscopus Strigoniensis, qui Georgium Bona, & quia sorore sua natus erat, & quod in eo summa uirtus emittit, in oculis gestabat, non dubito quin tanti uulneris remedia sumat à se ipso: quem non modo ætas, & usus maximarum rerum erudierit, uerum etiam prudentia quædam naturalis, quæ plane uincit omnem artem, nunquam à constantia discedere patiatur. Nec tamen uereor, ut, qui mihi paucis ante mensibus in filioli mei obitu consolationem adhibueris, idem tibi in tuo casu mederi aliquando non facile possis. quod si facies; fructus apparebit studiorum tuorum; & Georgij fratrem agnoscamus; cuius ingenium, ac mirificam prudentiam oratio illa, luculenter in primis à te scripta, declarat. Vale. Venetijs.

ANDREAE DV DITIO,  
Patauium.

PERCVSSISTI me de Mariano Lezentio: quid ais? optimus adolescens, maiorum nobilitate, sua uirtute clarus, omnibus animi, corporis, fortunæ bonis ornatus, ereptus repente nobis est? o miseram humanæ uitæ conditionem. quid ames, cum omnia fluere, ac labi, nihil intra orbem Lunæ firmum esse, nihil idē  
à mane



à mane ad uesperam, quotidie cernas? quæ te  
 arbitrabar antea cognouisse in sermonibus Re-  
 ginaldi Poli Cardinalis, & Aloysii Prioli,  
 quibus probiores, aut sapientiores uiros non  
 modo nostra, sed nec superior ætas tulit: nūc,  
 quando te biduum scribis lacrymando consum-  
 psisse, profecto tibi exciderunt illa præclara  
 de contemptu mortis, quibus in illo diuino con-  
 tubernio, in illo plane celestium animorum cœ-  
 tu aures tuæ sæpissime personabant. Quod si,  
 quid doleas, cogitabis, aut quid dolendo pro-  
 ficias: non dubito, quin istum luctum abster-  
 gas, & Lezentio nostro etiam gratuleris,  
 quod, inspecto Hierosolymæ summi Dei mo-  
 nimento, quod illum, dissuadentibus ami-  
 cis, pietas, & religio duxerat, statim ad e-  
 iusdem Dei conspectum, præditus optima  
 mente, purus ab omni labe, in cælum euo-  
 larit. quod qui optant, sapientes, qui adipi-  
 scuntur, felices iure ducuntur. Hæc tibi à me  
 pauca pro nostra necessitudine consolationis lo-  
 co dicta si attendes, uim habere maximam sen-  
 ties, & eam dolori tuo medicinam, quam dies  
 aliquando afferet, ratione repræsentabis. quod  
 cum omnes deceat, tum uero ab excultis do-  
 ctrina uiris, quem te ad numerum aggrega-  
 mus, præcipue postulatur. Vale. Venetijs.

Laurentio



LAVRENTIO GAMBARAE,  
Ciliuerge.

CILIVERGE nunquam uideram, amabam  
tamen, amœnitate sua iucundissimum, domi-  
no honestissimum, Lanterio Appiano, præ-  
stanti uiro non humanitate minus, quàm elo-  
quentia: nunc & elegantiam uillæ, ut in tabu-  
la pictam, in tuis uersibus uidi; & mehercu-  
le non mediocri eius uisendæ, atque etiam te-  
cum fruendæ studio sum incensus. quod si quan-  
do contigerit, digito cælum attingam. quid e-  
nim isto ocio beatius? quæ species urbis, quæ di-  
gnitas cum ista rusticatione, cum ista surgen-  
tium uirgultorum siluula conferri possit? equi-  
dem, cum te mihi ante oculos pono, modo in-  
ter angustis distincta semitis fruteta declini col-  
le spatiantem, modo arborum proceritatem,  
atque ordinem in uiridario mirantem, eadem  
pene uoluptate absens tecum fruor. coniungit  
enim animos nostros mutua beneuolentia; nec  
est aut tibi quidquam sine me, aut mihi sine  
te iucundum. gratulor tamen tibi potius, quàm  
mihi; & istos Ciliuergenses dies ita multorum  
annorum instar esse puto, si modo nec ociosus  
in ocio, nec in solitudine solus es. id autem qua  
ratione consequi possis, opinor me tacente in-  
telligis.



telligis. Patauij dum eras, habebas in manibus egregium illud poema de nouis insulis à Columbo inuentis: cuius ego cum exordium, multis presentibus, legissem, admiratus gravitatem, & elegantiam carminis, exclamaui, Cedite Romani. in quo, hætenus, qui à me dissentiret, inueni neminem. quo magis te hortor, quanquam, ut spero, currentem, ut properes, habeasq; rationem non expectationis modo nostræ, uerum etiam gloriæ tuæ, cuius habes à natura præclarum seminarium, quod etiam studio excolis, ingenium tuum. Urge igitur, nec institutum dimitte: quodq; hætenus humanissime fecisti, in eo perge, ut nostrum tui absentis desiderium litteris aliquando lenias. Vale. Patauij.

LAZARO BONAMICO,  
Patauium.

EGO uero & audiui de tuo casu, & tuam uicem mirifice, neque minus publicā dolui: ueritus enim sum, ne tecum simul litteræ concidissent. nunc, quando te iam ambulare scribis, ita tamen, ut Scipione utaris; gaudeo, eoq; magis, quod in ista ætate morbi diuturnitatem pertimueram. sed quia non plane animum meum liberas, à cura, cum pristinas  
uires



uires nondum recuperaueris : rogo te , Bonamice , quanti optima studia facis , quæ tibi facienda sunt plurimi ; quandoquidem ab ijs tuæ laudes emanarunt ; tantam adhibe in te curando diligentiam . uides enim , neminem fere esse , qui , si quid tibi acciderit humanitus , rudem barbariem à latinæ linguæ finibus arcere possit . Plautum , quem à me petis , dabo operam ut cum his ad te litteris mittam : sed , ut eum in multiplici meorum librorum congerie statim reperiam , sperare uix audeo . Ego , ut scis , hanc satis grauem prouinciam suscepi . tenui conditione , inquires . fateor , sed ne tua quidem , si tuarum uirtutum merita spectentur , satis opima . quid agas ? his temporibus anguste uirtus habitat . bene tamen de suis ciuibus mereri , præclarum est . Vale . Venetijs .

GVLIELMO PACCIO,  
Patauium .

SILENTII mei , quo tecum diu satis usum , non exponam hic tibi causam pluribus uerbis : ne , si id faciam , uidear & tibi ipsi , qui nihil hætenus ad me scripsisti , eandem quasi legem imponere . itaque hanc partem prætermittam ; in qua si peccatum est , utriusque certe est . ego autem spero me posthac & bene-



beneuolentiam tibi meam, & diligentiam hoc  
 genere officij probaturum: modo ne litteras e-  
 legantes, quales uidelicet Patavij, à summis  
 ingenijs elaboratæ, tibi ostenduntur, à me ex-  
 pectes. ita scribam, non modo ut quod in men-  
 tem, sed plane quidquid in buccam uenerit,  
 in epistolam conijciam. non enim is sum, qui  
 unumquodque uerbum ad trutinam, ut dici-  
 tur, renocare uel soleam, uel possim. aliorum  
 ista superstitio sit, mea quidem non erit, pre-  
 sertim in epistolis: quæ si, ut ait ille, nihil ha-  
 bent simile neque iudicio, neque concioni;  
 quid refert, utrum dichoræo conclusus, an ali-  
 ter, uerborum ambitus insistat? Splendidior,  
 inquiunt, nec paulo aptior ad mouendum, si  
 numerosius desinat, oratio uidetur. Recte:  
 nec ego secus existimo: uerum, quem tu tanti  
 facis, eum ego magistrum sequor. quid igi-  
 tur ille? EPISTOLAE NOSTRAE  
 DEBENT INTERDVM ALVCINARI.  
 nempe, quòd ijs negligentia quædam, cum ad  
 familiares scribitur, etiam ornamento sit. Ita  
 igitur tecum agam, ut si essemus una: et, quæ-  
 admodum præsentibus quacunque de re sermo-  
 nes familiariter serere solemus; sic in scriben-  
 do, nulla certa proposita sententia, libertatem  
 illam, & quasi negligentiam imitabor. quod  
 si reprehenderis, tacitum non feres. præstat  
 enim



enim male scribere, quàm omnino, quod à te fieri uideo, nihil scribere: cum hoc uoluntatis fortasse uitium sit, illud ingenij, quod ipsi nobis fingere non possumus. Vale. Venetijs, M.D. XXXIII, Kal. Quint. qui mihi primus dies est anni XXI.

PAVLO MAGNULO,  
Patauium.

Cum me uides præter institutum meum litteras ad te non tam sæpe, quàm solebam, mittere; nimirum, etiam me tacente, quàm sim occupatus, intelligis. Ternas te dedisse scribis. omnes accepi: nihil amabilius: his autem recentioribus etiam nihil elegantius. sic enim censeo, recte eum, & latine scribere, non qui pauca multis uerbis, sed qui multa paucis. quo ego in genere aliquando posse cupio, tu, ut uideo, iam potes. tribus enim uersiculis quid nõ complecteris? tuam narras in scribendo diligentiam, meam obiurgas negligentiam: de meorum librorum instauratione te te me admones, de tuorum uenditione aperte. denique ociosi nihil est: sententiæ numero prope, quot uerba: ut mihi, quemadmodum promiseras, argumentum satis superq; dederis. Sed meæ cessationis causam, ut dixi, conijcis ipse per te.



PAULI MANVTII

te. libros autem meos, prope adest, cum editurus sim. de tuis egi diligenter, & ago. si quaeris, quid profecerim: nihil adhuc: sed spem non abieci. quanquam incredibile est, quàm difficile sit ab istis pecuniam exprimere. quem euentum res habitura sit, ignoro: à me nihil omittitur, quo minus & ex sententia conficiatur, & quamcitissime. Vale. Venetijs.

E I D E M, Patauium.

PVTASTI fore, ut ego te abeuntem litteris prosequerer? non tu id quidem unquam. conuenerat enim, ut argumentum à te expectaré. argumentum igitur potest expectare meus in te amor? quo nihil uberius nec est, nec unquam fuit. itaque statim, ubi tu profectus es, cum me repentina quædam uoluntas excitasset, arripui calamum, neque sum ueritus, ut me scribentem sententia deficeret. hui, quàm multa iam nunc mihi ueniunt in mētem. sunt, quæ possim scribere, leuitates amatoriae. quorum, inquis? mecum habebo: neque tibi, neque cuidam edam. uolo enim parcere amicitiae, qua mihi sunt coniuncti, qui tam suauiter, ut ipsi putant, uiuunt, ut ego sentio, delirant. sunt item *οικιαρχία* quædam, & militaria munera populo data, taurorum uenationes,



EPIST. LIB. IIII.

nationes, saltatorum lusus, personatorum ineptia. quid quæris? sexcenta: quæ mihi & beneuolentia nostra suppeditat, & familiaritas permittit ut scribam. quia tamen leniora sunt, omitto, ne grauem philosophum offendam. Porro, de meis rebus quod expectes, nihil est. mutationem nullam fecerunt à discessu tuo. De te, quæ scire uelim, hæc sunt, quo modo te redeuntem amici illi tui, libri scilicet, acceperint, num eo ipso die ad eorum consuetudinem te dederis; an potius, dum hæc bacchationes deferuescant, in hortis cum Epicuro, quàm in gymnasio cum Aristotele, uelis uiuere. Et, cum hæc scripseris, adde uerbum, si me amas, de pugiunculo illo tuo: quo ego te impeditum, & alligatum ense cum uidi discedere, non tenui risum. ac uolui pungeret te dicto; sed uertus sum, ne tu rustice me gladio. Epistolam habes iocationis plenam: qua te esse delectatum cognouero, si miseris ipse plenior. Vale.

PAVLO MAGNULO,  
Patauium.

NON facile dixerim, plus ne uoluptatis, an doloris ex epistola tua susceperim. est enim mihi gratissimum, cum & me à te amari, & te amore in te meo delectari perspicio. ex quo fit,

yy ut



PAVLE MANVTII

ut litteras tuas, beneuolentiæ plenissimas, & officij, iucundissime legam. Cum uero te uel angi uideo, uel aliquid triste cogitare; sic afficior, ut acerbissime uiuam. sed utinam, quanti ego consilium tuum semper feci, tanti item ipse meum fecisses. profecto in has molestias, in quibus hodie uersaris, non incidisses. At, inquires, illa perpeti, malum erat. Malum, nisi, istos ferre, longe peius sit: quorum quidem iniurias tum ex eorum, qui istinc ueniunt, sermonibus, tum ex litteris tuis facile cognoui. Quæ quo magis intolerabilia sunt, eo clarius tuæ prudentiæ lumen ostendas oportet: neque committas, ut inuidorum, malenolorumq; peruersitas plus apud te, quàm existimationis tuæ ratio, ualuisse uideatur. Quanquam ego, cum hæc scribebam, satis intelligebam, quis ad quem: sed amorem meum, qui tibi præsentis perspectissimus fuisset, etiam apud absente, quoquo modo licuit, testatum esse cupiebam. Atque hoc loco mihi ueniunt in mentem, quæ tibi proficiscenti futura prædixerim. quæ ego, non aliquam somniorum imaginem, aut alitis tantum secutus, augurabar: sed, quòd istiusmodi hominum naturæ plus etiam, quàm uellem, exploratæ mihi erant, iccirco, ne illa acciderent, quæ nunc euenisse audio, timebam. Sed uteris, ut spero, fortitudine animi tui: & quæ



EPIST. LIB. IIII.

que iniqui ad ignominiam tuam comminiscun-  
tur, ita feres, ut non solum in uetere optimo-  
rum studiorum cursu, fractus animo, ne confi-  
stas, sed uehementius etiam ueræ gloriæ cupidi-  
tate incitatus, propositum tibi decus assequare.  
Me in omni fortuna tui amantissimum, tuæq;  
laudis fautorem, atque adeo, quantum in me  
erit, amplificatorem habebis. Vale. Venetijs.

SEBASTIANO LEONI

CORDVBENSI,

Romam.

ROMAE te nunc esse, in ea urbe, ubi multorum  
amorem, ac studium tua tibi iam antea uirtus  
peperit, tantum abest, ut doleam, ut etiam  
summe gratuler. nec enim dubito, quin sedem  
studijs tuis non modo commodam, uerum etiam  
honorificam, adnitentibus amicis tuis, facilli-  
me consequaris. Me quoque, ut ille inquit, mi-  
rum desiderium tenet urbis: uerum aduersan-  
tur multa: quæ si Deus aliquando susiulerit,  
accurram statim ad uos, ea spe, ut in uestra be-  
nevolentia, in consuetudine, ac sermone con-  
quiescam. Saluta interim amicos, Octauium  
nostrum, Sirletum, Gillium, Phaernum. nam  
Episcopum Allifanum abesse audio. Nicolaus  
Nathanaelus, egregie moratus adolescens, ma-

yy 2 gnos



PAULI MANVTII

gnos in latinis litteris processus à discessu tuo fecit. is cum mihi per se carus est, tum eo magis, quòd de te sæpe loquitur amantissime, tuamq; erga se, patremq; suum, insigni probitate, atque doctrina uirum, perpetuam benignitatem sic in ore habet, ut eius memoriam nunquam sinat intermitteri. Vale.

SCRIPSIT HANC ROGATVS AB AMICO.

CVM in summis molestijs, quibus me fortasse immerentem fortuna uexat, quæ quidem tibi satis notæ sunt, unicum mihi solatium fuerit beneuolentia tua, quam opinabar me singulari quadam ac perpetua erga te obseruantia, & studio quodam incredibili consecutum: eo me solatio magna ex parte priuatum esse, ex eo sermone, quem habuit mecum proxime Drusus tuus, uehementer doleo. quod quidem eo patior acerbius, quia, si posset augeri amor in me tuus, augeri potius debere pro mea in te egregia uoluntate, maximisq; studijs, existimabam. quid enim, à quo primum tempore aditus mihi patuit ad amicitiam tuam, de te senserim, ipse mihi optime sum conscius: quid uero prædicauerim, testes habeo, non leuissimos homines, sed præstantes uiros, eosq; mini  
me



EPIST. LIB. IIII.

me paucos, quorum auctoritas, & probata  
uita uel sine iureiurando facile fidem facere pos  
sit. quæ cum recordor, magnam ex officio meo  
uoluptatem capio: propterea quod nihil unquã  
mibi grati animi memoria iucundius nec est,  
nec unquam erit. et quanquam animum tuum  
non nihil immutatum Drusi uerba significa  
bant; cum ego perpetuitatem amoris tui expe  
ctauerim; eamq; tanti fecerim, ut ex omni  
bus rebus humanis nihil pene pluris aestimaue  
rim: tamen, non ut animatus nunc in me sis,  
sed ut antea fueris, in omni mea uita iucundis  
sime cogitabo; quæq; in amicitia colenda à do  
ctissimis uiris constantiæ tributa laus est, eam  
ut omnino consequar, enitar quantum in me  
erit: non quod tua uirtus cuiusquam hominis  
laudationem, uel tua fortuna cuiusquam opes,  
aut merita desideret: sed profecto apud sapien  
tissimos homines, quem ego te in numerum re  
fero, significatio bonæ uoluntatis, etiam si me  
rita non habet, pro meritis tamen est. Te ue  
ro, Principem egregium, omniumq; uirtutũ  
apud omnes homines, maximeq; apud omnes  
Principes opinione florentem, præterea ista or  
natum dignitate, quæ ad omnem laudem taci  
ta quadam cohortatione uidetur impellere, fig  
mentis commoueri hominum improbissimorũ,  
& alienis fortasse bonis inuidientium, prorsus  
equum



*aequum non est. Quid enim? an ego tam pra-  
 uus esse possim, ut optimo uiro coner unquam  
 in sermone detrahere? an tam stultus, ut, qui  
 mihi multis rebus prodesse, multis etiam obesse  
 possit, eum indignissimis laceſsam iniurijs?  
 an tam ingratus, ut, cuius erga me summam  
 humanitatem, ac benignitatem ſenſerim, de  
 eo quidquam cogitem, aut etiam loquar ini-  
 quius? Quid honor meus? an apud me nullius  
 est ponderis? ille uero mihi uel ipsa uita carior  
 haëtenus fuit, eritq; in posterum. ita sum à  
 puero educatus, ita natus: ita etiam didici ab  
 exemplis maiorum meorum. an igitur honor  
 meus tantam ferre posset inconstantiam? ille  
 certe cum omnes maculas, tum hanc, quæ tur-  
 pissima est, leuitatis, & intemperantiæ, re-  
 spuit, ac reformidat. Quare, si peccarem in  
 te, magne Princeps, simul in me ipsum pecca-  
 rem. quorum alterum ab officio meo, alte-  
 rum à uoluntate nimis abhorreret. Quod igitur  
 neque committere debeo, neque possum; id mi-  
 rarer equidem à te credi; si plane, quæ ad me  
 delata sunt, uera omnia putarem. sed primum  
 haud libenter id credo, quod iniucunditatem,  
 ac sollicitudinem affert animo meo: deinde,  
 quod indignum uidetur bonitate tua, quam  
 ego, ut maxime omnium habeo cognitam, ita  
 maxime omnium efferre laudibus ubique soleo:  
 po-*



postremo, quod cum ipsa ueritate pugnat.  
 Quod autem, quiddam etiam de liberalitate  
 mea gloriose à me iactatum, comminiscuntur:  
 impudens mendacium est, ac, ne alijs utar ar-  
 gumentis, te ipso teste falsum. nam, fuisse me  
 tui perstudiosum, omnia tibi, tuisq; , quæ po-  
 tuerim, obsequia, atque officia præstitisse, ue-  
 re dixeris, & multi sciunt: quo tamen ipse no-  
 mine gloriari non soleo; contentus ipsa re sum:  
 uerum, fuisse me, cui multa defunt, in te, qui  
 cunctis rebus abundas, liberalem, & de meis  
 riuiulis pene aridis affluxisse aliquid ad tuos u-  
 berrimos fontes, certe nemo dixerit; nec, si  
 quis diceret, ego agnoscerem. Hoc igitur uno,  
 quod inanissimum esse constat, reliqua, mihi  
 obiecta, refelluntur. patent insidiæ maleuolo-  
 rum: infirmatur, ut sæpe solet, à se ipsa, &  
 suo quasi gladio iugulatur improbitas. itaque  
 recreor paululum in acerbissima molestia: ut  
 etiam hoc sperem, si qua uoluntatis tuæ facta  
 mutatio sit, quod quia meritis minime sum,  
 ideo minime possum credere, me tamen ab hu-  
 manitate tua facile impetraturum, ut te mihi  
 totum restituas. nec enim decet, apud talem  
 uirum, tantumq; Principem, natura bo-  
 num, iudicio, & consuetudine optimum, con-  
 silijs & artibus locum esse hominum perditio-  
 rum. quam mihi spem ut confirment litteræ  
 tuæ



PAVLI MANVTII

*tuae, peto à te pro mea peruetere non solum er-  
ga te, uerum etiam erga tuos omnes obseruan-  
tia. idq; à te tua, tuaq; familiae summa digni-  
tas postulat. Vale.*

AVL  
R AE  
VIBVS L  
VIROS  
MIS

DMATT  
gam, Amb  
Ciceron  
appe

ne, Matti  
contigisse fa  
rimo gymna  
m bonarum a  
mparande cu  
x potissimum  
i, ut ipse dice  
ndi mira qua  
idem, si tuu  
stare fortu  
t, non modo  
m, uerum  
bernium m  
nasti tibi qui  
num ipse t  
meum sta



PAVLI MANVTII  
PRAEFATIONES,

QVIBVS LIBRI, AD ILLVSTRES

VIROS, AVT AD AMICOS

MISSI, COMMEN-

DANTVR.

AD MATTHAEVM SENARE-

gam, Ambrosii filium, in epistolas

Ciceronis, quæ familiares

appellantur, præfatio.

Tvone, Matthæ Senarega, an meo dicam fe-  
lici contigisse fato, ut, relicto Louaniensi cele-  
berrimo gymnasio, quò, tanquam ad merca-  
tum bonarum artium, uirtutis & eloquentiæ  
comparandæ caussa concesseras, Venetias te  
hoc potissimum nomine contuleris, quòd no-  
stri, ut ipse dicere solitus es, uidendi & cogno-  
scendi mira quedam te cupiditas incēderat? tu  
quidem, si tuum sensum explore, uis me hoc  
tribuere fortunæ tuæ. nam, quòd ita euene-  
rit, non modo ut ad amicitiam & consuetudi-  
nem, uerum etiam ut ad conuictum, & con-  
tubernium meum tibi aditus patuerit; in eo,  
quasi tibi quiddam expetendum contigerit, plu-  
rimum ipse tibi solitus es gratulari. de quo, nō  
est meum statuere, uere ne sentias, an secus.

Z at



at illud meum est, paucis ostendere, cur tu contra mihi carissimus, iucundissimūq; sis, & quod nunc in meis ædibus mecum habites, mecumq; uiuas, in eo ego quoque meæ felicitatis aliquid agnoscam. nam si tu ita de me sentis honorifice, quod iudicio mouearis: æquum est mihi à te concedi, ut ego de te non minus uere, quam tu de me, iudicare possim. sin istam tibi de me opinionem peperit humanitas: me quoque non solum natura, sed ipsa iam ratio docuit, præclarum esse humanitate excellere. itaque do me libenter in eam partem, ut homines officijs colam, laudibus exornem, re, si opus est, pro mea tenuitate sustentem. Sed mehercule ego de te, mi Matthæe, à uero animi mei sensu iudico: nihil me gratia, nihil afficit ambitio. Primum, cum aliquoties mei salutandi causa domum meam uenisses, pellexisti me in amorem tui, comitate morum, & lenitate sermonis: deinde, quod iam non tibi modo, uerum & alijs petentibus negaueram, atque excluseram, ut ego te domo reciperem, eloquentiaq; studijs erudirem, multis precibus usus peruicisti. Nec mihi tamen, quod tibi, meorum sermonum cupiditate flagranti, meamq; domesticam consuetudinem petenti, satisfecerim, adhuc uenit in mentem pænitere: quin, quo plus ad nostrum conuietum accedit temporis, eo maiorem è tuis mori-



*moribus, tuisq; studijs haurio suauitatem. non enim tam hoc in te laudo, quod certe in adolescente summa laude dignum est, quod à studio doctrinae non te suis illecebris uoluptas, non cōmodum, non ipsa ualetudinis ratio deducit; quàm illud & admiror, & predicare satis pro dignitate non possum, quod in tuis cogitationibus hæc tibi prima est, & antiquissima, ut Deum optimum maximum, à quo uno, quæ uere bona sunt, emanant omnia, humanis rebus, quæ fluxæ nimis, infirmæq; sunt, omnibus anteponas. Perge adolescens optime in hoc præclaro diuinoq; sensu. hæc est omnium rerum una nobilissima, una, mihi crede, quæ omniū philosophorum scientias, una, quæ omnium Regum opes facile uincat. quare tu quidem oblecta te, quod facis, eloquentiæ studio; in qua, quo modo principia se dant, futurum auguror ut breui superiorem neminem, aliquando ne parem quidem habeas. sed illud stet in primis, neque unquam excidat, omnium uirtutum pietatem in Deum esse fundamentum. ac uide, quot inde tibi bona fluant. Primum, tuæ saluti consulueris egregie. animi salutem appello, non corporis. decet enim nos æternam potius illam uitam, omni felicitate circumfluentem, quàm hanc, quæ temporum spatijs definitur, miseris nunquam uacantem, cogitare. dein-*

Z 2 de,



de, patrem tuum, qui, ut audio de multis, at-  
que etiam de te ipso, humanam prudentiam  
præ diuina religione nihil esse putat, incredibi-  
li uoluptate letitiâq; perfundes. cui quantum  
debeas, non ex eo solum intellige, quod pater  
est; sed quod is pater, qui te filium uult esse in-  
ter tuos ciues omni re florentem, atque hono-  
ratum; qui te consilijs à puero sapientissimis  
erudiuit; qui te suo exemplo, suis optimis insti-  
tutis, ac factis ad laudem quotidie uocat. tali  
patri, tam probo, tam tui amanti, tam liben-  
ter suas omnes curas in te consumentem, curare  
debes, ut id, quod reliquum est uitæ, per te sit  
iucundissimum. quod ita consequeris, si statue-  
ris, quibus artibus ideo nunc operam das, ut  
aliquando ceteris hominibus elegantia sermo-  
nis, & scientia rerum antecellas, earum ar-  
tium infirmam esse gloriam, nisi perpetuo er-  
ga summum Deum amore studioq; fulciatur.  
mihi quidem, cui tu carissimus esse aut uis, aut  
certe ita uideris uelle, ut mihi persuadeas, ma-  
gis ulla re placere non poteris, quàm si te in  
eo, quod instituisti, uitæ innocenter & cum uir-  
tute degendæ studio constantem, tibiq; similli-  
mum uidero. Et, ut iam nunc intelligas, quos  
in animis hominum amoris igniculos uera uir-  
tus accendat; scis quintum abhinc mensem mi-  
hi tecum nihil fuisse, te mihi nunquam uisum,  
ignotam



ignotam mihi tuam faciem, obscurum nomen. nunc, apud me quo loco sis, intelligere te puto. paucissimis diebus ex conuictu consuetudo, ex consuetudine amor, ex amore familiaritas exorta. itaque tecum & sapissime sum, quod sub iisdem tectis necesse est; & admodum iucunde, quod ea, quæ in tuis moribus elucet, probitate consequeris. Et quoniam is ego sum, qui, quò me uoluntas ducat à ratione profecta, cò libenter sequar; gessi morem animo meo, tacite hortanti, ut hanc meam ad te amandum propensionem non modo tibi, sed, quatenus ego possim, reliquis etiam hominibus illustri aliquo officio ac munere declararem. cumq; tulisset casus, ut hoc tempore Ciceronis epistolæ familiares, eæ, quas tu iam legendo & peruolutando triuisti, denuo typis, ut nunc loquimur, essent imprimendæ: peropportuna ad id, quod uolebam, uisa res est. nam, hunc librum si cum tui nominis inscriptione publicarem, putauit me facere quiddam, quod utrique nostrum æque conueniret: tibi, quia ex his primum Ciceronis epistolis ad latine orationis elegantiam informamur, ex his primus eloquentiæ quasi succus, qui qualis initio fuerit, permagni interest, ebibitur: mihi, quia, cum hic liber omnium fere uersetur inter manus, circumferret, id quod ego cupio, tuum nomen, & meum



de te iudicium, meamq; spem quamplurimis ostendet. quorum alterum est eiusmodi, ut ego tibi nunc ex æqualibus tuis neminem in ullo genere laudis anteponom: altera, cum ætate procefferis, ea mihi de te pollicetur, quæ si euenerint, (omnium autem rerum euentus in Deo positus est) uireris inter uiros maximus, & habebit à te familia tua memoriam nominis sempiternam, patria uero exemplum in ciuitate uirtutis excolendæ præclarissimum.

AD CAROLVM PISAVRIVM,  
Leonardi filium, in epistolas Ciceronis ad Atticum præfatio.

BENEFICIORVM, Carole Pisauri, non eadem omnium est ratio. multi, quid detur, spectare solent, sua quidque magnitudine metiuntur, nihil attendunt præterea: ego potius, quibus de causis, & à quo homine detur, animaduerto; ac, si quid in aliquem, aut in me ipsum collatum est gratiæ, tanti soleo aestimare, quanti uidetur is, qui contulit, aestimandus. hinc fit, ut, quæ à patre tuo, uiro sapientissimo, & cum alijs laudibus ornato, tum uero omnium, quos ego in uita nouerim, humanissimo, quæ item à patruo, qui nuper magno bonorum omnium marore mortuus est, Ioan-

ne



ne Maria, Paphi Episcopo, excellenti non minus doctrina, quam bonitate, praedito, diuersis temporibus in me profecta sunt officia, ea quanquam summa non fuerint, (neque enim tulit occasio, neque rationes meae postularunt) pro summis tamen acceperim, & earum rerum loco duxerim, quas qui possident, beati existimantur. fons enim ille, unde manarunt, amor fuit, & cum amore iudicium, quod uterque de me habuit: quod equidem, si potero, tuebor officijs: studio certe, omniq; prorsus cura, atque industria bonum uirum, meritorumq; memorem praestabo. quod si liceret ingenium cum uoluntate coniungere; ut alterum alteri responderet, & cupiditati uires aequarentur: illustrarem beneficia uestra; ac fortasse efficerem, ut gratia mihi à uobis aliqua deberetur, gratiam persoluenti. uerum ut, hoc quidem ab infirmitate mea sperari minime posse, non solum intelligo, uerum etiam ingenue confiteor: sic illud facile polliceor, uereq; affirmo; si quid aut iam est in me facultatis, aut erit aliquando, ijs, in quibus assidue uersor, studiis partum, & uigijs, uelle me id in omni mea uita, quantumcunque erit, seruire totum uestrae laudi, tuae praesertim; quae cum à meis praecipis, et consilijs originem duxerit, exornabo eam, tanquam opus meum, quibus pote



ro artibus, qua licebit industria; florentemq;  
 pulcherrimis uirtutibus alumnorum disciplina  
 meæ cum inspiciam, gratulabor utrique nostrum  
 pariter, fructumq; amoris & studii ueteris in  
 te mei ex tua gloria uberrimum capiam. Ac  
 tu quidem, mi Carole, cum tibi nasci contige-  
 rit ex ea familia, in qua semper uerus honor,  
 & splendor uirtutis enituit, nihil debes humi-  
 le cogitare, nihil angustum, nihil obscurum,  
 aut inane. excelsa petat animus tuus, ampla,  
 illustria, plena dignitatis, & gloriæ. quò te  
 semper à tua prima pueritia mea uox incita-  
 uit; quò pater tuus, cuius ad te cogitationes cu-  
 ræq; referuntur omnes, assidue cohortatur;  
 quò denique te uocant maiorum tuorum exem-  
 pla; quorum nomina nulla dies exstinguet, nul-  
 la obscurabit obliuio. non enim, si præstiteris  
 ea, quæ te à expectantur, quæ maxima sunt,  
 nouum in tuam familiam decus inferes: anti-  
 qua renouabis, præclaramq; consuetudinem  
 retinebis in tua domo laudis expetendæ, exer-  
 cendarumq; artium optimarum: quibus in-  
 structos, utiles fuisse patriæ ciues, sibi & fa-  
 miliæ gloriosos, de tua gente multos, si an-  
 nales euolueris, inuenies. Verum, quando  
 te sacris addixisti, & illud uitæ genus com-  
 plexuses, quod est totum in laudabili ratio-  
 ne, totum in præclaris cogitationibus & factis  
 con-



constitutum ; non te libera uoluntas , ut alios ,  
 ad honestum rectumq; ducit ; sed , quo te pri-  
 mum die ad religionem contulisti , eodem die  
 legem ipse tibi imposuisti perpetuae continen-  
 tia ; exclusisti rerum inanium cupiditatem ;  
 uelle ad solidam laudem omnia referre , uelle  
 summi Dei gloriam in omni uita , id est tuam  
 salutem , spectare professus es . Quare non ti-  
 bi monitores , quorum te moneat oratio , ex-  
 pectandi : ipse te excita , ipse acue , & impel-  
 le . multae sunt propositae adolescentibus uiae ,  
 fallaces , obliquae , insidiosae , oculis iucundae ,  
 specie quadam obiecta uoluptatis : in quibus  
 errare quotidie uides , & labi , ducem sequen-  
 tes libidinem , non rationem , de tuis aequali-  
 bus quamplurimos . tu uiam uirtutis ingre-  
 dere , simplicem , rectam , apertam , principio  
 fortasse difficilem , atque asperam , exitu cer-  
 te salutarem , & gloriosam . hanc , inquam ,  
 uiam , signatam , & impressam uestigijs pro-  
 borum sanctorumq; uirorum , si uis ipse tibi  
 carus esse , si uis ipse tibi recte consulere , u-  
 nam ingredi : aut , si ingressus iam es , cur-  
 re per eam celeri gradu ad ea , quae te manent ,  
 praemia immortalitatis . Hac ego , pro meo in  
 te amore singulari , uetereq; erga parentem  
 tuum studio , scriptis tecum ago , quae sermo-  
 nibus & libentius agerem , & saepius , si liceret .  
 sed ,



sed, quando te Patauij tua studia, à quibus abduci non debes, me Venetijs mearum rerum ratio, & ualeitudinis detinet infirmitas: proficiscetur ad te mea uox, his cōsignata litteris: quæ tecum erit perpetuo, ubicunque fueris, te prosequetur, quocunque iueris. nec uero dubitavi, quin ea tibi paulo gratior esset futura, coniuncta cum Ciceronis uoce, id est cum ijs epistolis, in quibus cum Attico, familiari suo, non minus grauitè, & sapienter, quàm eleganter, & splendide loquitur. fructum, ut spero, capies ex utraque non uulgarem. ego enim, ut uelis optima, te hortor: Cicero uolentem adiuuat: ornat enim eloquentia, consilijs instruit sapientissimis. nam disputat sæpe in his epistolarum libris, sermone perquam eleganti, de statu reip. de uitij principum, unde fluunt exitia ciuitatum, de uicissitudine fortunæ. qui tibi erit, accurate legenti, sapientiæ fons uberrimus. A me uero munusculum hoc habebis, meæ in te uoluntatis & studij argumentum. exiguum, inquires. fateor: sed uelim spectes animum, non rem: quam tamē ne ipsam quidem debes contemnere: siquidem eiusmodi est, ut tuas, tuorumq; laudes, à me, non expressas, sed tanquam tenui penicillo designatas, simul cum beneuolentia mea cunctis gentibus patefaciat.

Ad



AD BENEDICTVM ACCOL-  
 tum, Rauennæ Cardinalem;  
 in orationum Ciceronis par-  
 tem primam præfatio.

MAXIME esset optandum, Accolte clarissi-  
 me, ut, quæ olim à doctissimis uiris magno la-  
 bore, magnisq; uigilijs sunt elucubrata, ea  
 nostram ad ætatem peruenire omnia potuis-  
 sent. artium plurimarum scientia, quarum  
 adiumento ad uitam recte instituendam indi-  
 gemus, non desideraretur. uerum ita casu ne-  
 scio quo accidit, ut ex ijs scriptis, quæ ueteres  
 illi, homines sapientissimi, reliquerunt, non so-  
 lum multa prorsus interierint, sed etiam, quæ  
 in hanc diem seruata sunt, ita deprauata, ita  
 mutila legantur, ut sæpissime uix, aut ne uix  
 quidem intelligi possint. hoc incommodum pa-  
 ter olim meus magna ex parte sustulit. cuius  
 industria multos excitauit, ut eandem rem ag-  
 gressi, iacentem litterarum laudem pro suis  
 quisque uiribus subleuaret. quod si alij fece-  
 runt, tantum æmulatione gloriæ permoti:  
 cerre, cur ego id faciam, hoc plus habeo caus-  
 sæ, quòd, cum pater studiosis id, quod in hoc  
 genere promiserat, morte præuentus præstare  
 non potuerit, hoc me nomine ita appellant,  
 quasi



quasi ad filios soleat non paternæ solum rei, sed  
 uoluntatis etiam hereditas peruenire. hæc  
 me, ut debet, opinio multum mouet, sed au-  
 thoritas tua plurimum: quam ego tanti soleo  
 facere, ut, quamcunque tu probas rationem,  
 ea demum & utilis mihi, & honesta uidea-  
 tur esse. tu igitur cum ad hoc posteritatis ad-  
 iuuandæ studium nos & uehementer, & sæpe  
 sis cohortatus; effecisti, ut in eam rem tanto  
 alacrius incumbamus, quanto pluris apud me  
 tua, quàm reliquorum omnium, consilia sunt.  
 quòd si labore, studio, diligentia profici hoc  
 genere quidquam potest, ut certe potest: ma-  
 gnopere spero fore, ut neque te officij tui in  
 me admonendo, neque liberalitatis in adiu-  
 uando pœniteat. cuius rei quasi specimen erit  
 hæc prima Ciceronis orationum pars; quam  
 ex ueterum exemplarium collatione diligen-  
 ter emendatam, in manus hominum sub tuo  
 nomine emitimus. nam cum usu, & consue-  
 tudine ita comparatum sit, ut, quibus rebus  
 principes uiri delectentur, in ijs rebus multi-  
 sum studium probare uelint; ex quo fit, ut ab  
 alijs canes, ab alijs equos, aut aues nobiles do-  
 no dari uideamus: commode me facturum exi-  
 stimari, si quid ego eius generis ad te mitte-  
 rem, quod omnibus te præferre uoluptatibus  
 intellexissem. soles enim quotidie fere à gra-  
 uisfi-



uissimarum artium tractatione, in hac studia, quæ sibi ab humanitate nomen asciuerunt, quasi in hortum amœnissimum diuertere: ubi te modo oratorum, & poetarum flores, modo dulcium amicorum colloquia mirifice delectant: ut præter id temporis, quod uoletudini dare soles, quod sane pusillum est, hora nulla sit, quam non in litteris, & cum uirtute traducas. quam tuæ uitæ rationem qui ignorant, mirantur scilicet, unde illa tibi in aduersis rebus fortitudo tanta, unde animi robur illud inuicti, quod ne illa quidem ipsa, quæ in rebus humanis Fortuna dominatur, ullo pacto poterit infringere; contra cuius uim duplici te præsidio muniueris, artium maximarum cognitione, & mentis optimæ conscientia. hæc est aliarum uirtutum, quæ in te sunt multæ, quasi princeps, & regina quædam; ut in alijs neminem tibi antepone, in hac ne conferre quidem possim. Nam de prudentia, de pietate, de iustitia, ne uidear assentari, nihil dicam: ne de liberalitate quidem; quæ tamen ita nota est, ut non, qui eam laudet, assentator, sed, qui non laudet, male uolus existimetur. cum enim hæc dandi beneficij ratio eiusmodi sit, ut nulla certior ad laudem, nulla item magis lubrica uideatur uia; propterea quod in beneficijs collocandis plerique fortunam



tunam hominum spectare solent, ut eandem  
 gratiam, aut etiam cum fœnore recipiant:  
 non est, quòd in hoc te labi quisquam arbitre-  
 tur; cum & rarissime contingat, cuiusquam  
 opera ut egere uidearis, & tu tamen quam-  
 plurimis, ob eximiam naturæ tuæ liberalita-  
 tem, atque amplitudinem, benigne facere &  
 soleas, & possis. et cum de omnibus ad bene-  
 merendum natura es maxime propensus: tum  
 uero ipsa te ratio atque doctrina ita conforma-  
 uit, ut ad eos honestandos, qui se ijs artibus,  
 in quibus ipse excellis, dedidere, tuum soleas  
 studium libentissime conferre. quæ quidem hu-  
 manitas et beneficentia tua non sane uideo qui  
 possit in ullo maior esse, quàm in me tuendo  
 fuit. quæ est enim à te res, quæ ad meum com-  
 modum attineret, prætermissa? quis diligen-  
 tius est adhortatus, ut hanc restituendæ anti-  
 quitatis laudem, qua pater meus olim excel-  
 luit, pene afflictam excitarem? quis eam ip-  
 sam ad rem perficiendam plura contulit? cum  
 etiam magnis Principibus, tui simillimis, ita  
 me commendaris, ut, iudicij tui testimonio  
 permoti, non minimis ad se præmijs euoca-  
 rint. Quæ cum recorder, etsi me ipsum probe  
 noui, tamen interdum mihi assentor, & mi-  
 hi aliquid uideor esse, quòd à te sim ornatus.  
 hæc me inanis ambitio ita delectat, ut illum do-  
 lorem,



lorem, quem ex difficultate capio remunerandi, si non tollat, minuat quidem certe. quam tu is es, qui te satis superq; remuneratum existimas, si modo id, quod dedisti, ab eo, qui accepit, intelligis memoria teneri. quo in officio praestando, noli credere quenquam esse, qui me uincat. & huius quidem rei confido fore ut aliquando eiusmodi à me signa dentur, quæ nullum cuiquam de mea in te uoluntate dubitandi locum relinquant: nunc earum rerum, quas ipsi quidem hoc tempore possumus, maxima, primum, ut dixi, Ciceronis orationum uolumen in tuo nomine apparebit. omnino neque amplitudine tua, neque ijs officijs, quæ in me contulisti, digna res uidetur: sed, ut spero, muneris nostri tenuitatem humanitatis tuæ magnitudo subleuabit.

AD GVLIELMVM BELLA-  
ium Langeum, apud subalpinas  
gentes pro Rege, in oratio-  
num Ciceronis par-  
tem secundam  
præfatio.

MAGNI refert, Bellai ornatisime, quo quid-  
que tempore agatur; & ad omnes res non par-  
uum habere momentum solet occasio quædam,  
&



& commoditas, qua uti dicuntur ij, qui nihil,  
 nisi loco, facere consueuerunt. nam quemad-  
 modum pictorum tabulae certo loco positae de-  
 lectant; eademq; minus bono lumine constitu-  
 ta, non item eorum, qui spectant, oculos tenere  
 solent: sic actiones nostrae, mirum est, quan-  
 tum opportunitate commendentur: ut inter-  
 dum plus in tempore, quam in ipsa re, posi-  
 tum esse uideatur. quod ego cum semper iudi-  
 casset, tamen non sum ueritus, quin tibi, in  
 ijs rebus uel maxime occupato, quas Rex Chri-  
 stianissimus, & post hominum memoriam ma-  
 ximus tuae fidei diligentiaeq; mandauit, hoc ip-  
 sum, quod nunc à me proficiscitur, officium fu-  
 turum esset uel iucundissimum. nam etsi ma-  
 gna tibi est grauissimorum negotiorum impo-  
 sita moles; quam tu summa tua cum laude, &  
 omniū pene gentium admiratione sustines: ta-  
 men in ipsa illa occupatione ita te litterarum  
 tractatio delectat, ut & legas cum uoluptate,  
 quae alij scripta reliquerunt, et scribas ipse, quae  
 à posteris cum admiratione perpetuo legentur.  
 ex quo illud consequeris, ut non modo Regis uo-  
 luntati seruias, quod est summa laude dignum;  
 sed etiam posteritati consulas, quo laudabi-  
 lius esse nihil potest. itaque tantum abest, ut  
 à maioribus tuis, omni decore affluentibus, ad  
 te ornandum quidquam haurias, ut etiam in  
 te

sit, quod  
 petenda si-  
 menta, qu-  
 no, qui à  
 legum coop-  
 plissimam  
 melisse, se-  
 utur: cui qu-  
 en nihil de si-  
 edfint, quib-  
 re uidentur:  
 entia, ut uia  
 que amplitu-  
 uirtute conq-  
 na agud Rege  
 itico pr adita  
 ad omnes non  
 em, quis est t  
 on sis? non  
 quanquam n  
 iusti) sed ex  
 isimis eloqui  
 scriptis licet in  
 uuitas, &  
 utur: sequit  
 tem ament  
 effem, ut ne  
 credibile, q



te sit, quod ad illos redundet. nam si tibi aliunde petenda sit laus; unde plura suppetant ornamenta, quam à fratribus tuis, maximeq; ab eo, qui à Paulo III. ita est in Cardinaliū collegium cooptatus, ut ei summus Pontifex amplissimam dignitatem non quasi optatam concessisse, sed quasi debitam persoluisse uideatur? cui quidem uiro cum ad summam gloriam nihil desit; cumq; item tibi ex res abunde adsint, quibus homines hominibus antecellere uidentur: tamen sit uestra bonitate, & sapientia, ut uicissim & tu in illius dignitate, atque amplitudine, & ille in ingenio, atque in uirtute conquiescat tua. uterque uero magna agud Regem prudentissimum, & summo iudicio præditum auctoritate, magno estis apud omnes nomine, & gloria. nam tu quidem, quis est tam longinquus, cui notissimus non sis? non ex præsentis corporis forma, (quanquam multas prouincias Regis legatus obijsti) sed ex imagine ingenij tui; quam uerisimilis eloquētiæ coloribus expressam in tuis scriptis licet intueri. in hac cum et naturæ tuæ bonitas, & uirtutis eximia præstantia cernatur: sequitur, ut, ex ea qui te norunt, iidem ament. quorum ego in numero cum ita essem, ut nemini concederem: tamen non est credibile, quantum ad illam ipsam animi er-

AA ga



ga te mei uoluntatem addiderit Gulielmi Pellicerii, oratoris in hac urbe regii, homini præstantissimi, prædicatio. cuius multi, & egregii de tua laude sermones me iam antea commotum impulerunt, ut ex orationibus Ciceronis, cuius tu libros è manibus dimittere non soles, alteram partem cum tui nominis inscriptione diuulgarem. qua in parte ab erroribus, & mendis uindicanda quantum operæ, studiiq; posuerim, mihi ipse sum testis; quantum autem profecerim, & tu, & alii iudicabunt. tibi quidem, si consequar, ut nostra diligentia probetur; sane meos labores non exiguo compensatos esse fructu existimabo.

AD ALEXANDRVM CAESARINVM Cardinalem in orationum Ciceronis partem tertiam præfatio.

BENE mereri de litteris, etiam si utilitas præterea consequatur nulla, tamen præclarum in primis, atque egregium esse semper duxi. quam utilitatem spectare si uolumus, ea demum summa est, quæ ex hoc genere percipitur. fructus enim in posteritatis memoria, & prædicatione positus est, quem nemo unquam sapiens non præstantissimum esse iudicauit. sed  
hæc



hæc bene merendi ratio duplex uidetur esse. nam & qui aliquid ipsi scripserunt, & qui alios uel cohortatione, uel premio, ut scriberent, impulerunt, litteris opem tulisse existimantur. quæ duæ res eiusmodi sunt, ut, qui alterutram commodè faciat, ei scilicet à studiosis omnibus gratiæ sint agendæ; qui utranque, ne haberi quidem satis possint. Atque hanc laudem, ne apud ueteres quidem sæpe accidit, ut unus consequeretur: propterea quod qui ea uirtute, atque fortuna fuerunt, ut & ingenio posteris prodesse possent, & opibus, ut idem facerent, multos adducere; alterum facile fecerunt, ut eos, qui doctrina, & eloquentia ualerent, ad iuuanda litterarum studia excitarent; alterum facere, ut ipsi monumentum aliquod industriæ suæ relinquerent, propter rerum gerendarum curam non ita potuerunt. quod item nostris temporibus usu uidemus euenire. nam neque multi sunt, qui præstare utrunque possint: & qui possunt, ijs fere, cum uelint, non conceditur. cuius generis exemplum; ne id, quod adest, aliunde quæramus; concede quæso Cæsarine præstantissime, ut à te sumam; & sine me hoc impetrare à modestia tua, ut ea, quæ sentio, de te dicam. certe enim, qui maiorem aut iuris ciuilis, aut sacrarum litterarum cognitionem

AA 2 sit



*sit consecutus, neminem esse constat. neque ta-  
 men hæc studia, quæ humaniora appellantur,  
 quæ nos hæctenus secuti sumus, cōtempisti; in  
 quibus etiam diligenter uersatus es, ut illa su-  
 periora, quæ quibusdam ipsa per se nimis hor-  
 rida uidentur, eloquentiæ pigmentis, cum uel-  
 les, atque etiam quantum uelles, illustrare pos-  
 ses. est igitur in te ipso, unde posteritas adiu-  
 uetur. nec, ut arbitror, uoluntas deest: sed o-  
 cium eripiunt maximarum rerum occupatio-  
 nes. nam quia tua uirtus non humili, neque  
 obscuro loco latet, sed quasi in specula quadam  
 excelsa, atque illustri posita est, unde opem o-  
 stentare bonis omnibus uidetur; iccirco homi-  
 nes accurrunt ad te, uel ut consilium, uel etiā  
 ut auxilium petant. itaque negocijs à littera-  
 rum tractatione distractus, ex duabus ratio-  
 nibus, quibus initio bonas artes adiuuari posse  
 dixi, alteram inuitus omittis, cum ipse nihil  
 scribas; alteram studiose amplecteris, cum  
 ijs, quos industria uides excellere, nulla re de-  
 sis. quamobrem Hieronymus Ferrarius, qui  
 se iam pridem tibi addixit, homo & ingenij, et  
 iudicij laude præstantissimus, cum alia, quæ  
 à te habet, prædicare solitus est, tum illud uel  
 maxime, quòd domi tuæ uiuens, te permit-  
 tente, atque adeo libente, totum diem in lit-  
 teris ponit, & ocio fruitur tanto, quantum  
 deserta*



deserta in regione uix esset. cuius ex ingenio  
 qui fructus percipiuntur, qui certe maximi  
 sunt, ij sane tuae liberalitati referuntur acce-  
 pti. à te habemus, quae Ferrarius in ueterum  
 scriptis uel correctione restituit, uel explica-  
 tione illustrat. à te emendationes in Philippi-  
 cas Ciceronis orationes, quas ille plurimas,  
 atque optimas ad me misit, quae iam iamq; e-  
 dentur, à te inquam omnes sunt. itaque etiam  
 eas ipsas orationes, ut à Ferrario, id est à te,  
 restitutas, & quae praeterea in hoc tertio uolu-  
 mine continentur, in quibus ipsi, quae male af-  
 fecta erant, multa sanauimus, tibi inscriptas,  
 atque dicatas emittimus; ut, quod beneficium  
 habemus maximum, eius beneficij auctorem  
 agnoscamus, & huic libro summum orna-  
 mentum, Caesarini nomen, apponatur. qua-  
 re etiam id, quod iam pridem optauimus, fortasse  
 consequar, ut, quàm praeclare ego de te sen-  
 tiam, cum intelligas, tu me eum existimes,  
 quo in amicitiam, uel potius in clientelam tu-  
 am accepto, non pessime sensisse uidearis.

AA 3 Ad



AD IOANNEM MONLUCI-  
um, Christianissimi Regis confi-  
liarium, eiusdemq; apud Vene-  
tam rempublicam orato-  
rem, in Ciceronis ora-  
torios libros  
præfatio.

QVOD te non fugit, Monluci sapientissime,  
præstare omnes ceteris hominibus, sed alius a-  
lia re uult. non enim uniusmodi sunt nostræ  
uoluntates; sed, quoniam ex animo, qui uarie  
afficitur, tanquam ex typo effinguntur, ipsæ  
quoque uariæ sint, & multiformes necesse est.  
ergo non eadem omnibus prima sunt. Quo-  
niam uero ex ijs, quæ appetuntur, necesse est  
aliquid excellat, ut de multis optabilibus unū  
optabile maxime sit: quid sit id, quod ego ce-  
teris præstare putem, si de me quærat; di-  
cam, id, quod qui assequuntur, eorum in pote-  
state sensus omnium, animiq; sunt. id autem  
sine dubio eloquentia est: quæ tantum possidet  
dignitatis, ut infra uel eorum fortune, quo-  
rum imperium provincie nutumq; sequun-  
tur, me quidem iudice constituentur: cum ita  
accidat, ut ab hac quamcunque in partem uo-  
lentes ducamur, illis inuiti sæpe pareamus. Sed  
quo-



quonia, quo loco posita laus est, cum locum maximis difficultatibus natura circumsepsit, ut per ueniendi facultatem paucissimis relinqueret: non est, quare nobis in mentem ueniat mirari, cur neque diuturna, neque in multis perfecta fuerit species eloquentiae. illud uideo, cum in hanc cogitationem mentis aciem intendi, bene dicendi gloriam duabus rebus ali maxime, ocio, & libertate. itaque in urbe Roma, quae bonorum oratorum quasi fecunda genitrix partus edidit uberrimos, neque ante secundum Punicum bellum, neque post Caesaris dominationem magnopere fuit, quod in hoc genere probares. Annibale uicto, hostis Italiae terribilis nemo fuit. tum in urbe securitas, tum summa tranquillitas orta: tum seditiosorum hominum ingenia popularibus concionibus acuit ambitio. conciones inquam eloquentiam pepererunt: nisi quid me fallit ratiocinantem: ratiocinor autem sic, & per hos quasi gradus interrogationis ascendo. Eloquentiae quod summum fuit propositum premium? consulatus: qui summus honor fuit. consulatum quis mandauit? populus. populum quis tenuit? concionator optimus. ergo à concionibus extitit orator. idemq; sublati concionibus, nullus fuit. cum enim civilibus armis oppressa respublica iaceret; uetus consue-



tudo periisset; à populo, cuius potestas uniuersa si translata ad unum esset, non iam magistratus, non praefectura peterentur: eloquentia, quae populi gratiam honorum spe quaesierat, inanis omnis & superuacanea fuit exercitatio. sic oratoria facultas, summorum hominum studijs exercitationibusq; culta, cum à duobus Gracchis ad C. Caesaris aetatem, hoc est per annos centum fere ita uigisset, ut nihil unquam fuerit illustrius; non effugit rerum humanarum commune fatum: quas ubi ad summum siue industria, siue natura perduxit, retro fere praecipiti lapsu reuoluuntur. Imperatores deinde multi rem Romanam exceperunt: quorum aetatibus uestigium ueteris eloquentiae nullum agnoscere. quid post? multo minus. nam, imperij sede in Graciam translata, crebra uastationes Italiae consecutae; cum influentes barbararum nationum copias reprimeret nemo. tum non eloquentia modo, sed ipsa pene litterarum memoria funditus deleta, nec suus est bonis disciplinis honor, nisi multis post saeculis, restitutus. patrum denique, aut auorum nostrorum memoria, cum externos mores Italici caeli temperies aliquando ad humanitatem deduxisset, paululum oculos litterae sustulerunt. doctrina primum, serius enituit eloquentia: nec mirum: doctrinam enim



enim sine eloquentia laudamus; eloquentem  
sine doctrina recte intelligens nemo duxit.  
nunc in oratorum nomine, quod eximium sem-  
per fuit, nihilo minor, atque haud scio an e-  
tiam maior, quam priscis illis temporibus, di-  
gnitas, & amplitudo est. mittuntur à Regi-  
bus ad Reges, aut ad liberas ciuitates, qui  
non de stillicidijs agant, non de iure fundi;  
quarum rerum controuersias qui perite, &  
copiose disceptarunt, scimus olim habitos esse  
eloquentes; sed ea tractent, quæ prudenter  
disputata, ocium gentibus constituere, digni-  
tatem imperij conseruare, terminos proferre  
possunt. hoc qui præstat, eum ego ueteribus  
oratoribus non comparo solum, sed etiam an-  
tepono. illi causas agebant primum apud iu-  
dices sorte ductos, deinde apud eos iudices, qui-  
bus de aliena re, non de sua indicantibus per-  
suadere orator siue hoc, siue illud haud ma-  
gno negotio posset. nunc agitur in consilio le-  
tissimorum uirorum: agitur ijs de rebus,  
unde ad eos ipsos, qui iudicant, maximum  
potest siue emolumentum, siue damnum redun-  
dare; cum & de publica re iudicent, & in pu-  
blica, extra quam nihil est, priuata cuiusque  
contineatur. his probare quæ uelis, eo maio-  
ris ingenij uidetur esse, quo difficilius ab arti-  
ficio capitur prudentia. itaque, cum hoc mul-

ti



ti uoluerint, magnum decus, atque ornamen-  
 tum est eorum, quibus contigit, ut possent; qui  
 sane pauci sunt: maximum uero, si cui tan-  
 tum aut natura dedit, aut exercitatio doctri-  
 nae, ut inter hos ipsos emereret. qualem si quis  
 te iudicet Monluci clarissime, hunc ego recte iu-  
 dicare mihi persuadeam. nam si consideremus,  
 primū à quo missus orator sis, deinde ad quos,  
 tum quibus de rebus missus: ita reperiemus,  
 missum ab eo Rege, qui omnes Reges sapientia  
 uicerit, quoniam quidem omnium unus, quid  
 contra Fortunam uirtus posset, maxime decla-  
 rauit: ad eam rem publicam, quæ nisi sapien-  
 tissimorum ciuium copia floureret, semperq; flo-  
 ruisset, profecto neque tanta nunc esset, cum  
 olim minima fuerit; neque tam diu staret, cum  
 ceteræ res publicæ suorum ciuium temeritate cō-  
 ciderint: ijs autem de rebus esse missum, qua-  
 rum quæ magnitudo sit, ex eorum, ad quos  
 pertinent, opibus apparet; quæ tantæ sunt, ut  
 paucorum imperijs distributus terrarum orbis  
 teneatur. Et cum hæc legatio tibi perhonorifi-  
 ca fuit; tum illud ad tui nominis celebritatem  
 longe maximum accessit; quod, cum à Prin-  
 cipe Turcarum Solymano pacem defessa bellis  
 Europa peroptaret, eaq; sine Christianissimi  
 Regis intercessione desperaretur; unus electus  
 qui tantum muneris obires, acceptis à Rege  
 mandatis, æstate media, summis caloribus in

P I  
 neciam na  
 abatur: co  
 ueritib  
 caristi. E  
 inter Rege  
 momenti c  
 consulente,  
 rectis armis  
 ostenta. Ho  
 in à Fortuna  
 sed à te ip  
 ma refers,  
 neque sis. mi  
 nus domina  
 un est aq  
 propriam for  
 na non est er  
 qu, omnia p  
 na bonus uir  
 undat; nec n  
 que dicunt  
 Italia pere  
 ego interua  
 uisses. sed  
 uilis coen  
 usuetudo  
 ne dissimili  
 tem loquen



Graciam nauigasti. pacem ut componeres, optabatur: composuisti: hieme summa, difficilissimis itineribus, per dispositos equos in Galliā recurristi. Exceptus alia cura, cum de sedandis inter Regem tuum, Regemq; Britānum magni momenti controuersiis ageretur, praesuiisti. te consulente, agente, ultro citroq; cursante, abiectis armis pax inter eos firmissimo fœdere constituta. Habes hoc omnino Monluci, non dico à Fortuna, quam casus & temeritas regit, sed à te ipso, qui ad consilium & rationem omnia refers, ut in tuis actionibus felix usquequaque sis. nimirum sors, quam in rebus humanis dominari quidam sunt opinati, non omnium est æque communis; sed ipsa sibi uirtus propriam fortunam architectatur. non erras, quia non est errare sapientis: & quia sapienter agis, omnia procedunt. bonus etiam orator es, quia bonus uir: ingenium enim probitas commendat; nec minus mouet is, qui dicit, quam ea, quæ dicuntur. Quod nisi latinum sermonē in Italia peregrinitas immutasset; næ tu nobis longo interuallo & Crassos, & Antonios retulisses. sed quoniam ea lingua utimur, quam multis coeuntibus linguis generatam corrupta consuetudo peperit: ueteribus Romanis oratione dissimilis, ingenio simillimus, non tu quidem loqueris ut illi, sed ut illi tamen & sapis,

&



& persuades. Quare non fuit ab re, cum ego eos libros, in quibus perfecti formam oratoris à Cicerone uideamus expressam, mendis antea deformatos, nunc mea correptione expolitos emitterem; non fuit inquam ab re, tuo nomini dicatos emittere; ut, quæ de perfecto oratore traduntur, ea perfecti item oratoris titulo cohonestarentur. hoc cum ita existimasset, quia uidebatur esse aptissimum, feci, & feci eo libentius, quod, cum tu mihi & multa iam summæ humanitatis officia tribuisses, & is es es, qui tribuere etiam maiora posses; ego, nisi aliquid, presertim ubi daretur occasio, retribuere, uerebar ne, ex duobus maxime insignibus uitij, alterutrus infamiam non effugerem, ut uel ea uiderer, quæ à te accepissem, minus meminisse, quod à consuetudine natura; mea alienissimum est; uel ea, quæ sperari possent, negligere; quod quia superbi esset, abest non modo à fortuna mea, sed etiam à uoluntate plurimum.

AD BENEDICTVM RHAMBERTVM, in Ciceronis libros de officiis præfatio.

NON ignoras, Benedicte Rhamberte, sensuum esse quãdam in hominibus similitudinem; quæ cum



cum in consuetudine cognita est, efficitur, ut, inter quos id accidit, amor exoriatur. ab hoc quasi fonte multorum amicitiae manarunt. multos etiam beneficium cum obligasset; cumque id, quod acceperant, memoria conseruatum grate animo redderent; idque uterque fieri ob ingenij bonitatem, & uoluntatis erga se propensionem existimaret: statim est illam opinionem beneuolentia consecuta. itaque duae causae sunt, quamobrem homines ament inter se: sed haec posterior, quae à rebus externis originem ducit, cum illa superiore, quae à natura profiscitur, nullo pacto uidetur esse comparanda. illa enim primum habet eam suauitatem, qua, ut opinor, & certe nulla maior est, cum eos, quibus utimur, & iisdem rebus quibus nos, & aequae atque nos affici sentimus: deinde, etiam qui in dando & accipiendo beneficio fructus est, eo non eget. nam si haec actio bene merendi interdum est, & esse potest in ijs, qui uoluntate non admodum coniuncti sunt, quanto facilius existet apud eos, quorum animi ita consentiunt, ut, quasi natura hortante, easdem res appetere, ab iisdem fugere uideantur? at uero qui officiorum comoditatibus adducti in amicitiam coierunt; etiam si alter alterum initio summe diligat; tamen, si quando accidet, id quod accidere saepe solet, ut ea,

qua



qua diligere cœperunt, caussa tollatur; certe eorum animi pedetentim in amore languescēt. quo in genere animaduertis Rhamberte quā multi quotidie labantur. de quibus, facile est intelligere, quid sentias, cum ab eorum instituto tua ratio tam uehementer abhorreat. probe enim te, quæ nostra debeat esse in iungendis amicitijs cautio, quæ in iisdem colendis religio, quod item in omni uita præstandum officium sit, horum librorum, quos nunc tibi inscriptos ad te mittimus, lectio erudiuit. sensi in me ipso; quem ab opibus non magnopere firmum, aut ne firmum quidem, tamen octauum ab hinc annum tanto studio es complexus, quantum, qui ab omni re paratissimus sit, remunerando compensare uix possit. cumq; rerum mearum status, ut sunt humana, interdum mutaretur; memoria teneo, te, nunquam immutatum, eandem semper cum mihi, tum fratribus meis uoluntatem, ac beneuolentiam præstitisse. cum uero maior aliquanto inter nos cōsuetudo esse cœpisset; quod quidem est factum, postea quā te in nostram uicinitatem contuli sti: facile sentio, ad meam uitam recte conformandam quanto mihi obseruatio tuorum morum fuerit adiumento. collocutiones uero de litteris nostræ quid non dicam delectationis, sed utilitatis habuerunt? equidem, si liceret, totos



tos dies uellem tecum ponere. quarum enim  
 ego rerum cognitione delector, earum in omni  
 genere quæ tui sit iudicii subtilitas, intelligo.  
 sed hanc latine scribendi rationem, in qua mul-  
 ti nunc uolunt excellere, paucissimi possunt,  
 eam uero sic tenes, ut tuis scriptis mihi quidē  
 purius nihil esse uideatur. quod eo mirandum  
 est magis, quia tu non, ut alij, diuturno, at-  
 que assiduo librorum usu, sed temporum stu-  
 dio subsecinorum, hoc ut posses, consecutus es.  
 nam ut omittam, quod tibi, cuius fidei atque  
 prudentiæ Veneti senatus arcana creduntur,  
 ocium non sæpe contingit: ecqui dies est, quo  
 non ex amicis tuis aut consilio tibi aliquis, aut  
 opera, aut etiam re sit adiuvandus? qua in con-  
 suetudine retinenda nimium diligens esse dum  
 uis, accidit sæpe, ut tuum potius ipse commo-  
 dum, quàm officij colendi facultatem præter-  
 mittas. quo ego me aptius facere sum arbitra-  
 tus, si hæc opuscula, in quibus maxime de of-  
 ficio præcepta traduntur, ad te, quem cogno-  
 ui esse omnium officiosissimum, mitterem. ge-  
 nus hoc Rhamberte quoddam est, quo ego eos,  
 qui de me bene meriti sunt, remunerari soleo.  
 perpende rem, nulla uidebitur: animum respi-  
 ce, gratissimum dices.

Ad



AD DIEGVM HVRTADVM

de Mendoza, Caroli Cæsaris à con-  
filio, & eiusdem apud Vene-  
tam remp. oratori, in phi-  
losophiæ Ciceronis  
primam partem  
præfatio.

SUPERIORIBVS diebus, cum domum  
tuam uenissem, ut Benedictum Accoltum,  
qui apud te diuersabatur, honoris causa uise-  
rem, quem ego hominem, non tam quia Car-  
dinalis est, quàm quia Cardinalatu dignissi-  
mus, uehementer obseruo: casu accidit, cum  
ego adessem, ut inter uos sermo oriretur ijs de  
rebus, quæ ab antiquis ignoratæ, nostra pa-  
trumq; memoria non solum inuentæ sunt, sed  
ad summam etiam elegantiam perpolitæ. cu-  
ius generis cum Accoltus ita multa comme-  
morasset, ut mihi quidem, credo item alijs  
qui aderant, facile probaret ueterum solertiæ  
nostrorum hominum industriam antecellere:  
suggeristi tu, ne de philosophia quidem, in qua  
tantopere antiquitatem admiraremur, tibi  
uideri esse dubitandum, quin ea posset etiam  
nunc expoliri, atque ornari, si modo, quam  
quisque linguam à parentibus, atque à nutri-  
cibus

PRA  
tradita  
et scribere  
mone addi  
us: quod si  
tioni totos  
m, quin e  
undo possent  
s, unde spiri  
fuit, & ho  
sunt. praua  
i, qua, tanq  
iderrimos:  
iusta ponti  
lum statij re  
ut ad antiqu  
u Graci illi p  
rimum est,  
ut, Aegypt  
scripta reliq  
ua, non dom  
u Gracis sum  
um posterit  
mnes gente  
mandare nol  
porum sign  
gnouissent  
facile conti  
clarissime,



cibus traditam cum lacte simul hausisset, in ea uellet scribere: nunc usu euenire, ut, externo sermone addiscendo, totam aetatem consumamus: quod si nos à pueritia disciplinarum cognitioni totos dederemus; non esse desperandum, quin & Platonēs, & Aristoteles aliquando possent existere: non enim & cælum hoc, unde spiritum ducimus, idem est, quod olim fuit, & hominum ingenia non eadem esse possunt. praua consuetudo naturam peruertit. quæ, tanquam ager, si colitur, fructus edit uberrimos: si negligitur, exarescit. annos triginta ponimus in uerbis percipiendis: quantum spatij restat, ut res ipsas consideremus? licet ad antiquitatem animum referre: num aut Græci illi philosophi, quorum nomen celeberrimum est, ea, quæ ab Aegyptijs acceperant, Aegyptio potius, quàm patrio sermone scripta reliquerunt; aut nostri aliena lingua, non domestica sunt usi, cum ea, quæ uel de Græcis sumpserant, uel ipsi pepererant, in usum posteritatis explicarent? constat, apud omnes gentes, qui suas cogitationes litteris mandare uoluerunt, eos fere ijs esse uerbis usos, quorum significationem matris in gremio cognouissent. quod item nostra ætate si fieret, facile contingeret quod tu opinaris Hurtade clarissime, ut in philosophia ueterum inuentis

B B non



non nihil, uel etiam non parum addi posset: neque enim eos, qui fuerunt, usque eò cogitatione, ingenioq; processisse existimandum est, ut ijs, qui futuri sunt, quod præterea cognoscerent, nihil reliquerint. multa latent adhuc, retrusa, atque abdita in immensitate naturæ: quæ eliciet, & euocabit in lucem, si quis inuestigandis rationibus, & perscrutandis rerum causis ab ineunte ætate suum studium dederit. quod ab ijs fieri commode non potest; uel potius nullo modo potest, quibus non ea lingua, in qua alti & educati sunt, sed ea, qua ueteres utebantur, scribere consilium est. quorum tu si probares institutum, quotusquisque tecum esset in eo laudis genere conferendus? tenes enim perfectæ Latinam linguam, tenes Græcam, Arabicam, alias præterea. scribis tamen ut in patria tua loquuntur: in quo uideo quid spectes. quod pater tuus egit, ut optime de Hispania mereretur; id tu alia quadam ratione consequi uis. ille enim, cū annum ageret uixdum quintum & decimum, qua ætate milites in exercitu pauci solent esse, omnium approbatione, qui exercitus regeret, electus, Bæthicæ regem bis acie fusum regno exuit, & quæcunque in eius ditione fuerant, catholici regis imperio potestatiq; subiecit. aliam tu ornandæ, atque amplificandæ patriæ tuæ



tuae rationem iniuisti. profers enim, quantum in te est, Hispanicae linguae terminos; & ut ea non solum uerbis, & nominibus, sed etiam rebus & scientijs per te locupletata ab exteris nationibus appetatur, ingenio doctrinaq; consequeris. quod nescio an omnibus patris tui uictorijs, atque triumphis sit anteponendum. nam etsi populos bello superare, & imperium augere praclarum est: tamen mihi cum animo meo consideranti multo melior uidetur esse conditio litterarum, quam regnorum. haec enim in unius hominis fortuna posita sunt, & unius saepe culpa extinguuntur: illae uiuunt, & uigent quotidie magis, neque ulla temporis circumscriptione terminantur. itaque magni & excellentes uiri, qui bellicae laudis gloria florent, cum earum rerum, quas gesserunt, memoriam non satis fore diuturnam sperarent, nisi ab hominibus ingenio praeditis celebrarentur; eos, qui id praestare possent, summo in honore semper habuerunt. quo mihi illorum laus uidetur esse illustrior, qui & res praclaras manu gerere, & quae gesserunt, litteris custodire ipsi possunt. quo in numero fuit soror illa tua praestantissima femina: cuius militaria facinora cum audimus, cuius eam nostrae aetatis uiro animi magnitudine comparamus: cum autem ea, quae scripsit, legimus, uel antiquis scri-

B B 2 ptoribus



PAULI MANVTII

ptoribus ingenij præstantia simillimam iudica-  
mus. huiusmodi cum in tua familia mulieres  
existant, de uiris quæ sunt speranda? quan-  
quam fratres omnes tui, tuq; in primis, ea,  
quæ sperabantur, iam præstitistis. itaque Ca-  
rolus Imperator Augustissimus uestra potissi-  
mum uirtute, uestraq; fide nititur. nam fra-  
trem tuum, Marchionem de Mondesar, qui  
ceteros ætate anteit, cum alijs in rebus, tum  
in uictoria Tunetana, equitibus leuis armatu-  
ræ & classi maximæ præpositum, magno suis  
rebus sensit esse adiumento: alterum autem,  
Episcopatu Ianenſi ornatum, summe propter  
eruditionem, & prudentiam diligit: tertium  
Indicis prouincijs pro Rege, quartum Hispani-  
cis triremibus præfecit: te primum sibi uoluit  
esse in consilio: deinde, cum difficultatem quan-  
dam temporum pene fatalem impendere, &  
ea, quæ cogitabat, sine summa prudentia non  
esse tractanda intelligeret, unum è maximo nu-  
mero delegit, qui apud Venetam remp. id mu-  
neris orator sustineres: quo in munere clarior  
in dies significatio tuæ uirtutis elucet. nam ad  
usum rerum, quo uales plurimum, addis do-  
ctrinæ cognitionem: quam à libris petitam,  
grauiore in caussa consilium capere si uis, ex-  
plicas, ut, proposito præteritarum rerum exi-  
tu, cautior præsentium sit deliberatio. quod

PRAE

nam max  
ia: tu quide  
eris: sed ne  
delectat; c  
quare que ne  
fecerint. Qu  
eris indigere  
ut, quocun  
men uide, qui  
mare te possem  
olia libros cu  
li, & emenda  
tur & expedit  
um ex te audiu  
scriptis ita ma  
uilegerunt, an  
uilegerent: cu  
rextimare à f  
re maximam  
uox non cobe  
rem, quod fec  
uile, ut meo t  
m, & ea, qu  
i, in tuo nomi  
ta: omnia, de  
ia: sed ego it  
lophis didice  
mum inu  
ca, qui sum



quoniam maxime praestant historia & philo-  
 sophia : tu quidem uehementer utriusque studio  
 teneris ; sed nescio quo pacto magis te philoso-  
 phia delectat ; credo quod pluris apud te est ex-  
 cogitare quae nemo uiderit , quam imitari quae  
 alii fecerint . Quo in genere cum nullius ope ui-  
 dearis indigere , quippe qui ita abundes inge-  
 nio , ut , quocunque te applicueris , excellas :  
 tamen uide , quid egerim : iniui rationem , ut  
 iuuare te possem . nam hos Ciceronis de philo-  
 sophia libros cum uetustis exemplaribus con-  
 tuli , & emendatos ad te misi ; ut tibi quasi fa-  
 ciliior & expeditior legendi cursus esset . saepe  
 enim ex te audiui , cum diceres , antiquorum  
 in scriptis ita multa esse corrupta , ut in eorum ,  
 qui legerent , animos permixte falsa cum ue-  
 ris influerent : cui malo si quis mederetur , eum  
 te existimare à studiosis omnibus , sed à te ipso  
 certe maximam esse gratiam initurum . quae  
 me uox non cohortata est , sed impulit , ut id fa-  
 cerem , quod fecisse me uides . Ac fieri tamen  
 potest , ut meo te studio , et diligentia nihil inue-  
 rim , & ea , quae ego nunc in his libris restitu-  
 ta , in tuo nomine emitto , iam pridem ipse ha-  
 beas omnia , domi tuae nata , & à te ipso qua-  
 sita : sed ego ita sum ratiocinatus : cum tu à phi-  
 losophis didiceris , non in reges solum & princi-  
 pes , qui summam iuuandi facultatem habeant ,

BB 3 sed



sed in tenuiores etiam liberalitatis nomen posse cadere, quod bene mereri, etiam si non possunt, tamen & cupiant, & præclarum existiment; eadem ratione fore, ut, quod ego te iuuare uoluerim, pro eo id accipias, quasi maxime iuuerim.

AD MARCELLVM CERVINUM, Sanctæ Crucis Cardinalem,  
in alteram Ciceronis philosophiæ partem præfatio.

EST genus hominum, qui ita sentiunt: philosophari, aut totum nihil esse, aut non eorum esse, qui rerum agendarum in studio uersantur. quorum in altero mihi uidentur, cum homines sint, bestiarum consuetudinem imitari; quæ tantum ea, quæ pedibus teruntur, quæq; adsunt, intuentur, nihil altum suspiciunt, nihil longinquum cogitant: in altero res à natura copulatas uelle seiungere. nam qui ab actione rerum philosophiam excludit, is, quantum in se ipso est, corporis & animi societatem dirimit; cum & corpus regimine animi, & animus ministerio corporis indigeat. Sed profuerunt multos, quibus ignoratio philosophiæ non obstitit, quo minus ea, quæ uolebant, rectissime perficerent. quasi uero sit eadem rerum omnium



nium natura, & , quod uni aliqua in caussa contigerit, id cuilibet omnibus in caussis posse contingere credibile sit. naufragium facit natationis ignarus; arripit tabulam, & amplexu tenens, ad litus incolumis à fluctibus appellitur: num iccirco natandi peritiam negemus esse utilem, quòd, sine ea qui fuit, è periculo tempestatis euaserit? incidit aliquis in febrem; non curatur, & conualescit: tollemus igitur medicinam, quoniam sunt qui sine eius ope sanentur? nihil minus: nisi si ea, quæ in casu sita sunt, anteponimus ijs, quæ ratio gubernat. quod idem de philosophia dicendum est. nam ut illud demus, sine ea multos esse laudem consecutos: non & hoc dabimus, fore, ut sine eadem consequi omnes possint. non eiusdem semper generis agenda sunt res. est, ubi prudentia uel mediocris abunde satisfaciat: est item, ubi mentis altior contemplatio requiratur. hoc extremum qui poterit, sequitur ut & illud primum: sed qui illud primum, non & hoc extremum. quod cum ita sit; utrum præstet habere, facilis est dijudicatio. in optione enim, et eligendi potestate, nemo fere est, quin totum partibus censeat esse præferendum: propterea quòd non totum in partibus, sed partes includuntur in toto. Ergo, cum perspicuum hoc sit, accidere & posse, & solere, ut philosophiæ co-



gnitio utilitatem afferat, ignoratio detrimentum: dubium non est, quin ea uideatur esse cū rerum actione coniungenda. Sed iidem coniungi posse negant: quo argumento? aiunt eas dissimili in genere uersari, alteram in ocio, alteram in negocijs: itaque se non uidere, qui possit in utraque unus excellere. Hic ego, Ceruine pręstantissime, meam memoriam non excusiam, ut ea, quę legerim, aut audiuerim, reminiscar. non est consilium, quę ad illos redarguendos faciant, ueterum ę scriptis eruere. uolo, ut exemplo tuo refellantur. Romę uiuis, ę uixisti multos iam annos. nunquam omnino tua uirtus tam illustri loco latuit: sed postea quām te Paulus III. incredibili Pontifex nō modo sapientia, sed bonitate etiam ornatus, in altiore dignitatis gradu collocatum, suorum omnium consiliorum ę participem, ę adiutorem esse uoluit; tum uero clarissime sese ostēdit lumen animi, ingenijq; tui; ut nullus esset honor tantus, qui in te collatus, non uideretur ei, qui contulisset, magnam esse iudicij laudem allaturus. itaque paulo post Cardinalis factus es, ę factus tanto bonorum applausu, tantaq; letitia, quantam in animis hominum recte sentientium summa dignitas uirtuti tributa potuit excitare. quo toto tempore ualde tu quidem fuisti, atque es etiam nunc, districtus  
à ne-



à negocijs, maximeq; ab ijs, quæ & ad sedan-  
das Christianorum Principum discordias, &  
ad restituendam religioni dignitatem perti-  
nent: sed te tamen à philosophiæ studio nul-  
la res unquam potuit diuellere. sic & animo,  
& corpori suis utrique muneribus apte distri-  
butis, quotidie fere modo à cognitione ad res  
agendas, modo à rebus agendis ad cognitio-  
nem traductus, teq; ipse in hoc quasi circu-  
lo identidem reuoluens, effecisti quod ab ijs, de  
quibus initio dixi, fieri posse negatur, ut & in  
tractandis negocijs, & in considerandis rerum  
humanarum diuinarumq; causis occupatus, di-  
spari in studio, pari tamen cum laude uerferis.  
ex quo intelligitur, ab ijs, qui rerum actioni se  
dedunt, & percipi philosophiam, & tractari  
posse: debere autem ostendimus: est igitur eo-  
rum, qui aliter existimant, sententia omnis  
explodenda. Nos quidem & nostra sponte com-  
moti, & tuo exemplo impulsî, quotidie ma-  
gis philosophiam admirantes, in eius cognitio-  
ne cupimus acquiescere; ad eamq; magnis de-  
fatigati laboribus, & molestijs, tanquam ad  
iucundissimum diuersorium properamus. quò  
si peruenero, uel potius cum peruenero; (cur  
enim meam ipse cupiditatem omnibus opti-  
mis non prosequar?) tum ego quidem multo,  
quàm nunc, facilius tua in me merita uel tue-  
bor,



bor, uel etiam illustrabo. interea non sumus ociosi: utinam potius aliquanto minus occupati. prouinciam cepimus duram, atque difficilem, ueterum scriptorum libros emendare dū uolumus. omnino in hoc onere susinendo ualde sudamus: sed animus, tuarum cohortationum memoria confirmatus, manet in officio, manebitq; dum id, quod instituimus, absoluitur. nunc edimus Ciceronis libros de philosophia, sane multis à mendis, potissimum ex antiquo Bernardini Maffei, qui te maxime obseruat, iuuenis eloquentissimi, libro uindictos. qui cum ita digesti essent, ut in duas partes tributi legerentur; cumq; ego ex ijs partibus eam maxime uellem tibi inscriptam emitte, quæ tuæ personæ, dignitatiq; aptissima uideretur: feci, ut eam deligerem, in qua de natura deorum eleganter & acute disputatur: ut, quoniam ualde tibi pro tua ueteri erga me uoluntate, proq; summis officijs deberi fructus industriæ meæ uidentur; ij dum ad maturitatem peruenirent, his te interim quasi floribus oblectares.

Ad



AD RAINVTIVM FARNE-  
 sium, Cardinalem, in suos com-  
 mentarios Ciceronis episto-  
 larum ad Atticum  
 praefatio.

BENE audire, qui est recte factorum fructus,  
 omnes fere uolumus, amplissime ac praestantis-  
 sine Rainuti: ipsum quidem recte facere, un-  
 de illud quasi ex fonte deducitur, paucorum  
 hominum semper fuit. est enim tum perfectae  
 naturae, tum doctrinae singularis: ut tamen  
 natura sine doctrina facile possit ad laudem  
 peruenire; doctrina sine natura laudabilis  
 nunquam, turpis etiam saepe sit. itaque uel in  
 agris inculto homines ingenio uirtutem tamen  
 coluere: doctrinis autem eruditi uiri, quae ad  
 bene agendum esse instrumenta debuerant, ijs  
 ad perniciem suarum ciuitatum sunt abusi.  
 quid de Pisistrato graecae historiae loquuntur?  
 quid nostrae de Caesare? doctum utrunque, &  
 eloquentem fuisse, ijs tamen utrunque sensi-  
 bus, ut exempla maiorum, & legum sanctissi-  
 ma iura contemnentes, libertatem suis ciuibus  
 eripere praclarum duxerint. ergo prima laus  
 bonitatis est; quae nihil, nisi se ipsam, spectat,  
 ipsa sibi finis est: altera doctrinae; quae nisi ad  
 bonitatem



bonitatem referatur, laudabilis non est; ideoq; , ut laudetur, finem sequitur se ipsa præstantiorem. quòd si quis est, qui alterum cum altero coniunxerit; ut & bonus sit, & idem doctrinis institutus; neque rectum ideo solum cupiat, quia sit ipse ad rectum natura propensus, sed quia, quod rectum non est, id esse turpissimum intelligat: hic est, quem in uita humana diuina bona consecutum putemus. præclara res, sed exemplo minus nota: id autem, ut ego opinor, ob eam causam, quòd unusquisque in uitam Principis, tanquam in speculum intuens, ad illius similitudinem se ipse fingit, & format. ideoq; uiri sapientes alterutrum recte cupiuerunt, ut aut reges philosopharentur, aut regnarent philosophantes: utrum esset, futurum ut ex uirtute penderemus. Quòd si fuit ullum tēpus, cum homines rationes & cogitationes omnes suas in philosophia constituerent: tum profecto cæpit esse, cum auus tuus ad Christianæ reipublicæ, nimium magno periculo fluctuantis, gubernacula Dei iussu accersitus, sedit in sede pontificia Pontifex dignissimus, ea præditus non solum auctoritate, sed etiam sapientia, ut hic nos in tantis tempestatibus seruare solus à naufragio possit. cumq; laudandus est maxime, quòd optime ipse sentit, optimis semper in studijs, consilijsq;



filijsq; defixus: tum, quòd optimos viros asci-  
 uit sibi & consiliarios, & suæ uoluntatis ad-  
 ministros. in quo ego tantum soleo ponere; ut,  
 si mihi ad alterutrum eligendum optio detur,  
 non bonum principem malim cum bonis admi-  
 nistris, quàm bonum cum sui dissimilibus. sed  
 bene, quòd habemus utrunque; & Pontificè,  
 qualem res poscebat, & collegium tali Pon-  
 tifice dignissimum. itaque nunc emergit uir-  
 tus: honestum reuocatur: desertæ per multos  
 annos litteræ patronos habent, diuq;, ut augu-  
 ror, habebunt. tu Rainuti, fraterq; tuus, duo  
 clarissima Italiæ lumina, uterque Cardina-  
 lis, & Cardinalis uterque optimus, præcla-  
 ram consuetudinem tenebitis ab auo tradi-  
 tam. certe enim non ideo te Patauî per tot  
 annos summi doctores erudierunt, ut ea, quæ  
 tantis uigilijs quærebas, consecutus negligere-  
 res. amabis eadem, & fouebis: tuumq; erit  
 proprium studium non solum colendæ uirtu-  
 tis, sed etiam ornandæ. refer animum ad eos,  
 qui multis ante sæculis extincti, tamen in lau-  
 de uiuunt: omnes reperiēs, his gradibus ascen-  
 dentes, ad immortalitatem peruenisse. quo-  
 rum tu quia facta imitaris; non dubito, quin  
 eorum semper florentibus nominibus ita tuum  
 nomen inferas, ut nunquam exarescat. ma-  
 teriem habes ad gloriam, Anconitanam pro-  
 uinciam;



uinciam; quam nunc ita regis adolescens, ut  
 ea præstes, quæ sæpe desideramus in senibus.  
 quæ quanquam ad eos solum, quibus cum po-  
 testate præes, pertinere uideantur: tamen il-  
 la tuæ ditionis terminis non continentur. scis  
 consuetudinem famæ. illa nos per ora homi-  
 num sublimes uehit: benefacta simul & ma-  
 lefacta æque circumfert: sed benefacta laudi-  
 bus excipiuntur, malefacta conuicijs explo-  
 duntur. itaque noli putare, te Picentibus so-  
 lis esse continentem, esse iustum, esse benefi-  
 cum. Picentes hæc uident, longinqui audiunt,  
 & prædicant. te aiunt esse, ad quem aditus o-  
 mnibus pateat; cui sit iustitiæ, sit pietatis an-  
 tiquissima cura; cuius & potestas timeatur,  
 cum omnia possis; & bonitas diligatur, cum  
 idem non plus licere tibi uelis, quam quantum  
 leges præscribant. macte adolescens laudibus  
 eximie, imitator aui maiorumq; tuorum. re-  
 Æte cogitasti, in imperio laudem non esse, ni-  
 si cum is, qui imperat, imperio dignus est.  
 quod quia tibi siue à natura, siue à disciplina,  
 siue, ut ego arbitror, ab utraque simul conti-  
 git: quod ad naturam attinet, referimus ad  
 Deum: de disciplina, te ipsum & laudamus,  
 qui ad hæc præclara inuigilaueris; & ama-  
 mus, quia sunt amabiles uirtute præditi. me  
 quidem & multis abhinc annis, cum Romæ te  
 uidissem,



uidissem, atque allocutus essem, in tui obser-  
 uantiam uoluntas inclinauit, iam tum de tua  
 indole expectantem ea, quæ consecuta sunt;  
 & postea Patauij, cum in studijs optimarum  
 artium totus esses, iudicium impulit. hæc tua  
 Picentina legatio quasi operis perpolitio fuit:  
 in qua thesauros philosophiæ, multorum an-  
 norum studio congestos, explicas, & cum  
 prouincia communicas. itaque cum ego mul-  
 to ante, quàm istam tibi administrationem  
 summus Pontifex demandasset, eos commen-  
 tarios, quibus epistolas ad Atticum illustrare  
 sum conatus, in tuo nomine emittere statuis-  
 sem; postea simul cum tuis laudibus creuit uo-  
 luntas mea. eos igitur nunc emitto, serius o-  
 mnino, quàm non nulli expectauerant; sed  
 meam tarditatem opus ipsum excusat. epi-  
 stolas ad Atticum interpretanti properan-  
 dum non fuit. alijs in rebus possum esse quan-  
 tumuis strenuus: in hac qui possum esse non tar-  
 dus? primum multa difficilia, deinde non ijs-  
 dem causis omnia, sed alia propter breuita-  
 tem, alia propter historias, alia propter mo-  
 res. Huc adde, quòd mihi quibusdam in locis  
 non satis fuit explicare ea, quæ aperta non e-  
 rant; sed tentavi, num etiam paulo floridius  
 possem, quàm nostri grammatici solent. Ne-  
 que tamen sum nescius, fore multos, qui me  
 in



PAULI MANVTII

*in his commentarijs ut hebetem, quia non nulla minus acute uiderim, uel fortasse etiam ut cæcum, quia prorsus non uiderim, reprehendant. qui si mihi, cur id faciant, causas afferant probabiles; non committam, ut ijdem me etiam ut pertinacem possint reprehendere. amo enim ueritatem, neque eam in me ipso magis, quàm in alio: itaque complectar, si cubi eam uidero. Tibi uero, clarissime Rainuti, quod in has Ciceronis epistolas laboris impendi, maxime ob eam causam cupio probari, ut, si qui uere iudicare aut propter incertitiam non possunt, aut propter maleuolentiam nolunt, eos à consilio detrahendi tua deterreat auctoritas.*

AD ALFONSV M CARAFAM,  
Antonii Marchionis Montisbelli F.  
in suos commentarios Ciceronis  
epistolarum ad Q. fratrem præfatio.

**S***i suo quæque res merito penderetur, Alfonso Carafa; hominum esset in uirtute uigilantium præclara conditio; contraq; quos auersa à ratione uoluntas ad malas artes, & flagitiosa consilia traducit, cum ijs pessime semper ageretur; eorumq; docti exemplo, sapien-*  
tius



tius deinde alij non modo suis , uerum etiam publicis rationibus consulerent . itidem enim , ut è corruptis seminibus uitiosæ fruges , sic à malis exemplis improba studia , à laudabilibus optima nascuntur . uerum hoc totum secus est . quippe non modo ad reprehendendum , quæ reprehendi iure possunt , procliuiiores , quàm ad laudandum , quæ laude digna sunt , omnes fere sumus , nec satis æqua lance turpe & honestum examinamus ; quæ debemus pariter , alterum odisse , alterum diligere : sed etiam sæpe facimus , ut eas res , easq; actiones , quarum causas ignoramus , quæq; recte ne , an secus fiant , diiudicare non possumus , accusemus tamen , acerrimaq; uituperatione , quæ interdum efferri laudibus oporteret , ea deprimamus . Ac , ne me putes , *Alfonse clarissime* , huius initium sermonis temere detulisse ; ego nunc , si nescis , meam , meam dico ? immo uero communem utriusque nostrum causam ago . aut enim uterque agimus egregie ; aut uterque similiter peccamus . Audis ne tu uoces in latine linguæ nomen irrumpentes , hominum obtreptantium , qui rei pulcherrimæ scientiam reprehendant ; qui nos derideant , ludosq; faciant , atque etiam , si dijs placet , odio dignos existiment , quòd operæ tantum ac temporis in hoc tam nobili studio collocemus ? tu fortasse

C C non



non audis, totus in litteras abditus, multorum  
à consuetudine seiunctus: aut, si audis, negli-  
gis, opinor, magnis non tam fortuna, in qua  
tamen ipsa multum inest, quàm rerum om-  
nium laudabilium præsidijs ad omnia munitus.  
me uero, humilis hominem loci, hac una tibi  
Romani sermonis cupiditate parem, ceteris  
rebus omnibus inferiorem, ista sane, quæ fe-  
riunt aures meas, uehementer commouent;  
non quòd ea, quibus utuntur, argumenta fir-  
ma sint; quæ ostendam esse inania: sed quòd,  
ut eam quisque uirginem, cuius amore fla-  
gret, intactam ab iniuria, puram ab omni la-  
be uelit, sic ego, quasi lutosiis maculis asper-  
sam, ac fœdatam eloquentiam, quam sem-  
per dilexerim, cum aspicio, sensibus intimis  
afficio, sic, ut ferre non possim. Obijciunt il-  
lud primum: quatenus aliquid cognosci possit,  
eatenus in eo laborandum: latinam linguam  
obsoleuisse iam, & extinctam pene totam esse:  
quam enim hodie nationem, ut omnes animo  
perlustrentur, latine loqui? quod uero ex ea  
superfit in libris, minimum id esse, tanquam  
aliquod inane simulacrum corporis exanimis:  
quocirca neque sciri perfecte, cum exiguam  
partem libri contineant, neque pronunciari  
decenter, cum sermonis usus euanuerit, à no-  
bis posse. Secundo loco statuunt: ut absolute  
percipi,

PR A  
propi, quod  
uari se tam  
nam in ea p  
mus: uitio  
dij: dignita  
pere per tot  
cludunt po  
ne, de dignit  
men esse, cum  
me necessaria  
dentur; ego,  
ne disputanti  
us, esse aliqui  
e artibus ex  
m peruenierin  
non quibus ter  
uulgi opinion  
modum ociosi  
ntur excellere  
summa, ubi  
dignus ignorat  
id esse nolum  
negredi longi  
ndantur. p  
dijci, max  
minum, que  
piens nemo  
um. extant



percipi, quod negant, latina lingua possit, mirari se tamen etiam atque etiam, cur industriam in ea perdiscenda tam diuturnam ponamus: uitio quidem id fieri uoluntatis, & iudicij: dignitatem in re tantam non esse, ut haerere per tot annos in hoc studio debeamus. Concludunt postremo: ut de perfecta cognitione, de dignitate, ac praestantia concedatur; tamen esse, cum, ea pulsa, successerit alia, minime necessariam. Hæc isti: quæ specie aliquid uidentur; ego, re nihil esse, si quando me praesente disputantur, ostendo. Conuenit internos, esse aliquid in omnibus facultatibus, atque artibus extremum: quò nostra studia cum peruenerint, quiescendum. sed hoc extremum quibus terminis metimur, rei ne natura, an uulgi opinione? si opinione uulgi: licet propemodum ociose uiuere: mediocria, quæ putantur excellere, quæramus: id satis est: illa summa, ubi summum decus habitat, quæ uulgus ignorat, omittamus. sin extremum illud esse uolumus, quò peruentum cum est, progredi longius non licet: moderata studia non dantur. perfectam enim scientia laudem adipisci, maximi operis est: itaque hoc extremum, quod, opinor, Natura nouit una, sapiens nemo unquam se putauit esse consecutum. extant, litterarum clarissimis testata



monimentis, exempla summorum philosopho-  
 rum: qui cum etatem in abditarum rerum  
 perscrutanda notitia contriuisent, multaq;  
 partim legendo, partim cogitando præclara  
 & eximia reperissent; latere tamen adhuc,  
 magnis inuolutam difficultatibus, ueritatem,  
 & aliquid sibi, atque adeo multum esse quæ-  
 rendum existimabant. Eadem nunc, aut cer-  
 te similis admodum nostra ratio est. Quæri-  
 mus id, quod in Latina lingua perfectum pu-  
 tamus. non assequemur: esto: ueruntamen,  
 quo plus, ut assequamur, contenderimus, eo  
 scilicet propius, si quid studio proficitur, acce-  
 demus. At laboris, & industriæ terminus  
 tamen statuendus aliquis est. Concedo: sed hoc  
 quidem, si diligenter attendatur, nihil aliud  
 est, quàm perfectum ipsum definire. hoc e-  
 nim ad unum nostri labores intenduntur, hoc  
 unum nostra spectat industria. perfectum au-  
 tem ipsum ego mihi ab hominibus imperitis  
 certe definiri nolo. definiant ij, quibus utor  
 magistris, Cicero, Cæsar, Terentius, Plau-  
 tus; quorum ex libris, quæ Latine linguae sit  
 elegantia, quæ ubertas, quæ uis, facile pos-  
 sum intelligere. quæ si, non dico quanta sunt,  
 (immensa enim esse uideo) sed si ea mihi ma-  
 gna ex parte comparassem; modum fortasse  
 facerem studio meo: sed, ut inter hos, qui  
 nunc



nunc homines uiuunt, aliquid esse uideamur, nihil tamen, si uere de nobis ipsis iudicare uolumus, præ illis, quorum extant satis multa scripta diuinitus, nihil, inquam, plane sumus. Quare, quod ad scribendum attinet, habemus abunde, quod imitemur. De pronuntiatione uero minimum laboro. quid enim? an putamus in ijs ipsis, qui tum Romæ uiuebant, eandem pronuntiandi rationem fuisse? non fuit. confluebant in urbem, illeæti spe summorum magistratuum, quod habuit illis temporibus præmium eloquentia, oratores ex uniuersa Italia. causas agebant Romani homines pariter & peregrini, sono uocis dissimiles, pronuntiatione diuersi: suam tamen quisque, pro eo, quantum quisque ualebat ingenio, laudem ferebat. si Curibus educatum, aut Arpini, orantem in foro audires; Sabinum statim, aut Arpinatem agnosceres. neque tamen à forensi opera, & à iudicijs propterea quisquam est exclusus, quia minus Romane, hoc est quia minus apte, minus ue decenter, pronuntiaret. Nunc ipsum, in hac, qua Itali omnes utimur, lingua est ne omnium in disiectis & longinquis urbibus simillima pronuntiatio? mehercule ne in iisdem quidem. Venetijs enim (domestico utar exemplo) aliter in urbe media, aliter in extrema loquuntur.



quapropter nimis iniusto priuilegio damnabi-  
 tur latina lingua, si, quod in ceteris linguis  
 usu uidemus euenire, ut non modo diuersis,  
 uerum etiam iisdem & temporibus, & locis  
 non similiter omnes pronuncient, id ei præci-  
 puum apponatur: cuius etiam magnis ac præ-  
 stantibus meritis aliquid largiri, tum huma-  
 nitatis, tum æquitatis esset. Secundum erat  
 de dignitate. in quo, non tam equidem quid ip-  
 se respondeam, quàm quid istos in hanc men-  
 tem impulerit, quæro. Ita ne? dignitatem  
 latinæ litteræ non habent? humiles, & obscuræ  
 sunt litteræ illæ, quæ populi Romani nomen ex-  
 tollunt, atque illustrent? quæ summorum Im-  
 peratorum fortiter & præclare gesta per om-  
 nes gentes cum laude disseminant? quæ maio-  
 res opes, quàm ulla unquam lingua, maiora  
 suorum meritorum præmia in orbis terrarum  
 domina ciuitate sunt adeptæ? Sed ineptus sim,  
 si me patronum latinæ lingue profitear: quæ  
 tantum possidet eloquentiæ, ut, ipsa suam  
 causam si agat, facile se ab aduersariorum ca-  
 lumnia uindicare possit. Nunc, quod isti po-  
 stremo loco argumentum, quasi postrema in  
 acie subsidium firmissimum, collocant, uidea-  
 mus in eo quantum roboris ac neruorum sit.  
 plus enim est fortasse, quàm ut contemnere,  
 minus certe, quàm ut pertimescere debea-  
 mus.



mus. Nusquam, inquiunt, uiget usus latini sermonis: aliter nunc omnes loquimur. id uerum est. si quid igitur in latinam linguam studij confertur, opera non bene ponitur. hoc falsum. duplex autem est, qua utor, ratio probandi. Primum illud suscipio, ac defendo: non, quaecunque necessaria non sint, propterea spernenda esse omnia, atque explodenda; deinde, si spectetur utilitas, ita latinam utilem esse linguam, ut etiam necessaria uideatur. Quæ sunt, quæ uere, & proprie necessaria dicimus? nimirum ea, quibus carere nullo modo possumus. huiusmodi sunt primum elementa, deinde, quibus famem, frigoraq; arcemus, uictus, uestimenta, ædes, aut ea, quibus hæc parantur; præterea, in publicis rebus leges, & magistratus, in priuatis seueritas, & uigilantia. ex hoc numero latinam certe non esse linguam, facile concedo. neque enim is ego sum, qui libenter cum ueritate pugnem. Sed præter hæc, quibus hominum uita sustinetur, ac regitur, quàm multa sunt, minime necessaria, quæ tamen habemus in delicijs, quæ amamus, quæ etiam honore prosequimur? gemmas, & uasa pretiose celata, columnas marmoreas, laqueata tecta, sericas uestes, textiles picturas, artem in uocibus, et fidibus, odores in unguentis, condimenta in ci-



bis, hæc certe, atque huius generis sexcenta, nō  
 ut necessitati pareret, sed ut sensibus satisfac-  
 ceret, inuenit industria. quæ quin habeant iu-  
 cunditatis & ornamenti plurimum, nemo ne-  
 gat. quòd si, quæ sensus iuuant, & laboriose  
 quæsitæ sunt, & retinentur accurate: quanto  
 nobis ea, quæ animum oblectant, potiora de-  
 bent esse? pascitur animus magnitudine re-  
 rum: quid Liuij sublimius historia, quæ popu-  
 li R. bellicam uirtutem commemorat? graui-  
 tate sententiarum: quis Cicerone prudentius,  
 quis eruditius disputat? elegancia uerborum,  
 & copia: quis eodem ornatior, quis uberior?  
 uarietate scriptorum: quod genus Romanæ  
 litteræ desiderant? poetas habent egregios, hi-  
 storicos, oratores, philosophos etiam excellen-  
 ti doctrina claros. quæ si uera sunt: (sint, nec  
 ne, res ipsa declarat: ambigere non licet) &  
 si uoluptatem studiosis latina lingua parit in-  
 credibilem; possum istis tribuere, quod uolunt,  
 necessariam uulgo non esse; dum ipsi contra,  
 quod ratio postulat, atque exigit, hoc mihi tri-  
 buant, amandam esse uehementer, atque ex-  
 petendam. Sed hæc ad eam, qua legendo frui-  
 mur, uoluptatem pars attinet: nunc, quod  
 erā alterum pollicitus, de utilitate uideamus.  
 Omnes linguæ aliarum admixtione linguarū,  
 si moderata sit, augentur; si nimia, corrum-  
 puntur,



puntur, atque intereunt. quod enim recipitur, id esse debet eiusmodi, ut recipientis naturā suā ui, suāq; magnitudine non exuperet. itaque sermo hic noster Italicus multas Gallici sermonis, multas Hispanici, quasdam aliarum nationum habet partes. causam si quaerimus: non alia, quam earum gentium interuentus, et consuetudo, fuit. quod si Gallorum, aut Hispanorum immensa multitudo, (exempli causa dictum à me sit: omen quidem inane esse uolo) sed si earum nationum maior aliqua uis in Italiam irruerit, ac permanserit: maior simul inducetur Gallici, aut Hispanici sermonis usus; et fortasse aduentitium illud usque eò ualebit, ut hoc domesticum uincat, suisq; sedibus expellat. quod olim Romanae linguae contigit: quam, multarum aetatum spatio, multis maximarum rerum adiumentis auctam, atque confirmatam, diuersis tamen populis Italiam occupantibus diuersarum linguarum impetus oppressit. Cum igitur lingua linguam amplificet; nostraq; haec Italica, non multis abhinc saeculis orta, nec admodum liberaliter praemiorum nutrimentis educata, non ita dum adoleuerit, ut suis contenta uiribus esse possit: statuo sic, atque concludo; accessionem ei fieri maiorem non posse, quam si cum latina coniungatur: non modo, quia nulla plenior, aut

or-



ornatior: uerum etiam, quia nulla similior:  
ex quo sequitur, ut ad coeundam cum ea so-  
cietatem nulla commodior. Est igitur littera-  
rum Romanarum cum per se laudabilis admo-  
dum, & iucunda tractatio, tum uero, siqui-  
dem hunc ipsum, quo nunc utimur, auctum  
exornatumq; sermonem cupimus, magnopere  
necessaria. Atque hæc tu quoque uides, Al-  
fonse ingeniosissime, tuumq; iudicium cum  
mea sententia coniungis. itaque, cum à prima  
pueritia ad eloquentiæ Romanæ cupiditatem  
incumbere cœpisses; postea te non ambitio,  
quæ sæpe præclare iacta fundamenta uirtutis  
euertit, non commodum, non illa bonis arti-  
bus inimica, uoluptas ab hoc studio deduxit.  
ac ne nunc quidem langues; cum tamen om-  
nia uideas ardere bello, armorumq; strepitu  
aures tuæ quotidie personent. quin, dum pa-  
trui tui, Carolus Cardinalis, & Ioannes Pa-  
liani Dux, uterque ob uirtutem immortalita-  
te dignissimus, maximeq; pater tuus, Anto-  
nius Marchio Montisbelli, natus ad omnem  
gloriam, omniq; princeps laude cumulatus,  
urbem Romam, & iura pontificia tuentur,  
partesq; in bello quisque suas consilio, uigilan-  
tia, fortitudine ita explent, ut antiquam ma-  
iorum suorum consuetudinem referant; ipse de  
interea contines in tuis perennibus studiis; ani-  
mumq;



*mumq; tum alijs magno Principe dignis uir-  
 tutibus, tum uero maxime excolis eloquentia,  
 doctorem in ea, ducemq; nactus, diuino quo-  
 dam munere, uirum excellentem, Ioannem  
 Paulum Flauium; qui te nouo quodam, pla-  
 neq; admirabili genere disciplinae, abductum  
 à uulgi erroribus, per directam semitam ad  
 eximium illud ueteris Romanae linguae decus  
 facile ducit, quò uel cum summis laboribus ac  
 uigilijs aspirare pauci, aut fortasse etiam ne-  
 mo potest. quanquam me non nunquam, de  
 statu latinae linguae cogitantem, miseratio  
 quaedam acerbo cum dolore tangit: quòd ita  
 futurum animo cernam, ut haec, per tot iam  
 saecula, à tot ingenijs, tam diligenter culta,  
 latine scribendi ratio, quae parentem nostram  
 Italiam nobilitauit, quae tot in nos merita con-  
 tulit, etate demum nostra, nisi remedium a-  
 liquod diuinitus extiterit, suam honestatem o-  
 mnem neglecta prorsus in perpetuum amit-  
 tat. quòd si rebus inclinatis, iam iamq; ca-  
 dentibus opem ferre quisquam potest; unus est  
 Paulus I I I I, Pontifex omnium optimus,  
 idemq; diuina potius, quam humana, sapien-  
 tia praeditus. unus, inquam, aut nemo un-  
 quam, & latinam linguam, & laudabilia  
 quaeque studia ueterem in dignitatem uindica-  
 bit. qui cum frater fuerit aui tui; cumq; illum*

*una*



una uirtus ad eum gradum extulerit, unde humana omnia despicit, supra casus omnes, supra fortunam ipsam collocatus: hunc te decet imitari, huius uitam, perpetuo sanctissime traductam, huius omnia facta, consilia, instituta tibi ante oculos ponere. uides pietatem erga me Deum. & in auctoritate Pontificia, id est in ipsa religione tuenda firmitudinem animi, atque constantiam. uides multiplicem rerum humanarum diuinarumq; scientiam, trium uero linguarum, hebraice, græcæ, latinæ cognitionem pene singularem. eloquentia uero prorsus eum excellere omnes fatentur: qui quidem ita quacunque de re non modo copiose, uerum etiam eleganter, ac diserte loquatur ex tempore, ut ei non arte quæsitæ, sed à natura donata uideatur eloquentia. hunc igitur sequere, & in illius uestigio pedem statue. ipse enim Deum sequutus est; cum eam felicitatem, quam plerique mortales ignorant, animo cogitaret. quem tu quoque finem spectas, ut audio: & ob eam causam futurum homines augurantur, ut eius dignitatis, quæ summæ proxima est, insignia breui omnino consequaris. quod cum euenerit; lætabor primum tua, deinde communium studiorum causa. qui enim tuos impetus ad laudem nunc uidemus, tuosq; plane sensus intelligimus; an, ubi ad istā uolun-



uoluntatem auctoritas, atque opes accesserint, fore dubitemus, ut à te ipso dissentias? Præstabis Alphonse tu quidem alia præclara, te ipso scilicet digna, tuaq; familia, in qua florere uides heroes permultos, gloria circumfluentes, uirtutis in studio defixos: maxime uero gratiam referes optime de te merita latinæ linguæ, eamq; paulatim Italia cedentem, et ad transalpinas nationes, magno nostro dedecore, migrantem, in suam sedem domiciliumq; reuocabis. Cuius gloriæ caussa, si monendus es, monitorem ad te, sin rogandus, supplicem uolui mittere commentarium hunc meum in epistolas ad M. Brutum, & ad Q. fratrem: qui cum tibi studia commendat eloquentiæ, in quibus ego per tot annos, utinam cum aliqua laude, magno certe cum labore uersor, commendat simul, paulo tamen uerecundius, se ipsum, & uigilias meas: quarum fructus mihi erit uberrimus tum beneuolentia, tum iudicium tuum. Quæsiui omnino, idq; mihi primum fuit, posteritatis utilitatem; quod est proprium familiæ nostræ: sed in te ipsum simul, cum huic operam commentario darem, spectavi. tu si probas ea, quæ litteris mandamus; si faues industriæ, optimeq; te esse animatum erga mea studia significas: ego me, quæ summa sunt, omnia consecutum putabo.

Ad



AD ANTONIVM AELIVM,  
 Polæ Episcopum, in orationis  
 Ciceronis pro P. Sextio  
 commentarium  
 præfatio.

CUM alia multa, quæ uigebant olim, rerum  
 laudandarum studia perisset, atque extincta  
 prorsus esse, dolendum est, Aeli, uir optime,  
 ac doctissime: tum hanc, in qua sitam omnes  
 uel maximam utilitatem intelligunt, interpre-  
 tandi rationem ita amisimus; ut ex eorum,  
 quibus nostra patrumq; memoria suam hoc  
 in genere industriam locare studium fuit, ma-  
 gno ac infinito prope numero, non tamen ita  
 multos, qui tolerabiles uideantur; qui uero ex-  
 cellant, quam paucissimos, aut fortasse nemi-  
 nem liceat inuenire. atque huius quidem incom-  
 modi culpa unde manauerit, exponam. Pri-  
 mum illud in controuersiam non cadit; quo  
 quidque præstantius, eo laboriosius, ac diffici-  
 lius esse. alioqui nihil iam excelleret. quod e-  
 nim consequerentur multi, in eo dignitas non  
 esset, & ex copia uilitas existeret. est igitur in  
 magnis rebus item magna, quæ nos ab earum  
 quasi possessione arcet, constituta difficultas.  
 hæc porro simplex non est, sed in duo genera  
 diui-



diuiditur. quædam enim, sicuti existimantur,  
ita difficilia sunt: quædam, cum non existimen-  
tur, tamen sunt. ubi difficultas & est, & ap-  
paret; inde multitudo uoluntatem & studium  
libenter abducit. rem quidem ipsam, quanti  
est, opinione aestimamus, & uehementer ex-  
petimus: magnis uero laboribus, & uigilijs ut  
ematur, non facile quisquâ à se ipso imperat.  
amat enim hominis natura moderatam quie-  
tem, eaq; alitur, & crescit; nimias conten-  
tiones, quibus frangitur, ac minuitur, recu-  
sat. ubi uero facile in speciem aliquid ostendi-  
tur, difficultas inclusa latet; cuiusmodi non  
esse pauca, inanis multorum docuit experien-  
tia: eò frequentes, bona spe inuitati, accur-  
runt; facileq; ad eas res aggrediuntur, in qui-  
bus uel mediocrem operam si ponant, futurû,  
ut ex animi sententia succedat, arbitrantur.  
quos deinde, graui temeritatis infamia, refel-  
lit euentus. huius generis hæc est, de qua ora-  
tionem instituiimus, ratio interpretandi. quis  
enim est, qui se non existimet Liuium posse,  
Sallustium, Virgilium, ipsum mehercule Cice-  
ronem ita comode explicare, ut desiderari ab  
eruditis beneq; intelligentibus uiris nihil que-  
at? atque hi, cum in C. Marij, aut in L. Syl-  
læ nomen inciderint; si Marij, aut Syllæ uitâ,  
à Plutarcho sumptam, in sua scripta totam  
tran-



translulerint; tum se suas præclare partes absoluisse existimant: cum interim, in quo doctrinæ, quæ paulo sit occultior, appareant notæ, in quo ingenij lumen eluceat, in quo prudentiæ uis, aut iudicii signa cernantur, nihil afferunt. exire uidemus quotidie, à postremi ordinis hominibus factos, speciosis magnâq; pollicentibus titulis insignes, minimi pretij commentarios: quos non modo qui scribunt, falsa de se ipsis opinione decepti, uerum etiam qui typis impressos edunt, ijs, qui hoc de genere iudicare possunt, inconsultis, quodam modo deformant præclara studia litterarum, & de posteritate ipsa pessime merentur. sed cetera, quæ ferenda non sunt, feramus tamen, ac dissimulemus, sane multa: commentarios uero illos, qui passim leguntur, in Ciceronis orationes, (quem librum? latinorum omnium facile principem) grauem, inquam, illam immensi uoluminis molem quis est qui ferre ullo modo possit? loca sunt in Ciceronis orationibus male mendis affecta quamplurima: sanari nullum uideas. sunt ob antiquitatis obscuram notitiam difficilia: quis est, de tot interpretum numero, qui lumine explanationis illustret? denique communia tantum, quæq; omnibus pene patent, ea sumunt ad explicandum: ex abditis, quò sine labore & ingenio accessus non est, doctrinæ fontibus

PRAE  
libus nihil  
pant mag  
ponendo p  
tentias tr  
ant. Quæ  
meum an  
quedam affe  
egregiæq;  
mane termi  
ignominiam  
do, & cur  
onium, aut  
hoc omnium  
udioforum  
is sim, qui  
traftam scien  
est hoc à com  
larimum: sed  
teros probe  
m; & qui,  
ia non præst  
alantur, eg  
ileor, uelim  
po; et si nec  
dam sapie  
uitium  
mhi elegant  
admodum



fontibus nihil hauriunt . contraq; , multa cor-  
rumpunt magis , dū emendare conantur; mul-  
ta exponendo peruertunt , & pulcherrimas sæ-  
pe sententias turpissimis inscientiæ maculis in-  
quinant . Quæ me ita commouit indignitas ,  
itaq; meum animum , ut uere dicam , misera-  
tio quædam affecit , quasi ob illatam uiro opti-  
mo , egregieq; de litteris merito , Ciceroni , qui  
Romana terminos eloquentiæ longissime protu-  
lit , ignominiam ; ut statuerim , si cum uita ua-  
letudo , & cum ualetudine ocium suppetat ,  
triennium , aut quod omnino res exiget spatiij ,  
in hoc omnium pulcherrimo libro interpretan-  
do , studiosorum gratia , consumere : non quod  
ego is sim , qui mihi tantum arrogem , ut alijs  
detractam scientiæ laudem ad me transferam :  
abest hoc à consuetudine mea , abest à natura  
plurimum : sed neque rursus is sum , qui , cum  
ceteros probe nouerim , ipse me prorsus igno-  
rem ; & qui , cum alios accussem propterea ,  
quia non præstant ea , quæ ab eorum studio po-  
stulantur , ego me , si quid præstare posse mihi  
uideor , uelim contemnere . non ita laudem fu-  
gio ; et si nec nimis appeto . alterum stupidæ cu-  
iusdam sapientiæ , alterum insane ambitionis  
esse uitium semper duxi . neque uero , si quid  
mihi elegantioribus in litteris assumpsero , lon-  
ge admodum ab ijs finibus , quos modestiæ ra-

D D tio



tio præscribit, discedere mihi uidebor. scis tu Aeli, pro nostra uetere amicitia, & familiaritate, per quot annos, quibus laboribus hæc, quæ ab humanitate nomen acceperunt, studia coluerim. sciebat optime omnium, & mihi, cum uiueret, hoc nomine tribuebat plurimum, Bernardinus Maffeus Cardinalis, meus ille, in omni mihi uita deslendus Maffeus, urbis delicia, lepor, humanitas, exemplum antiqui officij, flos omnium uirtutum. is amabat hæc studia mirifice, eaq; quibus poterat rebus (poterat autem plurimis) tuebatur, & fouebat. bene autem de hac, quæcunque in nobis est, uel potius quantulacunque est, latinæ orationis facultate existimabat: meq; quotidie, quantum possem ut latine scriberem, urgebat. & scribebat ipse, ut scis, luculenter, & egregie. probabat omnino meum consilium, & efferebat maxime, de commentarijs in Ciceronis orationes; sed exerceri malebat prius industriam meam in antiquitatibus Romanis, ipso potissimum auctore institutis. interim, ut quasi ex unius partis forma de toto liceret edificio coniungere, unam aliquam, quæ specimen ingenij mei præberet, orationem subsocijs horis ut exponendam susciperem, hortatus est. ego sumpsi pro Sextio: nec multis post eum sermonem mensibus hunc, qui nunc in tuo nomine, Antoni



toni Aeli, apparebit, commentarium absol-  
ui. et, quod, ille si uiueret, fecissem, ut hoc  
ei, quidquid est, muneris deferrem, studio meo  
commotus, illius uirtute impulsus; idem nunc,  
iisdem adductus causis, tecum facio libentissi-  
me. nam cum amicitia inter nos est, quan-  
ta inter duos, quorum & uoluntates, & iudi-  
cia consentiant, esse potest maxima: tum ha-  
bes uirtutem, non eam, quæ petitur à libris,  
quæ uno scientiæ nomine definitur, sed eam,  
quæ oritur ex animi præstantia, & multas in  
se laudes continet, studium in suscipiendis Ec-  
clesiæ causis laboribus, constantiam in perse-  
rendis; humanitatem in excipiendis homini-  
bus, benignitatem in subleuandis; comitatem  
in consuetudine familiarium, grauitatem in  
congressu & sermone clarorum tuiq; similium  
uirorum; denique uoluntatis propensionem ad  
optima quæque singularem. itaque te summus  
ille artium honestarum patronus, decus Ita-  
liæ, Alexander Farnesius Cardinalis in oculis  
fert; tibi arcana communicat; tuis in consi-  
lijs, si quid deliberandum est, multum, si quid  
perficiendum, in uigilantia plurimum ponit.  
tu, quo apud illum Maffeus olim loco fuit, eo-  
dem ipse nunc es: rectissimamq; laudandarum  
actionum uiam, obseruatis Maffei uestigijs,  
ingressus, pergis eò fauentibus hominibus, ap-  
probante

DD 2 probante



probante Deo, ubi debitum iis, qui bene ac lau-  
 dabiliter uixerint, premium, summa digni-  
 tas persoluitur. Mouit etiam me uehementer  
 illa ratio; quod erat inter uos coniunctio ani-  
 morum arētissima, conueniebant sensus, con-  
 gruebat uoluntas: præterea simplices animi,  
 & puri, nulla simulationis arte obducti, nul-  
 la inuidiæ aut maleuolentiæ labe suffusi. Qua-  
 re, quoniam illa Maffei suauitas, illud inge-  
 nium, illa uirtus erepta morte, nimium ini-  
 quo fato, nobis est; (tametsi memoriam illius  
 uiri neque mihi mors, neque omnino dies ulla  
 unquam eripiet) & quando, quæ illius erant  
 partes in ornandis liberalibus disciplinis, eæ  
 translatae ad te uidentur, præclariq; muneris  
 quasi uicarius relictus es: ego quoque, quod in  
 illum studii, quod habui uoluntatis, ac beneuo-  
 lentiae, (id erat tantum, ut accedere nihil pos-  
 set) totum illud in te unum, illi quamsimilli-  
 mum, contuli: & qui te antea, multis erga  
 me meritis, multis ingenij tui suauitatibus ad-  
 ductus, unice dilexissem, tamen id, quod in a-  
 more summum uidebatur, auctum, cum hoc  
 accessit, etiam atque etiam, plenissimeq; cu-  
 mulatum intelligo. Tibi igitur offero, fru-  
 ctum ingenij mei, in orationem pro Sextio com-  
 mentarium, operis uniuersi, quod maiores à  
 me uigilias postulat, imaginem: quod ipsum,  
 Maffeo

Maffeo prom-  
 m. successi  
 m. hoc seru-  
 m. quod ad  
 m. ides, aggr-  
 m. quod nostroru  
 m. omnium  
 m. in manib  
 m. uero, nihil  
 m. autem ut po-  
 m. & ocium:  
 m. superioru  
 m. iaris cura in  
 m. parte deside-  
 m. argumen-  
 m. quod ali-  
 m. suo tempo-

D IOAN  
 num, Regi  
 remp. O  
 Dem-  
 lat

m. m. diffi-  
 m. ia, qui de-  
 m. tor, ignor



*Maffeo promissum, idem tibi, qui eius in locum successisti, iam nunc animo dicamus. uerum hoc serius fortasse praestabitur. de re enim, quod ad me attinet, constitutum est, & ut uides, aggressus iam sum: de tempore, is, à quo nostrorum consiliorum pendet euentus, rerum omnium moderator uiderit deus. habeo nunc in manibus Antiquitates. eas nisi pertexuero, nihil instituere in animo est. pertexte re autem ut possim, duo sunt optanda, ualeudo, & ocium: quod utrunque, assiduis annorum superiorum studiis infirmatus, & rei familiaris cura impeditus, nunc quidem magna ex parte desidero. accipe interim hoc, quod adest, argumentum obseruantiae in te meae; & illud, quod aliquando, ut speramus, futurum est, suo tempore expecta.*

AD IOANNEM MORVILLE-  
rium, Regis Gallorum apud Venetā  
remp. Oratorem, in quattuor  
Demosthenis Philippicas,  
latinitate donatas,  
praefatio.

QVAM difficili in loco uersetur eorum indu-  
stria, qui de græco uertunt, neque tu, ut arbi-  
tror, ignoras, Ioannes Moruilleri, uir cla-  
rissime,



rissime, cui uel exercitatio litterarum, uel ipsa natura, uel potius utraque simul hoc dedit, ut in iudicando excelleres; & ego experiens ita sensi, ut, qui alijs antea in hoc genere peccantibus acerbior fuisssem, ac durior, idem postea, re tentata, eo libentius ignouerim, quo magis eandem ipse culpam extimescerem. Occurrunt ijs, qui de græcis latina faciunt, duo inter se maxime contraria uitia: quorum utrunque cum euitandum æque sit, ita periculosa tamen cautio est, ut fere, declinare ab altero dum uis, in alterum incurras. nam & qui in eo laborant, ut græca uerba totidem pene latinis reddant, quod fideles interpretes haberi uolunt, inepte faciunt, atque in illa ipsa nimis attenuata diligentia grauitèr peccant; quoniam quidem res ipsa primum sit obscurior; quod cum interpretis officio pugnat; deinde latinæ orationis dignitate cultuq; destituta sordescit: & qui horum in uerbis referendis religionem improbant, putidamq; appellant, libertatem ipsi quandam & licentiam magis amant; his plerunque contingit, ut, dum ad ornamenta toto animo intendunt, ab ipsa sententia longius aberrant. summū artificium, summāq; possidet prudentiā, si quis inter has difficultates cōstitutus, quasi medius inter duas Syrtes ita nauigat, ut naufragiū non faciat. quod ætate



etate nostra cum ex transalpinis hominibus multi, ex nostris etiam non pauci tentaue-  
rint; tamen, cum omnes excussi, uix unum aut  
alterum ex uniuersa multitudine reperio, qui  
perfecti munus interpretis expleuerit. Atque  
ego uidebam fore, ut in illam ipsam peccan-  
tium interpretum turbam conijcerer: & com-  
munem esse causam confiteor: sed mea ta-  
men hoc probabilior est, quod alij se ad id,  
quod in hoc genere perfectum est, peruenisse  
sunt arbitrati; ego, quam à perfecto longe di-  
stem, ipsemet intelligo: ut mihi saltem incor-  
rupta fuerit idea, alijs non solum perficiendi  
ratio defuerit, uerum etiam iudicandi. sed  
quia fieri potest, ut, quemadmodum alij fal-  
luntur in eo, quia sua scripta nimis indulgen-  
ter probant; ego contra fortasse fallar in eo,  
quia mea seuerè nimis improbem: expecto,  
quid tu sentias, Moruilleri sapientissime: ut,  
sive inter me et alios interpretes aliquid inter-  
esse duxeris; siue me quoque in eodem, quod  
aiunt, haerere luto iudicaueris; ego, quid-  
quid statueris, ad tuam sententiam meum de  
me ipso iudicium in utranque partem accom-  
modem. Equidem probari à te, atque etiam  
laudari mea scripta uelim: & qui minime so-  
leo esse ambitiosus, tamen igniculis quibus-  
dam cupiditatis incendor, ut meum nomen in



ore tuo uersetur . non enim , à quouis homine  
laudari , optabile est ; turpe etiam , à quibus-  
dam . me quidem non tam ipsa laus , quàm  
laudantis auctoritas afficit . quare cum tu is sis ,  
de quo duo Reges , at quales Reges ? omnium ,  
qui in Gallia regnauerint , maximi , pater , &  
filius , optime senserint ; quorum alter lega-  
tionem tibi ad Venetam remp. detulit , alter  
eundem honorem postea confirmauit ; cumq;  
in ipsa legatione publicam personam omni re ,  
loco , tempore ita sustineas , ac tuearis , ut  
summam in te grauitatem omnes laudent , nec  
tamen humanitatem quisquam desideret : ma-  
gni refert ad ingenij mei commendationem ,  
quid tu , uir primarius , & omni laude circum-  
fluens , de hac mea tenui uigilia sentias . po-  
test obscuram per se lucubrationem tuam te-  
stimonium illustrare . quod ego si assequar ; ad  
illa præstantiora , quæ maiorum uigiliarum  
sunt , quæ scis à me iam esse instituta , fiam ala-  
crior : quæ ipsa posterum cum legent , ( non enim  
dicam , si legent ; quia , quod summe cupio ,  
summe etiam sperare iucundum est ; ) de tua ,  
non una , aut altera uirtute , sed sapientia ,  
quæ omnes uirtutes continet , me narrante co-  
gnoscent ; & , cum cognouerint , ipsi quoque  
prædicabunt .

Ad



AD HIPPOLYTVM ESTENSEM, Cardinalem, in librum de Romanis legibus praefatio.

OMNES artes, atque omnes res, HIPPOLYTE Princeps, & Cardinalis, modo augeri, modo minui, nec easdem perpetuo esse, satis inter omnes constat. patet hoc quidem oculis primum, deinde etiam mentibus. oculis notamus euenta: mente, cur quidque eueniat, quò ue referenda sit cuiusque rei mutatio, intelligimus. itaque lapides, & metalla, quæ omnium durissima sunt, quæ uis hominum frangere uix potest, hæc tamen conficit, & consumit uetustas. quidquid enim ex partibus aliquando coit, & concretum est; id easdem in partes aliquando dilabatur, ac dissipetur, necesse est. habet hoc materia illa, unde res omnes constant, ut formæ mutationem quærat: idq; , quod sequitur, affecuta, migrat in alias naturas, quasi, quod appetijt, eo nunquam esse contenta uideatur. neque uero hæc naturales tantum ad res conditio pertinet, sed inuenta quoque hominũ, operaq; attingit. mores, consuetudines, loquendi ratio, quam linguam uocamus, leges ipsæ, quas ne quid unquam ex hominum memoria deleat, in as incidimus,

omnia



omnia demum, quæ ab arte naturam imitante fluxerunt, quotidie mutantur, ac tolluntur, non modo ab externis causis, contra uoluntatem nostram, uerum etiam à nobis ipsis, quia tempus ita postulet. sed artes liberales, optimaq; studia, quæ nusquam magis, quàm in Italia, honor aluerat, atque auxerat, ætas nulla magis afflixit, quàm cum Romani Imperatores, imperij sede in Thraciam translata, Italiam barbaris nationibus diripiendam, ac deuastandam reliquerunt. quòd nisi superioribus annis Principes, ac Pontifices aliquot, maxime uero Leonis X egregia, propeq; diuina liberalitas huic malo subuenisset; quem Laurentij Medices, patris sui, clarissimi uiri, exemplo commotum, etiam uere laudis cupiditas impulit, ut iacentes ingenuas artes, magnis propositis præmijs, excitaret: barbara, credo, quod ad litteras attinet, magna ex parte nunc esset Italia: dignitas omnis philosophiæ, splendor omnis obsoleuisset eloquentiæ. sed neque ille huius præclari operis summam potuit absolvere, ereptus morte, disciplinis liberalibus nimis immatura: & interitum illius tempora sunt eiusmodi consecuta, ut, quæ paululum iam luxerant honestarum scientiarum studia, ea perpetuis multorum annorum tenebris quasi nox quædam obscurauerit prorsus



sus, atque extinxerit. fatalis enim bellorum  
 tempestas non exercitationem modo litterarum  
 sustulit, uerum etiam, quæ sunt in excolen-  
 da uirtute posita laudes, eas labefactauit o-  
 mnes, atque peruertit. ac nunc quoque, cum  
 pacis aliqua spes, longo sane interuallo, af-  
 fulsisset; misera rursus eodem malo tenta-  
 tur Italia, ueteresq; calamitates aduersus  
 bonis artibus nescio quis Genius inuehit.  
 Nunc te, Hippolyte Cardinalis, cui sum-  
 mam iuuandi generis humani uoluntatem De-  
 us tribuit, eximiam ad laudem uocat occasio.  
 suscipe desertum pene ab omnibus litterarum  
 patrocinium: collige tu, quæ alij dissipant,  
 omnium laudandarum doctrinarum studia, &  
 restitue nobis illa, quæ uel hominum improbi-  
 tas, uel, ut aliò culpa deriuetur, fortunæ uis  
 eripuit. hæc est actio digna Cardinali, digna  
 Principe, Hippolyto uero & Cardinali, &  
 Principe dignissima. Vidimus tuam præteri-  
 tam uitam. ab ea nihil humile, nihil obscu-  
 rum, nihil uulgare, ampla omnia, præclara,  
 inusitati exempli, noui generis expectantur.  
 quæ tu, ne à te ipso dissentias, nunc quidem ma-  
 gna ex parte præstabis, atque adeo iam præ-  
 stas, bonis uiris, & eruditis beneficentia sub-  
 leuandis. quorum ex ingenijs non dubito quin  
 quotidie aliquid efflorescere tuo beneficio ui-  
 deas.



deas. quod quia præclarum est, exemplum alij sequentur. scribebant omnes, quod quisque poterit, ille et gloria, & commodorum spe compulsi. nam, ut coniecturam de me ipso faciam; quem esse nihil in litteris fateor; sed, ut aliquid tamen essem, laboravi; ego olim (decennium, opinor, abijt, eoq; amplius) aucto-ribus duobus eximijs uiris, Petro Bembo Cardinali, & Bernardino Maffeo, qui postea dignitatem eandem magnis in Ecclesiam Christi meritis est consecutus, dederam me ad res Romanas, illas ueteres, obseruandas, & ex omnibus antiquorum monumentis omni studio colligendas: ut, cum illam remp. qua nulla fuit, nec erit unquam illustrior, uniuersam animo, ac scientia comprehendissem, latinis eam litteris explicarem, egregiumq; bene, ac laudabiliter instituta ciuitatis exemplum meis, quatenus quidem ipse possem, scriptis expressum, posteris relinquerem. Res erat præclara; meq; delectabat uehementer, & afficiebat ipsa tractatio. itaque meam omnem industriam, omnem curam, omnes denique in hoc studio cogitationes fixeram, ac locaram. sed accidit iniquo meo fato, ut horum utrunque, Bembum primo iam senem, cuius in beneuolentia ornamenti mihi erat plurimum, deinde Maffeam, non ætate minus, quàm uirtute, florentem



tem, in quo mei spes oçij sita omnis erat, à quo  
 pendebam totus, importuna morte ereptum  
 amiserim. destitutus eo praesidio, quo meae for-  
 tunc nitebantur uno, fractus animo, ac debi-  
 litatus institutum *Antiquitatum Romanarum*  
 opus omiseram, & ad alia me conuerteram.  
 postea uero quam, honorifica in primis condi-  
 tione delata, magno sum à te tuo beneficio in  
 tuorum familiarium ordinem inuitatus; quod  
 ego summæ felicitatis loco duxi; erectus men-  
 te, atque animo, rursus, quod abieceram, su-  
 scipi, onusq; tantum, quantum priuatis opi-  
 bus perferri uix, aut ne uix quidem potest, te  
 uno fretus egregie sustineo. Et, ut ex parte to-  
 tum iudicare posses, de decem, quos exorsus  
 sum, libris hunc de legibus potissimum, quem  
 ad te mitterem, delegi: non quòd ita postula-  
 ret ordo: (sextum enim in *Antiquitatum* uo-  
 lumine locum obtinet) sed, quòd, cum om-  
 nium librorum materies non modo coacta iam  
 in unum à me esset uniuersa, uerum etiam sa-  
 tis diligenter in partes distributa; casu accidit,  
 ut hic minus, quàm ceteri, rudis, minus esset  
 impolitus. præterea feci libenter, tuis actioni-  
 bus admonitus. leges enim hic liber complecti-  
 tur. porro leges nihil aliud, quàm rationem,  
 nihil, præter ordinem, docent. ratio autem,  
 & ordo, si usquam, in tuis moribus elucet.  
 quippe



quippe nihil agis non moderatum, nihil non  
 æquabile, nihil, quod non cum ea, quam susti-  
 nes, persona, id est cum religione uere Chri-  
 stiana, ac sedis Apostolicæ dignitate consen-  
 tiat. quare cum omnia mea tua sunt; quan-  
 doquidem ego me tibi, quidquid sum, & quan-  
 tus quantus esse possim, totum addixi: tum  
 uero hic de legibus Romanis liber uere tibi de-  
 betur, tibiq; est à me iure optimo inscriptus.  
 quo in libro bene positam à nobis operam si du-  
 xeris; de ceteris quin idem sentias, haud equi-  
 dem uerebor. pergo enim studio pari, uolunta-  
 te etiam, ut mihi uideor, acriore. unum mo-  
 do exoptandum est, ut, quando nos ab hoc stu-  
 dio nulla utilitas, nulla uoluptas, ne ualetu-  
 dinis quidem satis imbecillæ ratio potest auelle-  
 re, nostris laboribus tua beneuolentia quasi  
 propitium numen adsit. sic enim fiet, ne qua  
 prorsus in difficultate, ne quo unquam in sco-  
 pulo nostra hæreat industria: & in eum, quod  
 spectat animus, portum secundo cursu, tuæ beni-  
 gnitatis aura prosequente, facile peruehemur.

IN EDITIONE KALEN-  
 DARI ROMANI

præfatio.

FACTVM est à me fane libenter, ut, cum e-  
 dendi essent Romani fasti, è lapidibus Capito-  
 linis



linis descripti, adiungerem ad eos Kalendarium, ex quo ratio dierum, pro ea, quæ Romæ olim fuit, consuetudine, tota patet. atque in hanc me uoluntatem, uel cupiditatem potius primum ea, quam & mea sponte, & patris exemplo semper spectavi, publica litterarum utilitas, deinde etiam Caroli Sigonij, uiri optimi, & ab omni prorsus iniqui animi labe puri, singularis doctrina deduxit. putavi enim, id quod res est, futurum, ut ad Kalendarium ex fastorum societate commendationis tantum accederet, quantum ad ipsos fastos è Sigonij studio, ingenioq; esse adiunctum, qui diligenter additamenta ipsius, & in ea commentarium, qui propediem edetur, plenissimum legerit, facile cognoscet. non enim illa supplementa, quæ in lapidibus illis, unde fastos habemus, desiderantur, ex Liuiio, aut Dionysio, aut ex duobus tribus uel præterea libris, quos etiam leuiter eruditi homines in manibus habent, colliguntur. non est id, ut rudes antiquitatis homines existimant, ioculari quiddam. opera hæc quidem esset, non industria. et operæ quis laudem tribuit, cum in tempore duntaxat posita sit? industria uero non ab ingenio, non ab intentione quadam mentis abest: itaque iure laudatur. quod si satis esset historiam semel aut iterum legendo percurrere;

nemo



nemo esset, cui Romanarum rerum notitiam  
 assiduo biennij triennij ue studio comprehende-  
 re uniuersam nō liceret: in qua tamen ego iam  
 per decennium desudo: & , quo diligentius ea  
 ipsa, quæ legi sæpissime, cogitatione retracto,  
 eo certius, quantum in hoc genere sit difficul-  
 tatis, intelligo. itaque opto, ut, quæ alij colle-  
 gerunt, omnes edant statim, & mihi hanc lau-  
 dem præripere conentur. uideo enim fuisse non  
 nullos, qui, meis scriptis ad huius scientiæ stu-  
 dium aliquot abhinc annis excitati, & indici-  
 bus eorum librorum, de quibus edendis cogita-  
 re me, iam diu polliceor, animaduersis, quasi  
 quodam lumine ad ineundam studiorum uiam  
 prolato, ambitione præcipientes, dum anteire  
 nobis uolunt, in maximos, maximeq; puden-  
 dos errores inciderunt. quorum alios alii peri-  
 tiores, nulla facta mora, alios fortasse nos,  
 non illos quidem nominatim, significatione ta-  
 men satis aperta, ne omnino debita laude frau-  
 dentur, aliquando refellemus. Redeo ad Sigo-  
 nium. Ille uero, cum, inspectis antiquis li-  
 bris, lapidibus, nummis, nomina magistra-  
 tum uetustate uel amissa prorsus inuenit, uel  
 mutila perfecit; cum fastorum partem, alie-  
 num in locum translata, in suam sedem re-  
 tulit; cum censuras, cum triumphos addidit,  
 & trunco quasi corpori sua membra restituit;  
 nihil



nihil potuit difficilius, nihil, in quo maiorem  
 à bonis bonarumq; litterarū studiosis homini-  
 bus inire gratiam posset. hoc enim libro, hoc,  
 inquā, quem nos edimus, (nam inchoata quis  
 perfectis anteponat?) qui res Romanas curat,  
 horis fere singulis utantur necesse est. itaque  
 eum qui litteris à me poscebant superioribus  
 mensibus, amici homines aliquot ex Hispania,  
 plures ex Gallia, & Germania; hoc adscri-  
 bebant omnes, cum Caroli Sigonij supplemen-  
 tis. quorum à me uoluntati satisfactum esse,  
 uehemēter gaudeo, eoq; magis, quod adiunxi,  
 quod fortasse non expectabant, non poscebant  
 certe, Kalendarium Romanum, utile illud qui-  
 dem dierum caussa, quorum in eo genera distin-  
 guuntur, sed utilius ob id aliquanto, quod ad  
 comitia, iudicia, senatum, Romana denique  
 omnia, qui coniectura, ingenioq; ualebunt,  
 multam inde scientiam deriuabunt.

AD HIERONYMVM FALE-  
 tum, Herculis Ferrariensium Prin-  
 cipis apud Venetam rep. ora-  
 torem, in ipsius poemata  
 praefatio.

MAGNA laus est eorum, Hieronyme Falete,  
 qui non ad uulgarem humilemq; artem, sed

EE ad



ad nobilem aliquam, liberalemq; doctrinam  
sua studia contulerunt: maxima uero, si quis  
eam philosophiæ partem, quæ poesis appella-  
tur, ita est complexus, itaq; hæret in ea cogno-  
scenda, ut auelli nulla prorsus ratione possit.  
itaque ueteres illos, quibus optimi ac summi  
Dei uocem audire, eiusq; sermone frui sæpe  
licuit, homines sapientissimos, atque sanctissi-  
mos, poeticæ facultatis admodum studiosos  
fuisse constat, suasq; cogitationes non eo, quo  
quilibet uteretur, sermone, sed uersibus ex-  
ponere uoluisse. quorum extant non nulla, sa-  
ne præclara: quæ cum legimus, afficimur,  
&, quasi diuina quadam ui abrepti, extolli-  
mur haud paulo altius, quàm qui rerum hu-  
manarum in studio uersantur. Habet igitur ars  
poetica dignitatem; quandoquidem in ea la-  
tent arcana philosophiæ, quæ profanis oculis  
non patent: ea rudes animos excolit: ea nos ab  
rerum humilium studio deducit: ad egregios  
mores, ad ueram religionem, ad excellentem  
magnarum rerum cupiditatem uocat. Habet  
eadem suauitatem: quia uocibus apte constru-  
cta oratio miram infundit auribus animisq;  
iucunditatem. Et, ut uno uerbo comprehen-  
dam, poesis numerus est: numerus porro ni-  
hil aliud, quàm ordo: ordinis autem princi-  
pium à Deo fluxit. diuini sunt igitur homines  
poetæ,

PRA  
pete, nec  
uadi. poeta  
us facit  
te sæpe nob  
ita non mini  
a quibus  
non modo  
altibus ex  
yleria, qua  
ut, ut ea tan  
uorum uiri  
ero his uirtu  
ut illa mon  
nfigmentis  
Nemeus  
ia, quæq; al  
tus, aut frug  
ite doctissim  
possideres; ne  
omnem la  
ibus elegans  
tiam pro tua  
eliberalis;  
habuisses po  
pis erudit  
res, quod a  
uuita, pr  
tuorum, b



poetae, nec ullo non honorum genere deco-  
 randi. poetas autem definitio, non quicunque  
 uersus faciunt; qui molesta & odiosa garruli-  
 tate saepe nobis obstrepunt; sed eos, quorum in  
 uita non minus, quam in scriptis, elucet or-  
 do; à quibus colitur humanitas, & beneficen-  
 tia non modo laudatur, uerum etiam pro fa-  
 cultatibus exercetur. haec enim sunt sacra illa  
 mysteria, quae poesis fabularum specie ita uel-  
 lat, ut ea tamen uatum excellentium, hoc est  
 bonorum uirorum, mentes intelligant. quae  
 uero his uirtutibus aduersantur uitia, haec  
 sunt illa monstra, inimica naturae, quae poeti-  
 cis figmentis ostenduntur, sus Erymanthius,  
 leo Nemeaeus, hydra Lernaëa, gigantes, et har-  
 pyae, quaeque alia traduntur, perdendis homini-  
 bus, aut frugibus nata. Neque uero tu, Fa-  
 lete doctissime, tantam animi praestantiam  
 possideres; non esses tam ad omnem uirtutem,  
 ad omnem laudem propensus; non tam in mo-  
 ribus elegans, in consuetudine comis, atque e-  
 tiam pro tuarum copiarum ratione beneficus,  
 ac liberalis; nisi magistrum ab ineunte aetate  
 habuisses poeticam artem; quae te suis praece-  
 ptis erudit, atque informauit; nihil ut age-  
 res, quod ab honesto dissideret; nihil ut in om-  
 ni uita, praeter decus, & antiqua maiorum  
 tuorum, hominum clarissimorum, instituta,



cogitares . cuius tanti beneficij non est apud  
 immemorem gratia collocata . habes enim poe  
 sim in delicijs : eam amas : eam ornas . cumq;  
 Herculis, Ferrariensium Principis post homi  
 num memoriam maximi personam sustineas ,  
 idq; tanto splendore , ac tanta , quanta nemo  
 unquam antea , dignitate ; summis tamen ma  
 gnarum rerum occupationibus distractus, scri  
 bis sepe uersus Calliope dictante , & à graui  
 simis curis tanquam in amœnissimos Musarũ  
 hortos animi causa diuertis . superioribus qui  
 dem diebus , cum egregium illum Athenago  
 ræ , ueteris philosophi , librum , de altera ho  
 minum uita grace scriptum , Italicum in ser  
 monem conuertisses ; atque ego te , quod uia  
 tores , difficili confecto itinere , consueuerunt ,  
 aliquot dierum quietem uelle capere existima  
 rem : inueni te poema tuum de bello Sicambri  
 co , non nullis abhinc annis compositum , ita  
 tractantem accurate , ut adderes non pauca ,  
 quedam detraheres , multa corrigeres . quæ  
 cum legerem , admiratus elegantiam uerbo  
 rum , splendoremq; sententiarum , hortatus  
 sum ut ederes , & eo magis , quod reliqua tua  
 poemata , non modo iam typis impressa , ue  
 rum etiam scripta , per manus , perq; ora do  
 ctorum uirorum eximia tua cum laude uolita  
 rent . qua in re non modo meo , uerum etiam  
 studio-



*studiosorum omnium nomine gratias tibi ha-*  
*beo, habeoq; , dum uiuam, immortales;*  
*quòd meis hortatibus, ac precibus tribuisti*  
*tantum, ut te mihi totum remitteres, tuo-*  
*rumq; poematum ius omne tuum, omnemq;*  
*plane potestatem ad me liberalissime transfer-*  
*res. quod cum impetrassem, exceptus sum illi-*  
*co ea cura, Principi ne alicui uiro, quod fere*  
*solet, an amico homini, ac familiari, an uero*  
*tibi ipsi potius ingenij tui fœtus essent dicandi.*  
*tibi quidem tua deberi uidebantur: sed ab hu-*  
*iusmodi consilio tua mihi multis in rebus per-*  
*specta modestia deterrebat. rursus, cum intel-*  
*ligerem, omnes fere libros, qui typis diuul-*  
*gantur, uel ijs dicari solere, quorum auctori-*  
*tas, aut quorum opes utilitatem aliquando ali-*  
*quam ei, qui mitteret, parere posset; uel ijs,*  
*quos pro magnis eorum beneficijs aliquo mu-*  
*nere remunerari æquum esset; uel ijs denique,*  
*cum quibus minime uulgaris intercederet ami-*  
*citia: hæc, Faletè humanissime, cum omnia*  
*concurrerent, uictus sum, tuaq; ad te ipsum*  
*scripta mittere constitui. nam etsi Princeps tu*  
*quidem fortuna non es, summis tamen Prin-*  
*cipibus tua te uirtus ita commendauit, ca-*  
*rumq; reddidit, ut eorum opibus æque, ac*  
*tuis, eos, quos diligis, beare possis. sed omitto*  
*reliquos. Hercules uero, Ferrariensium Prin-*



ceps, immortalitate dignissimus, cui te totum uni addixisti, cuius esse uis quidquid in omni uita prestare potes, is quo te numero habeat, facile declarauit, cum, post multas legationes, ad Sarmatarum Regem, ad Imperatorem, ad Pontificem, oratoris apud Venetam remp. munus honorificentissimum tibi commisit. quapropter, quod ad hanc partem attinet, parui refert, utrum Principis nomine liber aliquis inscribatur, an uero eius, cuius apud Principes auctoritas ea sit, ut prodesse quibus uelit non mediocriter possit. De tuis autem erga me officijs quid agam pluribus? quæ cum & multa sint, & maxima; tum uero illud excellit, quod in hac mea satis diuturna oculorum uoletudine uenire domum meam quam sæpiissime, animumq; meum, tristibus curis affectum, tuo aspectu, ac sermone recreare solitus es. A micitia uero si spectanda fuit; neminem tibi debui anteferre. coniunxit enim nos non casus, ut multos, non uulgare aliquod studium, non ambitio, non utilitas, sed ipsa, quæ omnes res nobilitate uincit, uirtus, & artium liberalium societas; quarum uterque nostrum incredibili studio tenetur. Mitto igitur ad te, quando ita ratio postulat, tua poemata, non ut tibi, de me optime merito, quasi gratiam referam de tuo; sed ut habeat à me nostra

PR  
 nostra atas  
 nam, testin  
 tantie in te  
 na scripta  
 rum. Inter  
 giliarum o  
 nam manu  
 ut absolua  
 uinde fruct  
 ante diffici  
 uos ingeniu  
 implicas at  
 quitoq; quo  
 tur. Neque  
 nota: cum et  
 ob tuam  
 quotidie, uer  
 niq; causa a  
 noni, qui, q  
 ingenij prae  
 gloria tua:  
 tum nonaru  
 poetica fac  
 tantum in i  
 quæ obscu  
 tua scripta  
 quam pro  
 uoluntate



nostra aetas, atque adeo posteritas ipsa, primum, testimonium beneuolentiae atque obseruantiae in te meae, deinde beneficium, quod, tua scripta cum leget, fatebitur esse maximum. Interea peto à te, ut in illo maiorum uigiliarum opere de fisco, cui nondum extremam manum imposuisti, exorari te sinas, id est ut absoluas, atque perpolias. magnum enim inde fructum capient omnes iurisperiti: cum te difficiles admodum reconditae materiae nodos ingenio soluentem, & quaestiones illas implicatas atque inuolutas explicantem, exquisitoq; quodam ordine tractantem intuebuntur. Neque uero tua mihi est occupatio minus nota: cum et negotia tractes Principis eximij; & ob tuam uirtutem nobiles uiri non modo quotidie, uerum omnibus pene horis officij honorisq; causa ad te adeant: sed rursus eum te esse noui, qui, quod tibi occupationes eripiunt, id ingenij praestantia consequaris. consule igitur gloriae tuae: consule studiosis omnibus antiquarum nouarumq; legum: effice, ut, quantum in poetica facultate, quantum eloquentia polles, tantum in iure ciuili, maximeq; in ea parte, quae obscuritatis habet plurimum, ualere te tua scripta significant. Meam uero hanc, quam profecto in hac epistola uides elucere, uoluntatem, animiq; singularem ad te aman-



dum propensionem amplectere: atque ita statue, si tu mihi, quod, ut uideo, præclare facis, in amore respondebis, par amicorum neque nostra, neque ueterum memoria coniunctius ullum fuisse. idq; quanti à me fiat; dabo operam, quantum in me erit, quotidie certius ut intelligas.

AD ISABELLAM VILLAMARINAM, Salernitani Principis coniugem, in Scipionis Capicii poemata præfatio.

Ex omnibus rebus humanis cum nihil sit litteris doctrinaq; præstantius; sequitur, ut litterato Principe laudabilius nihil esse uideatur. non enim, si quis humili fortuna scientijs animum excoluerit, quamuis omnium uirtutum intelligentia sit ornatus, æque tamen eas uirtutes exercere poterit, ut summo loco natus. omnium est scire, non omnium tamen agere. non cadit in quemuis administratio iustitiæ, non liberalitatis. esse oportet, quibus imperes, ut iustitiam colere possis; esse, quod des, ut liberalitatem. Et quoniam ad hæc primum à natura formamur, & fingimur, ut, quæ laudabilia sunt, nostra sponte diligamus; deinde præceptis instituimur, ut uoluntatem ratio confirmet:



firmet: utrunque si quis habet, uerisimilis laudibus ornatur, eo magis, si is est, cui tertium etiam illud contigerit, ut fortunæ commodis abundet. nam qui uirtutem non ut primum bonum, sed ut alterius boni causam quaerit, ut diuitiarum, ut honorum: ei uirtus, quæ perfecta non est, quia quaeritur ad aliud, perfectam laudem afferre non potest. perfecta uero uirtus est, quæ se ipsa contenta nihil appetit, quod extra sit. hanc si quis est qui sequatur, qui unam diligat, qui ipsam propter ipsam, non propter aliud, expetendam ducat; hic est, quem Dii præter ceteros diligere putantur, cui quidem eam mentem dederint, ut præter ceteros saperet. Tua hæc est, Isabella præstantissima, tua inquam hæc maxime laus est. cum enim tibi aut ad opes, aut ad dignitatem nihil fere posset accedere; quarum rerum cupiditate adducti, magnarum artium in studijs plerique uigilarunt; ipsa, nihil huiusmodi spectans, uirtutis amore capta, cuius pulchritudinem animo cerneret, effecisti, studio tu quidem, sed ingenio magis, ut, cum esses omnium nobilissima, omniumq; pulcherrima, quorum alterum maiorum tuorum, maximeq; uiri tui, Principis omni laude cumulati, magnis rebus testata uirtus, alterum benignissima tibi Natura dedit, eadem & sis,

✠



& habearis omnium doctissima. hinc illa ad  
 te colendam singularis omnium propensio:  
 hinc multorum poetarum, quibus grauiissima  
 Regum bella magni operis argumentum sup-  
 peditare poterant, ad te canendam traducta  
 ingenia: hinc Capicius ille tuus, tuarum lau-  
 dum laudatissimus præco: qui te admiratur  
 unam, qui obseruat: qui cum de te multa, &  
 uera prædicauit, ita concludit, unam habere,  
 quæ optabilia sint, omnia. itaque me quidem  
 eodem studio inflammauit, nihil unquam ut  
 ardentius optarim, quàm ex tuis unus esse.  
 quod quo facilius impetrarem, feci, ipso per-  
 mittente, atque etiam libente Capicio, ut eius  
 libros, de Principis rerum duos, de uate ma-  
 ximo tres, meæ in te summæ obseruantia te-  
 stes emitterem. diuinum carmen est, multis  
 luminibus ingenij, multa arte distinctum.  
 equidem nihil legi in hoc genere perfectius: ut  
 ne Lucretius quidem pluris apud me sit: quo  
 cum antea propter sermonis elegantiam dele-  
 ctarer, utererq; multum, cœpit mihi iam mi-  
 nus esse familiaris, postea quàm Capicium le-  
 gi. Hoc opus, & quia scriptum est à tui stu-  
 diosissimo, & quia uersibus te dignis, idest lu-  
 culentissimis, non dubito, quin à me missum  
 aude accipias, sic inquam, ut de isto me mu-  
 nere ames plurimum.

Ad



AD TORQVATVM BEMBV,   
 Petri filium, in Virgilium   
 præfatio.

QVOD ego de arte poetica sentio, idem tibi,   
 Torquate Bembe, qui res præclaras ingenio   
 studioq; consecutus es, bene iam esse cognitum   
 ac persuasum facile puto; non esse eam inter   
 ea, quæ minimi ducuntur; non uulgarem, non   
 leuem; summum esse quiddam, ac plane diui-   
 num; quiq; suas ad eam cogitationes contule-   
 runt, etiam si, quod uolunt, non assequan-   
 tur, probandos tamen esse, quia scilicet ad ma-   
 xima contendant; qui uero in ea ita uersantur,   
 ut excellant, colendos nobis esse uehementer,   
 omniq; omnium laudum genere cohonestan-   
 dos. Ac miror equidem fuisse, hodieq; esse nō   
 nullos, qui rem hanc pulcherrimam, ac deo-   
 rum nobis munere concessam, parui pendant,   
 atque etiam, si Dijs placet, in sermombus ui-   
 tuperent. Quid, inquiunt, est poetica? fabu-   
 las continet: fabulis autem quid inanius? Ri-   
 diculum: qui ex ipsorum ingenio ceterorum in-   
 genia metiantur; quæq; ipsis obscura sunt, ea   
 reliquos uidere non putent. Ego contra ita so-   
 leo disputare; utinam, Torquate, te præsen-   
 te, ac tui similibus: nihil enim tam oprandū,   
 quàm



quàm habere iudicem in cōtrouersis, qui causam, quā de agitur, quæq; propter aliquam difficultatem in dubium uocatur, optime calleat. sed ego contra, cum in hos incidi, ita soleo disputare. Est ne aliquid hominum generi utilius, aut omnino philosophia præstantius? negare coguntur. si negent, eos ratio refellet, ac ueritas ipsa: quæ cum pugnat, facile uincit. una enim est philosophia, quæ uitia nostris ex animis euellat; una, quæ inserat uirtutes: humana omnia, multis obstruēta difficultatibus, aperit; diuina, non illa quidem prorsus, sed magna tamen ex parte patefacit. atque hanc, quæ tantas res præstat, siue artem, siue scientiam, ne communis esset omnibus, uulgiq; tractatione impurisq; mentibus contaminata sordesceret, obscuris fabularum inuolucris, quasi aliquid sacrosanctum, uelauit, & custodiuit antiquitas. fabulas porro ipsas non eo, quo uulgus utebatur, communi, & soluto, sed exquisito, & numeris astricto orationis genere prisci illi, summa homines sapientia præditi, prodiderunt. placebat hoc illis, primum ut rei dignitatem, si posset, & quatenus posset, uerborum augeret elegantia: lectis enim, admodumq; puris ē dictionibus efficitur uersus; nihil hauritur de fæce: deinde, quia, cum philosophiam tractarent, maiore nescio qua



qua suauitate ex illo concentu, quem numero-  
sa uocum in uersibus compositio gignit, aures  
animosq; perfundi pulchrum putabant. quæ  
cum ita sint: neque fabulas, quæ philosophiam  
continent, neque uersus, quibus fabulæ ipsæ  
continentur, iure quisquam reprehenderit.

His ego ad coarguendam istorum inscitiam,  
alijsq; præterea utor argumentis. addo exem-  
pla, eaq; Itatorum, & eorum hominum, qui  
nostra, patrumq; memoria floruerunt. Pon-  
tanos, Sannazarios, Fracastorios (omitto al-  
ios: sunt enim multi) non ne musarum in pri-  
mis consuetudo delectauit? propius accedo. pa-  
ter tuus, Torquate, Petrus Bembus, quem  
orbis terrarum cantat: nec iniuria: uixit e-  
nim, quantus ei uitæ cursus fuit, in uirtute to-  
tus: is cum alias coluit philosophiæ partes, tum  
uero poeticam artem amauit amore quodam  
ardentissimo; cuiusq; studium à prima pueritia  
complexus, nunquam ne in extrema quidem  
senectute dimisit. scripsit autem uersus in om-  
ni ætate multos, & scripsit omnium elegantis-  
sime, sic, ut ei Apollo dictasse uideatur. ita-  
que recte fecit, optimoq; sane consilio pater  
meus, qui latinorum poetarum principem Vir-  
gilium eius nomini, quem optimum poetam  
nouerat, inscriptum emisit. recte item ego,  
qui patris mei exemplum secutus, tibi, & tan

ti



ti iuri filio, multis uirtutibus ornato, & facul-  
 tatis poeticæ studiosissimo, ac peritissimo, eun-  
 dem poetam, quasi munus Bembæ familiæ de-  
 bitum, dicauerim. nam quemadmodum pa-  
 rentes nostri alter alterum tum sermonibus,  
 tum scriptis ornabat; ut, quantum inter se a-  
 marent, æqui & iniqui cognoscerent: item ego  
 cupio, & conabor, quantum in me erit, (an  
 præstare possim, nescio; sed conabor certe) ut  
 ex meis scriptis nostram amicitiam, meamq;  
 in te summam obseruantiam etiam ipsa poste-  
 ritas intelligat. non enim, cum hanc meam  
 multis abhinc annis ad te amandum & colen-  
 dum uoluntatem contuli, id solum spectauit, ut  
 quasi hereditatem adirem amicitiae paternæ:  
 tametsi hoc ipsum quoque me mouit, sicuti mo-  
 uere debuit, sane plurimum: sed tua quædam  
 propria secutus sum: tuos, inquam, mores,  
 tua studia, tuas uirtutes uidi primum: deinde  
 ex iudicio fluxit amor; &, quò mea sponte  
 propendebam, ratio impulit, noui te adolescen-  
 tem, noui iuuenem, & Patauij, & Venetijs,  
 sanctissime uiuentem, & præclara illa cum do-  
 ctissimis uiris philosophiæ studia tractantem.  
 in quibus cum iam, tuo quidem aliquid, alio-  
 rum autem iudicio multum profecisses; Ro-  
 mam te, in eam urbem, contulisti, quam pa-  
 ter tuus theatrum per annos multos habuit sua-  
 rum



rum uirtutum celeberrimum. ibi nunc tu quoque spectaris, & probaris: ibi plausum fers à bene intelligentibus, beneq; sentientibus uiris: ibi denique uera illa Petri Bembi cernitur, & agnoscitur in te filio non minus animi, quam corporis, effigies: & ut principia sedant, futurum omnes existimant, ut summi tibi in ecclesia Petri honores, ac praefectura deferantur: deberi quidem iam, nemo est, qui non intelligat. Quare lator equidem, ac fruor iam nunc, pro meo erga te studio, quasi praesentibus, honoribus tuis; & praecipio gaudia, quanta potest animus meus capere maxima, tua futurae dignitatis. perge modo, ut coepisti, in tuis perennibus studiis, & animum tuum pulcherrimis, teq; dignis cogitationibus exerce. uides eam uiam, qua pater tuus iuit. extant uestigia. istac euntibus rectissimus est ad gloriae cursus, offensio nulla, nullus error. quod fecisti, laudamus: sunt enim magni, uereq; laudandi, processus in uirtute tui. quod reliquum est: quia te summum illud ad decus, quod excellentibus ingenijs propositum est, tanquam ad metam peruenire cupimus; & quod cupimus, id in te ipso positum uidemus; fauemus animis, prosequimur studiis, uocibus cohortamur. Atque ego quidem, huiusce animi mei non obscurum, ut opinor, argumentum, hunc librum,



librum, qui me tacente apud omnes gentes lo-  
quetur, tibi inscriptum ad te mitto. uolo eter-  
num extare monumentum, unde homines, quid  
de te senserim, quid iudicauerim, intelligant.  
uolo, habeas ipse munus à me, unde, quid tua  
caussa uelim, coniicias; & maiora, cum or-  
nandi tui maior aliqua facultas existet, officia  
studiaq; expectes.



AD PAVLVM RHAMNVSIVM,  
IOANNIS BAPTISTAE FILIVM,  
IN CAESARIS COM-  
MENTARIOS  
præfatio.

QVI magistram uitæ dixit esse historiam; nã ille, Paule Rhamnusi, & dixisse uere, & præclare sensisse mihi uideri solet. facile enim unus homo, quid multis hominibus euenerit, cum intelligit, eruditur, atque ipse sibi normam componit actionum suarum, uitæq; totius inter omnes errores, omniaq; pericula ad ueritatem, ac salutem dirigendæ. nec aliud est nostra prudentia, quàm euentorum obseruatio, rerumq; præsentium, ac futurarum ex præteritis, tanquam ex fonte, scientia deriuata. quod ex uniuerso litterarum genere uel sola, uel certe maxime præstat historia, presertim si quis eam ita tractet, ut, euenta dum notat, animum referat ad causas, in easq; attente inspiciat, & rationem quærat, cur hoc factum, illud omissum, cur ex illo calamitates, ex hoc optata contigerint. Atque hoc primum est de historiæ fructu. sequitur dignitas. Res gestæ narrantur inter summos Reges, potentissimas ciuitates, bellicosissimas nationes.

FF causæ



causæ porro bellorum sunt, quæ sunt humana-  
rum rerum maximæ, imperium, salus, glo-  
ria: quæ ponuntur in armis omnia, & à con-  
silio ducum, à uirtute militum, ab ipsa fortu-  
na pendent. Neque uero dignitatem quidem  
habet, ac fructum, uoluptatem autem histo-  
ria desiderat. nam si uoluptas est, quam ma-  
gnarum uariarumq; rerum aspectus animis no-  
stris infundit: nulla pulchrior species, nulla  
gratior, nulla prorsus historia iucundior. ui-  
des, ut in tabula picta, aduersa ducum excel-  
lentium stratagemata, artes, insidias; spem  
potiundi, metum amittendi; cæsos exercitus,  
urbes captas, imperia deleta: age, fortuna  
commutata, cadere insultantem, uictum exur-  
gere; eodem pene momento lætitiā pelli mæ-  
rore succedente, mæroremq; lætitiā. hæc dum  
legimus, haurit animus uoluptatem incredibi-  
lem, aliturq; pabulo suauissimo, nec satiatur,  
donec ad exitum peruenerit. Cyrus ille, Per-  
sarum Rex, qui orientem subegit, Pyrrhus  
Epirota, castra metandi laude præter ceteros  
insignis, & duo illi, barbarorum omnium cla-  
rissimi, Alexander Macedo, & Annibal,  
præterea de Græcis Themistocles, Agesilaus,  
Epaminondas, quo modo, cum eorum facta  
commemorantur, animos nostros afficiunt? ex-  
pectatione suspendunt, pascunt gaudio, metu  
mace-



macerant . uerum hæc maxime Romana pa-  
tent in historia : quæ uel diuturnitate , ac ma-  
gnitudine bellorū , uel uarietate fortunæ uber-  
rimam exemplorum in omni genere copiam  
suppeditat . Romana porro uiri præstātes mul-  
ti cum litterarum monumentis tradiderint ; quo-  
rum ingenijs , quæ cuique merces gloriæ pro cu-  
iusque facultate debebatur , ea posteritatis iu-  
dicio persoluta ; eminet inter omnes , mea sen-  
tentia , ( nec uero secus antiquitas sensit ) pri-  
mumq̃ ; sibi dignitatis gradum C. Cæsar iure  
uindicat . nam & uixit qua plurimum ætate  
Romæ floruit eloquentia : & coluit ipse elo-  
quentiam præter ceteros : rebus uero gerendis  
non interfuit modo , uerum etiam præfuit : quo  
factum , ut usum quoque , qui ualet in scriben-  
da historia multum , cum doctrina coniunxe-  
rit . extant , bono quodam litterarum fato , præ-  
clari illius de bellis ipso duce gestis commenta-  
rijs ; qui se non solum omnibus omnium histo-  
rijs æquare , uerum , ut omnes fatentur , an-  
teferre etiam uidentur . Breuitatem scis in ora-  
tione magnam esse laudem , cum eo tamen , si  
uitetur obscuritas . facile enim , dum illam se-  
quimur , in hanc incidimus . quod in Thucydi-  
de uitium Cicero notauit , cum esset alioqui scri-  
ptor egregius . At uero C. Cæsar , cum breuita-  
tem maxime omnium adamauerit , ita tamen

FF 2 pressus



pressus est, ut eodem nihil fieri possit illustrius.  
 proprie loquitur, & significanter: ornamen-  
 torum tantum habet, quantum in exponenda  
 re decet. nam elaboratam studiosius orationē,  
 nimiaq; excultam elegantia prudentium au-  
 res non modo in commentarijs, uerum in histo-  
 ria quoque respuunt. Hic tibi est, Rhamnusi  
 optime, mihiq; multis nominibus carissime, in  
 manibus habendus, tractandus assidue, obser-  
 uandus, ediscendus: ut eum penitus, si fieri po-  
 test, aut certe quantum potest, imitatione ex-  
 primas. nam cum tibi Veneta resp. bellum il-  
 lud memorabile, omniumq; difficillimum, quod  
 Henrico Dandulo Duce aduersus Byzantios ge-  
 stum est, latina oratione tradiderit explican-  
 dum; magnisq; etiam tuam industriam præ-  
 mijs honestandam decreto publico censuerit:  
 debes eniti uehementer, ac omnes ingenij tui  
 neruos contendere, ne quis te tanto imparem  
 oneri fuisse unquam putet. Atque ego quidem,  
 qui te fero in oculis, qui tuæ gloriæ faueo, cum  
 in ipsam rem intueor, grauem sane, admo-  
 dumq; difficilem, paululum commoueor: rur-  
 sus, cum ad ingenium tuum, ad industriam,  
 ad illos animi tui præclaros ad laudem impe-  
 tus mentem & cogitationem refero, facile con-  
 firmor, & huiusce tibi commissi muneris eum,  
 quem cupio, id est plane gloriosum exitum ex-  
 pecto.



pecto. Verum, ne sint in te ipso, quæ sunt; & sit hæc, quæ tibi ineunda uia est, quantumuis lubrica, incerta, impedita: an tu potes labi, potes errare, potes usquam offendere, ducem secutus patrem tuum, Ioannem Baptistam Rhamnusium, spectatæ sapientiæ uirum, consiliorum omnium summi X uirum collegij participem; cuius elucet in urbe nostra uirtutes eximie, nomen autem, æternis consignatum atque impressum ingenij monumentis, per orbem terrarum fama dissipauit. is te sua doctrina instruet, consilio monebit, prudentia reget. at quo studio? quo scilicet pater filium, & quo talis pater talem filium debet. nec sane uideo, quem deceret magis, aut in quem hæc aptius, quàm in te, provincia conueniret. nam cum eas res, quæ tibi sunt latinis litteris tractandæ, magna ex parte liber, ut audio, contineat Gallica scriptus uetere lingua, tum ipsa perobscura, tum multis præterea diuersarum linguarum uocabulis permixta, atque confusa; eum porro librum pater tuus & unicum habeat, et unus ipse (de nostris quidem hominibus) optime omnium intelligat: sapientissime, ut in omni re semper, ita proximis mensibus decretum à X uiris est, ut hæc tibi potissimum Venetæ pars historiæ mandaretur, cuius haurire scientiam non aliunde, quàm ex tuis ædibus,



licebat. Ego quidem, etsi intelligo, qui sis, quàm te delectet uerus honor, quàm tua sponte incumbas ad decus; tamen hortor te, sensus huc omnes tuos, cogitationesq; conuertas; excites ipse te; consideres etiam atque etiam, quid susceperis, à quibus commissum, qua tua aetate, qua omnium expectatione. Venetam scribis historiam, nec uniuersam, sed quod in ea maxime putatur excellere: scribis Principum reip. decreto: scribis adolescens: qua aetate magnas res aggressos uel insignis admodum manet gloria, uel temeritatis nota sempiternæ. Quibus ex rebus, & quòd ante studiorum tuorum præstantes fructus edidisti; & quòd patris tui uirtus tua uirtus putatur, nec tibi sunt petenda extrinsecus quæ domi tuæ nascuntur; orta est inter homines opinio, historiam te nobis daturum egregiam; in qua Venetæ urbis ita narres præclara facinora, ut aliena cum laude tui nominis immortalitatem coniungas. quod ita futurum, mihi persuasum est, si te ad legendos assidue Cæsaris cōmentarios cōtuleris, eorumq; ad imitationem, et quasi imaginem totum effinxeris. hoc enim in genere nihil habent perfectius latinæ littæ: & eos, quo tibi essent, tui iuris quodam modo facti, cariores aliquanto, cum hoc tempore nostris ex adibus haud paulo, quàm antea, emendatiores exirent, uolui in tuo



tuo nomine apparere, multis in hanc mentem  
 causis, usq; minime vulgaribus adductus. nā,  
 ut omittam, quod historiam scribenti nihil a-  
 ptius, nihil omnino his commentarijs utilius  
 quisquam dixerit: ualde me commouit multo-  
 rum annorum, ac pene saeculorum in fouendis  
 optimarum artium studijs praeclara tuae gentis  
 consuetudo. ac uolo mihi, quod attinet ad illa  
 uetustiora, silentium imponere: uenio ad ea,  
 quae propius ad aetatem nostram accedūt. Auo  
 tuo, cuius tu nomen, & una cum nomine uir-  
 tutem refers, quis in omni uita uirtutem ama-  
 uit ardentius? qui cum in litteris usquequaque  
 excelluerit, tum uero iuris ciuilis cognitionem  
 egregie consecutus est: eiusq; rei testes habuit  
 amplissimas Veneti imperij ciuitates, in quibus  
 tum ciuiliū, tum capitalium rerū iudijs, ma-  
 gna pariter & integritatis, & doctrinae laude,  
 praefuit. Mitto Hieronymum, patrum tuum,  
 medicinae, ac philosophiae studijs praestantem:  
 qui cum in Syriam eo consilio esset profectus,  
 ut Arabicis litteris imbueretur; paucis annis  
 tantum profecit, ut plerosque Auicennae li-  
 bros in latinam linguam egregie conuerterit.  
 Alios quoque possū de tuis maioribus, hac lau-  
 de praestantes, minime paucos inuenire: sed pa-  
 rente tuo contentus uno esse possum: quo sem-  
 per in hac ciuitate non solum amico, uerum



etiam patrono eruditi homines usi sunt, neque sibi ornamenti, aut praesidij plus in eius amicitia, atque auctoritate, quam commodi repositum in benignitate senserunt. Accedit illud, quod idem pater tuus cum in Gallia, reip. caussa, diu uixerit, eamque prouinciam, Rege Ludouico XII, uniuersam fere peragrauerit; magnam eorum locorum partem, de quibus mentionem in his commentarijs fieri uides, praesens ipse nouit, eaque tibi in sermone, non secus ac in tabula picta, diligenter, uerissimeque ostendere solitus est. itaque, cum hunc librum ad te statui mittere, illud intellexi, magistrum te habere excellentem in hoc rerum ac locorum Gallicae prouinciae studio, parentem tuum: quosum aliquanto magis in suscepto consilio confirmatus. Tibi uero displicere meum erga te officium non existimo. mihi quidem ipsi ob eam causam gratissimum fuit, ut ex tenui munere beneuolentiam in te meam perspiceres: quaecum a parentum nostrorum coniunctione, quannulla maior esse potuit, originem duxerit, quotidie tamen augetur studijs erga me tuis, maxime uero causis ijs, unde facile manat amor, uirtute, ac probitate, quarum altera tuis in scriptis, altera in moribus elucet.

Ad



AD ANTONIVM TRIVLTIVM  
CARDINALEM,  
IN HISTORIAM  
SALLVSTII  
præfatio.

CVM omnes me litteræ, omnisq; libero homi-  
ne digna cognitio uehementer delectat, Anto-  
ni Triulti Cardinalis amplissime: tum uero pa-  
scor incredibili uoluptate, & afficior maiorem  
quendam in modum sensibus intimis, dum hi-  
storiam tracto. quid enim potest esse iucundi-  
us? Rerum interitus obliuio est. at eæ reuiu-  
iscunt historia, cum in nostram memoriam re-  
uocantur: quæq; multorum annorum spatio,  
multis abhinc sæculis gesta sunt, ea nos, exi-  
guo uolumine comprehensa, & tanquam in  
conspectu nostro posita, cognoscimus. Si ser-  
monibus delectamur: resonat in scriptis homi-  
num uox eloquentissimorum, nihil temere, ni-  
hil incompote narrantium, omnia grauitè,  
suo quidque ordine, & loco. si consuetudine  
clarorum uirorum: uersamur, uetera legen-  
tes, cum Regibus, cum Principibus uiris, ma-  
gnis in bello ducibus, sapientissimis rerump.  
rektoribus: ora ipsa mehercule, lineamenta,  
& formam non tam corporis, quàm animi,  
eorum,



eorum, quos nunquam uidimus, uidemur tamen quasi praesentes intueri. Quod si recte instituenda uitae ratione ac doctrinam sequimur: usu maxime rerum quaeritur prudentia. usus est, uel cum experimur ipsi, uel cum, experiētibus alijs, quid euenerit, obseruamus. nobis ipsis, experiri multa si uelimus, facile non licet. labore opus est, ac tempore: & fortuna tentanda; nec tentatur interdum sine periculo. comodius ergo, ac tutius, euentis aliorum examinandis, prudentia comparatur. id autem, profecto uides Antoni doctissime, ac sapientissime, proprium esse historiae bonum: in qua patent fortunae uicissitudines, regnorum mutationes, hominum siue uitia, siue uirtutes: ex quibus, quae uitanda nobis sint, quae expetenda, nullo nostro periculo, nullo labore, sedentes in ocio docemur. Atque hoc in genere Polybius inter Graecos, de nostris maxime is, cuius nunc libros tibi inscriptos emitto, Sallustius excellit. euenta enim ita narrat, ut causas simul aperiat. ex quo oritur illa omnium pulcherrima scientia, ut, malorum, & calamitatum origine perspecta, nihil agamus, nisi quod ratio praescribit; omniaq; nostra consilia, omnes actiones ueterum exemplorum regula metiamur. Quae cum sit omnium, qui annales antiquorum euoluunt, communis utilitas:

alia



alia quædam tua conditio est. habes enim historiam in familia tua: neque tibi, si quid inuenire uis egregium, & imitatione dignum, confugere ad libros necesse est, neque longius euagari, & quasi peregrinari animo, ac mente, more multorum. domo petas, licet, omnium uirtutum exempla. persequere maiores tuos cogitando. quæ fuerit eorum in pace iustitia, in bello uirtus, in omni fortuna moderatio, si attendes, nihil ad gloriam domesticam requires. iustus Aristides, prudens Themistocles, fortis Epaminondas: de Romanis multi, multis eximijsq; uirtutibus insignes. horum alij facta dum legunt, bonas artes ex eorum uita discunt, & ad easdem res, eademq; studia laudis cupiditate rapiuntur. at tu refer animum ad tuos maiores. eminere uidebis, instructum egregijs artibus, Ioannem illum Iacobum Triultium, magni animi, summi consilij uirum, scientia rei militaris ætate sua facile principem; præterea, iustum, liberalem, abstinentem, plane, præter decus, & gloriam, nihil in uita cogitantem. Nam de laudibus Hieronymi, parentis tui, quia tecum quasi loquor, ne seruire tuis auribus uidear, nolo multus esse: tantum dicam; quàm diu uixerit, Gallicam rem in bello floruisse; postea quàm, hostium multitudi-

ne



ne oppressus, fortiter pugnans in acie perierit, concidisse. tantum in uno uiro momenti fuit, ac roboris. Age, sint hæc, ut ita dicam, in campestri quadam luce posita: quid? in urbe Roma, id est in omnium gentium celeberrimo theatro, non spectata, probataq; uehementer est trium tuæ gentis Cardinalium doctrina, religio, sapientia? ut, Triultiorum nomine multorum uocibus in multas partes dissipato, non ipsa tantum Roma, sed omnis plane Italia, omnis, ubi colitur humanitas, Europa personaret. Omitto alios: sunt enim multi: nec tu quenquam ignoras: non enim sunt ex imaginibus, aut ex illa colorum inani specie maiores tui cognoscendi. querenda tibi facies tuorum non est. clari sunt ex recte factis: uirtute distinguuntur: cum alius in alia, in omnibus simul omnes enituerint. Quæ tu quoniam à primis annis ad hanc ætatem non modo cogitasti, uerum etiam uita, ac moribus expressisti; propterea te, Episcopatu Tolonenſi iam antea insignitum, legationibus honestatum, primum Perusina, & Auenionensi, in quibus miram iustitiæ laudem tulisti, deinde ad Regem Gallie, & ad Venetam Remp. ubi prudentiam, ubi grauitatem incredibilem præstitisti, proximis diebus Cardinalem creauit Paulus III. Pontifex omnium optimus,

PR  
mus, omni  
uerissimo in  
moribus, ita  
ueritis præ  
liberalissime  
tuam animi  
rationem uel  
det; qui sum  
ad te, multis  
ris, ut nemo  
ter quidem a  
aut ullo corpe  
patuit, quod  
tari quandoq;  
gis ipsam dili  
rem esse præ  
se; magnos il  
qui laudabili  
cupiant, ita  
pant, quasi  
quod in te  
obseruatur  
dem studiosi  
ipse autem  
es. nemo ex  
gressu: tui  
mibus hu  
lencia fori



mus, omniumq; maximus, iudicio præditus  
 acerrimo in æstimandis hominum ingenijs, ac  
 moribus, itaq; animatus, ut, quæ cuiusque  
 meritis præmia debentur, ea libentissime, ac  
 liberalissime persolvat. in quo, nemo est, qui  
 tuam animi singularem æquitatem, ac mode-  
 rationem uehementer non admiretur, ac lau-  
 det; qui summæ nuncium dignitatis, cum est  
 ad te, multis præsentibus allatus, ita accepe-  
 ris, ut nemo, te commotum, nemo, ne leui-  
 ter quidem affectum, ex uultu, aut oratione,  
 aut ullo corporis gestu potuerit intelligere. ita  
 patuit, quod ab insipientibus ambigi, ac dispu-  
 tari quandoque solet, à bonis uiris uirtutē ma-  
 gis ipsam diligere, quàm uirtutis insignia; hono-  
 rem esse præmium recte agendi, finem non es-  
 se; magnos illos, ac præstantes esse homines,  
 qui laudabiliter ita uiuant, quasi laudem per-  
 cupiant, ita laudem, aut dignitatem exci-  
 piant, quasi nihil minus antea cogitauerint.  
 quod in te & animaduersum est maxime, &  
 obseruatur quotidie magis. colere enim te qui-  
 dem studiosius, quàm antea, omnes uidentur:  
 ipse autem, qui antea fueras, idem omnibus  
 es. nemo excluditur sermone tuo, nemo con-  
 gressu: tui omnibus copiam facis: eandem o-  
 mnibus humanitatem ostendis. Sequitur inso-  
 lentia fortunam: comes est rerum secunda-  
 rum



rum arrogantia: tu mansuetudinem amas: tu continentiam, tu benignitatem perpetuo retines. iure ergo hoc etiam nomine Cardinalis es: iure habes hanc, quòd tui te pro Petri ecclesia suscepti labores extulerunt, maximi sacerdotij dignitatem. & nunc tu quidem comitatu stipatus honestissimo familiarium tuorum, multo tamen insignior, atque ornatiores cohorte tuarum uirtutum, quæ tibi comites ubique sunt, Romam redibis expectatus, expectitusq; , columen futurus Christianæ reip. splendor sacri collegij, ornamentum familiæ tuæ. I, decus Italiæ, amor, ac deliciae bonorum omnium, dijs bene iuuantibus, ad eam urbem, quæ sola peregrinam uirtutem excipit, sola ornat honoribus, sola dominam facit rerum omnium humanarum. nos autem, quibus tuam iustitiam, tuam benignitatem ostenderas, læti tua dignitate, mæsti discessu, te prosequimur abeuntem optimis ominibus; fauimus animis, precamur linguis; uota prorsus eadem, quæ pro parentibus, ac liberis nostris, pro tua salute suscipimus. Atque ego, in hac omnium eximia lætitia pariter & molestia, præcipuo quodam dolore diuellor; quia fato nescio quo meo contigerit, ut, quàm diu Venetijs fuisti, ego semper afflictus importuno morbo iacuerim: quo etiam nunc langueo: &



& ad morbum accedit ægritudo : quoniam  
 quidem , alijs ad te adeuntibus , deq; ista di-  
 gnitate gratulantibus , ipse excludor unus , nec  
 possum meæ summæ erga te obseruantia præ-  
 senti officio satisfacere . hac tamen spe suslen-  
 tor , quòd humanitas ac sapientia tua facile  
 fortunam à crimine seiunget . consilio aliquid  
 peccatur : accuses : iure feceris . culpam au-  
 tem in ijs rebus , quæ non à uoluntate nostra  
 pendent , sapiens nemo unquam dixit esse .  
 quare nec tu mihi , quia non ualeo , uitio dan-  
 dum putabis : & hoc ipsum , quia , me non ua-  
 lere , non tam corporis , quàm officij causa do-  
 leo , laudi etiam fortasse tribues . equidem ha-  
 beo non uoluntatis modo testem , uerum etiam  
 studij ac beneuolentiæ auctorem in te meæ , ho-  
 minem honoratum , & cum omni uirtute ex-  
 cellentem , tum uero omnium , quos ego in ui-  
 ta uiderim , humanissimum , Petrum Carne-  
 seccum Protonotarium ; qui te amat egregie ,  
 facitq; plurimi , tuasq; laudes utraque manu  
 ad astra sæpe tollit . uerum ego non id solum  
 specto , mea ut uni tibi pateat obseruantia .  
 illustrabo eam , si potero , meis aliquando scri-  
 ptis , & patefaciam omnibus gentibus . inte-  
 rim , ut hæc tibi nostra ex aliquo signo uolun-  
 tas illucescat , præclaram edo tuo cum nomi-  
 ne Sallustij historiam : cui tu si locum dabis in-  
 ter



ter eos libros, qui ab oculis tuis abesse non solent; uigebit apud te nostri memoria: quoties eam uidebis, toties animo tibi occurram; adeo tibi saepe absens; tacitus saepe tecum loquar; meq; esse de tuis familiaribus unum, de ijs maxime, qui operam tibi assiduam praebent, qui tuo potissimum honori seruiunt, existimabis. quod ut ita sit, uehementer opto: & si assequor, feram in caelum istam humanitatem, colam animo; tuebor officijs, & imitabor, quantum potero: studio certe, si minus re licebit, tibi ut satisfaciam, elaborabo.

AD ALOYSIVM GARZONI-  
um, in libros XXIII de lingua latina, qui Calepini nomine circumferuntur, praefatio.

CONSTARE tibi puto, Aloysi Garzoni, cum ad res praecclaras natus homo sit, quippe qui solus ex omnibus animantibus munere rationis ac mentis excellat, nullam tamen artem eodem tempore & inuentam simul esse, & absolutam. omnes humili tenuiq; ab initio profectae, paulatim quasi per gradus ascendentem, ad id, quod summum uidetur esse, perueniunt. hoc & in litteris accidit, maximeq; quibusdam



quibusdam in libris, qui eiusmodi sunt, ut, semel atque iterum aucti, locupletari tamen, atque ornari deinde possint. quo ex genere bonum fatum Calepinus sortitus est, cui quotidie fere omnes homines de suo largiantur. certe enim illius dictionarium, quod nunc emitimus, non tam ipsius industria, quam aliorum labore studioque in tantam altitudinem excreuit. unum tamen desidero, quod illi, quibus illud propositum fuit, ut in hunc librum quamplurima congererent, id ipsum, quod fecerunt, ut adderent, facere consideratius diligentiusque potuerunt. quorum enim in herbarum montiumque nominibus colligendis diligentes sumus; uerba autem latinae linguae illustra maxime, ac significantia, quae nescire nemo uult, in augendo Calepino negligimus? ergo ipsi hoc potissimum spectauimus: & opinor, tantum praestitimus, quantum qui, hoc dictionario cum alijs dictionarijs conferendo, cognoscet, non dubito quin de hac opera nobis & faueat, & bene precetur. non enim libet hic commemorare, quae quibus in uerbis sint à nobis addita: nam sexcenta sunt, neque sumpta ex apertis aliorum librorum indicibus, sed ex ijs latinae linguae fontibus, ad quos peruenire cuius non licet. utrum autem ipsi peruenerimus, res ipsa indicet. In eo etiam ab aliorum

GG instituto



instituto discrepauimus, quòd alij tantum, ut  
 addant, quæ utilia putant, elaborant; nos e-  
 tiam, quæ non utilia sunt, & discendi cupidis  
 contraria, quæ scilicet Calepinus ipse non recte  
 percepit, hæc, inquam, dedimus operam, ut  
 de libro, tanquam de tritico lolium, exime-  
 remus. addidimus, mutauimus, sustulimus,  
 prout res postulauit. dictiones certe græcas,  
 ex multiplici lectione deprauatas, ut est fere,  
 nisi diligenter caueas, corruptrix librorum ty-  
 pographia, tam multas correximus, ut, quod  
 fabulosum est, nos dicere *ἰσοπικῶς* possimus,  
*Augeæ stabulum* à nobis esse repurgatum.  
 Nostrum etiam in hoc opere proprium illud  
 putamus, quòd, cum alij in addendo supra mo-  
 dum curiosi fuerint, ut liber excresceret; nos  
 contra, ne quid præter rem adderemus, su-  
 perstitiosi fuimus, nec minus in execando di-  
 ligentes. ut in dictionibus græcis, latinarum  
 ordini insertis, uel potius intrusis, multas,  
 quasi de alieno loco, migrare coegimus. exem-  
 pli gratia inter latinas dictiones quem locum  
 habere potuit *catabathynus*, aut *hodædocus*,  
 aut *pseudonymus*, & huiusmodi, quæ à lati-  
 nis scriptoribus latine pro exemplo adducta  
 minime reperiatur: quæ propemodum innume-  
 rabilia sustulimus, eodem iure quo latina uoca-  
 bula de Græco dictionario tolleremus. Et quo-  
 niam

P R  
 niam hoc a  
 strinam, n  
 facile futu  
 ptum exire  
 moris erga  
 in me tua,  
 tui me suau  
 manitas, si  
 dam uirtute  
 alliciunt. n  
 sis Venetæ r  
 tis, aut qui  
 omnibusq;  
 Suriano Leg  
 borum omni  
 gem, sis pro  
 ut & hæc ti  
 rifica, mun  
 animi tui be  
 igitur hic li  
 tum beneu  
 grati uero  
 sed quale  
 tum. tu a  
 lmitatem  
 per direct  
 tam litter  
 quod ego



niam hoc uolumen , ob uariam infinitamq; doctrinam , multorum per manus circumfertur : facile futurum putari , ut , si tibi à me inscriptum exiret , significationem multis daret amoris erga te mei . nam , ut omittam merita in me tua , quæ nulla unquam delebit obliuio , tui me suauitates ingenij , tua incredibilis humanitas , singularis probitas , eximia ad colendam uirtutem animi propensio ad amandum alliciunt . non enim ideo mihi carus es , quia sis Venetæ reip. omnium amplissimæ , à secretis , aut quia nunc una cum uiro clarissimo , omnibusq; uirtutibus ornatisimo , Michaelis Suriano Legato , particeps & minister consiliorum omnium ad Philippum , Hispaniæ Regem , sis profectus : sed , quia talem te præstas , ut & hæc tibi , admodum ampla , atque honorifica , munera iure deferantur , & egregijs animi tui bonis maiora quoque debeantur . Sit igitur hic liber & tibi , & reliquis argumentum beneuolentiæ meæ , testimonium iudicij , grati uero animi , non omnino quale uelim , sed quale possum hoc tempore , monimentum . tu autem istam præclaram in nos uoluntatem conserua : & , quo instituisti cursu , per directam , maximeq; expeditam , ac certam litterarum uiam ad gloriam contende . quod ego quidem , qui tuos sensus , tuos ad lau-



PAULI MANVTII

*dem impetus optime teneo, ita opto, ut sperem, ita spero, ut futurum mihi persuadeam. idq; etiam reliquis prædicare non desino.*

AD MICHAЕLEM  
GHISLERIVM,  
CARDINALEM,

in librum de locutione Dei,  
Academiæ Venetæ nomine, præfatio.

**R**ERVUM humanarum exitus, quàm uaria sint hominum consilia, declarant. quòd si quis bene cogitat; sequitur, ut idem laudabiliter agat. recte autem agentem, nihil unquam frustrabitur, nihil fallet. Decet igitur nos optima spe niti, admodumq; firma, quibus, in condenda, atque instituenda Academia nostra, nihil, præter Dei gloriam, & communem hominum utilitatem, propositum fuit. Neque uero actiones nostræ, ut speramus, eiusmodi erunt, ut hanc ad optimas res animorum nostrorum incredibilem propensionem ambigue aliquis interpretari, aut in dubium reuocare possit. appa- rantur quotidie summa cura, & edentur à nobis diuina doctrina referti, qui pietatem, ac religionem complectuntur, illustres libri.

✠

P  
interim  
gus nostr  
tione De  
i mentibus  
a gloria,  
que duabus  
ui, tuo non  
quod, (susc)  
nihil præter  
augendam  
ia proficisci  
tibus, quàm  
officium i  
catum, ma  
deinde, que  
mitti equum  
studia in om  
bus, & hon  
sam de Deo  
ratissime qu  
na uita rat  
tiam, salu  
diuerteran  
consilio, n  
hil obscur  
nihil de te  
patent ma  
mia tua



& interim, quasi specimen quoddam, aut pi-  
 gnus nostrae uoluntatis, egregia quaedam de lo-  
 cutione Dei, ab excellenti uiro conscripta, pi-  
 is mentibus, ac sacrarum litterarum, id est ue-  
 rae gloriae, studiosis communicanda censuimus.  
 quae duabus maxime de caussis, praestantissime  
 uir, tuo nomine decuit esse inscripta: primum,  
 quod, suscepto Academiae nostrae patrocinio,  
 nihil praetermittis, quod ad eam ornandam,  
 augendamq; pertineat: & nos, quae à te offi-  
 cia proficiscuntur, quibus animis, quam liben-  
 tibus, quam gratis excipiamus, aliquo item  
 officio tum ipsi tibi, tum ceteris omnibus indi-  
 catum, maximeq; perspicuum esse cupimus:  
 deinde, quae de Deo loquuntur, ad quem potius  
 mitti aequum fuit, quam ad eum, qui diuina  
 studia in omni suae uitae cursu cunctis & opi-  
 bus, & honoribus anteposuit? qui cum uniuersam  
 de Deo, diuinisq; rebus doctrinam accu-  
 ratissime quaesivit, tum uero cum ipsa doctri-  
 na uitae rationem coniunxit, & ut omnes re-  
 ctam, salutaremq; uiam tenerent, aut, qui  
 diuerterant, in eam reuocarentur, studio,  
 consilio, monitis, auctoritate contendit. ni-  
 hil obscure fama loquitur de tuis uirtutibus.  
 nihil de te aut exiguum, aut dubium affertur.  
 patent multis, ac certissimis argumentis exi-  
 mia tua in Christi Ecclesiam merita: colunt



## PAULI MANVTII

te omnes ob doctrinam : imitantur multi ob integritatem : amant ob humanitatem , maximeq; ob rectam , ac simplicem naturam , ab omni fūco , omniq; fastu longissime remotam . præconem uero tuarum laudum omnibus horis audimus eum , qui summa ipse laude dignus est , Federicum Badoarium , auctorem , & conditorem , Deo duce , Academiæ nostræ : cui quidem uiro tum uitæ probitas , tum ex assiduo studio doctrina , & ex diuturno rerum usu prudentia fidem , atque auctoritatem in omni sermone conciliat . ipso igitur non modo approbante , uerum etiam hortante . præclarum de Deo libellum , grauem sententijs , illustrem uerbis , ad te mittit , tuoq; dicatum nomini cum omnibus gentibus Academia nostra communicat . quæ cum se tibi , suo primum iudicio commota , tuis deinde meritis impulsæ , penitus addixerit , eandem obseruantiam in omni uita præstabit , & , ut eam futuræ quoque gentes intelligant , ipso , ad quem omnia referimus , summo Deo opem ferente , aliquo merito consequemur . Tu interim , quando iam hoc tribuisti humanitati tuæ , ut nos susciperes ; tribue idem constantiæ , ut susceptos tuearis , ac foueas , ita tamen , si nos tuo præsidio , ac studio dignos , id est nostra ingenia in optimis artibus exercentes , nostrasq;



*fratq; uoluntates ad unam uirtutem dirigen-  
tes, & audies, & re ipsa cognosces.*

AD ANTONIVM CARLONEM,  
Allifarum principem, in Sannaza-  
rii poemata praefatio.

V T est praclarum, ornatissime Princeps, in ar-  
te poetica excellere: sic ea cognoscere, quibus  
ad illam laudem perueniatur, maximum quid-  
dam, ac difficillimum est. fallitur enim, si-  
quis absoluti poetae partes in eo positas arbitra-  
tur, ut, cum metiendi carminis rationem op-  
time perceperit, cum elegantissimarum uo-  
cum suppellectilem quasi quandam sibi com-  
pararit, addo etiam cum materiem animo co-  
prehensam ordine quodam atque artificio dislin-  
xerit, hisce rebus tanquam egregie munitus  
ad scribendum se conferat. grauiora sunt, quae  
requiruntur, & ex abditis plurimarum artium  
ac doctrinarum fontibus haurienda. nam cum  
eius consilium, qui hoc in genere elaborat, uel in  
primis id spectare debeat, ut, uoluptati uer-  
sum utilitate sententiarum admiscenda, nihi-  
lo minus lectorem moneat, quam oblectet;  
monita uero illa plerunque necessaria sint, ut  
in uitis summam turpitudinem inesse, in uirtu-  
tibus summam gloriam, ostendatur: quo mo-



do hoc sine philosophiæ cognitione prudenter ac perite poterit efficere? Iam, si res exigat, ut aut de cæli stellarumq; ratione, aut de regionum terrestrium ac maritimarum situ dicendum sit: certe hos locos non poterit, nisi qui Astrologiam & Geographiam attigerit, commode tractare. itaque si quis huius facultatis studium eo complexus animo est, ut aliquando, quæ litteris mandare studuerit, ea se speret, ueluti pictorem egregium, omnibus artis coloribus illustraturum: is omnium fere disciplinarum scientiam, quæ ad bene beateq; uiuendum pertinent, ne prorsus ignoret, necesse est. Quod si ad assequendum poetæ nomen ubertatem illam ingenij à natura datam satis esse putat; atque hac una instructus, faciliè audet canoros illos quidem, rerum tamen inanes uersus uel domi pangere, uel in triuijs ad populi aures effundere: statim ab intelligentibus exploretur, neque solum imprudens, aut parum uerecundus, sed etiam plane stultus, ac temerarius habebitur. Quo minus est mirandum, si, ut hac arte præstarent, quam paucissimis contingit; cum in omni præterea liberalium doctrinarum genere plurimi semper floruerint. Sed egregiorum poetarum multo etiam maiorem hac nostra tempestate, quam priscis temporibus, penuriam esse constat: siue quod sæculi felicitas



*felicitas illa fuit : siue, quod equidem magis existimo, quia non iisdem, quibus olim, prae-  
 mijs ad uirtutē nunc homines excitantur. Eo-  
 rum autem, quos in hoc genere praestantes co-  
 gnouimus, sine controuersia primum locum  
 obtinuit uir eximius, & omni laude cumula-  
 tus, Iacobus Sannazarius : cuius ingenij monu-  
 menta non uetustas, non obliuio delebit ulla :  
 ut ex tot Regum triumphis haud paulo cla-  
 rior, quā ex unius hominis doctrina, atque  
 ingenio, Parthenope sit futura. Hoc autem,  
 Princeps egregie, tui muneris fere totum est :  
 qui, cum ad summam generis nobilitatem e-  
 tiam optimarum disciplinarum scientiam ad-  
 iunxeris ; tamen hac per se, nisi accederet  
 studium de posteris bene merendi, quasi mini-  
 ma iudicans, quaecunque à doctis uiris manda-  
 ta litteris, digna, quae inter manus uersentur,  
 existimas, in apertum ut referantur, maximo-  
 pere contendis. Quo nomine ipsi profecto San-  
 nazarij manes tibi non uulgares gratias ha-  
 bent, cum eos libros, quos ille moriens tuae fi-  
 dei commendarat, peruulgandos diligentissi-  
 me curas. Qui uero ingenuarum artium stu-  
 dijs dediti sunt, ij se tibi tantum debere profi-  
 tentur, quantum persolui nullo modo possit.  
 itaque à me, qui eodem in aere sum, petere ui-  
 dentur, uniuersorum causam ut suscipiam,  
 tibiq;*



tibiq; , propter hoc officium , quid omnes de te  
 & sentiant , & loquantur , aliqua ratione si-  
 gnificem . Ego , licet ipsa te recte factorum con-  
 scientia contentum esse , nihil præterea requi-  
 rere , exploratum habeam ; tamen , ut eorum  
 honestissimo desiderio ne desim , do me libenter  
 in eam partem , in quam etiam mea sponte  
 propendebam ; & ad ostendendum non eorum  
 modo animum , sed etiam obseruantiam &  
 pietatem in te meam , hæc ipsa Sannazarij poe-  
 mata , quæ nostris typis edenda curasti , nomi-  
 ni tuo dicatum ad te mitto . Leges hic omnia ,  
 quæcunque ab eo latine scripta nunc extant .  
 primum autem erit diuinum illud , quod ipse  
 de partu Virginis inscripsit , opusculum : dein  
 Christi lamentatio : mox eclogæ quinque : quas  
 tamen decem scripserat ; sed è Gallia reuersus ,  
 has tantum , quas emisimus , & fragmentum  
 illud , quod post Salices collocauimus , inuenit ,  
 reliquis aut furto surreptis , aut per incuriam  
 suorum , quibus eas discedens crediderat , amif-  
 sis . sequuntur elegiarum libri tres , epigram-  
 matum totidem . quæ omnia tuo inscripta no-  
 mini apparebunt ; ut eius beueuolentiæ , quàm  
 Sannazario & uiuo , & mortuo præstitisti ,  
 hunc saltem fructum percipias .



# INDEX EORVM, AD QVOS

MISSAE SVNT EPISTOLAE.

<b>ALFONSO</b> Carasæ, Cardinali.	2.
Annibali Caro.	67: 68: 69. 69:
Annibali Cruceio.	160.
Andreas Duditio Sbardellato.	117. 118:
	119. 119: 120. 120: 121. 121: 122.
	123. 124. 124: 165.
Andreas Patricio.	137. 138.
Andreas Zebridouio.	110:
Antonio Augustino.	44: 44: 45: 46. 47:
Antonio Merlo.	160:
Antonio Posseuino.	27.
Antonio Verantio.	109.
<b>BARTHOLOMAEO</b> Riccio.	43.
Benedicto Accolto.	155: 156: 157.
Benedicto Rhamberto.	48.
Bernardino Maffeo, Episcopo.	17.
<b>CAESARI</b> Ferrantio.	65:
Christophoro Madrutio, Cardinali.	24:
<b>DIONYSIO</b> Lambino.	139:
<b>FABIO</b> Stella.	50. 51.
Francisco Gonzaga.	26:
Francisco Luisino.	20.
Francisco Molino.	73:
Francisco Morando.	143:
Francisco Othomano.	55. 55:
Francisco Seuero.	149.
	Francisco



# INDEX

<i>Francisco Vargæ.</i>	33.
GABRIELI Catiano.	18.
Gasparo Contareno.	154.
Gilberto Cognato.	139.
Gulielmo Paccio.	167.
HIPPOLYTO Estensi, Cardinali.	72:
Hieronymo Furnarino.	59:
Hieronymo Lippomano.	28:30:31:
Hieronymo Faletto.	34:
IACOBO Grifolo.	158:
Ioanni Baptiste Pastorio.	53.
Ioanni Baptiste Pignæ.	162:
Ioanni Baptiste Rhamnusio.	93:
Ioanni Sturmio.	56:57.
Ioanni Vincentio Pinello.	114.
LAEVINO Torrentio.	60.144:
Lazaro Bonamico.	166:
Laurentio Gambare.	145:166.
MARCELLO Ceruino, Cardinali.	15.
Marco Antonio Lombardino.	62.
Marco Antonio Mureto.	74. 74: 75: 76:
	77:78. 79. 79:80:81:82.83.83:84.
	85.85:86.87:88.88:88:89.89:90.
	91. 92:
Marco Antonio Natta.	96.96:97:98:
	99. 99:100:101.101:102.102.
	102:103:105.105:106.106:
Mario Corrado.	49.150:
	Ma-

Mario  
Michael  
Michael  
NICOLA  
OCTAV  
PAVLO  
Paulo M.  
Petro Cel  
Petro M.  
Petro  
RAINVT  
Romulo C  
SAMBVC  
Sebastian  
Silvio An  
Stephano  
VIDO F.  
Vido Lol  
Vido Pan  
Vincenti  
Vincenti  
\*  
\*



# INDEX

33.	Mario Nizolio.	40.
18.	Michaeli Sophiano.	161.
154.	Michaeli Turriano, Cenetensi Episcopo.	107.
139.	NICOLAO Nathanaelo.	146.
167.	OCTAVIANO Magio.	71.
72.	PAVLO Contareno.	21.
59.	Paulo Magnulo.	168. 168:
8: 30: 31.	Petro Celfo.	151:
34.	Petro Misconio.	111:
158.	Petro . . . .	140.
53.	RAINVTIO Farnesio, Cardinali.	1.
162.	Romulo Ceruino.	25: 141.
93.	SAMBVCO suo.	152. 153. 164.
56: 57.	Sebastiano Leoni.	60:
114.	Silvio Antoniano.	41:
60. 144.	Stephano Saulio.	3: 7. 10.
166.	VIDO Fabro.	13:
145: 166.	Vido Lolgio.	66:
15.	Vido Pancirolo.	116.
62.	Vincentio Giliano.	142:
75: 76.	Vincentio Stellæ.	53:
3. 83: 84.	*	58.
9. 89: 90.	*	147: 148.

# INDEX



INDEX EORVM, AD QVO  
missæ sunt præfationes.

AD Alexandrum Cæsarinum, Cardinalē.	177:
Ad Alfonsum Carasam Cardinalem.	192:
Ad Aloysium Garzonium.	224.
Ad Antonium Carlonem, Allifarum prin- cipem.	207:
Ad Antonium Aelium, Episcopum.	199:
Ad Antonium Triultium, Cardinalem.	221.
AD Benedictum Accoltum, Cardinalem.	174.
Ad Benedictum Rhambertum.	182:
AD Carolum Pisaurium.	171:
AD Diegum Hurtadum de Mendoza.	184:
AD Gulielmum Bellaium.	176.
AD Hieronymum Faletum.	209.
Ad Hippolytum Estensem, Cardinalē.	205.
AD Ioannem Monlucium, Christianissimi Re- gis consiliarium, & apud Venetam remp. oratorem.	179:
Ad Ioannem Moruillerium, Gallorum Re- gis consiliarium, & apud Venetam remp. oratorem.	203.
Ad Isabellam Villamarinam, Salernitani principis coniugem.	212:
KALENDARIi Romani præfatio.	207:
AD Marcellum Ceruinum, Cardinalem.	187:
Ad Matthæum Senaregam.	169.
Ad	

Ad Mi  
Ad Pau  
Ad Rain  
Ad Torq

car. 13. uer.  
90. I  
119. I  
141. I  
151. 2

S  
ABCD  
RST

Om  
P

VE



I N D E X

*Ad Michaelē Ghislerium, Cardinalē.* 206:  
*Ad Paulum Rhamnusium.* 217.  
*Ad Rainutium Farnesium, Cardinalem.* 190.  
*Ad Torquatum Bembum.* 214

F I N I S .

Errata sic corrigito .

car. 13. uer. 17.	Guidoni	Vido
90. 11.	Hotomanum,	Othomanum,
119. 13.	ad mitto.	ad te mitto.
141. 10.	ipsa	ipse
151. 20.	aliquod	aliquot

Series chartarum .

*A B C D E F G H I K L M N O P Q*  
*R S T V X Y y z A A B B C C*  
*DD EE FF GG.*

Omnes sunt quaterniones,  
 præter y y duernionem .

V E N E T I I S , M . D . L X .

005938551



